

世界書局印行

景印
藻堂

四庫全書薈要

集部
第一四三册
總集類



本册目次

書名及撰人	卷次	頁次
元詩選初集六十八卷卷首一卷二集二十六卷三集十六卷 清顧嗣立編		
二集	卷二十三至卷二十六	四九〇—一
三集	卷一至卷十六	四九〇—一三〇

欽定四庫全書薈要

集部
元詩選二集卷二十三

欽定四庫全書薈要卷二萬四百五十一 集部

元詩選二集卷二十三 長洲 顧嗣立 編

謝應芳龜巢稟



應芳字子蘭武進人為耿介尚節義至正初江浙行省舉三衢清獻書院山長阻兵居吳之葑門轉徙吳淞江上築室松江之旁教授之暇以詩酒自娛洪武初年逾八十歸隱橫山自號龜巢老人所著詩文曰龜巢稟子蘭紬繹經史作為文章咸

欽定四庫全書

元詩選二集卷二十三

有根祇閩人張志道評其詩雅正純潔可與傳與

礪相伯仲識者以為名言門人王著嘗請刻其詩

子蘭手摘數十篇與之曰龜巢摘稟豐城余詮范

陽盧熊弁其首次子林字瑀樹洪武十年以郡府

所舉至京師授開封新鄭縣學教諭卒所遺詩世

未刊行其傳者出朱存理鈔本云

登金牛臺

六龍城西呂城東奔一作金牛古堰卧兩虹誰築高樓一作

詳校官編修臣王天祿

臺水中止野有蔓草牛無蹤河邊青苔生白一作枯骨刀

創箭癩猶未沒問知八十一年前戰死當時皆義卒鐵

馬遁去鎧將軍大家牽羊走燕雲百二山河獻明主北

駝南象今紛紛登臨且喜得佳客鞠育青青已堪摘浮

雲世事勿復論一醉西風真上策

呈趙徵士摘索題作感賦

吳姬手執金巨羅春風笑面生紅渦主人留客長夜飲

客拜主人持酒多主人沈一作爛醉客亦醉客散扶歸主

人睡殘杯冷炙廚頭傾鄰家兒有啼飢聲

養鶴

西鄰主人翁養鶴如養客專童供鶴料稍慢童受責試

問鶴何好毛羽喜潔白又能舞蹁躑長鳴振金石客有

鶴骨清粹然含素德窮居以詩鳴冷面常菜色賦命鶴

不如可為長太息

耕隱為蕭徵士作

蘭陵溪上梅花邨世居齊梁之子孫瀕溪沃壤足禾黍

教子讀書深閉門時人笑渠生理拙渠亦笑人多履轍

春來烏犍一犁雨歲晚黃精三尺雪有時獨速舞短蓑

飯牛別作耕田歌長安車馬自塵土奈爾濯足滄浪何

君不見蘇秦為無田負郭平生不識耕田樂奴顏婢膝

謁諸侯黃金載多禍隨作君今有田兼有書夜親燈火

朝犁鉏只恐一朝富貴逼人去猿鶴笑人留不住

鮮于瑞卿還碧亭

鮮于公子平泉莊有亭翼然水中央天光雲影白日靜

菱葉荷花清露香柳下繫船魚可釣座中留客酒盈觴

門前漁浦接洮湍白鳥飛去煙蒼茫

送秦彥明

美人木蘭舟春風挂帆去舟輕疾如飛可喜亦可懼淅

江多風波越山暗煙樹孤月照蓬窗今夜宿何處

代簡蔣成玉

春來一月苦陰雨少頃雨晴邀客嬉金斗城西芳草路

水邊楊柳青離離

邀高則誠郊居小集

別多無那苦相憶賴有尺書時往來逢人為說烏寶傳
此客合貯黃金臺北風塵土歲云莫南湖水波冰欲開
扁舟短櫂日相訪元出西郭看野梅

除夕和諸葛用中韻

盡道王門可曳裾青山吾自愛吾廬新年且醉屠蘇酒
舊業重脩種植書堂上弄雛慈母喜階前繫馬故人疎
東風一樹梅花雪折得南枝報鯉魚

欽定四庫全書

元詩選二集
卷二十三

四

陳伯大先輩偕邾仲義陳容齋張子儀見過酒
邊以茶瓜留客遲分韻得茶字

白鶴溪清水見沙溪頭茆屋野人家柴門淨埽迎來客
薄酒留遲當啜茶林響西風桐隕葉雨晴南晦稻吹花
北窗幾箇青青竹題遍新詩日未斜

嘉定道中二首

黍熟湖田花鴨飛雨香秋浦蒭魚肥野翁織屨街頭賣
日暮裹鹽沽酒歸

趁潮艇子若游龍潮落橫塘日下春負郭人家星散住
水邊多種木夫容

崑山時州治移居太倉

孤峰雲疊疊舊邑草蕭蕭覓石敲新火挈舟趁早潮沙
田紅稻熟溪網白魚跳寂寞悲秋客蓬窗酒一瓢

寄邾仲儀二首

我思垂虹橋滄波綠楊津鄂鄂棣華宅瞰此江之濱荷
衣佩秋蘭野飯羹紫萼一從橋上別花發三年春相思

欽定四庫全書

元詩選二集
卷二十三

五

復相思為爾歌停雲

我思釣雪灘煙波數千頃幽人讀書罷乘風放孤艇沙
頭弄明月水底見天影鱸魚秋自肥楓葉霜自冷釣鈎
未連鰲聊此駐清景

羣鼠

羣鼠穿我墉畫出不我避蒼頭生執之赤手遭齧噬號
呼驚四廷狸奴盡呼至羣狸眈如盲鼠輩從此逝老我
氣力衰長吁夜無寐

寄惠山鑿長老字仲明號太空

太湖之陽九龍峰金田蟄爾僧中龍山頭雲出野漠漠
石眼泉落聲淙淙呵冰古硯寫墨竹掃雪幽軒看碧松
別來兩度歲年晚祇見梅花信一封

避雨

繫馬慶亭東郵亭似鶴籠一作題詩野店中長河飛白雨高樹
灑清風州界纔相接鄉音便一作不同野人來問字錯

認是揚雄一作齊梁陵寢地猶得問樵翁

欽定四庫全書

元詩選二集
卷二十三

六

無錫贈何敬存

峩峩九龍峰寒泉落冰雪美人此傾蓋為我滌煩熱世
塗自荆榛肝膽無楚楚憑高一長嘯清風滿林樾

河鮑

世言河鮑魚大美有大毒彼美吾不知彼毒間已熟其
子小如芥食之脹如菽腹腴膏血多目睥頭項縮烹燻
苟失飪禍至不轉矚或言直一死輕命重口腹爾來州
里間杯羹數家哭譬諸安與史甘用取顛覆溺愛多不明

奚止一水族作此河鮑詩達人敢忠告

瓊花行送盛克明教授歸維揚

揚州好花非不多奈爾絕品無雙何水沈香滑素玉蕊
琉璃滑葉青瑤柯東風二月花時節二十四橋香浸月
小山叢桂避芳塵東閣官梅褪殘雪向來名士多品題
枯香御史今亦知何日移春獻天子不負此花天下奇

過鄒道鄉先生墓有感

忠公天下士夙學能慎獨平生寸心赤耿耿照黃屋元
符引裾諫痛甚賈生哭上言正中宮下言斥當軸直道
時不容除名竄荒服建中及崇寧寵辱手播覆炎蒸嶺
南地文章散青馥晚歲歸故山林莊竟薶玉向來望佳
城鬱鬱暗松竹今為禾黍區春雨耕穀蘇翁仲知何歸
云仍因無告嗟余佔畢生斯文賴私淑願言理侵疆重
植宰上木愚公將移山自謂計已熟精衛欲填海可奈
力不足傷心復傷心殘碑卧荒麓

喜復鄒忠公墓田賦絕句十首謝兩郡侯錄二

欽定四庫全書

元詩選二集
卷二十三

七

府公遺愛霑幽壤禮部文章勒翠珉寒食清明人灑飯
落花飛絮鳥啼春

里翁猶記前朝事五馬年年上冢來白鳥能言高桂古

黃楊合把細花開

養竹成大林

以下二首摘
柔題作感興

養竹成大林頻年竹生孫美竹非不多惡竹亦已繁羣
奴為洗之往哉聆我言美者慎勿傷去惡必去根勿虞
爾斧缺勿憚爾力煩宿莽蕩無餘清風仍滿園

欽定四庫全書

元詩選二集
卷二十三

樹頭鴉舅鳴

樹頭鴉舅鳴農人起耘苗問之爾何忙良田莠驕驕去
年耘較遲草蔓全力寡稂莠非不除卒以害吾稼吾聞
農人語猛省天下事養虎當害人玩寇亦如此

三五七言

角蛇啼翼虎飛百年鳳皇壞五色鸚雛飢盲風怪雨連

三月青天白日無寧時

歲莫獨歸

浩浩北風吹戰塵還鄉無復見鄉人四郊荒草斜陽外
一樹寒梅野水濱偶有新詩題甲子勿驚初度過庚寅
僧廬夜宿明朝別默念我蒿淚滿巾

西膠山下雪晴

寫呈無錫州尹遂蒙
罷吳家渡築城之役

一夜雪深二尺強石人墮指冰蠶僵猶喜金烏兩翅凍
不折天明飛出海上之扶桑老夫晨起膠山下風景看
來渾似畫連山萬頃玉為田隔水數家銀作舍田中築
城團義兵日高未飯飢腸鳴黃泥凍地硬如鐵白柄短

欽定四庫全書

元詩選二集
卷二十三

鉏鏗有聲不辭受寒餓但恐虧工程將軍踏雪來點名

萬夫鵠立顛且驚馬前壯士五色關棒頭性命鵝毛輕

余生悔不習兵法雪夜擒吳書奏捷容攔抱膝漫悲歌

奈爾義兵寒若何

丹陽陳天倪及其弟剛中奔牛陳心遠諸羽士

避兵洞庭山寄此代簡

洞庭林屋聚羣山

一作松喬一
別兩經年

問訊曾逢賣橘船湖上

白魚多滿尺

一作鷓
堪結社

山中朱果不論錢仙家犬吠雲連

屋澤國龍吟月滿一作水接天辟穀有方煩寄我一作能寄否吾

將多與世人傳一作老夫悲鬢雪紛然

寒食日聞鄉信口占

鄰舍驚呼避蝮蛇老妻嗔怒唾烏鴉誰知昨夜三更雨
又送春風一度花寒食清明人上冢夕陽芳草客思家
愁來復遶青山去何處墟亭酒可賒

過鴻山訪孟伯堅周履道不遇

班馬文章駕並馳雲龍追逐去何之門前流水垂楊柳

欽定四庫全書

元詩選二集
卷二十三

十一

屋上青山叫子規三月又逢脩禊日一觴還憶太平時
可憐潦倒無家客滿目風塵兩鬢絲

刺促行次履道韻

刺促何刺促江上秋風破茅屋誰憐杜少陵長歌之哀
甚於哭故山可望不可歸觸體臺高春草綠浮雲萍日
竟誰洗烈火連天勢難撲三農不復把鉏犁風雨荷戈
城上宿於戲人生有子作征夫不如返哺林間鳥

題春林雨意圖

前山後山雲氣濃欲雨不雨天無風記得一作絕似去年初

夏一作兵草裏此時船過滿湖東

狗寨謠

往聞淮西軍食人狗亦有寨屯如軍是時江南幸無事
尚謂傳者言非真安知吾鄉今亦爾地方百里皆荆榛
三邨兩邨犬成羣見人如見東郭鏡跳踉大噉猛於虎
跛跢高踞聲狺狺路旁青草堆白骨天外飛鷲銜斷筋
征夫早去膽欲落冤鬼夜哭情難伸可憐性命葬饒腹

欽定四庫全書

元詩選二集
卷二十三

十二

往往多是還鄉民向來喪家狗絕食遺骸或與狐狸分
乘時為暴至若此此事千古同悲辛寢皮食肉不可得
張牙弄爪何由馴虞廷九官分厥職益必掌火山澤焚
犬乎犬乎胡不草爾心全爾身主爾主鄰爾鄰搖尾乞
食仍相親毋使狗若之名天下聞

贈道傳上人

偶識廬山遠山莊借屋一作客居撥雲一作長分臘酒踏雪
一作老圃送寒蔬門俯溪光迴窗含野色虛相過兩不厭燈

火案頭書

至正丁酉冬昆山顧仲瑛會客芝雲堂適時貴
自海上來以黃柑遺之仲瑛分餉坐客喜而有
作屬余及陸良貴袁子英等六客同賦

青巾西來一作赤看橫行食人肉逃難西來一作逃采黃獨上

書不伏光範門忍飢寧負將軍腹玉山燕客客滿堂香

柑新帶永嘉霜分金四座照一作人眼漱玉三嚙清詩

腸山中椰瓢大如斗吳姬摩來薦春酒酒酣遙指洞庭

欽定四庫全書

元詩選二集
卷二十三

十二

山為問木奴曾貢否頻年兩浙阻兵戈黃柑綠橘不相

過此時共享一作此佳果胡不取醉花前歌漢庭傳柑

還賜宴應念江南久征戰聖恩有語復蠲租可奈數州

人已無一作願言海內無征戰漢廷還有傳柑
宴白髮吳儂能上天野芹亦獻蓬萊殿

漫興一作吳十首

甫里水東頭垂蘿繫客舟客心清似水吟鬢白如鷗詞

賦知無用干戈苦未休蓬窗三日雨農事憶西疇

五十不富貴蹉跎又六年新愁添鶴髮故國暗狼煙白

帽看雲坐青鐙聽雨眠癡兒書懶讀翻笑腹便便

吳地方千里齊民總荷戈人生無可奈天運竟如何米

市黃金賤沙場白骨多故山時一望老眼淚懸河

伐木燒官炭中林霹靂飛窮猿無可擇飛鵲更何依野

雨生稊稗山風長蕨薇兒曹能采拾猶足慰年饑

吳女何多巧吳趨一作楚聲市廛方易肆朱粉復傾

城壓酒桃花鳴彈箏細柳營將軍正年少相顧若為情

闔閭城下柳誰一作種綠陰成樹繫浮江馬枝遷出谷

欽定四庫全書

元詩選二集
卷二十三

十三

鶯朝家方用武僧寺總屯兵猶喜湖田熟街頭米價平

田舍方東作州家要義兵瀕湖團水寨斫石甃山城柳

暗村煙暖芹香潤雨晴荷鋤歸未得布穀為誰鳴

盡道從軍好封侯甚不難羽書頻報一作捷相府即除

官北鄙煙塵一作西遠東風雨雪寒腐儒人共笑白首

鹿皮冠一作此身知己
悞依舊著儒冠

太湖三百里流血水雲腥戰鼓有時歇漁歌無處聽飄

零孤鴈白慘澹遠山青題橋音書斷令人憶洞庭

近聞哀痛詔使者出一作江東兵革何時息一作車書

四海同落梅春雨後芳草夕陽中俯仰長流涕窮塗一

老翁一作欲作菟裘計桃源路不通

顧國衡萬戶席上與乃翁及元璞長老數客把

酒賦詩各成七言四韻

客來寒食清明日每日清風醉玉山綵筆醉題鸚鵡賦

寶香頻爇鷓鴣斑檐前脩竹翠欲滴池上小桃紅更殷

按得錦箏新製曲隔花黃鳥共間關

欽定四庫全書

元詩選二集卷二十三

十四

和顧仲瑛金粟家燕集

我昔過北邙立馬山之隈為問隴頭樹皆云後人栽生

前尊酒誰不有無人到此自對青山開屋堆黃金五侯

貴難免白骨生蒼苔最憐吉士或枉折有如夔下焦桐

材一作道旁多棄夜光壁夔下誰惜絲桐材玉山先生達觀者曾次不著閒

悲哀清秋攜客墳上飲麴車載酒山童推大笑胥魂乘

白馬深慙絲魄化黃能墓銘自製身一作自輓視身不

翅輕如一作埃鸞翔鳳翥玉箸篆虎踞龍蟠金粟堆鶴

羣三一作繞嘉樹舞龜趺或載豐碑來摘案上四聯倒轉長吟

復短吟此興何悠一作哉秋風無情摧萬物芙蓉亦老

臘脂顯笑言他年翁仲共寂寞何如此時賓客相追陪

功名絕一作愁根富貴脫一作禍胎百年能幾日一日

能幾杯從茲秉燭長夜飲猶恐四蛇二鼠忙相催主人

爛一作醉客亦醉絕倒不顧旁人哈北望中州數千里

人家盡作兵前灰鬪體委江荒一作郊多是賢與才忍飢

自作一作伯夷空忍首陽鬼一作獨醒誰念一作屈原徒作湘江纍神

欽定四庫全書

元詩選二集卷二十三

十五

仙初無不死藥方士浪說尋蓬萊君不見無邊之海白

嶽嶽無名之山青巍巍長鯨噓吸成風雨一作徐市一

去何曾迴

玉山以余欲徙居淞江之東設席書畫舫邀袁

子英陸元祥恢上人用江東日暮雲分韻賦詩

以餞余得江字用以留別

浮家野老雙眉厖捩舵欲度吳淞江東將入海鉤濤瀧

玉山中別老龐西池之屋如舲艘左圖右書堆滿窗

燈花搖搖落銀缸葡萄濫濫傾玉缸四檐白雨飛流淙
若裂媧石銀河澤主人長歌客按腔翕然鐘鼓相擊撞
酒酣捉筆如長杠千軍可埽鼎可扛諸公大才齊楚邦
騷壇老將森麾幢客來投戈乞受降乃辱贈以白壁雙
明朝短檝纜解棹馮夷前驅鼓逢逢海濱懷人倚石缸
書筒好寄黃耳虵

子英云玉山顧隱君今於同里法喜寺樓居日

鈔佛書至午而止餘暇則吟詠不輟雖親舊來

欽定四庫全書

元詩選二集
卷二十三

十六

訪亦不往答馬余因子英復去作此代簡摘葉題作

袁子英過長洲寓舍云顧仲瑛寓吳江法喜寺日鈔佛書過午則觴詠不輟子英行附此

問訊

客來喜得平安信蕭寺樓居日掩扃湖近浪搖窗影白
地偏苔沒屨痕青羣賢方結蓮花社小楷猶鈔貝葉經

歲晚扁一作舟歸甫里好尋漁父過寒汀

踏車婦

吳田水深三尺許總是去年秋莫雨勸農使者催春耕

田甲頻搗水車鼓江邨破屋能幾家幾家婦姑俱踏車

蓬飛兩鬢赤雙脚亦有兒女雙髻了淞江太湖愁滿眼

白汗霑衣足生趺車輪轆轤羊角轉水波翻翻龍舌卷

春來十日九不晴怕聞鶉鳩呼雨聲滂沱纔俾片時久

辛苦又加三日程當家豈無夫與子打魚日糶去城市

城中禁米難出關田上忍飢還岸水四郊未種園田穀

三邊已運官倉粟安得木牛為木龍運水疾於牛走陸

西林日落田婦歸隕岸白煙魚虎飛詩翁獨立長太息

欽定四庫全書

元詩選二集
卷二十三

十七

何處青山有薜薇

二月歸田舍作四首

十年為客不窺園數日還家獨閉門兒女牽衣拂塵土

親朋折簡問寒暄江南花柳青春好淮上風煙白晝昏

間道賊渠今磔死雨窗歡喜倒清樽

餘生甘分老漁樵竹徑柴扉掩寂寥舍後薄田堪種秫

門前流水喜通潮人遭歲歉餐榆粥天假春晴養麥苗

蚤起憑高望西北楚氛猶自未全消

鴉鳴鵲噪總無靈庸孺謠言更莫聽萬國山河春蕩蕩
一時煙霧書冥冥官軍自足追窮寇縣吏猶勞募壯丁
何日賣刀仍買犢花邨雞犬共安寧
飛鳥輓粟未能休嗟我鄉鄰日夜憂何事羣兇恣猖獗
半年諸將擁貔貅桃花過雨紅顏老杜宇傷春血淚流
堪笑腐儒無可用下帷依舊說春秋

客來

帶孔頻移轉覺寬酒杯雖舉不成歡客來為說紅巾苦

欽定四庫全書

元詩選二集
卷二十三

六

窗下榴花亦怕看

題金陵陳時舉宅畫壁

雙松歲寒姿卷石太古色我昔山中

一作南山遊憩 一作此

松下石松花雪霏霏松葉風瑟瑟安知此清景相對復

今日撐空兩髯龍還在書中室主人罷鳴琴宴坐室生

白客來苦炎熱倚樹欲挂幘不聞天籟鳴但見空翠滴

煩襟頓如洗林壑幽興適經月數相遇明朝有行役黃

埃赤日中令人轉相憶

兵後到杭馬掾史置酒見招且示所與石處道

丘長卿西湖倡和之什次韻一首摘彙題作馬仲達省郎招

飲出示石處道丘長卿西湖倡和之什乃即席次韻以寓感慨

西湖山色冷如灰前度劉郎今又一作兵後來紅粉畫船俱

寂寞斷橋流水自縈迴一隄寒柳風煙老兩鬢飛一作秋

蓬歲月催賴有故人能慰藉綠尊長對晚山開

西湖曲

西湖春水綠於酒西湖女兒嬌似柳依稀二月三月春

欽定四庫全書

元詩選二集
卷二十三

九

攀折千人萬人手我有一索青銅錢明朝也一作買下

湖船試歌斷臂孤兒曲湖上豈無人解傳

舟中懷辛至善

春草綠如許之人猶未歸江東雲度水馬上雨露衣王

事驅馳久家鄉信息稀多情舊時燕還繞畫梁飛

嚴將軍戰馬歌并序

至正乙未春常多盜省府調兵捕之浙東宣慰司

元帥嚴公來總軍事未幾無錫平移軍武進一日

擣禾富莊賊巢軍中失二馬明日賊乘之抗官兵

烈塘上二馬間金鼓來奔賊控勒不能止遂墮地

馬立踉殺之官兵大捷故余烈塘之民咸神其事

俾余作歌以美之摘葉序云至正乙未春浙東宣慰司元帥嚴公某統兵捕寇過

浙西秋八月兵駐烈塘一日遣兵擣禾富莊賊巢失一騎士既而賊乘馬出拒其馬望官軍來奔賊

墜地馬踉殺之賊衆驚潰官軍大捷以馬詣帳前白事時余適在公座中間而喜之故有是作

往間齊軍夜迷路老馬前導人追隨又間的盧躍檀前

漢業復立西南陞古來良驥稱有德未有驍騰能殺賊

欽定四庫全書

元詩選二集卷二十三

十一

將軍兩馬馱賊來雲霧四起生風雷紅綃帕首爾何物

霜蹄一踏成飛埃軍前認主鳴且舞驚倒熊羆與驅虎

羣兇膽落還窮追官軍凱還槌大鼓馬兮馬兮誠有功

須知感物由元戎將軍接迹武惠功煌煌史冊書勳庸

爾馬名亦垂無窮摘葉詩云將軍武惠之嫡孫帳前甲騎多如雲一驪偶爾隨賊窟背馱賊

渠來策勳沫流兩吻噴白雪光燦雙瞳爽明月雷奔電激煙霧隨望我旌旗馳踏鐵渠方命隨鐵疾藜驪立踉

之成粉壑賊曹瓦解爭納款我軍凱歌歸馬嘶古來良驥稱有德未有驍騰能殺賊呂家赤免項家駝骨朽猶

當有慙色將軍報國秉精忠安知馬亦肝膽同他年太史作佳傳宜亦牽連書乃功

過無錫口號至正十五年十二月初一日丞相達實特穆爾公赴江浙余舟隨行

觀賊軍無狀感憤而作

丞相樓船槌大鼓鐵騎前驅猛於虎紛紛一作何物鼠輩敢

橫行一作跳梁與我官軍戰河許一作不長輕落日未落縣

林梢一天殺氣風騷一作蕭騷官軍縱火鼠入窟太湖水

閩陽山高相君賢似唐一作名位同裴度豈無將軍如李愬

兜鍪戴雪擣賊巢一夕湖船可飛渡我有一一作方寸鐵

願作將軍箭將軍三箭定陽山湖水依然淨如練

欽定四庫全書

元詩選二集卷二十三

十一

題林泉雅趣圖贈杜玉泉

泉翁愛山如愛客到處好山皆莫逆脚根不浣京洛塵

面紋長帶煙霞色奚童抱琴翁曳屨長日山中看流水

萬松清籟響如絃滿地白雲吹不起桂花蘿月秋復春

野花幽鳥情相親巢由相去數千載黃綺以來能幾人

山頭水涯風物美都在我翁詩卷裏莊周夢蝶蝶夢周

覽是圖者同天游

奉寄楊鐵崖先生

光範門前三上書先生曾為發長吁闕 橋楊柳藏書屋
鐵笛梅花落酒壺偶過故人論北海相思一夜夢西湖
由來海內誇長句肯寄浮家野老無

玉山邀至同里法喜寺飲別是夕酒醒夢回宿

雨初霽月明可喜即景賦詩兼寫送別之意

風吹雨脚斷月到天心明孤鶴有清夢荒雞非惡聲南

浦明朝別西湖幾日程權歌人正苦莫上石頭城

再和韻寄趙彥深

欽定四庫全書

元詩選二集

卷二十三

平原公子午橋莊草木當年雨露香桂樹不嫌招隱士

桃花應喜識漁郎錦茵醉酒冬宵暖冰檻垂綸夜月涼

我亦欲拈橫玉去為君三弄踞胡牀

雨夜懷朱澤民

一天風雨夜漫漫獨為先生發永歎杜甫百憂茅屋破

鄭虔三絕坐羶寒鷺花紫禁回頭夢煙樹青山抱膝看

最憶舊游諸閣老別來零落漢衣冠

和鄒弘道諸公遊磧沙寺

錢塘形勝接蘇湖風物于今入戰圖獨爾磧沙仍似舊
諸公杯酒不相孤遠山雲斂千峯出幽樹春來百鳥呼
白髮老僧盤膝坐笑看車馬涉危塗

中秋日玉山顧仲瑛邀翟明府份陸良貴仁秦

文仲約等十人飲金粟冢上酒酣賦詩各成一

首

憶昔避戎馬放櫂來北山相逢適中秋展席解愁顏安

知復今夕嘉燕得良會烽煙猶眯目慘澹千里外卓哉

欽定四庫全書

元詩選二集

卷二十三

山中人曠達誰與倚坐客金粟冢酌醴相勸酬華月出

松杪靈飈吹桂子荷鍤長自隨駒隙去如水搖毫寫雅

懷絢爛無遺言客亦興不淺鬪勝寂不喧清歡忘城鼓

盡醉傾笑語柱頭老令威為作八風舞停杯論古今仰

天問嫦娥見此曠達士百世能幾何庾樓榛莽暗牛渚

風浪惡縱有酒如澠恐亦無此樂夜深月愈白清溪歸

洄沿一笑謝主人今年復明年

此詩從倪原道畫金粟

云憶昔避戎馬放櫂來北山相逢適中秋展席解愁顏
安知復今夕嘉燕集羣彥烽煙雖不熄眼底喜不見華

月出松杪靈龜散天香主稱死便獲荷鋪童在旁酒酣
客哦詩其樂勝鐘鼓柱頭老令威為作八風舞人生不
飲酒杯孟空匱前寥寥數千
載孰與劉伶賢與此小異

贈章彥復省掾一作郎

相約攬秋色淞江來小一作重來舟留人十日雨洗耳一作

酒釀百花洲祖逖鞭方著張良著欲一作可籌吾廬吾自愛

霜菊晚香幽一作青山應笑我白首未歸休

寄章彥復

蘭省歸來日未斜閉門塵靜似山家教兒楷字謄詩彙

欽定四庫全書

元詩選二集
卷二十三

三五

遺客生綃寫墨花太伯寺前人走馬姑蘇城上樹棲鴉

知君觴處多懷古忍聽吳趨唱小娃

絕句

屈原沈一作投江死揚雄投閣生一時生死計千古是非

名

夏五雜書

遠客相過說帝都黃金如土米如珠內園人歇催花鼓
市肆塵生賣酒壚河北功臣稱李郭江南租稅賴蘇湖

明朝漕運開洋去幾日風帆到直沽

次韻陳維寅蘇杭懷古各三首

幽尋度香徑遐思倚琴臺烏喙嘗膽日雉妖捧心來春

風煽天一作穠豔滅國輕於埃

憑高望海潮白馬還來無一杯弔忠魂江風為號呼悲

哉扶眼地愁煙暗一作化落燕

奕奕一作丹青讓王宮遙遙延陵一作柏季子墓吳儂一作黔黎奉烝

嘗春秋幾霜露胡為後一作今之人無復繼高步

欽定四庫全書

元詩選二集
卷二十三

三五

寶鼎移炎祚降王走幽都遂令虎林人得一作斯免馬邑

屠獨一作可憐金盃出啼殺稽山鳥

輦路土花碧金門蕊芻關浮海兩龍起一作馬一去亦不

不復一作還空遺温室樹一作蕭條過客猶高一作忍攀

我來銅駝巷葛嶺重行行一作襄樊怕人相逢話一作九重

倚師相皆云一作十年誤蒼生遺臭千萬年沙堤潮上橫一作

銅駝一作天街今雨淚縱橫

烈婦歌并序

婦周氏吳郡太倉人至正丙申其父以義兵元帥
貪暴將殺之謀泄而舉家被害帥之子悅婦少艾
誘為妾不從痛罵而死鄉人義而哀之為之構祠
立碑會稽楊公廉夫為文且屬江西陳季子索詩
以著其事

陳君手持烈婦碑勸我為作烈婦歌人生自古孰無死
烈婦之死名不磨本是東滄小家女粉黛不施眉自嫵
父憐母惜忍違離納壻於家半年許阿耶從軍氣頗麤

欽定四庫全書

元詩選二集
卷二十三

三

欲殺不義奔京都手持芒刃機不密身落禍阮家乃屠
繡衣郎君元帥子少年絕愛傾城美願言攜手與同歸
即免鳥首尸諸市郎君滿屋堆黃金安知難買烈婦心
耳邊言逐飄風過腹內怨含滄海深罵聲不絕郎君怒
馬上揮刀斫頭去雙鸞羞對一作青銅鏡全家甘赴黃
泉路娟娟肌體嬌如雪烈烈肝腸堅似鐵一作團冤一作怨
血注婁江至今流水聲嗚咽男兒讀書我冠巾偷生或
忍忘君親奴顏婢鄰曳朱紫得不媿此裋釵人嗚呼得

不媿此裋釵人

盧知州宜興秩滿以避一作亂久寓無錫視同

故鄉今知崑山一有必州字有懷二州風物之美贈

詩言情并致頌禱一作與予叙舊言懷良有感慨作二詩貽之

我思陽羨茶初生如粟粒州人歲入貢雷霆未驚蟄天

荒地老今幾一作年春歸又聞啼杜鵑山中靈草化荆

榛一作棘白蛇何處藏蜿蜒玉一作川先生一寸鐵欲剗

妖墓救明月丹霄路斷肝腸熱還憶茶甌飲冰雪

欽定四庫全書

元詩選二集
卷二十三

三

我思惠山泉長流無古今一作冷然聳聳走千里煮茗

清人心向來劫火炎錫谷神焦鬼爛勢莫撲一作猿池

邊浦一作石亦灰飛此水泠泠瀉寒玉高一作人飲泉

五六年一襟清氣清於泉好為吳儂洗頰熱乘風歸報

蓬萊仙

顧仲瑛避地嘉興幾二年聞回崑山往不見遇

作詩寄之末章兼簡白西長老二首

細雨清明日扁舟過玉山傳書元有誤飛鳥竟無還芳

草萋萋碧落花點點斑題名牆外竹黃鳥正間關

客來常問信書去半沈浮兩度黃梅雨相思白髮秋樵

漁今短笠山水古長洲寄語天寧老龜巢賦詠不

和陸宗魯韻贈夏師魯

百斛葡萄賸有餘一官不換只閒居窗含煙氣虞山近

門掩秋聲栗樹踈鴻鴈去來知幾度雞蟲得失竟何如

丈夫高蓋非無日聊遣閒情賦子虛

崑山陳伯康築亭山巔楊邊梅過之題曰玉山

欽定四庫全書

元詩選二集
卷二十三

三六

高處且為賦詩命郭義仲劉景儀及余和之

神仙中人鐵笛老愛一作為兩玉山雙眼青玉山高處拄

手杖一作板鐵笛醉時圍肉屏天生丹穴鳳為石東望黑

洋鯤出溟人傑地靈風物美一作一代風流有如此絕勝一作名齊西

蜀子雲亭

過震澤留別智愚隱長老蘇昌齡先生

淞江太湖春水生湖邊一作上白鷗尋舊盟遠公沽酒壯

行色坡老賦一作題詩慰一作言別情燕子日長書屋靜柳

花風颺釣絲輕相過不負青山約一權夷猶兩日程

過吳江三高祠

三高祠前秋水波客來弔古悲且歌季鷹魯望桑梓敬

蠡也邊豆理則那生為越人身相越百計謀吳吳乃滅

真憂烏喙將無情兔死狗烹肝腦裂飄然攜家湖海遊

捧心人與同扁舟越人誇功鑄金像於吳孰曰非仇讎

行裝重寶久彌開清高之風絕何有奉嘗堪笑木腸兒

忍踏荒臺麋鹿走江風蕭蕭楓葉寒扣舷折我青琅玕

欽定四庫全書

元詩選二集
卷二十三

三九

靈胥怒挾海潮起殷若雷鳴過雪灘

六柳莊為沈太守作

彭澤五株柳清風千載餘顧余心乃心脩名難與俱所

以樹六柳於焉結吾廬門前有流水樹下堪釣魚我柳

已成陰豈不懷放歸人生一趨舍世事紛萬殊善學柳

下惠風雨慎攸居繼跡子陶子亦曰姑徐徐誰其知此

心南山默如愚

贈慶別駕

台州別駕不之官煙水孤邨共歲寒偶有濁醪留晚酌
旋挑生菜簇春盤三年鄰里通家好四海兵戈行路難
且喜門前金色柳東風堪作畫圖看

贈楊君濟縣丞

我昔崐山鉏白雲高軒訪我麋鹿羣我今長洲釣明月
君復過此寂寞濱感君相知式相好與君談笑開懷抱
坐分半席白鷗沙滿目青山淨如埽社公雨晴風作惡

一作邨北邨南花自落勸農來往杏花邨
一作落雞犬

欽定四庫全書

元詩選二集
卷二十三

三

不驚田舍樂君歸我松坐松陰我舟更入菰蒲深釣鈎
無餌勿語人但說煙波無處尋

和邵彥清州判莫春寓僧舍

篋藏湘帙心雲香手閱金經掩竹房門外不知春早晚
綠陰池滿日初長

劉旭齋過婁江客舍作詩贈之

方一作欲題詩寄草堂遠勞移櫂過滄浪十年同飲三
江水一笑相逢
一作兩鬢霜田野
一作無人從軍鴉種

麥漕渠通海蟹輸芒憑君莫話
一作目悲秋事
且復持杯送夕陽

簡吳江朱志道諸昆仲

去年長至聽塤篪轉眼今年又此時棣萼喜存兵後樹
梅花早綻雪前枝西山近日無烽火東閣何人共酒卮
兒輩此歸今問訊吳音變楚莫相疑

盛彥英隱居太湖之陰號具區耕叟命僕作詩

以歌詠其樂云

摘彙題作具區耕
隱歌為盛徵士作

脫屣東華塵躬耕
一作結廬太湖濱桑麻接鄰里魚鳥情相

親閒時讀書牛背上安知六國方攻秦
上四句一作蓬
莊開卜徑桑麻

接比鄰金門玉堂望不
到煙蓑雨笠情相親東風二月桃花雨布穀飛來向

人語一犁初破隴頭春黃犢出闌健如虎義農世遠莫

可追南山石爛無足悲
上二句一作西山不知誰采薇
南山不知誰采芝我耕我田食

我粟歲晚復
有水壺整悲歌笑寤戚夜半猶未已人間閒是非何

用污牛耳我田已耕
一作綠陰繫牛春晝閒樵童隨我看青山

日莫歸來一壺酒我歌嗚嗚童拍手童拍手兒飯牛一

欽定四庫全書

元詩選二集
卷二十三

三

天星月爛不收重捻戲笛作三弄七十二峰俱點頭上六

句一作牛棘花前開笑口笑問儂家子若孫知我犂鉏佳趣否豈不見蘇秦為無二頃田六印紫纒苦奔走到了落禍坑虛名何足取鹿門龐真吾友

臘月

臘月無多日行年七十三浮生空自老往事日多慙南

國山皆赭東郊草未藍蕭條江郭外雲暝雪參參

古鼎歌 并序

中喜一作蘇州萬壽寺舊藏古銅鼎其竅識有云王在

欽定四庫全書

元詩選二集 卷二十三

三

周康穆宮冊錫宸用作皇考鄭伯姬尊鼎大德中

任陽謝氏嘗欲以重寶易之時住持點翁師不從

後謝氏為構佛殿點遂以鼎答之至正丙申謝遭

兵鼎因失去甲辰夏四月愚隱智公乃得於軍人

之手耆舊聚觀皆曰吾山中舊物也既而出鼎見

示且徵余詩以紀之

碧雲師著金伽黎空王殿上一作前龍象隨一夫長跣一作

當階送古鼎狀若獻寶波斯兒羣緇來一作聚觀集丈室

中有老夫曾一作僧前致詞云是山中舊時物立誦竅識能

無遺惟有臣寰紀君賜用顯厥考鄭伯姬文詞詰屈錯

盤詰字體隱伏蝻蛟螭蒼姬訖錄世屢改不知何代來

於斯謝家寶樹易趙壁一作佛剎巨構賈與秦城齊鼎兮

鼎兮什襲去歲逾數一作經去紀今來歸師聞此語重歎息

兵火連年災九域金鐘大鏞棄路道一作傍總若沈沙銷

折戟珠還合浦一作歸禪月獨無恙護持信有天龍力摩挲

兩鉉濕煙霧錯落丹砂映金碧濁水一作先如摩尼五色兼

欽定四庫全書

元詩選二集 卷二十三

三

一作合出海一作高比珊瑚高一尺一作長嗚呼義軒之鼎真

一作莫可求禹鼎亦已淪東周世所用者非爾儔或臆豕

腹徒包羞調羹爾無與覆餗爾不憂歸來兮歸來北山

兮菟裘汾陰自有為時出切莫放光驚斗牛

劍池曹廣文送府學院檢討

峩峩虎丘山湛湛劍池水水深人莫測草生寒不萎世

傳龍祖劍斫斷蒼雲根千古兩絕壁鐵花點苔痕僧廚

轉轆轤陰厓落水雪臨池人有語響谷出林樾先生屢

幽賞盪濯彈琴鳴木石俱點頭魚龍亦知音今居白玉
堂還念青山約羣山與重遊增輝舊巖穴

和浦玉田清明日郊行三首

湖上新隄踏軟沙少年人面映桃花花邛風物渾如舊
獨欠青帘賣酒家

一幅春雲巧似裁隔湖飛過碧山來野橋小立題詩處
夾竹桃花爛漫開

四壁青山眼欲花山光都似薄雲遮杖藜隨步歸來晚

欽定四庫全書

元詩選二集
卷二十三

三五

月上東窗都到家

申仲義錄事杭州來議論慷慨風節可喜作此

以贈

客來試問錢塘事冠蓋都非舊日人尚喜西湖堪種菊

一作柳不知東海欲揚塵手題王粲登樓賦頭戴陶潛漉

酒巾如此江山如此客政須傾倒洞庭春

和沈啟之立春作

綵勝銀幡占物華東風依舊滿天涯春盤薦酒杯頻舉

醉筆題詩字半斜無數故人俱契闊一雙老眼近昏花
家貧賴有長鑱在坐待青山長蕨芽

莫春陪周明府顧將軍祠下看碑

黃天蕩上將軍樹樹下數家人姓顧行人遙指若堂封
往事猶論麾扇渡新祠畫藻煙霧濕古木垂蘿鬼神護
長洲縣令枉高蓋短褐巢翁曳雙屨海棠正落胭脂雪
山餅為酌金盤露柱頭老鶴作人語道旁馴雉隨車駐
吳趨一曲歌未了蜀魄數聲春又莫金戈鐵馬尚酣戰

欽定四庫全書

元詩選二集
卷二十三

三五

白羽清風復誰覩看碑莫怪客如雲彼君子兮真可慕

臘月二日偕俞寬仲過篠涇僧舍蒙舉似近詩

次韻一首

故國溪山各遠離倚樓長笛為誰吹相逢山海三生石
共惜邊風兩鬢絲客舍暫如桑下宿世塗危甚劍頭炊
明朝果若西菴去更約匡衡細說詩

懷徐伯樞諸友

一作避地
篠涇懷友

一作憶昨方卧疴妻子呼避兵扶持上輕舟烽火照夜

明一作登舟夜將半骨立心顛驚問兵今遠近言圍闔閭城賴有風滿

帆送我東南征三一作信宿坐不寐鶴鳴近華亭曉一作晚

泊青龍江蘆葭匝地青新知適相遇留我居篠涇土風

頗淳朴地僻雞犬寧吾病日以瘳客來能送迎老瘦心

自憐或謂詩骨清比鄰兩三家情親若平生園蔬日持

送酒壺時共傾對酒不能樂一作強飲不成歡艱虞未忘情懷

哉數君子雨打水上萍飄零各何許吾將尋舊盟賣刀

買黃犢子孫共春耕奈何西枝西礮石猶雷鳴

欽定四庫全書 元詩選二集 卷二十三 三六

次韻贈本蘭亭上人

庭前手植娑羅樹樹下頻繙竺國書失鹿不知秦二世

葬魚那問楚三閭園收柿葉皆新紙林養松花當宿儲

十里雙溪春水綠浮杯時復訪樵漁

余患項癰適兵後無醫藥可療即事口占并寓

感歎

吮癰人在五侯家市肆渾無藥可賒童子歸來風雪夜

老夫愁絕對梅花一作童子歸來貪睡著竹爐吹火自煎茶

次韻徐伯樞寄二首

病卧碧山久愁添白髮新一冬無雨雪四海有風塵妻

子移家遠親朋折簡頻梅花應笑我出語欲驚人

客夜牛衣薄王春鳳歷新東南蝸角地多少馬蹄塵聲

鼓依然急壺觴莫厭頻君看塞翁馬得失豈由人

題孫彥學所藏江貫道清江泛月圖

吾聞老郭之傳許與江山水絕筆稱無雙此圖夜景江

所作彷彿秋聲動林壑長江澄澄月在水遠山蒼蒼樹

如蟻如此江山夜放舟若人真是逍遙遊爾來一百四

十載陵谷變遷圖畫在世無蘇李兩詩仙赤壁采石俱

蕭然老夫此興固不少解裘亦足酤清醪出門有礙行

且休不如燒香看畫樓上頭

和臨寒食有感五絕 錄四

何處登臨散客愁千墩浦上聽漁謳清明落盡梨花雪

能得春風幾日遊

烈塘墳上樹如雲一掃東風十五春不信令威歸不得

烈塘墳上樹如雲一掃東風十五春不信令威歸不得

竟移華表屬他人

一逕落花春書靜四鄰嘉樹綠陰絲兒曹忘却懷鄉意

浪說春風似故園

白髮蕭蕭客未歸淒風緊雨禁煙時青苔白骨尋常事

堪笑田文為客悲

遷居

逃一作難居頻徙幽懷孰與論崑山一舍地溘浦數家

邨老去仍為客朝來又抱孫雨餘春韭綠生意滿東園

欽定四庫全書

元詩選二集

卷二十三

間玉山顧隱居以賦役入城負疾而歸而山中

花竹多為有區區懷思寄詩代簡

聞道龐公也

一作近

入城還家風雨近

一作過

清明催租人

去詩仍好市藥童歸病已輕尚喜竹林青筍出不嫌花

逕紫苔生野夫得此平

一作路逢

安信尋訪

一作候問

姑遲

數日程

四月二日林自瑤城歸寫呈遷居詩四首因以

述懷并記時事

鶴長鳧短世難齊滿眼風塵客路迷竈突未黔居未徙

兒曹况在兩湖西

六幅蒲帆帶雨開瑤城艇子過湖來老妻正倚門前樹

雪色楊花覆綠苔

傲得山居鑿井新客來不厭煮茶頻屋頭蒿地顛風起

狼籍桃花滿樹春

鬢絲垂領白慘慘老我身如作蘭蠶午夢忽驚飛礮響

狼煙只在澱湖南

欽定四庫全書

元詩選二集

卷二十三

答徐伯樞見寄二首

十載風塵走朔南白頭如雪面如藍借車載具家頻徙

應俗為文筆大慙茅屋雨添苔上壁竹林煙護筍抽簪

別來行路難行甚何夕挑燈細與談

杜宇催歸不絕聲知君歸計正留情東膠茶焙春煙暖

西堠花邨夕照明音信尚煩黃耳寄交情不負白鷗盟

明年築室相鄰住兒輩求田與力耕

贈筆生王伯純

一作世超

時方用武我業儒王生一作起也賣筆來吾廬生承世業雪

溪上製筆特與常人殊一作曰余製筆似輪扁妙不能言徒歎吁宣城阻兵

十三載猶喜山中老鏡在拔來秋一作紫穎帶微一作秋霜

縛得銛錐含五彩一作製得筆成時世改昔一作鄉年草創供玉堂

玉堂仙人雲錦裳三緜一字不易得筆價亦與時俱昂

莫怪年來棄如土埽除風塵必折芥生一作爾今賣筆我

賣文何異適越資章甫呼兒一作為我買一束為我一作

用一作書永字寫成懷古錄吾兒作字一作書永字三歎賞八法以之隨

意足我有好一作佳音生可一作語爾知用筆將見文明時諸

公筆諫佐明主老我筆耕箋古詩逝將重作毛穎傳為

記頻年遭薄賤一作詩成未若相如倦毛穎更須重作傳牽聯為生一作書

姓名字業不隨陵谷變一作雪上溪山亦蔥蒨中秋適逢酒禁開

柳瓢酌生一作我新潑一作綠酒酣仰視月中兔長嘯一

聲歸去來

方池詩為馬公振賦

攜我方竹杖看君方池水宛然俯中庭照影月明裏清

風生蘋末素練吹不起魚樂魚自知主人亦應爾

和許君善郊居

秋色蒼茫落日斜鯉魚風起荻飛花先生晚酌依稀醉

吹笛漁童恰到家

淮夷篇

大邦浙河西吳郡稱第一淮夷著柘黃來作豺虎窟交

鄰無善道西顧無一作拒勅敵一鸚鵡嬰罔羅同氣頓蕭瑟

正朔仍奉漢天恩滿牀笏賦粟歲倍蓰都鳩金日積非

無船艣風海運不挂席包藏狼子心反覆莫可測臺閣

兩重臣忍為泉獍食并盡自尊大出入復警蹕愛弟寵

且一作日寵驕開府門列戟提兵幾百萬勢熱手可炙甲第

連青雲圓溷東一作亦丹碧瑤池長夜飲天魔舞傾國惟

幄皆面諛忠鯁即麾一作擯斥權門競豪奢婪務懷璧

淮南舊巢穴坐視成棄擲出師理侵疆所向輒敗績鄰

兵賈餘勇一舉數州得羣兇納降去孤城一作欽獨堅壁

奈何圍數重樓櫓比如櫛礮車拂雲漢晝夜飛霹靂寵

弟既齏粉左右皆股粟短兵屢相接苗獠與戮力南濠
百花洲流血水盡赤閉關甫期月人面多菜色蔬食一作
茹猶八珍骸骨爨下析衆叛已不知豕哭猶親出前徒
忽投戈回騎不數匹一炬齊雲樓妻子一作紅粉隨煙滅縛
虎送臺城咆哮氣方息嗟哉爾淮夷亡命起倉卒衡行
十五載貴富亦已極雕牆底滅亡斯理信勿忒

過無錫書所見

朝發吳門東莫宿錫山下隔牆語嗚咽云是流移者生

欽定四庫全書

元詩選二集
卷二十三

四三

來本邨居白首事耕稼居城僅期月區區避兵馬狂奴
稱老虎啞人空四野城降人出關方陶虎遭高里胥俄
促人負郭一網打監官驅上船寸步不少假不知遣何
之骨肉忍相舍陶哭聲悲涕與淚交瀉同行千數人
瘦骨皆陶把鐵索連繫頸俛首若啞天高恐未聞爾
悲知者寡

歸故里

憶昔走避兵棄別鄉井去意將朝莫歸行行重回顧安

知今一作喻一紀方踏去時路四郊皆蔓草白日暝如霧

披榛訪閭里隔水拜丘墓傷哉脊令原黃蒿走狐兔別
墅破垣在郵亭乃新作鄰兒二三輩衡茅晝扃戶初若
不相識熟視肖厥父坐久泣且言為我話親故什九死
兵戈餘亡不知處其詞吐未終我淚已如注對食不能
餐相期歸蠶聚吾將語吾兒賣書買農具歸耕漏上田
宜若烏返哺吾其正丘首此心庶無負

馬公振以久雨懷思作詩見寄適千墩諸友朋

欽定四庫全書

元詩選二集
卷二十三

四三

為謀道旁之舍因和及之并發巨浸之歎云

芳草萋萋春復春桃花應笑未歸人數椽矮屋清溪曲
一箇扁舟綠柳津且與往來乘款段從教圖畫上麒麟
老妻頗勝劉伶婦不惜春衣典酒頻

簡熊元脩

憐君苦有軟脚疾媿我貧無挑藥錢此日尺書重問訊
何時杖策與周旋湖鄉地濕黃梅雨舍館窗含綠艾煙
猶喜東家人好事銀鉞長送酒如泉

石箭頭歌 并序

丙午冬吳人自望亭驛鑿渠通漕湖深丈餘乃得石箭頭長洲徐伯昂氏以所得之一見遺一以遺倪元鎮請各賦詩

南山爛盡蒼雲根飄風勢欲傾崑崙何物老若作遺鏃

一作老若作鏃幾十載神鏡鬼削秋無痕沈沙不隨戈戟折太陰

玄精壯冰結五丁假手一作手扶出重泉猶帶堯時九鳥血

羶羊肝膽破一作鴉膽尼子一作魁走折足獨有老於菟

欽定四庫全書 元詩選二集 卷二十三 四十四

坐嘯風滿谷猿臂將軍骨已枯蒼頭盧兒金僕姑時乎

時乎奈爾若

和靈巖虎丘感事二首

娃宮無復有樓臺佛刹而今亦草萊衲子盡隨飛錫去

將軍曾此駐兵來青山銜日猶前度滄海揚塵復幾迴

霜落吳天香逕冷斷猿啼月不勝哀

兵餘重到古禪關無限傷心四望間林下點頭皆礙石

門前戰骨似邱山劒池屢變珠光赤盤石猶帶血點斑

白髮破衣者舊在獨憐寧老不生還

遣興和馬公振韻

馬圖莫一作母怪出河遲世事方如理亂絲蓮葉有巢龜

已老竹花無實鳳仍飢籬邊艇子供垂釣林下樵童許

看碁苜蓿一盤三文日老一作山妻晨起一作白首案齊眉

顧仲瑛臨濠惠書詞甚慷慨詩以代簡

濠上人來書數行開緘如對語琅琅酒杯已辨弓蛇悞

藥杵無勞玉兔將少待天公舒老眼騰收雲母束歸裝

欽定四庫全書 元詩選二集 卷二十三 四十五

舊家亭一作池館花狼籍春水依然滿綠一作綠漫塘

老病

乾坤如許大老病此江濱無酒可留客青山應笑人幅

巾方竹杖青草落花茵賣得長門賦相如未是貧

次韻答許君善

小徑迂回草欲迷邨居如在灤東西為煎新茗頻敲火

自掃殘花恐汚泥白首十年吳下客傷心千古越來溪

羣賢何日能相顧重為湖山一品題

祭顧玉山詩

於乎一作鳴呼玉山翁先世吳右族生逢元一作全盛時當路

屢推轂辭榮樂蕭散竟蘊璞一作石中玉蚤持萬金產轉

手授家督不為五嶽遊家園蒔花竹讀書數千卷旁覈

聃與竺非無酒如澠過客佳乃肅徒見駟馬車未若一

儒服緇黃粲然者待遇亦刮目一作情亦篤常言性嗜詩趣

味勝一作雋永過梁肉興來扶雲漢毫端注飛瀑詞林采英

華琰刻播芬馥承平三十年一作詩名滿朝野嘯傲心自足世

欽定四庫全書

元詩選二集

四六

故一變更十室九顛覆幽棲綽山下擬比一作人擬王官谷

時余逃難來顛顛如病鵠相見恨殊晚姓名間已熟一作

踵門通姓字一見已列目夜飲嘉樹軒明朝杯又續高堂桂花秋金

釵翦銀燭雙歌權觥船洗我愁萬斛一留兩月餘坐客

常五六寫圖紀觴詠墜水亦有曲連牀可詩齋清話屢

同宿擇鄰移我家一作扁移家歲晚安且燠奈何鼙鼓聲忽

一作若雷震屋婁人悉驚散我亦猿失木萍漂甬里東

賣文如賣卜感翁數相過餽問慰窮感翁亦客構李遠

避賦蛇毒山川鬱相望詩筒時往復陵谷復一變翁歸

理松菊松菊理未能蒺藜俄困辱余舟榜笠澤訪舊宿

西塾夜深屏與隸促膝語一作首語心腹春風舊池館荒煙

秋草綠朝廷更化初召役事重穆挈家赴臨濠星言去

程速送行媿鄙游口占謝龜縮詩去秋復春客來書滿

幅念我及兒輩舉室蒙記錄自言多疾疢經年在牀褥

鬱攸屢驚嚇使我長殼赫尚須手顛定親札寄篇牘安

知僅逾月遽爾聞不祿初疑傳者謠細問淚盈掬嗟余

欽定四庫全書

元詩選二集

四七

老異鄉知己失鮑叔蕪辭敘疇昔一作哀悲吟甚於

哭神交死如生歆此杯中醪

叔正過訪傳恢書記寄聲作詩寄之

茶澤歸來王子猷問君知與對滄洲一灣流水市塵遠

兩岸人家煙樹幽客至白雲分半榻興來明月載孤舟

如何不到淞江上卧看蘆花雪色秋

和陳思忠過王德脩草堂

曲塘柳岸似蘇隄編戶畱畬比鄭陂春日鶯花圖畫裏

秋風雞黍古人期
開樽許共傾
蕉葉出枝應教舞
柘枝
老我杖藜慵出入
草堂遙望為題詩

慧山泉

此山一別二十年
此水流出山中鉛
人言近日絕可喜
不見流鉛但流水
老夫來訪舊煙霞
一作僧家僧一作鑄試
淪趙州茶惜哉
泉味美如故
不比世味如蒸沙

陽羨茶

南山茶樹化劫灰
白蛇無復銜子來
頻年雨露養遺植
先春粟粒珠含胎
待看茶焙春煙起
弱籠封春貢天子
誰能遺我小團月
煙火肺肝令一洗

寄徑山顏悅堂長老

時退居崑山州城之南
扁其室曰城南小隱

每憶城南隱者家
崑山石火徑山茶
年年春晚重門閉
怕聽階前落地花
一作逢人與說無生
話塵拂拈來帶雨花

黃宗禮

星查池館東牀客
冰玉襟懷我所知
百榼葡萄春濫濫
一欄芍藥晝遲遲
門前送却催租吏
枕上還吟夢草詩

只恐繡幃人起早
又催京兆畫蛾眉

逸菴詩為吳子明作

日高三丈餘
先生睡初起
雪屋燒暖香
行庖鱸冰鯉
一作
澗山小湖邊
逍遙白氎
一作流酒中
傲晚烏皮
一作元
几鈞
草亭脩竹裏
一作放鶴上晴
霄觀魚戲春水
勞洗吾耳
世事了不聞無

送李彥明歸高郵

老夫歸從東海頭
春風送客歸秦郵
出門復覩鴈北鄉
物我喜得同悠悠
吳船鼓櫂渡江去
烏輪正挂扶桑樹
桃花倚岸笑相看
杜宇催人啼不住
征袍十年塵土多
濯纓今年滄浪歌
一百五日寒食雨
三十六湖春水波
交游臺榭翦荆棘
繼美前脩集佳客
誰能喚起老龍眠
重寫耳孫湖上宅

寄題無錫錢仲毅煮茗軒

聚蚊金谷任葷羶
煮茗留人也自賢
三百小團陽羨月
尋常新汲惠山泉
星飛白石童敲火
煙出青林鶴上天

午夢覺來湯欲沸松風吹響竹爐邊

雨宿縣學齋舍作

客來惟林侯漁父覺舍坐聽三日雨諸生讀書喧兩廡
商羊飛來立當宇雨聲書聲雜蛙鼓蚓歌亦自諧官羽
青苔上堦菌生柱敗壁淋漓籀文古齋僮不敢開牖戶
風撼庭柯嘯飢虎南山老石爛成土天漏誰能鍊金補
去年旱魃走吳楚田家往往悲塵釜麥秋一飽方自許
莫教化作飛蛾舞

欽定四庫全書

元詩選二集
卷二十三

結茅東郭歲晚言懷

過客應相笑衰翁未得閒酒經方補注詩藁又重刪
杖家家竹籃輿處處山數朝天色冷高卧掩柴關

贈董明府惠炭

范叔寒多正不禁烏薪重惠比黃金賒來脫粟忙炊粒
畱得焦桐好製琴環堵一龕春盎盎麗譙三鼓夜沈沈
硯池冰釋龍香暖寫我朝來抱膝吟

雨中懷秦主簿

東門之東西市西人家屋頭啼竹雞新年十日九風雨
二老幾時堪杖藜

次韻言懷二首

風冷柴門閉齋居縮似蝸小橋平陸里識字老農家野
飯常畱客邛醪頗勝茶早梅谿上折斜插膽餅花
貧居家事少客去跋溪閒茅屋牽蘿補蘭階擇草刈雪
添南浦水雲暗北窗山孰謂寒如許雞鳴客度關

送秦宜仲主簿之京

丈夫不灑離別淚杯酒聊發玲瓏歌黃楊閏餘歲已久
紅杏日邊春正多子瞻手攜鐵拄杖太白足上金鑿坡
鳳臺佳景必重賦千萬寄語來薜蘿

雜詩

山雲忽低迴四郊紛白雨老農荷鋤歸布穀桑間語相
勸一何勤一鳴再三俯老農感禽意豈憚東作苦嘉穀
已函活尚待明日照小兒未解事大兒遠服賈農器已
可散鉏耨在梁栢入室惟老妻出沒撫髧甑

欽定四庫全書

元詩選二集
卷二十三

二月二日漫興

東風吹散社公雨紅白一作南郭花開爛錦雲時俗喜逢迎

富日老夫羞作送窮文袂衣試著寒猶怯拄杖歸來酒

半醺為問驛橋楊柳樹送人多少去從軍

寄熊元脩

佳兒發軔之官去名父居閒味道腴詩卷賸添兵後作

酒樽常為客來沽江湖結社鷗盟冷遼海還鄉鶴夢孤

煙水相望遠相憶寒雲欲雪盡模糊

欽定四庫全書

元詩選二集

卷二十三

寄盧公武兼問殷孝伯安信

時殷為成陽縣教官

憶昔雨別去塗難喜得雲歸舊谷盤郡乘手揮孤史筆

齋居頭戴鹿皮冠草生林館皆書帶竹老溪園可釣竿

獨念一作為問咸陽殷博士有無黃耳一作書尺報平安

徙居橫山口號

為愛橫山山水清山前築室小溪縈老夫枕石青雲卧

兒輩求田俟雨耕古井寒泉龍有宅孤村夜月犬無聲

廿年兩眼風塵暗猶喜如今見太平

兒子木蒙恩釋屯種而歸詩以志喜

老鳥失孤雛數號鸞臺前鸞鳴徹九淵德澤降自天鐵

籠放離歸渴飲劍井泉井泉非不甘飲之不下咽念我

老病烏肺肝煙火然反哺知幾時骨肉且生全牖戶尚

綢繆羽衣復褊褰衆鳥喜聲集卉木回春妍援筆紀離

合執徐洪武年

吳中行惠方竹杖

往有方竹杖化龍歸混茫吾知龍之靈知我力尚強今

欽定四庫全書

元詩選二集

卷二十三

年八十餘舉足勢欲僵一目眇數月白日如昏黃出門

多荆棘一作榛况復多一作畏虎狼感君扶持意以杖遠寄

將稜稜七尺觚材拔宛種良孤根斬鐵石老節凌風霜

聲叟性惡圓為爾重激昂氣類喜相得顛危賴能一作周

防秋風黃葉邨春雨烏石岡挂我沽酒錢時與遊醉鄉

赤藤含一作有報色青藜失輝光覩物思故人晤言未渠

央

復愁一作傷秋

茅茨數家黃葉邛霏一作霖雨一月谿水渾慈鴉種麥日未暝猛虎下山人閉門

重遊虎丘寺

不謁閭丘謁虎丘幅巾藜杖興悠悠飄蕭白髮三千丈來往青山八十秋寶地近曾為戰壘劍池今復屬禪流老松知我題詩意也學生公石點頭

代簡張希尹

余生寡諧俗老去得知已論交固云晚莫逆良可喜聯

欽定四庫全書

元詩選二集
卷二十三

五十四

翩諸侯客寂寞著書事夜分青藜火一作晝竝烏

皮几幾回論班馬一笑觀一作易亥豕煙雲揮灑外風月

吟嘯裏蚶杯酌流霞獸爐熱沈水佳哉水調詞清我塵

俗耳朱絃聽者希白雪和能幾別來懷盍簪夢見承倒

屣帷林大江邊瓢巷橫山趾秋風落一作響梧葉甘雨熟

菰米相望不三舍相過堪一葦詩筒繼元白通家猶孔

李況於阿戎談亦與諸任苗尚友古之人厥德薰晉鄙

寄賈教授相期詣鄒墳祭埽

題詩郡圃景鄒亭澆酒林莊下馬陵白草西風秋莽莽

青山北郭路登登柱頭且看誰為鶴驥尾何慙我附蠅坐待秋涼行有日老夫扶僊策烏藤

雪巢為馬仲良賦

馬鞍山高數千尺考槃之阿環大澤梅花為屋雪為巢窗戶玲瓏虛室白諸公衮衮登雲梯若人奚獨能幽棲澹然素志絕華藻要令朴俗還標枝藍關策馬官遠謫居延牧羝羶盡噉何如雪飲樂巢居更與党家風味別

欽定四庫全書

元詩選二集
卷二十三

五十五

梨雲無夢親如許滕上兒郎賦冰柱此生此樂慎勿移

聽取龜巢老人語

次韻答許西溪

憶昔送別黃花秋烏紗破帽霜滿頭別來作詩屢問訊夢中載酒時遨遊兵戈同歷十二載鶴鷗夜啼雲靄靄全家老穉幸逃生又闕桑田變滄海啟榮之樂今有餘勿謂比榮年不如峴山一望三太息襄陽耆舊晨星疎

次韻自述

百年有限恥求仙數口無飢賴薄田菰米熟來連日雨
菊花開到小春天方從易外窮義畫無復詩中泥鄭箋
客至酒杯時一舉開籠放鶴舞蹁躚

題夜潮圖

昔余夜醉錢塘酒看潮八月中秋後銀山湧出海門來
潮聲殷若雷霆吼此圖之作知幾年當時景物皆依然
雲山兩岸澹籠月雪岸一江高拍天一觀頻覺毛髮立
再觀祇恐衣裳濕扁舟漁子任掀舞別渚鷗鳧自翔集
奔騰澎湃無足驚人間平地風波生乘桴尼父果浮海
從遊我欲跨長鯨

張仁兄弟濠梁蒙恩還鄉

客行二月初三日詩到千墩寄二難且喜江南春氣早
不聞濠上雨聲寒花時多釀醪酒芳館重脩芍藥欄
往事真成塞翁馬正須招集笑相看

題邨田樂園

老人邨老瓦盆嘗作雞豚社不識州縣門阿翁醉倒阿

婆笑膝上呶鴉弄乳孫

過顯慶寺

六載重來釋氏家一甌新啜趙州茶杏花風後春何冷
柏子庭前日未斜拄杖賴能無潦倒闕文煩為補楞伽
要聽說法頻來往且喜平橋路不賒

書路城樵舍壁

灤東灤西農晦巷南巷北人家白露秋香雞黍綠雲春
靄桑麻

自和述懷韻

曾聞社酒可治聲柺榼分來謝阿翁才士謾磨龜硯石
貴人多佩虎符銅人前出語羞稱好杯後為文錯送窮
連日昏昏如病蛾不知春到棟花風

瓜隱為崑山邵濟民賦

藥壺舊隱紅杏林瓜廬今在清江潯南柯太守了無夢
東陵故侯同此心灌園自捧漢陰甕抱蔓別作黃臺吟
悵我坐馳三百里何由縮地重相尋

簡無錫華景彰

百書不如一見面此語信然胡未然燈花有約半年久
桂子已落中秋前東門種瓜抱溪甕西齋滄茗軒山泉
少游鄉里樂如此應笑鳶飛瘴海天

寄徐伯樞

東膠山人不出邗南州高士之裔孫十年曾作蠓蟻夢
四壁祇有莓苔痕松牽女蘿補茅屋童引乳泉澆藥園
別來幾度屋梁月顏色宛然清且溫

欽定四庫全書

元詩選二集

五六

薦福寺紅梅詩并序

紅梅閣事見毗陵志等書唐溪詩話載程致道詩
有春風日浩蕩醉色回冰肌之句元末兵燬今東
山釋源公竺淵恢復舊刹重植茲花焉余記之

紅梅閣下紅梅樹陵谷變時風拔去堯峯老禪歸故山
覓得孤根栽舊處年年春到花時節一枝五出臘脂雪
春風笑面歲寒心光塵混融風韻別老禪道服忘妍醜
品題假我扶犁手黃州定慧海棠花可與齊名傳不朽

月香水影象王宮雜花世界將無同幾度拈花有人笑
吾將請問瞿曇翁

獨孤公檜詩并序

唐獨孤憲公為常州刺史時有手植之檜今見諸
郡志等書元末樹毀於兵至此二十餘年為常州
民者宜再植以寓思賢之意况有周鍊師為松菊
主者乎率爾口占呈乞諸措紳先生更倡迭和相
與贊成亦庶乎厚風俗云

欽定四庫全書

元詩選二集

五六

憶昔十五六好古尊前賢初間獨孤檜快觀曾爭先蒼
然一株枿舊根皴皮錯節枝葉蕃適逢夜雨半身濕宜
是往年甘露痕孔明廟前柏相似乃在陳司徒廟之後
園鄉來陵谷忽變造化劫灰飛入海神焦鬼爛救不
得桐鄉自此無光彩幸存一曲闌干石題公姓字留遺
跡石苔爛斑土花碧相伴銅駝非荆棘余從海上避兵
歸幾度摩挲長太息懷哉古之人好賢意無窮詠甘棠
愛召伯賦萊竹美武公憲公此樹堪比隆後人寧不仰

高風玄都道士桃千樹一會區區豈難措龍鍾野老及
羣英亦媿因循坐遲莫檜乎檜乎重培植風枝相膠霜
幹直邦人具瞻仰遺德見樹猶如見顏色六百二十五
年如一昔

出門

老去多懷舊興來時坐馳出門窮鬼笑聲室故人知野
飯新菰米詩囊古竹枝諸孫溪上別矻矻問歸期

江山漁樂圖

欽定四庫全書
元詩選二集
卷二十三
五
數口妻兒網一張船為家舍水為鄉江南江北山如畫
欸乃聲中送夕陽

洞庭胡敬之以余父執之交歲饋新橘凡十有
餘年感無以報是用作歌

湖山清氣鍾而翁生兒亦有古人風年年送橘拜牀下
甚媿我非龐德公今年霜落洞庭早橘熟先於對田稻
青衣童子黃金丸橘頭摘來霜未乾儂家食指百三十
分甘喜得皆波及嬌癡堪笑兩曾孫手弄金丸口欲吞

阿翁老餐三噉畢口教食之還自喫一枝一枝復一枝
翁有笑聲孫亦哈枯腸久似長卿渴甘露適從仙掌來
楚江萍實不可得華峰藕亦無人識冷比霜雪甘比蜜
此句真可題此橘韓子之詩今代無借作報章揮我筆
懷哉故人家洞庭七十二峯環翠屏洛陽秋風塵滿城
莫能污爾雙鞵青南山不爛黃河清正須坐閱三千齡
山中舊識諸耆英煩道老夫多寄聲

紅梅

欽定四庫全書
元詩選二集
卷二十三
五
前代支郎亦異哉白雲堆裏植紅梅樹經劫火多番換
花向春風二月開鄰舍杏桃多赧色禪林草木絕纖埃
一時想像題詩去別日尋芳載酒來

懷詹伯遠

蚪蚪殘書補未全齋居一榻坐來穿楊花遠屋白如雪
溪水出湖青接天冠蓋不來騎馬客鷗鳧長傍釣魚船
多時欲問平安信伏日題詩寄竹邊

次韻送秦文仲歸海上

溧水先生挽不留故山回首鬱相繆落花飛送九年客
行李歸來一葉舟勲業鏡中成白首耆英會上冠清流
獨憐詩社今寥落無復尋盟集舊鷗

賀潤天澤住持保寧寺

橫林之北橫山西孤邨流水古招提青苔一徑童不埽
白雲半間人共棲松枝甘露落塵尾桂子香風吹麝臍
我來欲問生公石道價孰與生公齊

和王有恒野步

芳草青青路欲迷白頭有客共扶藜吳田半沒桃花水
辜負春風布穀啼

寄南宗僧綱和尚

去年同看中秋月東閣開窗夜賦詩閣下桂花無恙否
秋風又到去年時

次韻答臧尚迪先生見贈

延陵野唱風吹去曲誤誰知顧且聽湖海卧遊春晝靜
一簾花雨集中庭

倪元鎮過婁江寓舍因偕智愚隱遊姜公墩得
如字

秋暑賈餘勇懷抱方焚如故人江上來風雨與之俱遂
令沸羹鼎化為寒露壺幽尋陟崇丘飄飄素霞裾同遊
得名緇吟嘯興不孤大樹倚高蓋小酌歡有餘三江五
湖上羣峰開畫圖獨憐我鄉土煙塵尚模糊安知艱虞
世得此暇日娛一笑百慮忘松風奏笙竽

題偶武孟江雨軒

春雨如暗塵江鄉晝冥冥幽人感時變於茲事耕耘江
南亦屢作江風穆而清土膏潤如酥草木努甲生此竟
誰為之曰維天之誠我藝我黍稷我軒泊我宇晨興帶
經鉏寧惜作勞苦嘉苗既芄芄田畷為之喜霜颺一披
拂致此歲功美斗酒以自勞共入此室處矧茲值時康
樂哉詠江雨

兵後過季子祠

延陵采地荒榛棘延陵遺廟成瓦礫延陵野老歸弔古

獨立斜陽長太息塵埃野馬紛滿眼城郭人民總非昔
共惟秦伯吳鼻祖三讓高風冠千古周衰列國俱戰爭
卓爾雲仍踵遐武去國躬耕江上田曰附子臧非浪語
天倫義重情所鍾屹立狂瀾見孤柱此義孰可比采薇
西山孤竹子此情知者誰獲麟老筆十字碑德音寥寥
二千載陵谷幾番經變改江南近代淫祠多梁公不作
可奈何於乎祠堂之毀還可屋禮讓風衰較難復漢家
兄弟歌布粟唐家兄弟相屠戮何當大化一轉穀於變
澆漓作醇俗九州八荒春穆穆秦伯延陵斷絃續芳也
未死當刮目

欽定四庫全書

元詩選二集
卷二十三

六四

題杜拾遺像

國破家何在窮途更莫年七歌同谷裏再拜杜鵑前迴
首長安遠騎驢短褐穿畫圖憔悴色猶足見憂天

季子祠

千古一杯忠義土青山門外碧溪陰溪流冷浸中宵月
照見先生未死心

金涓青邨遺橐

涓字道原義烏人本姓劉先世避秦武肅王嫌名
改姓金生于元季嘗受經于白雲先生許謙學文
于黃侍講潛淹貫經傳卓識過人虞文靖公集柳
文肅公貫交薦之不起洪武初州郡薦辟輒懇辭
謝隱居教授青邨夷猶雲山水石間以終所著有
湖西青邨二集共四十卷兵燹之餘散佚莫存嘉
靖間六世孫魁搜得遺橐付其子江為之梓王子

欽定四庫全書

元詩選二集
卷二十三

六五

充嘗贈詩云惜哉承平世遺此磊落姿宋景濂謂
青邨氣雄而言腴發為文章尤雅健有奇氣不但
長于詩而已青邨與王宋同里而為同門生相知
最深而推許如此知非溢美也

和吳正傳五臺懷古韻

姑蘇臺

闔閭城畔姑蘇臺百花洲上千花開笙歌半空曉未絕
一聲落月啼鳥來蛾眉顰翠愁如簇空捧春嬌在心曲

滄江羅網縱鯨鯢碧瓦邱墟走麋鹿悽煙慘目潮生處
怨滿鷓鴣猶不悟甬東東海不可棲劍光夜冷吳山路

章華臺

楚臺雲棟連天宇伯氣憑陵壓九土方會諸侯求鼎時
天下無周而有楚一朝吳蔡兵合謀孤舟江路誰從遊
宮花曉露細腰泣空山落日餓鬼愁春風過眼秋蕭瑟
餽人一飯那能得道傍塊土棲草煙夜寒夢落空臺前

朝陽臺

楚王昔日遊臺上前望巫峰近相向青楓錦石叢古祠
暮雨朝雲依疊嶂蔓花古木多春寒翠幃仙佩非人間
神功治水佐禹跡至今石刻巍如山詞臣錯寫高唐賦
剛道朝雲夢中遇千尺黃流洗不清水聲猶望臺前怒

黃金臺

昭王有志興宗社厚幣卑辭禮賢者郭君一語捐千金
國士爭趨駢馬燕臺計議皆英豪齊人蹴踏猶兒曹
三軍旗幟白日動半空劍氣青雲高樂生既去士亦少

回首春風長芳草火牛逐復七十城恨滿臺荒天地老

戲馬臺

將軍逐馬關中來神威掠地風雲摧鴻門舞劍成敵國
彭城衣錦空登臺馳下漢軍何披靡垓下楚歌相應起
山河百二幾諸侯子弟八千無一騎古來天下誰英雄
荒臺老樹悲秋風符命合歸赤帝子項伯不忠范增死
和楊仲齋韻

溪行欲假履雲坐不須冠樹密一天小樓高六月寒架

裝憎客至颺颺喜人看惟有松無意風來即奏彈

秋夜

四望秋無際凭闌夜未央星榆晴舞葉月桂冷飛香人
澹琴心苦林幽鶴夢長此情當此夕誰肯賞淒涼

山莊

青村溪盡處林密隱孤莊石老莓苔路門荒薜荔牆入
行秋葉滑鶴立晚松涼治畝農歸後蓑衣挂夕陽

江邨

寂寂江邨路輕煙晚自生遠峰晴有色獨樹暖無聲渚
鷺行看水溪魚賣入城孤舟人不渡兩岸夕陽明

錢塘行在

鳳舞龍飛處寒煙半野蒿地卑東海近天遠北辰高來
往春秋燕盈虛日夜潮老僧年八十對客話前朝

舟次漁浦

雙溪東入浙終日坐危舟流水遠明目小蓬低壓頭煙
邨鴉入莫江國鴈賓秋一片淒涼景安排獨客愁

欽定四庫全書

元詩選二集
卷二十三

李八

浙江曉渡

片帆風力飽涼氣碧颼颼江闊欲沈鴈天空惟見秋漁
歌聞四起人影在中流隔望秦峰出東南第一洲

舟次嚴灘

八月桐江曲青蘋未著花亂雲低壓樹細水淺流沙到
郭無多路依山有幾家故人成遠別相望各天涯

雨後書懷

畏俗久不出其如此意何鬢毛詩白盡山色雨青多曲

偃行蛇草圓生浴鳥波與誰專一壑同和采芝歌

康湖山居

康湖環十里半世樂吟身白屋居寒士青山是故人松
多天不暑瀑近地無塵頗得漁樵趣生涯日又新

別徐處士歸嚴州

浙水連天白輕帆帶雨飛榻懸高士去釣在故人歸秋
盡鴈初過江空魚正肥君如招伴隱我正欲相依

客中與里人言別

同是婺中人情親若弟兄客邊今識面詩上已聞名驛
柳分春遠山花照晚明相逢即相別流水幾多情

旅懷

江湖為客久歸計與誰論春色草無路雨聲人閉門薄
衣知酒暖病眼覺燈昏蜀水家邊景連宵役夢魂

江樓有見

睡起無忙事寒多不下樓櫓聲和鴈去江影照人愁山
碧雲初曉林紅葉正秋琴書無恙否我欲問歸舟

欽定四庫全書

元詩選二集
卷二十三

李九

自述

索居三十載一硯鐵穿磨學淺非時用人生奈老何竹
房來暝早花塢聚春多靜坐無餘事門前水自波

邨居

荒草無行路人家隔小溪雨多嵐氣重石少水聲低病
鶴依松立寒雞傍砌啼近來渾懶動靜處欲幽棲

亂中自述二首

汨汨兵猶競淒淒興莫賒嬌兒將學語穉子慣烹茶亂

欽定四庫全書

元詩選二集
卷二十三

七

後添新鬼春歸發舊花十年湖海志羈思滿天涯

春夢猶為客題詩發興清風帘茅店酒晴日柳橋鶯親
老頻歸覲時危未息兵況來招隱計擬問鹿門行

蜀墅頭

溪頭自舒散天澹夕陽微拂石松邊坐看雲水上飛舊
磯雙鷺下小櫂一漁歸不覺吟成久苔痕濕上衣

雲門道中

三月山南路邨邨叫杜鵑白雲千嶂曉斜月一溪煙水

冷長松井春香小薺田何時移別業來往繡湖邊

秋夜有感

苦吟人不寐中夜啟幽扉明月霜初下西風葉正稀家
貧豚有子天冷客無衣感事忽如夢孤螢入我幃

寄友人宋邦彥

故人別後見尤難彼此詩盟尚未寒寧暇對牀論契闊
謾勞折簡報平安春山裂竹愁如海流水落花紅滿灘
九十春光都過了諸君何以罄交歡

欽定四庫全書

元詩選二集
卷二十三

七

重遊光明寺

梵王宮闕倚崔嵬積翠繽紛圖畫開啼鳥避人穿樹去
老僧迎客下山來栽詩石逕書青竹散髮雲林卧綠苔
自識箇中幽興熟杖藜何惜重徘徊

送李子威之金陵

金陵自古帝王州策馬飄然作勝游一代衣冠新禮樂
六朝文物昔風流此時送別詩盈軸何處相思月滿樓
若見潛溪宋夫子勿云江漢有扁舟

喜雨寄楊伯容

江城曉夜雨浪浪并作芳齋六月涼倚杖出門田父樂
題詩呼酒野人狂不愁戰地多兵甲遂喜豐年足稻梁
問訊草玄亭上客竹林疎簾夢秋光

秋莫會楊仲章

矮褐淒涼淹別館故人一見話綢繆溪頭水落魚龍夜
塞北雲深鼓角秋爛醉豈知猶是酒相逢誰為不封侯
江湖明日重分手滿眼西風獨倚樓

欽定四庫全書

元詩選二集
卷二十三

六十二

贈術士呂公

短褐垂綸已十載柴扉篳竇即湖邊年來出處常存道
身外功名嬾問天造次可無詩入聖相逢還有酒為賢
虎頭燕頤君休論好向山陰買釣船

贈陳仲玉本學教諭致仕

聽雨芹池二十年如何一旦卷青氈陡令猿鶴生秋怨
高枕琴書且晝眠詩為嬾題閒木筆飯因不足羨苔錢
石田茅屋華川曲從此挑燈繡佛前

清德晚歸

酒留詩戀意遲遲回到中塗已落暉小蹇引秋行落葉
老漁隈冷坐危磯山間明月隨人出松外閒雲伴鶴歸
試問夜深何處宿欲從山下扣禪扉

方學士招飲不赴

我在林間鹿與羣君為天上玉麒麟莫將綵樹燈前酒
來醉梅花月下人白屋不生三閣夢青山那識五陵春
行吟每到看松處自有漁樵作主賓

欽定四庫全書

元詩選二集
卷二十三

六十三

秋江話別

別酒相傾別淚流江流亦不為君留片帆今夜人何處
明月滿天誰共樓一鴈叫霜紅入葉十年為客白侵頭
莫嫌歸計多蕭索三徑西風菊正秋

送張學諭歸三衢

穩泛靈槎訪斗牛未容歸伴赤松遊尊鱸此去無千里
雞黍相期在幾秋激水月寒梅入夢繡湖煙澹柳分愁
春風莫問田園計須趁功名在黑頭

寄王照磨季耕

底事鄉心憶鏡湖一朝歸去伴樵漁傳家尚喜貧存硯
教子尤勤老著書靜裏有時觀水坐閒來何處買山居
門牆桃李應如舊添得春風柳五株

送東陽杜僉憲之河南

號尺五翁

玉堂學士草堂仙濟世英才間世賢憂國正操言事筆
移官又買載書船風搏渤海三千水雲擁蓬萊尺五天
更到鳳池春好處紫薇香暖御爐煙

欽定四庫全書

元詩選二集
卷二十三

七十四

夜泊蘭江

江山歷朗雪初融坐見宵分碧落空世景固知光霽少
人生多在別離中影隨月下成三友春到梅邊第一風
此夕此情聊復醉馬蹄明日又西東

秋日山中

不記秋風幾日晴偶來林下見雲生野梧半脫無多影
山雉驚飛忽一聲短錫引船僧渡水小輿聯擔客歸城
溪頭聽得漁翁說近日前邨酒價平

秋日客中

久客歸來靜閉門秋風落葉自紛紛夜來一暖做成雨
早起滿溪流出雲山色祇宜閒裏看鴈聲那可客邊聞
黃花開遍歸無計吟老秋光又幾分

富陽舟中

終日推篷對酒杯漁郎隔浦櫂歌回路旁古屋無人住
山下疎梅獨自開幾處汀洲分鴈下滿江風雨送潮來
白頭篙叟休相促明日天晴上釣臺

欽定四庫全書

元詩選二集
卷二十三

七十五

城中歸志喜

城中多時得一歸小園幽館雅相宜種荷池暝便鷗睡
儲粟餅空慮鶴飢兩履苔痕人立處一軒秋影月來時
靜中自得其中理此意無人會得知

曉發金華

一帶寒林古木齊濛濛山色亂雲迷沿邨問酒難尋店
隔岸呼舟欲渡溪夜雨草深蛙鼓鬧曉風花落子規啼
可憐客路多岑寂何處垂楊駐馬蹄

邨舍

幾邨桑柘遠相連邨北邨南小渡船
茅屋有綠臨水住閒身無事看山眠
孤林欲莫鴉爭樹一雨及時人種田
昨夜鄰翁喜相報今年依舊是豐年

山莊值歲莫

坐久那能笑口開篆煙燒盡石爐灰
山厨度臘貧無肉茅屋逢春富有梅
凍鳥縮身依雪立饑驢直耳望人來
窗前更展離騷讀消得茶甌當酒杯

欽定四庫全書

元詩選二集
卷二十三

七六

春日過繡湖

湖上晴光麗物華行行幽興浩無涯
林頭新店去沽酒門外小盆來賣花
天氣可非三令節春風多在五侯家
茅菴兀坐無餘事靜看遊蜂報午衙

望天台

日光紅處是天台萬壑千峰紫翠開
滄海波濤時洶湧瓊樓石室自崔嵬
丹丘霞酒憑誰遣綠水雕麻安再來
東望長歌搔白髮秋風滿抱一登臺

病後自吟

地僻柴門少客過寂寥生計奈愁何
秋來得雨涼偏早病起綠詩瘦更多
鶴立露枝黃墮葉鷗飛煙渚翠翻荷
幾回夢入江湖擢笑看雲山卧綠蓑

春日

今年春日殊無賴不逐黃衫作伴遊
學道十年心似醉懷人一別歲如流
殘山剩水塵凡隔瘴雨蠻煙日夜浮
戰伐即今憐壯士功成誰擬覓封侯

欽定四庫全書

元詩選二集
卷二十三

七七

舟中

短篷搖下雨長川山重寒雲樹重煙
篷底筆牀相對坐有人看作米家船

秋夜

獨自歸來秋夜靜雨濕寒雲小窗暝
竹爐無火客思茶隔樹人家有燈影

冬夜

獨坐夜深人讀易屋外雪明如月色
松寒老鶴睡不成

飛下窗前伴人立

春晴

曉風吹暖破陰雲
草色湖光轉綠痕
試看海棠枝上月
定將花影到重門

遊赤松

枕石聽流夢未安
碧雲蘿薜古祠寒
夜深鸞鶴羣仙過
人在青松月下看

邨園

半畝邨園接水涯
誅茅新構小書齋
窗前不用栽花柳
只對青山景自佳

春曉偶成

清晨睡起覺衣單
亭館東風怕倚闌
一夜好春吹作恨
梨花寂寞雨鳩寒

幽興

閉門不出動十日
雨後憑闌眼倍明
萬樹飛花將欲盡
一池春水漲浮萍

南窗

南窗不受北風寒
筆硯供吟對景安
最喜手攀檐外竹
雪中尤勝作花看

子猷乘興圖

月照梅花雪點春
小舟危坐醉中身
一時為愛溪山好
本是無心見故人

美人圖

綵雲宮殿月闌干
翠袖春風倚莫寒
馬上琵琶愁未已
不須重展畫圖看

內人燒香圖

小院鈞簾拜月明
暗將心語達微誠
妾身不願承恩重
願保君王樂太平

趙昌海棠圖

銀燭燒殘夢未回
舊家庭院已荒苔
玉簫聲杳人何處
惟有東風燕子來

徐熙牡丹圖

欽定四庫全書

元詩選二集
卷二十三

七六

欽定四庫全書

元詩選二集
卷二十三

七九

翠幄籠霞護曉寒無人凝笑倚闌干玉環去後千年恨
留與東風作夢看

探梅

乘興扶藜過石橋地平不覺萬山高庭前一樹梅花白
疑是春陰雪未消

幽興

燕子飛來近畫檐暮春時節雨纖纖杏花
落盡無情緒何處人家有酒帘

欽定四庫全書

元詩選二集
卷二十三

六

范增

舞劍鴻門計不成咸陽歸路楚愁生子房玉斗空撞碎
奈有陳平四萬金

元詩選二集卷二十三

謹案第二十一頁前一行達實持穆爾舊作達實

帖木兒今改

欽定四庫全書



總校官候補中書臣吳紹深

校對官檢討臣蕭九成

膳錄貢生臣傅瓌芳

欽定四庫全書薈要

集部

元詩選二集卷二十四

詳校官編修臣王天祿



欽定四庫全書薈要卷二萬四百五十二集部

元詩選二集卷二十四 長洲 顧嗣立 編

趙汭東山存稿

汭字子常休寧人師事九江黃澤楚望嚴陵夏溥
大之義烏黃潛晉卿明易象春秋之學至正初臨
川虞學士集見其書深加敬異延致于家未幾歸
築東山精舍隱居著述學者尊之輔元帥汪同起
兵保鄉并授為江南行樞密院都事丙申後結茆

欽定四庫全書

元詩選二集
卷二十四

星溪古閬山洪武二年召至京師與修元史既竣
事得請還未逾月以疾卒年五十一門人汪蔭及
范準先後集其所為詩文得若干卷星源汪仲魯
謂子常之詩因感發而形諸詠歌雖不專乎是然
長篇短哦亦不一字苟為也

題黟令周君儒所藏清溪白雲圖

結屋清溪上白雲與為鄰雲影常在地溪光淨無塵餘
暉及山木掩映忘冬春逍遙窗戶間亦足娛心神相望

彭澤宰仕止孰由人忽憶桃花源悠然思問津

悼子瑄

無子未嘗憂有子悲不育妙贊世所稀我窮焉得鞠所
嗟百日間奔走無停躅賀者猶在門房中已聞哭汝病
吾不知汝名人已錄我無高飛翼安用煩羈束奉身如
拱壁世亂遭指目禍福來無端每虞連骨肉殤子古稱
壽彼蒼非汝毒勿羨彭與聃貪生恒局促

題米元暉江山小景

欽定四庫全書
元詩選二集
卷二十四
三
滄波浩無津揮手揚帆去迴顧江上山蒼蒼但煙樹結
茅傍洲渚豈少垂綸處終然塵迹近未及扁舟趣世運
如風颺朝新夕成故白雲何亭亭倏爾天際住寄謝山
中人奚為獨多慮

病士

病鷹不忘擊病驥不忘驟病鶴俛不啄仰睇霄漢長惟
有病士心死灰不復颺居處終鮮歡起行若痛亡逢人
目輒動內暢外周章口雖強諾唯退省但茫茫已疾且

忘療焉知民未康多謝遊談者勉旃思自強是棄果茲
哉為稱充圓方

峽源瀑布

寒峽隱堂隍尋源得飛瀑懸空下千尺飛鳥驚不度雷
激丹嶽推電穿青山破陰厓排積雪霈雨恒時注我來
屬時艱對此忘百慮塵襟欣一洗徘徊不忍去崇山限
吳楚避遠誰能顧應有避秦人巖前覓微路

題雲林小隱

欽定四庫全書
元詩選二集
卷二十四
三
杉松冥冥煙霧濕青合兩厓愁壁立方池怪石小窗研
家具圖書劣容膝十年官道暗黃塵錦里蕭條少四鄰
峻嶺截雲天禦暴樵歌一曲斷行人古林先生身種德
芝田蘭畹無荆棘心閒雞犬亦清寧虎狼狐妖俱屏迹
木葉歸根蟲閉關雪深半夜失前山兒童挾策莫言冷
信有和陽地底還

浮丘詞

浮丘說詩秦漢間龐眉鶴髮映朱顏適逢偶語幾棄市

又見慢儒來溺冠飄然長往不知處遺跡宛在軒轅山
年穀常豐物無厲石泉一琰薦甘寒

中秋雨分韻得秋字

蓬萊別館天香浮仙家好景惟中秋舉杯邀月不知處
濕雲滿地寒螿愁大地山河忽破碎蒼茫微影將焉求
盲風怪雨豈終夕中軒坐見寒光流

故人

故人別我秋江淡幾載重逢春夢裏忽觀明月憶高情

欽定四庫全書

元詩選二集
卷二十四

四

愁絕長空三萬里荒山久病莫能興狂風暴雨何憑陵
塵尾呦呦呼厥類雉媒戛戛求其朋

余邗道中寄魯齋

青山並岸如蒼蚪石門翠樹如相樛似與幽人護清境
玉梅翠竹映寒流溪行半日足生繭水望千迴山百轉
請君處處種桃花莫使重來迷近遠

尉氏讀阮嗣宗詩

明月照北林孤鴻有哀音攬衣起坐彈鳴琴憂思徘徊

獨傷心可憐堂上生荆杞空自繅華榮桃李種瓜寂寞

青一作東門外采薇悵望西山址芒碭雲歸大澤空後五

百一作百五歲無英雄途窮慟一作窮哭誰一作無知者沈酒

狂言元自公

古津渡夜談贈金元忠

相逢歲晚詩更誦燔盡枯槎談愈縱短茨低覆結冰花
寒壓溪雲不成夢竹帛煙銷黔首愚紫芝一曲老商於
坑外竟逃真學士浮邱雅頌濟南書

欽定四庫全書

元詩選二集
卷二十四

五

題碧山圖

嘗愛李太白興來棲碧山中別有一天地惜無圖畫
留人間誰為碧澄翁久向山中住栽花種柳待春風忽
見新圖識其趣青山淡淡雲離離小橋流水涵清漪抱
琴擇勝可終日安得似汝圖中時韓侯好詩仍好畫嗜
酒不憂官長怪欲圖李白碧山居酒禁方嚴筆如借知
翁有子舊曾遊淡泊無榮心日休圖成漫與翁為壽願
翁長樂無虞憂

觀輿圖有感五首

朝雨茅茨濕披圖羨禹功山河一掌上宇宙九疇中水

性惟趨下民生本易窮胼胝豈無事大智與天通

四載勤難繼八年績竟成一作四履應難辨三河尚可尋功推城濮雋

澤想召陵深問鼎猶懷惡投龜肯易心向無微管歎孰

憶到于今

輟已環諸夏居身一作猶憶九夸難求伐木處尚想饋豚

時夾谷真成謗中年不易知惟存刪述事赫赫起周畿

欽定四庫全書

元詩選二集

六

一作

皓首陳王道時君孰可匡一作當艱難思稷契容易託齊

梁越豈資冠冕秦方用虎狼空聞歸大老不復見鷹揚

雒邑空南渡東都亦北轅已符前五閔一作運空憶後三

元世謂漢唐宋為後三代分合巧相似今昔一作短長難等論女真如

拓拔一統位一作世中原

江彥明來訪

敲門知有客已謂是君來亂後交游少秋清懷抱開劇

談無可諱信筆不相猜木落山容淨樓居且莫迴

病中和伯友絕糧韻

貌比年加老憂如病轉深風檐驚浙瀝竹徑怯陰森獨

立籌家難朋來阻歲祲遠書思過鴈危坐自沈吟

次韻玉瑯雲隱圖并序

番陽王本善故居懷玉山之北號曰玉瑯雲隱鄉

先達進士董公為之記和陽王使君為之賦又得

星源韓徵君為之圖余嘗過本善所寓見其淨埽

欽定四庫全書

元詩選二集

七

一室琴書圖畫與弓劍雜前培桂植菊怪石纖蒲

幽潔可愛蓋能審已推分隨所寓而安視竄名尺

籍而有所顧願者不同科也乃次使君韻附于卷

末以釋其幽思云

馬上劍三尺山中雲半間無人尋草迹有虎卧柴闌解

甲端俾後懸弓定地還胡為思舊隱畢竟復誰聞

張節婦

家難年方茂時艱志益堅九原無起日一節矢終天逮

下恩猶昔隆師子象賢姓名歸太史墓碣不須鐫

和唐縣尹山居三首

早從上國接英遊晚卧滄江擅一邱無復謝公攜處妓
空餘陶令去時舟千章古木排雲起一派寒泉傍石流
客至不須談世事小亭已扁四宜休

絕無塵土到幽局手把離騷傲獨醒弁嶺晚來雲自白
六湖春盡草長青沙邊忽復飛鴻鴈屋角隨常鳴鶴鷄
莫對江山重回首乾坤萬古一郵亭

欽定四庫全書

元詩選二集
卷二十四

塵事紛紛未有涯一舟聊復信年華閒過角里先生宅
謾訪孤山處士家有酒何曾留俗客無錢猶自買梅花
新詩寫就人先覓醉筆淋漓整復斜

次童以清韻

山城二月百花开喜代元戎報捷來縣小適逢多事日
時危須仗出羣才烏絲寫就雲生沼白紵裁成月滿臺
為有幽期常極目晴空雙鶴自飛迴

除夕贈倪明善程仲元

舊交誰可共殘編亂後相逢意惘然肯伴歲除憐我病

欲傳家學識君賢治身土苴知何晚涉世風帆媿不前
莫歎長鏡逢積雪清談相與度新年

和葉中茂過訪見貽

早識長材歎陸沈逢時况復重南金少年謾說從軍樂
志士長懷報國心已見竒功書幕府每傳佳句到山林
孤燈偶共抽青簡夜雨寒窗感慨深

屏山即事時周明甫來訪

地近仙巖日自長短牆時度竹風涼樓頭古木禁秋雨
檻外危峯倒夕陽高榻坐聞金奏響小橋行近翠盤香
清談况復陪賢達始信他年未易忘

丙申冬遊黃山

東緼迎門月墮初同來有客共艱虞幾年避寇今無地
何處誅茅可結廬雪虐風饕樵客路山囚瀨繫野人居
一簞肯許同棲息寂寞殘生不願餘

次韻成大用推官黟縣即事

無復居人接近郊空餘白骨沒青蒿旌旗蔽日軍容壯
營柵排雲地勢高敗屋毀垣迷故邑小溪春漲入空濠
浮邱近有黃山約千斛松肪可釀醪

題九龍菴新樓

樓觀憑虛倚玉臺遠涵空翠絕浮埃璿璣宵轉星辰近
沆瀣朝盈戶牖開雷劈蒼厓龍起立風翻碧海鶴飛迴
仙家自信春長好應笑西僧辨劫灰

棲真別館贈松高鍊師

欽定四庫全書
元詩選二集
卷二十四
十
樣權青林翠欲流尋真勝復闕英遊上方道士紅雙頰
別館仙翁碧兩眸絳節朝回瓊島近金丹時就石壇幽
投書欲與鄉人別長伴羣仙駕十洲

贈曹元達子

故人別我今幾秋見爾難禁雙淚流一家寄食悲南國
千騎擁麾雄北州轉戰不知何處在相逢未擬此生休
清門生理依諸舅長大廢書吾漫憂

省古逸汪先生墓

百年高興太平時喪亂空餘死後悲煙草已墟顏氏巷
雲山猶寫杜陵詩飲水食檠老逾壯鍛鐵推金幼已奇
先生年十六賦新竹詩云待成竿後節方露自作笋時
心已空又贈人云推金鍛鐵作硬語意氣磅礴真丈夫
賴有諸孫營葬地清風誰鑄首陽碑

秋懷

莫怪人呼作病翁長年藥裹媿無功夢迴左角鴻溝外
秋入南柯石火中陽九適逢當日厄大千會悟本來空
踈躒鑿井寧多事安得相攜一笑同

次韻戲答留題東山者

詩翁扶醉上危巔得意留題拂短垣嗔喜未忘春夢後
是非猶記劫灰前弓刀幾處排堅陳風月何人共小軒
失脚黃塵應有恨元龍終不羨求田

唐伯庸以詩謝作讀書林記次韻答之

廛居原不見紛華矮屋疎籬只一家雪後松筠初換葉
春深桃李自開花讀殘青竹無人到覽罷黃庭日已斜
此道已來成寂寞似君端合向人誇

鄰翁

世亂雲浮一作人心薄年荒虎迹多鄰翁近相戒日莫少經過

詠蟋蟀

赤翅晶焚何處歸秋來清響傍庭闈莫言微物無情意

風虎雲龍共一機

先生年十二時從胡井表學于家塾賦此時胡大驚異賦乳燕詩以答之

云他年高拂雲霄上莫負當年乳哺恩

山居雜題二首

欽定四庫全書

元詩選二集

十三

山高結茅不厭低山下如今路已迷新月夕陽都不管

晚來愁絕數峰西

高枝密葉一時空倚杖沈吟落木中亂後山居無紀歷

偶來林下見西風

次韻答何判簿見寄

少駐沙邊載月舟依依父老話平時霜清木落山容靜

三十六峯渾是秋

贈唐宗魯

驚飈振原野草樹日已疎客子懷故林哀鴻雲外呼九

土人相食煙塵暗長塗骨肉一分散東甌定勾吳側身

無津梁飛夢輕重湖荆璞時未珍所貴璉與瑚棠溪古

云利百鍊不受誣憂患啟明哲艱貞奮良圖熠熠草上

螢青青澗中蒲已感秋日短復悲冬夜徂陽光燭幽昧

陰壑羣生蘇歸舟泛春濤一觴酌伍胥

黃星行

八月十五夜未央中天皓月懸清光大星稀少小星沒

欽定四庫全書

元詩選二集

十三

出門四顧山蒼蒼我生不讀甘石書但見一星明且黃

今宵不見兒童怪應隨斗柄西山外石橋徒倚聞幽香

荷葉團團大如蓋黃星明夜應復來清露為酒荷為杯

舉杯漫與黃星壽自古昆明有劫灰

洛陽劍客歌為程景陽作

洛陽古稱豪傑窟奇才劍客尤超忽漢家三十六將軍

劇孟歸來如敵國爭誇玉貝高挂頤曼胡短後供兒嬉

平生恥學一人敵胸中耿耿誰能知功名何必慙廉藺

排難解紛聲愈振白頭恨不當單于誤身竟坐封侯印
長安卿相真庸奴鬼妾鬼馬窮歡娛一朝萬事成瓦裂
金錢果為何人輸君不見洛陽劍客藏名久好盡中山
千石酒精靈變化會有時莫遣光芒射牛斗

登黃山鍊丹峰尋晉人隱處

我遊黃山當嚴冬雪消日暖無天風欲求昔人棲隱處
發興况有高僧同危矸側步目已眩絕壁下瞰心為忡
交流二澗瀉寒碧樵牧不來蘿逕窮嵯峩亂石大如屋

欽定四庫全書

元詩選二集
卷二十四

十四

蹴踏豺虎登虯龍手披灌木出林杪仰從雲際窺奇峰
中高一柱揭南斗旁扶兩岫森寒松丈楸萬木翠如織
宛宛內蓄何冲融仙靈窟宅景象異豈與下界同汗隆
姓名無傳年代遠只有藥臼留遺蹤摩挲考擊三歎息
悵不並世來相從因憐李白升絕頂空吟菡萏金芙蓉
幾年戎馬暗南國眼前厭見旌旗紅脫身長往宿有願
把茆不用煩人工曹阮浮丘應好在山南山北會相逢

揚行密疑塚

荒郊石羊眠不起枯塚累累各相似海陵寃骨無人收
豈有兒孫來擘紙幾堆空土效曹瞞百戰江南帝徐李
龍山突兀表忠祠至今父老思錢氏

丙申冬遊黃山

夢拈山林盡誅求鳥雀悲力微思引避勢迫遂相夸誤
返屠羊肆空憂漆室葵浮丘如可覓攜手訪安期

海月巖二首

踏盡崔嵬倚石門海風山月滿巖巒自言仙室依蓬島
不覺人寰變廣寒千載揚塵安可測一杯對景且為歡

欽定四庫全書

元詩選二集
卷二十四

十五

巖前浴日皆詩景喚醒東坡仔細看
架巖鑿石有規模不學桃源舊畫圖亭作人稀林鳥樂
錫飛天老野雲孤雨餘石井泉深淺煙淡虎門山有無
說與山靈莫分別從教仙穴看浮屠

汪克寬環谷集

克寬字德輔一字仲裕初門人嘗從雲峯胡炳文可堂吳仲迂朝陽吳暉學泰定丙寅中浙江鄉試次年會試論春秋與主司不合遂見黜貢待制奎深惋惜之南歸篤志著述以所居山谷環遠稱曰環谷四方學者皆曰環谷先生洪武二年召至京師與脩元史事畢特旨一班留仕以老疾力辭不受乃命禮部設宴賜白金綵緞給驛而還五年卒

欽定四庫全書

元詩選二集

卷二十四

年六十九德輔生而穎異其外王父為康石溪先生來視輒教之一日引羣兒浴于溪許因以對偶試羣兒乃曰童子六七十浴乎沂水德輔即應曰英雄三百輩隨我瀛洲石溪喜曰不負吾宅相矣後果以理學名世當時推為史局布衣第一人云

清明思先壟

芳樹曉煙鷓鴣鳴澹雲暈碧漏新晴驚心時序百六日回首家山十五程病思為魔成逆旅夢魂飛淚灑先塋

遙知兄弟溶溪上細掃松花酌麴生

和唐宰山行

山縣千峯疊閭閻雜嶮夸雨香魚撥刺風軟燕差池郭外耕夫耦桑中穉子嬉絃歌聲教遠民俗變澆漓

丁亥四月十四日陪尚書公澤民遊祥符寺分得煖字

芙蓉六六森如鏟乘輿登臨寄疎散綠沈靈湫老龍蟄翠護祇園新竹短山樂鳴空石洞寒金雞舐鼎丹爐煖

欽定四庫全書

元詩選二集

卷二十四

蘇癡拂拭讀殘碑一浴靈泉客塵浣
題道士張湛然彈琴詩卷

嶧山白桐千年枝金星爛爛蛇蚶皮文光七軫藍田一作

蒼玉冰絃細遶吳蠶絲丹山雲煖鳳凰語露草寒蛩訴

秋雨娥英泣灑湘筠斑遷客相逢話羈旅翠巖懸瀑鏘

瓊瑤雷一作春霆霹靂轟層霄瞥波細萍游蕩漾劈空輕

絮飛飄颻仙林唳鶴驚離別老龍湫底吟寒月海門送

上子胥潮澎湃奔騰卷殘一作時雪羽人瀟灑頗如仙馮

虛來往黃山巔古音淨洗箏琶一作笛耳何須更濯丹砂泉

題李營丘畫驪山老姥賜李密火星劍圖

蒲山銳額千牛客蒲韜跨犢行無跡挂角青編一束書
夢對重瞳意相得昆吾寶劍三尺水火星炯炯精光起
花冠仙姥授神奇拜起倉皇驚更喜鞏南敵血盟玉盤
龍舟錦纜誅疵癥折簡唐公結昆弟威稜六月嚴霜寒
豈知不學萬人敵雄才空覺乾坤窄九卿裂地藏瑀弓
稠桑土蝕銅花碧岩堯古樹蒼玉林丹厓慘澹霾輕陰
龍津倏忽風雲化未須感慨荆軻心

秋後雨

楚東五月天無雲日光流金百草焚南風吹山彭蠡涸
稻畦坼坼一作灼灼占龜文木郎無神龍不起牲牢薰燎徒
紛紜梧桐一葉炎官老雷車轆轤天瓢倒陂池泛溢失
高低萬穉青黃發枯槁白髮田翁半憂喜却憐久雨未
生耳磨鎌欲獲泥濺胸累日陰霾黑千里何時木德守

三星五風十雨歌昇平

夜

玄觀空山靜秋風晚更清嵐光連霧氣松響亂泉聲竹
戶流星近蘭階落葉平夜寒人不寐獨對一燈明

鄭洪素軒集

洪字君舉號素軒有詩一卷為秀水曹侍郎溶家藏本題其簡端云是永嘉人蓋本諸賴良大雅集也而朱檢討彝尊云嘗見鮮于伯機題趙子固水仙卷稱元貞二年正月同餘杭盛元仁三衢鄭君舉觀於困學齋則君舉乃三衢人也未詳孰是俟更考之

寄林仲實主簿

新築書齋壁未乾盟言誰信未曾寒春風不到梅花帳
曉日常懸首宿盤鄉里總知新部曲朝廷不改舊衣冠
分明寄謝嵇中散莫把尋常冷眼看

題碧雲樓

一柱樓臺從地湧八窗圖畫自天開雨中日脚青紅暈
霧裏山容紫翠堆折木高寒天似蓋蓬萊清淺海如杯
洞簫一曲吹黃鶴肯信愁腸日九迴

和楊廉夫贈海東雲韻

祇陀樹園立孤鳳舍衛國城懸五雲衡山秀削芙蓉朵

鐵史書題星斗文日日中天寶花落時時空谷履聲聞
芸窗琢得巢雲句繭紙烏絲寫八分

龍門避暑

龍門絕頂松風冷空翠濕衣山更深六月地爐長擁火
半窗雲影便成陰懸厓果熟猿爭樹白晝人驚鬼出林
一箇老僧飛錫去不知消息到如今

近詠二首

貔貅十萬擁孤城黃鉞將軍久控兵海上晚風春播蕩
天邊北斗夜分明憂愁自擬周姜婦出處深慙魯兩生
望斷白雲心欲折篝燈含淚讀陳情

總戎羽檄似流星將校麾旄駐野亭江水總流兒女淚

湟池空染鬪長洲二月花無主茂苑千年草自青

讀罷陰符無一事如何閉戶草玄經

述懷

一春夜客傍江邨日日傷春只斷魂又見海棠飛燕子

不堪芳草怨王孫清閒幕府無公案落魄形骸付酒樽
依舊虎丘山上月多情照我白紛紛

過茜溪隱居會項從理

樹繞河隄水繞門人煙雞犬自成邨清時自保無兵甲
白屋相傳有子孫彷彿巴仙藏橘圃依稀晉士入桃源
柏臺小吏吾知己日日相逢具酒樽

次王蒼雪韻五首

木蘭舟子小如梭溪口停橈繫薜蘿自擬仙人識劉阮

欽定四庫全書

元詩選二集
卷二十四

三十三

浪傳詩句似陰何眼中白髮王臣少夢裏青山越上多

漠漠太湖三萬頃可憐無地著漁蓑

茜溪春日淨暉暉蝴蝶雙雙上客衣流水桃花聊避世

滄江鷗鳥自忘機迢迢魏闕江湖遠渺渺吳雲日夜飛

官事有程歸未得南風吹老北山薇

此詩仿雪崖
晚庭之句

驅馳不覺青春過離別只應白髮生且就東山攜月色

不禁南國動秋聲天瞻析木低雙闕星拱勾陳轉二更

庾信平生好詞賦年來哀怨不勝情

百年王業在幽風九鼎猶存澗水東共喜干戈指淮甸

兼聞仗節下崆峒青袍白馬飄零外羽扇綸巾指顧中

昨夜天公洗兵甲一江雷雨似飛洪

東閣諸郎總好文南州多士望龍門共傳江左風流遠

且喜河汾禮樂存白馬青絲歸賦詠黃花翠竹共飽樽

劉蕢一卷匡時策更待青燈細討論

遣悶

柳葉參差杏葉團桃花零落薜花圓那知人事有今日

欽定四庫全書

元詩選二集
卷二十四

三十三

却憶風光似去年客路青春誰作伴庭闈白髮夢相牽

濃愁深似三江水都在滄洲白馬邊

秀上人飲綠軒

半勺滄浪歌濯纓一瓢天乳酌靈星紺雲滿漲蒲萄甕

青雨長懸瑪瑙餅不向蘇耽尋橘酒却從陸羽校茶經

西江吸盡無窮味濁世浮沈幾醉醒

賞梨花命妓行酒歌詞為賦此

賴良大雅集作
嘉定嚴希德請

賞梨花命
妓行酒

瀟灑東闌一樹春雪膚冰骨月一作玉精神朝雲著處迷

詩夢暮雨來時想玉人華屋洗妝歌小小銀屏推枕喚

真真紫微閣一作花下繁華處芍藥荼蘼總後塵唐趙顏

障畫一美人工人曰余神畫也亦有名曰真真呼名百日即應而下與合久之生一子友人使劍與欲斬之真

真即攜子上畫也

過儀亭

扁舟落日過沙湖十月清霜野水枯
棹子刺船爭打鴨

小娃倚市夜當壚紅紅枸杞珊瑚出
白白蘆花組練鋪

欽定四庫全書

元詩選二集
卷二十四

十五

有約草堂陳孺子夜筍渾酒煮江鱸

題春江送別圖

西陵渡口山日出蘆芽青青柳枝碧
龕山赭山潮東來

黃郎刺船水如席勸君勸君遲渡江
柳條貫魚頰尾雙

治魚沽酒待明月人生莫作輕離別

題黃子久畫

二十年前識大癡梭鞋桐帽薜蘿衣
星霜老髮三千丈

梁棟遺材四十圍圖畫渾如詩句好
丹砂終與道心違

筓箕水上青松樹猶覆當年白板扉

題宋元凱都市寺為中正堂畫溪山晚釣圖

百畝青山二頃田金溪南畔竹菴前
紺園蒼菊花香澹

寶地杪樵樹影圓日日釣絲牽葑雨
年年禪榻對茶煙

郎星昨夜明如月偏照君家書畫船

寄甯子堅

澱山湖頭鷗鳥飛謝家泖口鰕魚肥
菱花正熟吳船米

荷葉新栽楚客衣鶴立瑤階毛羽整
鴈來滄海簡書稀

欽定四庫全書

元詩選二集
卷二十四

十五

詩囊織得天孫錦應寄南城白版扉

寄毛府判

南湖水長沒蒹葭西浦橫橋對白沙
鴻鴈來時菰有米

鳳皇飛處竹無花石田賦寫張平子
雲閣書通蔡少霞

零落江陵千樹橘青門猶戀故侯瓜

寄宋國瑞二首

虎豹重關錫命來麒麟高閣畫圖開
七書總是平時略

三策應非濟世才玉樹無花江令老
青袍似草庾郎哀

風塵滿地江湖迴都把心情付酒杯

析木天清泰運開五陵佳氣鬱崔嵬樓船盡向東溟去

天馬新從西極來一統王春行四嶽六符星象正三台

會同館客多如雨說道黃金又築臺

吳山白堦寺

江山襟帶尚依然王氣銷沈已百年八葉龍孫東渡一作

入海六宮虎士一作北歸燕銅駝荆棘荒山一作裏石

馬莓苔落照邊玉柙游魂飛劫火五陵無一作樹不啼

欽定四庫全書

元詩選二集
卷二十四

鷓鴣

鳳皇報國寺

當時此地肅朝班閭闔深沈虎豹關大將偃旗奔魯壁

降王銜壁下吳山空中萬馬浮金碧夢裏千官擁佩環

極目長江如練帶百年誰似白鷗閒

和謝雪坡太守詠新城

十二城樓面面開登高送遠興悠哉玉虹萬丈橫銀海

白鴈千行下弩臺漂泊自憐能賦客艱難誰識濟川才

長江不作東南限拱北樓頭畫角哀

題馮叔才芭蕉仕女

楊花夢覺春陰陰鳳釵綰髻雙黃金守宮血冷臂如削

豆蔻繭紅愁正深羅衣熨帖沈煙縷恨身不作雙飛羽

芭蕉心折郎未歸蕨蕙花開淚如雨

浙江亭留題二首

海門潮水貫長虹天際山形隱伏龍南省官曹終日醉

西陵烽火隔江紅黃金不鑄岳武貌青史直書劉巨容

欽定四庫全書

元詩選二集
卷二十四

蕭灑江南哀不盡庾郎才賦若為工

江頭日暮虎成羣城北城南路不分魏闕共瞻天際日

越鄉遙見浙東雲湖山翠黛顰西子江渚旌旗望北軍

聞說漢廷將喻蜀茂陵司馬盡能文

蕭山秋興二首

闌干曲曲倚西風桂樹懸秋月正中千里功名憐握馬

百年身世媿冥鴻天垂南斗星猶北江繞西陵水自東

撫罷吳鉤雙淚落飯牛捫蝨盡英雄

寧戚遇齊桓公事
又王猛見桓公温

談天
下事

雙杵孤砧擣客心野雲江樹障秋陰越王臺上青山小
賀監湖頭綠水深負郭已無田二頃傳家那有橘千尋
卧龍只合南陽老梁甫愁來莫浪吟

送楚良之杭州

七月仙舟泝大江滿江花雨送飛幢琳琅金籀筆五色
天寶龍光劍一雙春透桃花青海浪秋涵桂樹白雲窗
別離最苦東曹掾醉倒沙頭玉兩缸

欽定四庫全書

元詩選二集
卷二十四

元

寄張景叔開 欽若

衡門草深鞍馬稀泖湖水多菱芡肥賤買黃魚供蓐食
寬裁白苧製深衣七州聚鐵不成錯六鷁過都甘退飛

寄謝淮南兩文學相思新減玉腰圍

五代羅紹威殺盡
牙軍勢弱悔日聚

七州四十三縣鐵打
此一箇錯不成也

寄祇園師煦東白

一別東林遠法師十年滄海夢相思黑貂已敝猶存舌
白社雖貧尚有詩菰米雲深鴻鴈飽梧桐月冷鳳皇飢

台州若問狂司戶張翰湖頭兩鬢絲

寄靜菴

錢唐三百六十寺南北兩峰圖書開三秋桂子月中落
萬里潮頭天上來金湯故國旌旗暗錦繡新城鼓角哀
大法一絲懸九鼎雨花飛繞講經臺

寄楚良

八月西山爽氣多兩峰如髻綠嵯峩蘇公隄上無楊柳
岳武墳前多薜蘿關口烽煙苗子寨江頭風浪越郎歌

欽定四庫全書

元詩選二集
卷二十四

元

遠遊不似歸來好菱芡滿湖生白波

題張士厚四時仕女四首

繡簾壓地花陰陰鳳釵綰髻雙黃金飛絲千尺不墮地
絕似江南遊子心寶奩百刻煙如縷暗擲金錢卜神女
櫻桃子熟人未歸蘆葦花開淚如雨

金盆沐曉蟠雙鴉綠紅粉汗霑蟬紗金刀取玉薄於紙
渴心欲死東陵瓜木蘭艇子沙棠楫采蓮得花棄荷葉
荷葉輕如薄倖兒蓮花酷似多情妾

梧桐月小蟾蜍蟄芙蓉露冷銅山泣金粟香懸十二闌
鞞羅塵沁莓苔涵畫屏絳燭煙未銷夜深恨殺雙鸞簫
喚回金屋鴛鴦夢不到銀河烏鵲橋

霜蟾弄影窺金屋么鳳吹香絢銀燭繡羅小鞞感雙蓮
翠袖垂肩倚孤竹紅錦凍折水如車寒衣遞到長風沙
莫遣朝雲妒桃葉寄將春信與梅花

題梅花道人偃松

墨池帽脫管城子壁府磬折徂徠公玉關金鎖掣玄豹
銅臺瑤柱蟠蒼龍星霜鬢眉遽如許鐵石肝膽將誰同
大夫受命當偃倭天子法駕行東封

八月三日夜宿張景叔聽雨聯句憶張思廉

黑雲如浪沒金鴉白雨連山卷雪車觀海仙人騎赤鯉
驅雷使者躡黃蛇千莖雪溜懸銀竹一穗秋燈垂寶花
門外波濤接河漢客星光彩動靈查

寄周茂卿兼簡蔡彥文葉德新

客裏無書問起居雲間有客報新除郎官星彩聯台輔

寶劍虹光貫斗墟尊萊江湖秋渺渺芙蓉簾幕雨踈踈
東曹二妙真連壁不寄錢唐雙鯉魚

感興二首

巍巍華岳鎮黃河漫說東南王氣多天塹波光千尺練
海門山色一青螺中台已應張華識明月空聞斛律歌
白馬青袍最蕭瑟故鄉何處是銅駝

華因台星析被誅斛律光搖明月受

關陝雄藩未歆盟江淮豪傑已鏖兵金盤泣下銅仙淚

壁月歌殘玉樹聲斗柄西橫文曲暗天樞北轉泰階明
小臣解著中興頌悵望黃河幾日清

映雪齋

八窗闌檻倚冰梁四座圖書貝月光眼眩欲迷黃竹賦
神遊疑在白雲鄉瓊臺花滿瀟瀟下石鼎茶煙一作浮細
細香想得哦詩清鏡裏霜娥一夜泣瀟湘

悼聖福林

掀龍舞象下西天傲晚煙霞八十年忍見瓊林凋玉樹

俄聞火井迸紅蓮草堂居士非凡客蘭若淵明是夙緣
不及生芻澆奠酒且將秋菊薦寒泉

題梅道人平林野水圖

浣花溪頭車騎發鏡湖影裏畫圖開有客相尋草堂去
何人却擢酒船迴是處山林有真隱如此風塵無好懷
青袍不似黃冠樂二老風流安在哉

題盛叔章畫

記得天台鴈宕歸滿山松露濕人衣十年眼底無林壑

欽定四庫全書

元詩選二集
卷二十四

今日畫圖看翠微

周玄初來鶴詩

洪武己巳見賴良大雅集以下

綠章朝帝駕雲車白鶴從天下玉除赤壁已無身後夢
丹丘應有寄來書五鬣松陰秋落落三花樹影夜踈踈
琴心三疊蓬萊淺兩翼剛風響佩裾

題已上人墨梅

故園梅樹三年別長憶看花溪雪晴巧出疎籬更蕭散
近遭碧水更分明揚州何遜足詩興茅屋已公無俗情

畫圖忽見轉愁絕遙想月華枝上生

幽致軒

花落晴窗燕拂檐蕙芽蘭葉翠纖纖幽谷與雲通小徑
清波四月映疎簾

大姑謠

以下見偶桓乾沖清氣集

大姑嫁將軍小姑未有夫小姑兩脚泥大姑滿頭珠前
月小姑去嫁作莊家婦釵削鬢下荆衣裁機上布大姑
嗔小姑生憎兒女癡多少馬上郎偏愛牧羊兒八月點

欽定四庫全書

元詩選二集
卷二十四

軍卒將軍五門出大姑詫夫婿上馬快如鶻昨日邊報
歸大姑淚如揮郎君馬上死無處寄征衣連理與枯枝
雙飛成戢翅都無百夜恩浪作千歲計小姑莊上來瓦
盆雙鯉鮫上堂拜父母夫婦恣歡諧大姑見小姑珠翠
無顏色低頭怨悵天仰天呼不得人生百年良所無白
頭相送真良圖東家女郎欲嫁夫切莫猖狂學大姑

城上烏為李僉憲賦

城上烏飛畢逋雄飛啞啞雌者呼下飲九曲之清池上

集百尺之高梧烏鳥一巢生九雛去年築城興萬夫家
家力役到妻孥使君勗我我力痛蒸豚滿筐酒滿壺作
勞耳熱歌嗚嗚今年城堅如鐵石弩臺侵弓土花碧白
雲為藩樹為戟朱旗星流落日赤馬鳴蕭蕭人寂寂六
門虎賁晨晏食城頭高高如屋極烏朝出飛暮來息雌
雄哺雛乳而翼城上烏畢逋尾九雛羽翼成飛去青雲
裏江南無好樹處處烽煙起危枝繞遍不堪棲昨日歸
來舊巢底使君青驄馬繫在垂楊下手中金僕姑不驚
高百雉仰德並崔嵬

欽定四庫全書

元詩選二集
卷二十四

五

朱希晦雲松巢集

希晦字

樂清人以詩名于元季隱居瑤川與

四明吳主一簫臺趙彥銘遊詠雁山中時稱雁山

三老遭至正之亂避地所至名山勝境遊覽殆遍

洪武初始歸瑤川鬚髮皓白幅巾短策徐行林壑

望者以為神仙中人也其嘗以姓名著薦剡不

及領朝命而卒所居曰雲松巢集因以名焉嘉靖

間七世孫玄諫選輯行世集中佳句如春日云日

欽定四庫全書

元詩選二集
卷二十四

五

陰園碧樹風煖韻黃鸝寫懷云水滿魚兒出泥香

燕子來夏日書懷云白髮生涯人已老綠陰時節

雨偏多次竹隱二弟韻云兩袖秋風停野騎半篙

秋水漾漁舸幽居云竹吹綠霧沾書帙花發紅雲

映藥欄所謂清麗簡亮可振唐人遺響也

秋懷

怪底浮雲翳碧空千山秋色入溟濛何當一掃羣陰盡

坐看東方片日紅

寄友

雨過溪頭鳥篆沙
溪山深處野人家
門前桃李都飛盡
又見春光到棟花

次李二丈韻

看花醉眼不須扶
花下長歌擊唾壺
回首荒城春較晚
淡煙疎雨綠平蕪

感時二首

陰霾昏日月
妖氣塞乾坤
戰血流淮水
音塵隔薊門
浮

欽定四庫全書

元詩選二集
卷二十四

美

榮槐蟻集叢
諉棘蠅喧欲效東陵隱
終身老種園

觸目傷時事
干戈鬱未開
百年馳白日
萬里漲黃埃
廢苑猶花柳
荒城但草萊
登樓作賦罷
不獨仲宣哀

時事

貧病知交態
驅馳愧老身
薊門深雨雪
淮海暗風塵
雖有樓船將
能無柱石臣
會須安反側
早晚畫麒麟

感懷

自笑一作頽然一老翁
十年奔走鬢飛蓬
中原虎闕干

戈滿四海人憂杼
軸空葛亮平生恢復計
汾陽材畧中興功
何當遠望春陵郭
佳氣朝來正鬱蔥

秋興

月明何處亂啼鳥
坐久徒憐永夜徂
千里關山雙雪鬢
百年城郭半煙蕪
穆生謝病先辭楚
張翰知機遠憶吳
哀晚不如歸隱好
故山隨處且樵蘇

寄周廷石

門外曾無長者車
一身奔走豈安居
誰憐杜老常為客

欽定四庫全書

元詩選二集
卷二十四

美

我怪洪喬不寄書
煙色春歸楊柳底
雨香紅入杏花初
溪山尺尺風塵隔
却憶情人會面疎

有所思

虛聞將帥擁彫戈
勇銳誰如馬伏波
幾處烽煙連夜急
四郊風雨向秋多
最憐絕漢歌黃鵠
却怪長安饜紫駝
俯仰乾坤增感慨
悠悠身世定如何

傷時

流年華髮兩相催
眼底煙塵鬱不開
太息有人趨玉食

可憐無地築金臺城邊向晚黃
孤立海外何年白雉來
萬事何如一醉好且須洗盞酌春醅

自嘆

匠石搜林棄樗散不材何敢玷
簪裾家貧麤有千金帚
國難曾無一箭書今日總戎師
管葛明時徵士用嚴徐
野人不作功名念欲效陶朱共養魚

次韻簡緱山侯德詢薇之二徵士

幽尋杖策逶林泉隨處遨遊興
灑然曾向山中招隱士

欽定四庫全書

元詩選二集
卷二十四

五

欲來海上候神仙雲深丹竈長
瑤草水滿石池生碧蓮
薄暮凭闌時送目白鷗飛雪點江煙

和韻簡天則上人

涼風嫋嫋晚秋天潮落雙門纜
客船永嘉郡城北有二門郭璞所立名雙

門九陌黃塵蓬鬢底一籬香露菊
花邊故鄉鱸膾牽歸

思近砌蛩聲攬夜眠不道分攜成
遠別幾時林下細談
禪

訪雙溪上人不遇

雙澗縈迴石徑微煙嵐分翠濕
人衣松林夜靜鶴初睡
花院日長僧未歸萬里雲霄飛
錫遠半江風浪渡杯遲
無緣相見空相憶自嘆心期與願違

臘日偕葉東白蔡伯恭登西岑

絕頂雲深一徑通寒生白髮怯
天風千年物色闌干外
萬井人家圖畫中宿雨亂滋嵐
樹碧朝暎深浴海波紅
我來欲訪香山社醉酒長吟憶遠公

比述二首

欽定四庫全書

元詩選二集
卷二十四

五

寶鏡何團團光輝瑩冰雪疑是
造化爐神功初鑄出又
疑廣寒宮飛墮一片月照人不
照心紅顏易衰歇
彤弓如半月力挽二石強戡亂
乃見用橐鞬寧久藏應
弦不虛發狐兔焉敢當疇能挾
長矢為我殪天狼

納涼

無事解衣坐超然心境空深林
翳炎日萬壑來天風間
停白羽扇試拂朱絲桐醉罷不
知夕月生滄海東

自述

槿花不終朝幽蘭有餘香朝遊詩書圃夕憩翰墨場飽
食待秋實過眼捐春芳疇能事形役奔走白日忙男兒
生墮地壯志在四方胡為守一室鬱鬱徒悲傷何由寫
胸臆酣酒竭壘觴高飛羨黃鵠矯翮凌雲蒼

寫懷

巢居不厭客况乃佳客至擷蔬薦濁醪談經得真趣歸
雲度遙岑斜日在高樹對飲須盡歡何時復相遇人生
能幾何行樂貴適意不見萍與蓬飄飄無定處搔首仍

欽定四庫全書

元詩選二集
卷二十四

甲

踟躕臨風發長喟

冬雨嘆

癸卯冬十月海陬氣候偏風南忽風北寒燠非常年緼
袍御還脫長筴揮不捐胡為黃落時花卉紛爭妍蟲鳴
應蟄戶虹見飲長川兼旬苦霧密暝與癡雲連深泥汚
后土行潦凌高原農夫輟耒耜勞嘆心悁悁二麥不得
種飢坑詎能填格鬪况未息中原擁戈鋌天家重租稅
瘡痍誰能憐安得倚天劍一掃開青天金烏任騰翥出

自扶桑顛陽光照六合比屋俱歡然

月夜放歌

海雲卷盡明月來天光鏡碧無纖埃嘯歌于此興不淺
美人對坐飛瓊杯碧桃花香夜初靜露滴衣裳怯清冷
安得兩翼飛上天為渠拂拭山河影乾坤一照越光明
就中殺却妖蜚精上訴天公契人意免教朔望生虧盈
玄霜擣成誰可食好向仙娥問消息服之到老無飢渴
贏得讀書眼常碧

欽定四庫全書

元詩選二集
卷二十四

甲

客邸中秋對月

去年中秋秋月圓浩歌對酒清無眠煙霏滅盡人境寂
仰看明月懸中天今年客裏中秋月靜挹金波更清絕
可憐有月客無酒不照歡娛照離別夜闌淅淅西風涼
月中老桂吹天香悠然長嘯動歸興坐久零露沾衣裳
浮世悲懼何足數庾樓赤壁俱塵土風流已往明月來
山色江聲自今古

答元易陳先生

人生自古多離別尺書遠寄何由徹短世光陰過隙駒
坐覺朱顏易哀歌君看喬嶽千尺松挺立蒼然傲霜雪
風來彷彿蒼龍吟六月清寒換炎熱槿花雖榮不足論
朝開暮落香已絕只今尚憶江湖遊扣舷一歌寬我憂
腰間老劍欲飛動紫氣鬱鬱橫清秋虛名役人浪自苦
黃塵兩鬢風颼颼千古乾坤等逆旅百年生死同浮漚
君不見鴟鴞子功成去養魚千頭

簡子文林訓導

欽定四庫全書

元詩選二集
卷二十四

四三

東風落盡辛夸花遙憶美人天一涯美人久別音信杳
想見只今霜鬢華山房幽深市囂遠白日枕書眠碧霞
崖高瀑布灑晴雪淨筍石鼎烹春茶平生青紫不挂眼
榮名絆人安足誇當年我來訪遺跡拄杖看雲著雙屐
玉簫吹斷鳳不來但見千峰倚天碧臺前日夜溪水流
金星光動溪中石色志西溪有金星
石點點如金星脫身擬欲恣幽棲
坐占瓊臺煉金液哀年悞墮塵網中齒豁頭童竟何益

和包原彬韻

旅食京華日鶯啼上苑春魯連惟仗義范叔不辭貧絕
域來龍馬清時出鳳麟襟懷開霽月談笑接清塵滄海
三珠樹青霄五色雲酒傾香味別詩寫性情真吳地追
遊好龍山入夢頻煙花如媚客風雨似留人男子生何
幸朋交素有因遙知理歸棹隨處覓通津

倚韻自况呈金敬德

顧我衰顏肯再妍白駒過隙歎流年山中賸有誅茅地
洲上寧無種橘田天姥遙連雙闕下蓬萊祇在五雲邊

欽定四庫全書

元詩選二集
卷二十四

四三

老夫不識神仙術且解荷衣枕石眠

吳志淳主一集

志淳字主一以字行無為州人以父廕歷官靖安
都昌二縣簿濠泗兵起徙家豫章徙居鄆之東湖
奏除待制翰林為權倖所阻入明遂不仕主一工
古隸學孫叔敖碑詩宗唐人如晚涼浴罷閒無事
水閣東頭看月生瞿存齋極歎賞以為主一得意
之句也

白楊行 并序

欽定四庫全書

元詩選二集
卷二十四

四

真定劉生客死閩中同行者為歸其骨其妻胡氏
自圖夫容以祀因哭而絕鄰人憐之遂合葬鍾陵
東門故又號鍾陵行

鍾陵東門白楊樹行人指點是雙墓墓中夫婦俱少年
一雙白壁薶黃泉黃泉相逢語嗚咽一一從前向郎說
前年郎去客三山今年郎歸白骨還當時自畫蛾眉樣
今日却寫郎容顏容顏轉似心轉切叫郎不應心斷絕
生時不得逐郎行死時却與郎同穴丹青遺像留人間

年年淚竹寒生斑當年曾過延平渡還見雙龍化劍灣
堂前既無父與母堂下又無兒與女使妾有子堂有姑
丹心一寸那能枯六朝盛事付流水忠義幾人能到底
秋風月冷鳳皇來與郎同上吹簫臺

兒牧牛

兒牧牛豐林清潤縱爾游長鞭短策莫輕舉從渠飲醬
飽即休老幼年年仰衣食耕種田園藉牛力早夜單衣
自飯之祇恐春來或牛瘠日日丁寧語牧兒老翁餉爾
當及時籠禽吹笛任相學慎勿將牛嘗苦之牛不耕田
廩無粟淮上二年食人肉

春日遣懷

貧病相兼氣未舒田園雖少樂耕鋤為儒已入他州籍
垂老頻收故國書夜雨湖山人去後春風門巷燕來初
潘生喜遂閒居志阮籍從教禮法疎

夏日園中清暑二首

青山地僻車馬稀十載倦游歌式微傍溪卜築面流水

欽定四庫全書

元詩選二集
卷二十四

五

拂石展簟消炎暉老翁過從就蔬食
幼女補綴成絺衣
西亭去家苦不遠日莫共逐漁樵歸

東湖萬頃波渺茫人家多在雲水鄉
竹枝調短阿家女
桃葉歌長何處郎疎林歸鳥度花影
近水流螢浮竹光
東山坐待月已出不覺涼露霑衣裳

春游三首

湖上輕風吹柳絲湖邊細雨濕花枝
百年總有三萬日

一日都來十二時杜老每尋崔氏宅
山翁偏愛習家池

乘閒取醉真吾事度水看花也自奇

山中蘭麝香滿林故人清游能遠尋
燕來已覺社日近
寒退始知春意深山光入眼凝遠翠
華影到湖生夕陰
慈雲只尺不一去薄莫還家空復吟

上日開筵曲水濱年年相憶在茲辰
千家榆火催寒食
萬點楊花照暮春紫燕却歸尋舊主
黃鸝到處喚遊人
東來巢父如相問為覓風流賀季真

鄭元明高啓文攜友人所畫谷口圖訪予湖山

未幾啓文先入城府元明獨留僧舍一月
講明古今詩文墨制及秦漢以來書法
歲晚將歸永

嘉賦餞

竟日過從喜有餘蕭蕭行李借僧居
江雲影落山窗靜
野水光涵夜月虛石臼松煙和露擣
寒林柿葉帶霜書
天涯回首多離思空有新詩獨起予

閒居東湖述懷

野叟耕鋤喜近郊柴門風雨夜蕭騷
卧龍豈欲煩三顧
老鶴長鳴向九皋北闕湛恩新賜爵
近臣傳教舊同袍
自憐經濟全無術祇有山林興最高

題小山水景二首

十年小隱在青山喜有東湖屋數間
門外白雲常在眼
此身渾似釣舟閒
小舟何處問通津二月東湖柳色新
老向天涯頻見畫
一枝曾折送行人

宿龍菴懷友

高情久矣念離羣獨向山中禮白雲龍送雨來留客住
鹿銜花去與僧分疎星出竹昏時見流水鳴渠靜夜聞
却憶故人江海去題詩誰是鮑參軍

日湖

玉几東來浮野色錦溪西下接湖光道人燕坐心如水
六月荷花鏡裏香

甘復山窗餘橐

復字克敬餘干人至正之亂張仲舉僑居雲錦山
中克敬與甘彥初張可立往從之游仲舉少許可
于三君獨加重焉洪武初三君皆以前元遺才為
士林推重當時評彥初詩如美女簪花可立詩如
貞女守節克敬篇什散漫僅存手墨于同里趙石
蒲成化中其孫琥始刻行世邑人劉憲序之謂其
詩俊逸清奇宜為士林推重也

道中

野風飄征衣野日轉空壁
衆鳥號荒墟雜花翳叢棘
路暗不逢人煙火望林隙

宿山家

木落秋滿山窗虛夜涼
集風吹海月生露洗苔衣
濕野客愛清冷長瓢暝中汲

晚至陳氏館

虛煙散華池高蟬莫聲咽
落景對閒眠新秋入華髮
素

裛愜幽賞微颺洒林末為愛竹間涼相過步庭月

曉起

晨暉澹芳牖顛氣盈幽襟巖谷有秋意西風吹滿林獨
擲高館罷暢游南澗潄漱齒掬寒瀨矯首望孤岑悠然
釋百慮侶得靜者心磴轉入茂樹衆山坐來深

晚出池上

遙嶺散夕雨掩書游方塘棲鳥喧幽林簷蛛引絲長木
杪微風度颺然生早涼沿流弄潺湲倚竹聽琳琅丘園
信為樂圭組永相忘落景送遐矚曷懷寓清觴但得寫
心素焉知兩鬢蒼

送別

涼颺應秋氣草木斂華英客遊總念歸子有千里行息
息儔侶催悄悄離思盈丈夫懷志氣孰不戀榮名華薦
起當路使者促前征追餞東門道把酒哀絃鳴蕭條野
驛莫泛豔江波清密謀植惟幄慰彼蒼生情古來盛名
士多是起釣耕

山堂詩為周伯清賦

清旭崇林坳踈籬翠澗上細路經谷虛幽軒面林敞樹
涼集鳴禽地遠謝塵鞅下手拂玉琴微風遞遙響冷然
適素懷聊以寄心賞

送趙文昭之沔陽知事

王孫應時辟長才屈卑官風煙塞川路舟楫望江漢親
友不能別離居忍分散振跡林野隅行李書策半山川
戰伐蹤勝槩溢文翰幕府慎籌畫機務貴奇斷况彼古
沔城民生經喪亂不有君子人何以解愁嘆雲薄九疑
峯水白湘靈岸念君遠行役默默動離怨

登東皋

日夕登東皋東皋樹參差回首望故園天闊雲空垂閭
里孰不念旅游孰不悲大川風波盛遠道豺虎飢上興
杞國憂下肆楚狂癡苦遭事物役不覺歲月馳年少誦
經史素心在濟時漂蕩無定迹神墮意若疲從以業耕

作詞 歌古詞

曉出西園由谷中歸

披褐涉西園煩襟散清曉微風動高樹零露下芳沼始
行幽谷中忽出青林杪流水漂餘花修筠度啼鳥身緣
翠石迴思逐白雲杳負杖孤賞懷春闌綠陰悄

吳海聞過齋集

海字朝宗閩縣人博學負氣節為宣城貢尚書師
奉晉安林學士泉生所推重性不悅流俗慕鄒魯
之風徙居不克因自號魯客世遭喪亂家益貧甚
扁其齋曰聞過學者稱曰聞過先生洪武初部使
者欲薦於朝力辭不出素與永福王翰友善翰死
節後為經紀其家撫孤孥教之所著有命本錄其
為文嚴整雅奧而歸諸理歿後孥為編次曰聞過

齋集邑人邵銅重為刊行於世

送傅德謙還臨川

傅君隘流俗舉步追古人古人去已遠斯道為荆榛出
門抱高志區區向誰陳十年江海上漂泊但一身念我
德不孤邂逅遂見親相知寧苦晚不覺逾三春精微共
探討議論發清新誼合然諾重途窮憂思頻如何語離
別使我意酸辛酸不在別欲留我何貧閩水東赴海
楚山西入秦春波正浩蕩誰能知其津

遊郎官峰

連山如波濤高峯盪雲日萃然孤杓聳其勢孰可匹危
攀將欲飛俯瞰覺自失羅田幾聚落端坐見纖悉南延
川源深北望海水出處高視益遠縮地豈有術天寒霜
露交收穫事已畢仍年蝗旱餘民物盡蕭瑟遺茲得非
幸惆悵寧具述

遊七巖寺同行諸君子

羅田衆山中七巖獨高秀經營將半載宿願始得副緣
雲攀鳥道十步九竄剛颺從北來巖谷盡號噉促步
赴層巔依石避野燒鬱然煙歛交歛若雷電遶其勢吁
可畏僮僕盡驚走須臾得少息方覺性命有列坐咸自
慶啗斂酌大斗陰陽却變化霏雨垂白晝癡雲迷海嶼
昏霧失林藪歸途畏虎迹慘慘暝色厚幽懷莫能寫造
次宜自咎述此成短章聊用紀邂逅

夏日燕東皋亭

展席俯清池倚檻盼層巘苗綠滿平疇草秀被長坂風

度荷氣清日移樹陰轉長笑天為高汎觀心自遠良時
會豈易莫待歲華晚

揚翹佩玉齋類豪

翹字文舉上元人父剛中字志行大德間仕至翰林待制卒有霜月橐翹初為江浙行省掾至正六年官休寧主簿歷江浙儒學提舉遷太常博士卒按文舉所著有佩玉齋類豪刻於至正間陳衆仲虞伯生楊廉夫皆為之序而劉仔肩別採其詩入皇明雅頌正音又揚基眉菴集悼揚文舉博士詩有云白髮蒼髯老奉常亂離終喜得還鄉知其卒

於洪武初也

送唐伯庸二首

江南一何秀寄語北人道翡翠戲蘭若奈此顏色好
諸父紆組綬翁媪被封爵盛年得逢此光耀殊不惡

送孔進道宰星子

素王有賢孫達尊在德齒爵膺天子命綰綬宰百里南
康控湖江屬縣望星子江右號囂譁斯地獨醇美帝眷
禮義俗擇令煩為理惟君當厥任君志亦願喜揚颿遊

洪濤巨艦千圖史牛刀新發劘割雞聊用此撫字定多暇
弦歌自今始廉車察殿最衝鑑在止水會採襦袴謠
移書上風紀

送索都事赴浙東僉憲

挾策事明主出入承明廬一為淮南賓藉藉播清譽制
詔擢御史行臺在東吳間歲陞幕府遙聞復超除賓客
出相送餞飲西城陬持節往何之直指婺女墟東甌杭
於越會稽薄海嶼行部列郡中山川鬱盤紆長吏走上

謁縣令為前驅馬何奕奕高蓋擁路衢觀者咸歎息

云是今大儒誰言鍾鼎貴曾不由詩書區區刀筆吏安

闕 過亨塗

上巳日燕飲

閒居睽芳春况乃脩禊時羣賢畢傾蓋招宴酬素期華
館挹竒觀嘉席延多儀蘭芬揚光風藻色涵晴漪末座
聆高談雅抱攄遐思雖微絲與竹清興良足怡畫舸翳
中江繁聲流四涯俗情豈無樂斯意非所知千載一勝

賞繼此當復誰達者解其會浩飲寧須辭

金谿縣孝女廟樂歌三章 并序

有元至正元年撫州路金谿縣新作二孝女廟成

按二孝女姓葛氏在唐寶曆間以官責其父祐虧

鍊白金事不勝暴酷皆發志投治中焚死父因獲

免并其邑除坑冶之害以迄於今是宜血食其土

矣國子博士吳君師道既文之石而祀神之詩闕

焉上元揚嗣撰為樂歌三章俾金谿之民歲時歌

欽定四庫全書

元詩選二集
卷二十四

之以祠孝女其辭曰

靈之來兮兩旗張導旌幢兮銜琳琅續曖曖兮相頡頏

並輜輶兮歸故鄉歸故鄉兮民所望昭盱蠻兮習洋洋

庭燎輝兮夜未央椒蘭發兮鬱芬芳民報祀兮弗敢忘

心屏營兮咸肅將靈格思兮民樂康

靈之留兮澹容與雲凝凝兮翳堂宇瓊筵陳兮合簫鼓

列尊壘兮酌清醑牲肥膾兮承雕俎女巫進兮傚屢舞

誦神德兮歌頌舉孰捐軀兮悟時主齊英英兮惟孝女

繼茲今兮饗終古靈醉飽兮民樂胥

靈之去兮將安之儼欲旋兮焱上馳互招搖兮爛祈祈

遵雲路兮眷威遲金有賦兮地不遺竭貨產兮民力罷

我邑井兮咸熙熙賴神惠兮獨弗罹千萬禩兮神是稽

薦蘋藻兮荅神釐靈遠逝兮民聿思

春遊次韻

以下見皇明
雅頌正音

白日諒難羈流光遽侵尋春風萬餘里觸景愁我心出

門將何之高步凌嶇嶇累累邱冢間古木殊陰森昔賢

欽定四庫全書

元詩選二集
卷二十四

日已遠朱瑟尚遺音千秋百歲後有酒不可斟傷哉雍

門語感之淚霑襟榮名安足羨行樂須在今夙興聽鴻

鴈嗷嗷尚哀吟

題徐熙桃花鸚鵡圖

海上紅雲日日新碧鸞無夢識芳塵金籠不鎖閒鸚鵡

占得東風一段春

寄于清叔二首

暖沁香篝宿火温絳紗紅燭照黄昏自憐不廢千金夜

帳底吹笙倒玉尊

梅花亂落雪紛紛兩袖東風酒半醺
春月滿堂歌舞散
高情渾欲夢梨雲

酬孔秀才

達人樂高蹈寒士耽遠遊
遠遊欲何之禦冬無重裘
栖道路間四顧誰與謀
溫言忽相慰慶愜復焉求
三復緇衣詩調高安能酬
薄言寫心曲終覺懷慚羞

遊廣教寺次李生韻

勝日款禪宮蒼苔印屐蹤
雲間聞梵語煙外聽齋鐘
樹列千年檜林深百尺松
明珠光錯落幽壑舞驪龍

題李德瞻壁間相看不厭圖

窗前圖畫勝玄關
怪石長松九夏寒
寄語山靈休厭客
清風明月好相看

沈右清輝樓橐

右字仲說號御齋吳中世家能略去豪習刻志詩
書與縉紳先生遊恂恂若諸生年四十無子買一
妾頗艾因問知為故人范復初女即名其母擇壻
厚嫁之晚歲仍舉一子所居東林有樓曰清輝王
子充陳敬初為記文學行誼一時重之

春暉樓者吳下一作郡顧君仲瑛就養讀書之所

也仲瑛日與昆弟子姪奉卮酒為親壽臨海陳

敬初氏實記之余不自揆輒賦古詩二首或者

歌以介壽仲瑛之志也其詞曰

玉山之陽延芳紫紵有屋層出君子之居入奉父母出

與弟俱有琴有書以釣以漁瀟瀟流水深不一作則可斟

英英白雲邇而一作則不迂維春有暉維德不孤及爾孫

子永言樂胥

先哲有訓有典有經淑爾君子仰止景行我來自東春
日載明曰未覲止中心怲怲亦既覲止我心則平仰爾

父母及爾弟兄既和且煦令儀令名升堂拜母式表友
情維木有椿有蔚其榮維草有萱有茁其青韡韡常棣
有葉其生有猗者蘭有鄂者荆有懿者德有休者徵樂
只君子百福來并

次韻叔方先生兼簡伯行敬初二首

憶昔陪二子吟嘯野亭中風急江花白霜晴木葉紅去
留身若寄陶寫興無窮更喜陳夫子幽尋訝許同

掩卷坐忘寐書燈耿獨明年華勞髮改夜氣與神清感

欽定四庫全書

元詩選二集
卷二十四

五

夢疑蕉鹿挑愁賴麴生何時重相覓握手話真情

次留笠澤別業詩

步屨春風裏翛然忘世情閒門無客到載酒泛江行雨

過山如染潮迴水自生鷗沙割千頃夢不到承明

顧仲贇移居詩次叔方先生韻

城南陋巷居新僦綠竹移來幾箇斜叢桂山中招舊隱
讀書堆裏認君家蜀人謾說文園賦吳市爭看衛玠車
斷簡味腴如啖蔗虎頭癡絕至今誇

叔方先生過詠歸亭二首

短檝相過莫便回詠歸亭上且低徊升堂拜母稱觴後
隔竹呼童瀹茗來八尺駝尼分紫錦一雙蠟屐破蒼苔
空江草木雖搖落猶有寒花帶雨開

積雨空林喜報晴杖藜隨意傍江行天寒木落青山出
日轉沙虛白鳥鳴漫擬東林時釀黍自憐南畝晚歸耕
潁川高士能相過閒把瑤琴膝上橫

來鶴詩贈周玄初

欽定四庫全書

元詩選二集
卷二十四

五

緘誠上達魏元君俄頃神霄下鶴羣頂鍊大還丹鼎火
翅霄南嶽嶺頭雲仙人騏驎秋風遠王子笙簫午夜聞
惆悵世間留不住却驂鸞鶴出霞雰

中酒雜詩四句五首

中酒如卧病天寒露為霜東軒候朝旭暴背屢移牀
江頭風浪急舟小力難勝一漿歸來晚長林月已恒
太丘海岱士肆情丘壑間考槃詩賦罷采菊對南山
歲閏寒酒薄風迴水自生杖藜隨小步極目大江橫

朋酒享公堂農家盡滌場縣官薄稅歛田野足耕桑

和西湖竹枝詞

勸郎莫向花下迷勸郎莫待醉如泥臨行更有分明語
枝上流鶯休亂啼

題高尚書秋山暮靄圖

高侯筆法妙天下貌得江南雨後山都是乾坤清淑氣
興來移入畫圖間

與慎獨先生

欽定四庫全書

元詩選二集

卷二十四

東林薄酒試新嘗中有松花膩粉香遣送潁川陳有道

書齋渴飲勝茶湯


廿八字借一壺薄酒奉寄上惜不多耳楊誠齋文彙不曾收得所謂芍藥

屋疑只是用幄帟覆護者古人稱牡丹為木芍藥白居易有詩云上張幕屋庇豈亦本諸此未審是否更乞考

右



元詩選二集卷二十四



總校官候補中書臣吳紹潔
校對官檢討臣蕭九成
騰錄貢生臣傅瓌芳

欽定四庫全書薈要

集部
元詩選二集卷二十五

欽定四庫全書薈要卷二萬四百五十三

集部

元詩選二集卷二十五 長洲 顧嗣立 編

譚處端水雲集



處端一名玉號長真子東牟人也生而穎異善草
隸書大定丁亥重陽全真開化真人王嘉飛錫仙
遊以往契夙緣訪尋知友於東牟得處端及丹陽
子馬鈺於東萊掖水得長生子劉處玄於登州棲
霞得長春子丘處機所謂譚馬丘劉是也從遊抵
夷門真人付以口訣而逝處端與三子挈徒西至
終南山即真人舊隱傳襲其道十有餘年嗣後各
從所之處端往來於洛川之上行化度人所至雲
集其歌詠舉筆即成同里范懌德裕謂其包藏妙
用敷暢真風引人歸善甚有益於時也

題洛陽朝元宮

宮門寂寂鑠祥煙古蹟靈蹤尚儼然雲罩連枝烹藥鼎
霞生靈井溉丹泉日魂煉就華胥國月魄收將不夜天

詳校官編修臣王天祿

欽定四庫全書

元詩選二集
卷二十五

紫詔師真歸去後未知孰繼大羅仙

遊靈山寺

閒閒雲水訪禪林密密琅玕映碧岑玉桂峰高塵不染
靈山寺隱境難尋關交白雪勻鋪玉間隔黃花亂點金
清澈古潭秋靜夜桂花獨現本來心

述懷三首

挫銳摧彊作善良頓然心法兩俱忘鼎中頻起金剛焰
爐內常燃般若香玉藥乍芳惟獨採蟠桃初熟與先嘗

欽定四庫全書

元詩選二集
卷二十五

二

莫言迢遞華胥國了了空虛路不長

為慕仙源景物長滌除靈地布瓊芳南宮赤子居涼殿
北海烏龜住絳房清淨洞中囚白虎無為山上牧青羊
自從鼎內雲收後常飲醞醐卧醉鄉

天機深遠少人知一粒刀圭午上持霧捲古潭秋靜夜
雲收碧嶂月明時蛟龍縱得囚離鼎猛虎擒來鑊坎池
煉就仙丹超造化去奔蓬島擅真師

述懷

譚馬丘劉四箇師逍遙自在做修持周天磨鍊無窮寶
一片靈光自得知

遊懷川

雲耕寶陸三千里月破黃昏十萬家清夜碧潭澄皎潔
蚌吞銀焰產丹砂

欽定四庫全書

元詩選二集
卷二十五

三

丘處機磻溪集

處機字通密號長春子登州栖霞人兒時有相者
曰此子當為神仙宗伯年十九為全真學師王真
人喜於海寧戊申召見闕下隨還終南山連召不
起己卯元太祖遣近侍劉仲祿持手詔致聘迎至
雪山之陽延問至道答以節欲保躬天道好生惡
殺治尚無為清淨之理太祖然之癸未乞東還賜
號神仙爵大宗師居燕太極宮改名曰長春丁亥

欽定四庫全書

元詩選二集
卷二十五

四

天大雷雨太液池涸北口岸崩歎曰山其摧乎池
其涸乎吾將與之俱乎遂卒年八十楊鐵厓曰余
善與余談丘真師嘗火蒸者三日夜開如故賜董
酒者連觥腹不潰貌不變如入內時命弟子開方
丈池既歸池中以為死池中湧沸復起言笑其道
行如此所作青天歌鐵厓醉後輒喜歌之著有磻
溪集六卷

雲屯山

雲屯山雲冥冥天風動搖飛雨零神奇幻怪不可測千
變萬化無常形雲收雨霽杳無迹但見羣山羅翠屏山
高谷深復何有白石磊磊松煙青春風浩蕩滿山谷直
上似欲超天庭心虛目極淡天闊俛視漠漠環滄溟昔
居菴地走三郡今為洞天朝萬靈虛空舊基作新觀萬
世不朽傳佳名

煙霞洞四首

山雲勃勃湧驚濤海水漫漫浸巨鼇極目下觀千萬里

欽定四庫全書

元詩選二集
卷二十五

五

扶桑依約見蟠桃

白石磷磷繞洞泉蒼松鬱鬱鎖寒煙碧桃花發朱櫻秀
別是人間一洞天

海上羣山培塿多姑餘高峻出陂陀太平直與稽天翠
五岳高標未見過

海曲山河洞府低蓬壺閬苑海東西仙人玉女時遊集
不許桃源過客迷

青天歌八章

錄四

我初開廓天地清萬戶千門歌太平有時一片黑雲起
九竅萬骸俱不寧

月下方堪把笛吹一聲響亮震華夷驚起東方玉童子
倒騎白鹿如星馳

縱橫自在無拘束心不貪榮身不辱閒唱壺中白雪歌
靜調世外陽春曲

吾家此曲皆自然管無孔兮琴無絃得來驚破浮生夢
晝夜清音滿洞天

欽定四庫全書

元詩選二集
卷二十五

六

題劉節使所藏顯宗御畫莊子像

顯宗好道當年壯手筆南華古形狀南華去世千載餘
狀貌風格知何如只是今人重古道彷彿氣象加襟裾
至人胸中本無待萬竅吹噓任天籟揚韓拙阮心不同
到了各歸於大塊

題天壇二首

我我峻嶺接雲衢古柏參差數萬株瑞草不容凡眼見
靈禽只傍道人呼鑿開洞府羣仙降煉就丹砂百怪除

福地名山何處有長春即是小蓬壺

四面諸山若附庸突然中起最高峰每看晴日移壇影
常說寒潭卧黑龍沆瀣要和千歲藥茯苓先斲萬年松
擬尋活計參真趣又隔煙蘿第幾重

春晚登眺

殘花冉冉飛紅雨落日依依散白毫遙望西山官堠子
倚天孤聳一拳高

春寒

海上春風日日顛山頭春色幾時妍清明過了朱明近
未有紅芳到眼前

鼇山

即牢山

重岡複嶺勢崔嵬照眼雲山翠作堆路轉山腰三百曲
行人一步一徘徊

勞山

卓犖鼇山出海隅霏微靈秀滿天衢羣峰削螭幾千仞
亂石穿空一萬株

欽定四庫全書

元詩選二集
卷二十五

七

獅子峰

龍山東面海浮空日出扶桑照海紅浩渺碧波千萬里
盡成金色滿山東

谷宣撫王巨川

以下見長春
子西遊記

旌旗獵獵馬蕭蕭北望燕師渡石橋萬里欲行沙漠外
三春遽別海山遙良朋出塞同歸雁破帽經霜更續貂
一自玄元西去後到今無似北庭招

初入峽門

欽定四庫全書

元詩選二集
卷二十五

入峽清遊分外嘉羣峰列岫戟查牙蓬萊未到神仙境
洞府先觀道士家松塔倒懸秋雨露石樓斜照晚雲霞
卻思舊日終南地夢斷西山不見涯

赴龍巖寺齋以詩題殿西廡

杖藜欲訪山中客空山沈沈澹無色夜來飛雪滿巖阿
今日山光映天白天高日下松風清神遊八極騰虛明
欲寫山家本來面道人活計無能名

寄燕京道友

此行真不易此別話應長北蹈野狐嶺西窮天馬鄉陰
山無海市白草有沙場自嘆今華髮還來歷大荒

復寄燕京道友

十年兵火萬民愁千萬中無一二留去歲幸逢慈詔下
今春須合冒寒遊不辭嶺北三千里
皇帝舊
鄂爾多仍念山東
二百州窮急漏誅殘喘在早教身命得消憂

出明昌界

坡陀折疊路灣環到處鹽場死水灣盡日不逢人過往

欽定四庫全書

元詩選二集
卷二十五

經年時有馬迴還地無木植惟荒草天產丘陵沒大山
雪紫風餐平野潤輕裘策蹇亦開顏

魚兒灤

北陸初寒自古稱沙陀三月尚凝冰更尋若士為黃鵠
要識修鯤化大鵬蘇武北遷愁欲死李陵南望去無憑
我今返學盧敖志六合窮觀最上乘

灤驛路

極目山川無盡頭風煙不斷水長流如何造物開天地

到此令人放馬牛飲血茹毛同上古
我冠結髮異中州
聖賢不得垂文化
歷代縱橫只自由

雪山

當時悉達悟空晴發軔初來燕子城
撫州是也北至大河三

月數即陸局河也四月西臨積雪半年程
即北地也山

陸局河約五千不能隱地迴風坐
道法有迴風隱地卻

里七月盡到使彌天逐日行
行到水窮山盡處
斜陽依舊向西傾

金山

欽定四庫全書

元詩選二集
卷二十五

十

金山南面大河流
河曲盤桓賞素秋
秋水暮天山月上

清吟獨嘯夜光球

望陰山

高如雲氣白如沙
遠望那知是眼花
漸見山頭堆玉屑
遠觀日脚射銀霞
橫空一字長千里
照地連城及萬家
從古至今常不壞
吟詩寫向直南誇

自金山至陰山紀行

金山東畔陰山西
千岩萬壑橫深溪
溪邊亂石當道卧

古今不許通輪蹄
前年軍興二太子
修道架橋徹溪水

三太子修金山
二太子修陰山今年吾道欲西行
車馬喧闐復經此
銀

山鐵壁千萬重
爭頭競角誇清雄
日出下觀滄海近
月

明上與天河通
參天松如筆管直
森森動有百餘尺
萬

株相倚鬱蒼蒼
一鳥不鳴空寂寂
羊腸孟門壓太行
比

斯大略猶尋常
雙車上下苦敷顛
百騎前後多驚惶
天

海高在山頭上
百里鏡空含萬象
縣車束馬西下山
四

十八橋低萬丈
河南海北山無窮
千變萬化規模同
未

欽定四庫全書

元詩選二集
卷二十五

十二

若茲山太奇
絕磊落峭拔加神功
我來時當八九月
半

山已上皆為雪
山前草木暖如春
山後衣衾冷如鐵

至回紇城暇日出詩一篇

二月經行十月終
西臨回紇大城墉
塔高不見十三級
以輓刻鏤玲瓏外
無層級內可通行山厚已過千萬重
秋日在郊猶放象
夏雲無雨不從龍
嘉蔬麥飯蒲萄酒
飽食安眠養素慵

二月二日司天臺判李公輩邀遊郭西歸作

陰山西下五千里
大石東過二十程
雨霖雪山遙憐澹

春分河府近清明

伊蜜思鳴大城達實有國時名為河中府

園林寂寂鳥無

語風日遲遲花有情同志暫來閒睥睨高吟歸去待昇

平

復遊郭西

深蕃古蹟尚橫陳大漢良朋欲徧尋舊日亭臺隨處列

向年花卉逐時新風光甚解流連客夕照那堪斷送人

竊念世間酬短景何如天外領長春

晚泊古渠

欽定四庫全書

元詩選二集卷二十五

志道既無成淵冰深有懼東辭海上來西望日邊去雞

犬不聞聲馬牛更遮鋪千山及萬水不知是何處

寄東方道衆

當時發軔海邊城海上干戈尚未平道德欲興千里外

風塵不憚九夷行初從西北登高嶺即野漸轉東南指

上京陸局河東畔東南望上京也迤邐直西南下去西南四千里到阿錫達又西南

二千里到陰山陰山之外不知名

回紇紀事

回紇丘墟萬里疆河中城大最為強滿城銅器如金器

一市戎裝似道裝翦鍬黃金為貨賂裁縫白氍作衣裳

靈瓜素椹非凡物赤縣何人構得嘗

雪山

東山日夜氣濛濛曉色彌天萬丈紅明月夜來飛出海

金光射透碧霄空

秋陽觀二絕

秋陽觀後碧崑深萬頃煙霞插翠岑一徑飛花春水急

欽定四庫全書

元詩選二集卷二十五

灣環流出洞天心

羣山一帶碧嵯峨上有羣仙日夜過洞府深沈人不到

時聞岩壁洞仙歌

登壽樂山

地土臨邊塞城池壓古今雖多壞宮闕尚有好園林綠

樹攢攢密清風陣陣深日遊仙島上高視八紘吟

按長春于西游詩最多奇句如龍陽觀度夏云碧落雲峰天景致滄波海市雨生涯望大雪山云南橫玉

嶠連峰峻北壓金沙帶野平寒食日春游云島外更無清絕地人間惟有廣寒天惜全首多涉道家語概

不入選

吳全節看雲集

全節字成季號閒閒饒州安仁人世居壽樞山有醴泉靈芝之瑞生時丹光滿室七月能言父夢神告曰高仙托體塵中不能留也年十三學道龍虎山元世祖定江南侍其師張留孫入見命留禁近賜號上卿元貞初制授沖素崇道法師南嶽題點尋加授玄德法師崇真萬壽宮提點大德末授玄教嗣師至治元年留孫卒二年制授特進上卿玄教大宗師崇文弘道玄德真人總攝江淮荆襄等處道教知集賢院道教事卒年八十二閒閒歷事六朝出入禁闈眷渥如一封其父司徒饒國公母饒國太夫人名其鄉曰榮祿里曰具慶初在京師移植江南梅花護以穹廬扁曰漱芳亭晚又作環楹堂佈先天圖畫于壁自題詩曰要知顏子如愚處正是羲皇未畫時御書閒閒看雲四字賜之因自號看雲道人所著舊有瓢囊代祠囊總名曰看

雲集共二十六卷吳伯清稱其詩如風雷振蕩如
雲霞絢縵如精金良玉如長江大河字字鳴國家
之盛諧於英莖咸韶之樂固非寒陋困悴拂鬱憤
悶者之所可同也

至大三年代祀茅山宿玉晨觀

以下十八首俱見劉大彬茅山

志

皇馳六轡過華陽晉檜蒼蒼古道場夜鶴唳風清地肺
曉龍闕雨護天香三峰恍惚蓬萊境萬象昭回草木光

欽定四庫全書

元詩選二集
卷二十五

六

青石壇高天咫尺綠章封事答吾皇

登大茅峰

第一福地第一峰玉臺積翠摩蒼空大君成道一弟從
還丹返老顏如童繡衣趣名凌天風此事萬古將無同
山高有仙水有龍龍腹如篆朱砂紅蜿蜒變化理莫窮
作霖濟旱年屢豐神仙為市壇朝宗真人渙號芝泥封
猿鶴相語千載逢葵心耿耿通宸楓萬里六轡馳花驄
香飄龍篆江雲東瑞凝草木氣鬱葱稽首峰頂歌玄功

他時歸奉明光宮

三峰二首

午夜瑤壇謁帝還筍輿衝雨兩山間客來似覺茅君喜
淨掃浮雲出好山

石徑松雲入步輕垂垂空翠雨初晴風來山閣涼如水
小倚闌干聽鹿鳴

崇禧觀

曲林古觀水西流天遣皇華駟玉蚪高士遠分龍虎派

欽定四庫全書

元詩選二集
卷二十五

七

哲人久伴鳳皇游樓臺山色三峰曉池館泉聲五月秋
雲案凝香浮洞府坐令和氣藹丹丘

牧齋真人華陽道院

龍戴三峰擁客查采真訪古意無涯雲山夜雨棠梨樹
宇宙春風棣萼花龍洞遠分丹井水鶴松高映赤城霞
宗師應帝光前緒仙館新開第一家

鑑止

山泉漱玉雨浪浪潄蓄深開一畝塘若向動中知靜體

湛然泰宇發天光

喜客泉

客遊華陽天山逕肩竹輿首登大茅頂天市神仙居回
觀喜客泉稽首孫仙姑方池鑑止水湛湛涵太虛仙君
驅驪龍為吐萬斛珠滾滾出石底拍手相歡呼有情感
無情此理妙鼓桴泉喜客亦喜主人當何如我願斟一
勺萬物同霑濡歌詩謝山靈臨風重躊躇

全清境界

境界全清地位高山中盡日樂陶陶旋剗白石開三逕
可是青山壓二豪眼底浮榮看草露耳根清韻起松濤
明朝匹馬西湖路回首靈峰聳巨鼇

別茅山

長松古道翠深深回首層巒聳積金鶴語雲峰人換世
鳳游仙路客來今連朝晴雨隨人意到處煙霞感帝心
如此山川歌不足行看袞袞出詞林

延祐元年五月重祀茅山瑞鶴詩二首 并序

至大庚戌秋百餘鶴集大峰一宿宗師劉君以其

明年入覲嘗圖以獻茲以上命再祀宗壇比至下

泊有鶴十二若相迎導遂賦二絕并紀之

一雨三峰分外青巖華澗草共欣榮茅君聞道天香至

先遣西山羽駕迎

圖寫丹青上九天秋風百鶴駐山前誰知六轡重來日

又見排空十二仙

重登第一峰

重登大峰頂曉色正蒼涼華構煙霞壯幽居日月長碧
雲浮洞戶清露沁衣裳水淺玄龍躍林深黑虎藏去天
疑咫尺勝地豈尋常屏俯金峰畫爐分玉案香會仙猶
有市濟世得無方藥圃多春意丹房耿夜光何時結茅
屋稽首禮華陽

二峰

壇高青石古峰小白雲多樂奏仙君喜茶香使客過神
丹藏蕊笈清露滴松蘿路接金龜背四軒發浩歌

三峰

三峰琳宇狀松老鶴知還江白南徐月樓青北固山浮
雲通地肺古洞敞天關寄語尋仙者蓬萊只此間

重過喜客泉二首

萬珠寒湧碧琉璃山色天光湛一池客本喜泉泉喜客
闌干倚遍立多時

前度題詩重拂塵泉迎熱客喜津津主人不負當年約
為把殊庭總一新

震靈方丈贈玉虛宗師

曉起南窗看白雲道心如水鬢絲銀當時宣室前簾席
此日仙壇得主人方外煙霞知有喜掌中雷雨信如神
夜來親見茅君說五百年間再世身

開闢真人奉旨代祠三茅竣事既歸以行卷示余為
詩若干首并集庚戌代祀詩援先虛靖書劉靜一詩
例求余并書將以傳世余不見瓢囊久矣讀之釋然
於登高能賦間而有歸美報上之心又皆以王事而
從方外之樂真如坡翁所稱羨者是皆宜書也故為
行筆亦以想象同游之意云爾若曰擬虛靖則不敢
延祐第一重九日詞
天師張與材敬題

六月十六日早朝偶成八句寄山中諸友

五年四觀六龍飛又領羣仙覲紫薇金殿一作烟霞作
雲烟一作烟雲浮黼宸一作玉階日月麗旌旗羣一作庭臣奉壘

勤三讓國母臨朝重萬機遙食蟠桃一作桃知幾次一作

度客星還照一作月釣魚磯

送原功大監南歸

漸覺文星闕下稀奎章兩見送行詩渭城朝雨歌三疊
湘水秋風賦九疑國典絀金藏鳳闕詞臣步玉即龍墀

席前時有蒼生問可向江南久別離

送虞伯生使蜀

送別應思舊所經秦川花柳短長亭三峰高拊仙人掌
萬里先占使者星錦水東流江月白潼關西去蜀山青

當年不盡登臨意待爾一作重鐫劍閣銘一作鏡

獲玉印并序

三茅山道童遇白兔入穴掘之得一玉印乃九老

仙都君玉印一顆乃宣和故物也

瑤瑛篆刻鎮華陽猶帶宣和雨露香玉兔有靈開地藏
金童無意得天章九重臺上增春色萬里書中耿夜光
喜遇明時薦神瑞三君珍重護宏綱

題饒氏雨樓

夜夢蒼蚪遶屋梁曉看飛雨灑浪浪潤涵琴調清風遠
涼入書聲白晝長翠壁凝雲流石乳綠疇翻浪沃金穰
何時剪燭西窗下却聽檐花共醉鄉

題葉氏四愛堂

方今文采重奎章光照芝山四愛堂梅榮春融冰雪界
蓮花晚靜水雲鄉湘纍往矣蘭為佩陶令悠然菊泛觴
千古高風猶一日迢迢歸夢楚江長

玄妙觀

榴皮書壁走龍蛇池上芭蕉又見花北闕恩承新雨露
西湖光動舊烟霞春風日長玄都樹秋水星回碧漢查
修月功成三萬戶蕊珠宮裏誦南華

季境舍人歸維揚朝中名公各贈以詩看雲八

十翁閒閒吳全節作唐律一首以授之

相君五馬牧饒時玉樹秋香生桂枝日麗鳳毛延世澤
風培鵬翼運天池平山堂北看紅藥折木津頭識紫芝
文獻通家遺一老塗鴉贈別寫烏絲

沖佑萬年宮

武夷天賜萬年宮雲隔蓬萊夢已通玉旨煌煌鐫石壁
擢歌隱隱渡溪風帆歸海國春潮綠市俯星邨晚照紅
不用廣寒脩月斧奎章大筆紀成功

繁禧觀

門前流水泛桃花回首蓬山別一家曾把金莖餐沆瀣
閒揮玉塵看琵琶火存丹鼎春長好卷掩黃庭日欲斜
心與江湖天共遠大開瀛海駐吾槎

子昂諸賢賦天冠山五言詩二十八首模寫已

盡矣余遂作唐律一章題卷尾云

青山特地聳天冠聞說羣仙駕紫鸞浮世黃金空白髮
倚雲蒼玉尚玄壇松根怪石千年化檜頂飛泉六月寒

弘景定辭神武去鷗波浩蕩錦江干

江上作

短檝輕舟幾度過月明江上竹枝歌故山歸去青依舊
華髮添來白已多

方方壺惠山舟行圖

甘河當日逢仙關七朵蓮花變金色洪厓得道隱山東
夜夜神光丹室白

謹題王朋梅金明池圖

龍舟疊鼓出江城送得君王遠玉京惆悵金明池上水
至今嗚咽未能平

題黃子久天池石壁圖

鳥啄殘花污草菴一春未到兩山探忽觀癡老圖中道
南峰翠帶北峰嵐

題米元暉畫雲山圖二首

谿上青山過雨濃分明倒滿玉夫容令人却憶匡廬頂
百丈銀河下碧峰

雨外夕陽搖樹明山雲吞吐亂陰晴飛颿一點知誰子
疑在元暉畫裏行

中嶽廟投龍簡

陽城大地中坤靈奠神嶽積翠千層霄元氣遠盤礴降
神生申甫形勢控伊洛豁舒虎豹蹲偃蹇蛟龍躍猛士
橫戈矛竒陣出悻握簇簇羅旌旗巍巍聳臺閣玉鏡為
誰開金櫃為誰鑰遠近列畫圖周遭峙邪邪萬狀不可
名起伏互連絡皇皇聖帝居歷代重封爵老栢浮蒼煙

古殿蝕丹雘天朝混華夏秩禮特優渥皇慶二載春宵

旰軫民瘼有旨醮長春玉簡命新琢詔臣走登封香幣

致虔恪邃洞藏寶符瓊音降笙鶴三呼今復聞祥風度

天樂小臣奉明祀三使涉雲岵箕山勝可家潁水清可

濯遐想飲牛人高風動寥廓賜玦知何時分我雲半壑

歌詩勒嵩珉用贊聖人作

壽慶堂王氏

堂成仙子捧流霞文物衣冠見世家江上青山如玉壘

山中白石亦金華雲連壽櫟千年樹日映蟠桃幾度花
天府歸榮傳錦里行看丹鳳降黃麻

薛玄曦上清集

玄曦字玄卿河東人徙居信州之貴溪年十二辭
家入道龍虎山師事張留孫吳全節延祐間用薦
者召見侍祠制授大都崇真萬壽宮提舉陞提點
上都崇真萬壽宮泰定元年奉詔徵嗣天師既至
住鎮江之乾元宮未行扈從灤陽還至龍虎臺喟
然歎曰楚雲江樹遐阻萬里引領親舍寧無惕然
於中乎即日辭歸闕清寧齋見心亭熙明軒築瓊
林臺於龍虎山之西日與學仙者相羊其間而密
修大洞迴風混合之道會杭州佑聖觀孫真人仙
去法席久虛省府奉書幣以迎辭不就至正三年
制授弘文裕德崇仁真人佑聖觀住持兼領杭州
諸宮觀玄曦不得辭乃拜命而遣弟子攝其事五
年卒年五十七自號上清外史所著有上清集樵
者問會粹羣賢詩文為瓊林集玄卿負才氣倜儻
不羈善為文而尤長於詩揭曼碩留瓊林月餘齋

三日乃為作序稱其老勁深穩如霜松雪檜百折
莫能撓清拔孤峻如豪鷹俊鷲千呼不肯下蕭條
閒遠如空山流泉深林孤芳自形自色不與物競
人以為知言玄卿書札極麗逸片楮出人爭欲得
之有聞風而未之見者或使圖其像以去見心亭
後有土阜隆然人稱之曰薛公墩云

次韻歐陽檢閱濠池觀荷

行行濠池上亭亭見長荷瓊葩耀初日碧芰卷輕波深

欽定四庫全書

元詩選二集
卷二十五

天

蒲曉色亂微雨晚香多方舟時自移高軒或來過豈無
河朔飲那復發商歌商歌一慷慨此物奈君何

野宿山簡虞博士王待制

迢迢野宿山峰巒何崔嵬朝登猛虎嘯暮宿玄猿哀高
風四面發花鳥為誰開傳聞章皇帝此地昔徘徊龍駕
竟不還浮雲空往來秀色九天外巨靈不敢摧飄搖散
襟帶覽結何悠哉

題高尚書夜山圖

高李風流任西浙共倚危樓望吳越吳越江山千萬里
高侯畫對中秋月生紙經營入董源朦朧煙樹迷宮闕
玉露沈沈四泐寥潮聲已息簫聲咽不寫思陵全盛時
空遺白塢堪愁絕君不見王子猷亦向山陰弄雪舟誰
拈秃筆埽清遊古今嘉致總悠悠

燕粟總管玩芳亭子

粟氏林亭好飄飄借馬遊藥闌當戶密花迳近城幽未
許朝叅嬾聊為逸興留使君行樂處風物為春柔

欽定四庫全書

元詩選二集
卷二十五

天

送文郎中奉使交趾

天子龍飛統萬邦玉符封檢下殊方遠人盡是雕題獠
奉使唯應扮署郎翡翠飛時銅柱濕鷓鴣啼處石門荒
炎風苦雨煩珍重萋葉擯擲取次嘗

體要正體俱作柳
貫待制集中不載

送陳都事使雲南兼寄李仲淵廉訪

送君銓選使滇池

一作溪

部落諸賢想自

一作爽

題明月

先經

一作夢回

夔子北長風却

一作吹

度夜郎西山橫

一作涵

塞雨驂駟滑花發

一作歷

蠻雲杜宇啼為問霜臺李廉訪

學士一作白頭官滿尚羈棲元音作趙孟頫

宗顯父祕書惠海子北門之什次韻答之

得君佳句見君情春半閒從海上行紅杏啼鶯沙苑遠

綠楊嘶馬漢堤平玉山地勢連雙闕金水河流注夾城

萬乘以仁懷遠通遊觀宜著魯諸生

送朱本初之玉隆堂

西山紫翠簇芙蓉師住逍遙第一峰慎勿挽弓思射鹿

祇須鑄鐵學降龍閒穿曉月鉏靈藥醉拂秋風卧古松

欽定四庫全書

元詩選二集

卷二十五

應憶京華舊遊處蓬萊坊畔五雲重

按此詩將易風雅題作送真一詩云

西山紫翠鬱芙蓉師住逍遙第一峰滕閣雨收瞻駐鶴

楚江沙長羨降龍有時帶月鉏靈藥無事焚香對古松

遊張公洞簡常守劉道中

赤鳥二載發空竒古洞深沈道路危翠竇下攢山瀑落

紫巖中廓石膏垂鐵船通海時難遇金鼎調元事可期

祇恐使君同變化白螺來往少人知

題劉京叔歸潛室

獨構茅堂養道真滿前俗事罷紛紜磻溪夜釣波心月

汾曲春耕隴上雲長笑熊羆勞應夢直一作教猿鶴怨

移文近來傳得安心法萬壑松風枕上聞

攸寧菴

高興何如向子平男婚女嫁一身輕白雲在望頻登隴

黃髮為期少入城繭室已營身後計鳳笙時聽月中聲

江淮十載風塵滿回首誰應似獨醒

萬歲山次韻

欽定四庫全書

元詩選二集

卷二十五

萬歲仙山聳碧空廣寒春

一作殿最當中橋連綺

錦石通三島路遠銀河接兩宮柳拂甘泉巢翡翠花凝

太液下冥鴻一作孔雀花濃深駐年年此地一作經遊

輦自是承一作昇平樂未終

簡暢廉訪

名家世代產賢臣清白流芳邁等倫柏葉拂階迎鳳角

紅雲擁殿識龍鱗暢當詩律知無敵薛稷才華媿不純

江左掃清雖一道裏行猶賴濟斯民

華素臺

銀臺錯落照長春
泰宇清明絕點塵
星斗九天分楚越
山河萬里界甌閩
花邊絳節招猿鶴
雲裏丹梯駐鳳麟
戲馬歌風何足數
初陽今古對天人

張舍人遙碧樓

西北高樓入九天
楚雲吳樹淨娟娟
玉浮翡翠流青草
金削芙蓉列紫煙
方匱尚藏周典禮
故家猶繼漢神仙
想應公子登臨處
明月吹笙彩鳳旋

欽定四庫全書

元詩選二集
卷二十五

慶黃晉卿任江浙儒學提舉

憶昨追隨到上台
鼇頭先奪錦標回
道人獨寶籠鶴帖
天子曾驚倚馬才
禮以二儀宗太極
名因三賦重蓬萊
只今教雨司吳越
絕勝文翁化蜀來

大駕度居庸關

居庸雄據萬重山
南北門分作漢關
鼓角動時森虎衛
旌旗行處識龍顏
禪宮路轉風煙合
御苑春深草樹閒
待得長楊圍獵罷
又隨車騎此中還

次韻王侍郎上都見寄

灤水東風淨物華
石鼇峰下駐仙車
清明草檢歸黃閣
勝日開筵近紫霞
萬戶砧聲聞別館
九天秋色落誰家
仙郎賦罷長回首
南去還乘八月查

寄贈華陽洞隱者

歸去華陽古洞天
高情蕭爽絕凡緣
牽蘿石壁書紅葉
散髮雲林卧紫煙
長史玉經何日降
隱居真訣至今傳
江東却擬尋君去
合景回風問上玄

欽定四庫全書

元詩選二集
卷二十五

高遠堂

數椽茅屋雲中出
一抹青山坐上看
讀罷黃庭春雨後
刺桐花落鳥聲寒

贈鼎尊師

青山寂寂雨瀟瀟
一箇長松翠欲飄
白髮道人年八十
小樓閒坐說前朝

題雲林子南邨隱居圖

山高白石秀竹密
綠陰濃窗映風光
埽溪流月影重

簡高僉事堯臣

憲府開江左清風肅百曹朝廷任隱逸郡縣覩英豪必
使民情直須除吏弊牢馬周為善政今古尚持操

送李理問赴嶺北省二首

君向龍沙去迢迢不計程關山殊漢苑河隴異秦城青
草明妃塚黃雲屬國營盛年經此地往事肯傷情
画省開邊鄙郎官選俊才臂鷹過鴈磧走馬上龍堆氣
候調中律星辰接上台何當瓜及日却向晉陵回

欽定四庫全書

元詩選二集

卷二十五

送黃元深游湖

南宮朝殿鎖蓬萊芳草春深夢不迴只有海門青一點
月明猶送舊潮來

春盡北行留別吳大修撰

萬柳千花拂酒旗南陵北苑草離離居庸關下泉鳴咽
又是東風欲去時

次韻盧疎亭廉使見寄

西風吹老敬亭秋回首江雲近涿州記得少年陪劍履

麒麟閣上鳳池頭

欽定四庫全書

元詩選二集

卷二十五

黃石翁松瀑臺

石翁字可玉號松瀑南康人世儒家居廬山下少
多疾父母強使為道士所居室多唐宋雜蹟間疾
作閉戶反復在手疾止危坐若思客至馳辯榮辱
石翁閉目不復答人多咎之因自號曰狷叟年幾
六十而死常自作墓銘鄧善之謂其學典麗該洽
貫儒名老而同歸文章由古訓誠誠若擬金石而
奏韶濩表伯長稱其靜而不馳溢於哀忿砥礪志

欽定四庫全書

元詩選二集
卷二十五

五

節有古逸民之風焉

自麻仙至筆架道中作

三步五步歇六日七日晴豈不念我歸春色相送迎前
宵社酒散行將返清明紅紫小零落嚶嚶相和鳴叢薄
山礬花玩之有餘馨亦欲寄所思歸鴻已宵征悠悠不
可極惻惻難為情荒荒誰與語脈脈曳杖行

望雲

日出五丈高白雲浩如海城郭在雲中山人在雲外望

雲雲氣深入雲雲氣淺亦欲入深雲不知雲近遠

題米元暉湖山煙雨圖 并序

湖山煙雨圖初裝即作此詩久而未寫病後眇昏
聊試目力歲攝提格秋暮廬山黃石翁

江南舊物澄心紙百數十年誰得此揮毫無復老元章
付與承家大兒子展開素幅作湖山點染興入蒼煙間
偶然墨雲起霏霏風雨偃林生暮寒筆端奮迅有疾急
雨氣淋漓紙猶濕世人藏畫尚精微到此精微下風立

欽定四庫全書

元詩選二集
卷二十五

五

流寓東南誰與鄰傾懷付與李家親忽因微駁論資格
紙上數峰微笑人

飯山道院

萬鍾鼎食不到我正自不必西山餓飯山雲氣如炊煙
三餐而返腸果然臨川丞相有素願何處獨無魚羹飯
勸君飯客先飯窮往往乞勺皆英雄

送高麗五明馬

海波不動關梁通虬髯使者來吳中名騅額間挂明月

四蹄猶帶龍堆雪仰秣不受田家芻太官之羊五味俱
賢才萬里不難致糠粃不充盱老矣

客語

舊時供奉曲歌者亦無人但感歲年晚不知天地春客
猶談寶慶吾亦及咸淳何處楊花過飛來照角巾

午日

世故一炊黍吾生百鍊銅客情傷髮白醒眼對榴紅遠
岫冥冥雨疎衣細細風欲論千古恨不見楚南公

欽定四庫全書

元詩選二集
卷二十五

天

次韻謝新荔

海國仙人翦絳霞年年一朵到仙家眼中玉色如何晏
席上風流得孟嘉野客不分唐殿帶老臣并按建溪茶
醉來往事都休問且擘輕紅對晚花

寒食客中二首

明朝便典黑貂裘寒食寧無數日留煙斷舊嘗悲介子
火哀今不祀商丘百年盡付風吹柳一雨遠隨山入樓
安有五侯鯖到我自修茶事試香篝

慘澹微茫斷客魂最難忘處最難言南陵不可避風雨
麥飯何如託子孫往事滄江推白鳥誰家鐵撥送青尊
欲尋隱者相傾倒煙柳深深不見門

暮春計壽山中寄句曲山人

松花落粉啼子規山人燕坐春晝遲石泉豈非大韶樂
日色猶是鴻荒時筠籃竹杖烟中語青紙丹書林下詩
應謝錢塘舊知識白雲獨往無還期

碧桃

洗盡嬌紅出翠帷玉人無語背斜暉綠華前度通仙譜
天水何年染素衣宴罷瑤池春夢斷影寒姑射夜深歸
禁煙時節多風雨莫遣繁英一片飛

墨梅

去年曾訪林君復烟火蒼茫鶴未歸不似對君橫小幅
一枝和雪照柴扉

欽定四庫全書

元詩選二集
卷二十五

天

查居廣學詩初藁

居廣字廣居臨川人少入金溪望仙觀受度為道士復之上饒龍虎山從廬阜黃尊師石翁學為詩嘗東遊至鄞海上還憩虎林山得楊推官仲弘詩七言今體服其雄浩又得范太史德機詩五七言古今體服其清峻皆手鈔口誦心領神解期與之俱化因索其詩西之清江百丈山求德機之廬而卒業焉德機定其可傳者五十餘篇序為學詩初

欽定四庫全書

元詩選二集

卷二十五

藁天歷己巳卒于仁壽觀年四十六廣居與杜原

父孫履常揭曼碩友善所交多畸人靜士雅嗜佳山水杖屨所歷攬結奇秀資之賦咏柳道傳為作墓表謂當時詩名與廣居上下頡頏而余最善者危素太僕王漸玄翰揭車子舟四人為江右後來之秀云

二銀女祠

銀冶二女祠撫州之金溪其家姓葛氏無字年未笄羞

顏不出戶婉孌守禮儀在唐寶曆歲其父為胥吏官家

起銀場日夜遭箠楚勤紅問父苦玉頰啼朱雨父命斯易活誓以死相許禽獸尚知義報父寧死心投身入銀冶遂化成白金郡縣驚且歎奏名上朝端下詔罷爐冶雞犬皆平安已經五百歲歷歷人猶傳荒祠俯流水像設還儼然世間盡兒女此事誰能前緹紫費城去未有堪比倫可比惟英皇雙魂抱煩冤至今湘江竹出土含淚痕

欽定四庫全書

元詩選二集

卷二十五

題詞

汲汲歲年徂慘慘冰霜厲君子不違舍明發戒行李南臺雄且高國家所仗倚辟掾無凡材今子足稱是諤諤鉏姦貪軒軒攝悍鷙風俗歸之正郡邑得以治御史不敢爭簡書豈非議擣空狐狸穴動有鷹隼氣仕宦等一擲名節在萬世皇皇吾君業正朔越裳被今歲一再救求言弭災異况子得言秋盍體堯舜意吾師范德機每與論茲事露坐山月高撫劍各流涕我本滄浪人鼓柁

從此始

孝子行并序

豐城廖孝子至元十九年鄉寇大作子負母冒刃
逃反靖孝養終身與江草不殊惜無史書之揭翰
林近題其墓曰有元純孝廖某之墓又為作文刻
石虞學士書之

豐城昔在至元歲寇賊紛紛亂如鬼是時廖生抱母行
不死白刃天有情固知至願天必感母子全活見太平

欽定四庫全書

元詩選二集
卷二十五

四三

廖生雖死猶未死往往遺民言此事有如江革遭亂離
負母潛逃經險阻情詞惻惻賊舍之孝德還堪耀今古
烏乎薄俗獠獍同墓上請看純孝子

波斯引為丹陽氏作

紫鳳檀瓢剖鳴玉璘編鏡面蚺蛇腹銀絲四索挂寒冰
中有驪珠三萬斛丹陽老人今樂師當筵一曲奏波斯
太罕新聲變哈失曹網縮手昭君悲換軸抽絃彈曳樂
歷亂金盤撒飛電貝宮月冷泣雌蛟瑤漢秋清叫孤鷺

玉壺水咽銅龍哀繞指忽作盤空雪劍光迸火玉斗碎
馬蹄飛蹴河水裂洪牙促羽調聲轉壯士氣酣毛髮立
蹋歌起舞勸一觴不惜花袍酒淋濕老人波斯技絕倫
出入侯門三十春銀鸞半臂紫貂帽光動主翁筵上人
繁華轉眼成今古獨技波斯向誰鼓歸來醉卧錦羅瑜
高樓一夜梨花雨

送危方逸之京

石門江上送危郎好上神京北斗旁漢代文章須買馬

欽定四庫全書

元詩選二集
卷二十五

四三

周家道德竝虞唐柳林馬過沈雲黑沙磧駝鳴落日黃
為計遊程二千里朔風吹雪正茫茫

元詩選二集卷二十五




謹案第九頁前五行鄂爾多舊作兀里多今改

十二頁前一行伊審思噶舊作耶米思干達實

舊作大石今並改 十二頁後六行阿錫達舊

作阿思朵今改



總校官候補中書臣吳紹潔

校對官檢討臣蕭九成

謄錄監生臣劉天倉

欽定四庫全書薈要

集部

元詩選二集卷二十六

詳校官編修臣王天祿



欽定四庫全書薈要卷二萬四百五十四集部

元詩選二集卷二十六 長洲 顧嗣立 編

僧明本中峰廣錄

明本號中峰錢唐人住鴈蕩邨姓孫氏出家吳山
 聖水寺間高峰原妙禪師居天目山往叩之一見
 驪然雜染于師子院遂契妙旨與斷崖義公俱為
 高峰座下或問優劣曰義首座固是根老竹其如
 七曲八曲惟本維那却是竿上林新篁他日成材
 未易量也元貞間高峰將遷化以大覺禪寺相屬
 辭推第一座祖雍主之登皖山遊廬阜至金陵結
 菴廬州弁山及平江鴈蕩已而還山領師子院宰
 相大臣以五山主席交聘俱力辭因日避走南北
 間朝廷聞其名特賜金襴伽黎衣進號佛慈圓照
 廣慧禪師欲召見闕廷終不一至惟再封香下詔
 即所居脩敬而已至治三年八月安坐而逝世壽
 六十有一僧臘三十有七文宗敕詞臣製碑謚曰

欽定四庫全書

元詩選二集
卷二十六

智覺塔曰法雲有中峰廣錄三十卷元統二年詔
收入佛藏藝文監丞揭傒斯為之序謂其提倡激
揚如四瀆百川千盤萬轉衝山激石鯨吞龍變不
歸於海不已其大機大用見於文字有如此者中
峰屢辭名山屏跡自放時住一船或僦居城隅土
屋若入山脫笠即結束茅而栖俱名曰幻住自作
幻住菴記其居東林也趙學士子昂馮學士海粟
為之躬運土木以執役初子昂與中峰為友海粟
甚輕之一日子昂偕中峰往訪海粟出示梅花百
詠詩中峰一覽走筆和之復出所作九字梅花歌
以示海粟竦然遂與定交

頌古七首

醉乘白鶴登銀闕夢跨青鸞入絳宮酒醒眼開俱不見
一川桃李自春風
白玉琢成西子骨黃金鑄就伍員心蓮宮人醉歌聲咽
月落吳江淚滿襟

斧爛柯銷局未闌天風吹鶴下瑤壇滿盤黑白輕翻轉
袖拂蒼梧玉佩寒

天生富貴稱雄才織翠華裾擁不開一簇管絃聲未絕
醉扶公子上樓臺

三冬枯木遇春陽翠萼寒英噴古香雪鬢老婆情未瞥
冷看花樹哭檀郎

葉卷西風樹樹寒亂蛩吟砌夢初殘情懷自是不堪聽
又把冰絃月下彈

赤脚波斯叩海門黑風吹浪暗昏昏三更掣斷青霞鎖
笑看驪龍戲子孫

自贊

截斷紅塵石萬尋衝開碧落松千尺巖花朵朵水泠泠
楊柳一併甘露滴

送吉上人之江西下高峰和尚遺書

寒巖一夜風雷惡師子迸斷黃金索驀騶萬里追不回
聲沈宇宙空山嶽君今去去持此音十八灘頭探鱗角

君不見馬師一口汲西江波騰浪沸煙茫茫又不見集
雲峰下四藤條雨洗風磨恨未消生邪死邪俱不道鐵
壁銀山齋靠倒有問禪血染溪華春正妍有問道兩岸
夕陽對芳草千差萬別任縱橫管轉一機何處討玄沙
白紙脫或舉似時更須莫謗西峰好

和皖山隱者

野人原上十五里寒厓白日啼山鬼萬峰重疊路回旋
半間箬屋青松底老僧荷鍤入煙霞滿林搖落朱藤華
燒田種寒粟斲地栽胡麻雲根撥笋澗底尋茶糞火深
埋魁芋種砂瓶爛煮黃菁芽人謂隱者閒不足何故山
翁事驅逐山翁笑指溪上桃庭前竹春風幾度更新綠
香巖不作靈雲死徒有是非喧兩耳爭似儂家百不知
從教少室分皮髓

秋夜述古

蛩聲唧唧鴈聲噤噤病葉落空階清籟鳴空隙客來叩
我白雲房三遶禪牀振金錫玄音落落不覆藏更加一

語成狼籍擬來此處尋聲迹萬里秋風有何極丈夫何
事不肯休直欲參天起荆棘九載少林窮的的一宿曹
溪浮逼逼偃溪流水香巖擊切忌隨他那邊覓良由眼
聽與心聞疾燄過風俱莫及威音那畔空劫前底事何
曾異今日幻住道人都不要識柴扉晝掩千山碧寒莎葉
底露沈沈烟外數聲牛背笛客既無言我亦休橫眠一
覺青茅席夢裏忽聞蕭騷浙瀝何處生覺來元是山雨
四櫚聲滴滴

閱林間錄有感

林間編此錄深夜剔殘燈慧命微如線人心冷似冰祖
庭空積雪古路不逢僧追企前賢轍思歸一念增

禮四祖真身塔

九拜曉龕前追思獨慘然真身無日壞此道有誰傳古
岸橫秋水空山起暮烟幾多西祖意寂寞在江邊

鴈蕩除夜

茅屋三間冷似冰灰頭土面十餘僧掃除自己閒枝葉

不打諸方爛葛藤就手揭開新歲歷和光吹滅舊年燈
頂門別具摩醯眼越死超生似不曾

贈營壽藏

斲斷雲根闢古基粉牆低護石樓危既知身後有終日
肯信目前無了時夜雨一窓蠶課繭春風千里燕銜泥
到頭共熟黃梁夢哭送斜陽欲恨誰

次韻答盛秀才

風月何緣事苦吟擬將英譽壓雞林幾回立盡三更月

欽定四庫全書

元詩選二集
卷二十六

六

一字搜空萬劫心夢裏忽驚霜入鬢梅邊不覺淚霑襟
可憐半世聰明種甘為浮詞又陸沈

送禪者歸鄉

湖海俄經三十年無端一念憶生緣夢中復做還鄉夢
禪外重參逆旅禪踏碎暮雲投古寺衝開積雪望炊煙
狂心未向機前歇溢目家山轉棄捐

船居十首

巳酉舟中
作錄四

世情何事日羈縻做箇船居任所之豈是畸孤人共棄

都緣疎拙分相宜漏蓬不礙當空挂短檣何妨近岸移
佛法也知無用處從教日炙與風吹

水光沈碧駕船時疑是登天不用梯魚影暗隨蓬影動
鴈聲遙與櫓聲齊幾回待月停梅北或只和煙繫柳西
萬里任教湖海闊放行收住不曾迷

人在船中船在水水無不在放船行藕塘狹處拋篙直
荻岸深時打櫂橫千里溪山隨指顧一川風月任逢迎
普通年內乘蘆者未必曾知有此情

欽定四庫全書

元詩選二集
卷二十六

七

一餅一盃寓輕舟溪北溪南自去留幾逐斷雲藏野壑
或因明月過滄洲世波汨汨難同轍人海滔滔孰共流
日莫水天一色且將移泊古灘頭

山居十首

六安山中
作錄四

胷中何愛復何憎自媿人前百不能旋拾斷雲修破衲
高攀危磴閣枯藤千峰環繞半間屋萬境空閒一箇僧
除此現成公案外且無佛法繼傳燈

數朵奇峰列畫屏參差泉石暢幽情青茅旋豎尖頭屋

黃葉頻煨折脚鐺雲合莫山千種態鳥啼春樹百般聲

世間出世間消息不用安排總現成

見山渾不厭居山就樹誅茅縛半間對竹忽驚禪影瘦

倚松殊覺老心閒束腰懶用三條篾扣已誰參一字關

幸有埋塵甑子在待磨成鏡照空顏

頭陀真趣在山林世上誰人識此心火宿篆盤煙寂寂

雲開窓檻月沈沈厓懸有軸長生畫瀑響無絃太古琴

不假修治常具足未知歸者謾追尋

欽定四庫全書

元詩選二集
卷二十六

八

水居十首

東海州作
錄六

道人孤寂任棲遲跡寄湖邨白水西四壁煙昏茅宇窄
一天霜重板橋低驚濤拍岸明生滅止水涵空示悟迷
萬象平沈心自照波光常與月輪齊

水邊活計最天然物外相忘事事便門柳每招黃蝶舞

岸莎常襯白鷗眠雨蒸荷葉香浮屋風攪蘆花雪滿船

不動舌根談實相客來何必豎空拳

縛箇茅菴際水涯現成景致一何奢野塘水合魚叢密

遠浦風高鴈陳斜道在目前安用覓法非心外不須誇

一聲鐵笛滄浪裏煙樹依依接莫霞

年晚那能與世期水雲深處分相宜菱蒲繞屋供晨爨

菱藕堆盤代午炊老岸欲隳添野葑廢塘將種補新泥

無心道者何多事也要消閒十二時

雲漫漫又水漫漫新縛茅龕眼界寬儘有池塘堪著月

且無田地可輸官四時風味人誰得萬頃煙波我自觀

却恐客來為境會閉門收在一毫端

欽定四庫全書

元詩選二集
卷二十六

九

水國菴居最寂寥世塗何事苦相招去邨十里無行路

隔岸三家有斷橋數點鴉聲迎暮雨一行魚影漲春潮

陳年佛法從教爛豈是頭陀懶折腰

鄜居十首

梁州作
錄一

足跡無端遍海涯現成山水不堪誇市廛既可藏吾錫
城郭何妨著我家四壁虛明連棟月數株紅白過牆花
見聞不假存方便只麼隨緣遣歲華

按中峰四居詩皆遊地時作如船居云隨情繫纜招
明月取性推篷看遠山煙蓑帶雨和船重雲衲衝寒

似紙輕主張風月蓬三葉彈壓江湖勝一尋山居云
雪澗有聲泉眼活雨屋無路蘇痕深偷果黃猿搖綠
樹銜花白鹿卧青莎白髮不因裁後出青山何待買
方歸水居云波底月明天不夜爐中煙透室長春塵
居云錦街破曉鳴金鞚繡巷迎春擁翠鈿月印前街
連後巷茶呼東舍與西鄰翫月樓高門巷永賣花聲
密市橋多並妙句也附摘于此

次韻審王題真際亭

按中峰行錄云駙馬太尉
審王璋遣參軍洪鑰齋

書帶敘弟子禮期請上命南來參叩已未秋
九月王奉御香入山謁師草廬咨訣心要請
師陞座為眾普說師激揚提唱萬餘言王復
求法名別號師名王以勝光號曰真際王因
建亭師子巖
下以記其事

欽定四庫全書

元詩選二集
卷二十六

十

高亭結構標真際體共雲林一樣閒山勢倚天忘突兀
水聲投澗自潺湲伽陀迴出言詞外海印高懸宇宙間
佇看凭闌人獨醒又添公案入禪關

雙髻峰有懷

高峰和尚初
擬卷於此

雙髻雲深古道危不來夜半叩柴扉六年底事成遺恨

寂寞空山啼子規

次韻酬李仲思宰相

晴雲萬疊裹羣山崖瀑千尋落樹間定裏驚傳王駕至

祇應來奪老僧閒

客中聞訃

訃音遺我客牀頭話到輪回鬼亦愁肉眼未空今古夢

滿天霜月曬枯骸

次韻酬馮海粟待制

無言童子拂香臺報道長沙學士來爛煮橘皮砂罐冷

幾年生意喜潛回

道話

團團相聚火爐頭商略為山水牯牛一語忽投入拍手

滿天霜月下西樓

偶成

檐頭密布蜘蛛網砌下高堆曲蟻泥達摩眼睛渾不顧

尋常讀作一聯詩

省菴

已上中
峰廣錄

一聲幽鳥到窗前白髮老僧驚晝眠走下竹牀開兩眼

方知屋外有青天

欽定四庫全書

元詩選二集
卷二十六

十一

梅花百詠和馮學士海粟作

錄十

見非恍惚夢非神雪後霜前分外真
踈影暗消三弄月半聯淒斷獨吟人
歲寒搖落孤根在江驛荒涼往事塵
碎嚼幽香清可挹玉奴無復更臨春

玉簫起處暗驚神曲緩瑤臺逸韻真
泉石幾年雲冷鶴關山萬里月愁人
香凝老樹調風味影落寒窗枕隙塵
檀板金樽久岑寂微吟不減昔時春

目送空山遠駐神似曾相識倍情真
半林素被鋪寒玉

欽定四庫全書

元詩選二集

卷二十六

十三

一幅生綃画美人奕入冰姿欺國色
悵隨哀曲黯京塵

三郎正愛霓裳舞珍重椒房自惜春

白雲堆裏曉飛神道骨翛然一太真
古岸埋香多是雪

寒巖欺影四無人因風寄遠愁應老
坐雨辭根恨未塵

賸欲巡檐賦歸隱共君心事答閒春

征路愁迷黯連神穿林入谷自尋真
亭亭有意冷移玉

黯黯無言空悵人夢斷陽臺半雲雨
淚空青冢幾沙塵

餘芳消歇繖華起野水蒼煙意自春

眼花落井眩雙神雪步迢迢見欲真
澹墨画图橫玉影黃昏庭院倚闌人
唾絨猶認窗間迹啼粉空餘鏡面塵
消得黃金鑄成屋年年雪裏貯芳春

水中仙子鏡中神夜夜相攜入夢真
隴鴈哀殘埋玉地朔風吹老弄蟾人
寒添灞上雙眉凍愁壓江南幾屐塵
雪裏不嫌情味苦一枝占斷九州春

橫影伶仃似有神半清淺處獨呈真
數枝沖澹晚唐句

一種孤高東晉人上苑清房誰耐雪
廬山玉峽肯蒙塵

欽定四庫全書

元詩選二集

卷二十六

十三

是中天趣那能識惜被東風漏洩春

夢來曾憶二郎神花影愁端語最真
月浸一庭寒水玉

夢驚孤枕斷腸人不堪往事從頭看
總欲新詩得句塵

啄木敲門窺我醉四山寂寂鳥啼春

憶昔君平勘卜神青衣應是日時真
雲開巫女多嬌面

浴出楊妃一麗人竹葉杯浮苔砌月
豆蔻灰暖紙窗塵

驚春恐落羣芳後先到名園逐上春

遺情極像白拈神仙與吟翁意氣真
月曉憶同林外飲

酒醒愁恨曲中人荒溪獨照山初靜寒影相持雪亦塵

每惜半檐風露重起披玉毳伴瓊春

朵中飛下玉霄神仙韻嬌姝一粉真冰曉浴乾銀浦水

雪籬愁損草堂人名姬駿馬空詞筆廢苑荒臺老戰塵

凍野蒼茫天四慘兩行啼鴈獨傷春

按中峰梅花百詠如斜照窗紗斜照水半隨風信半隨塵一點芳心憑驛使半梢清影伴詩人飢蜂冒雪身遊絮病鶴眠苔跡如塵曉起白迷煙外策夜深寒醒酒邊人吟對瘦憐寒夜影折看愁殺故鄉人對仗極工應不減孤山處士疎影暗香之句也

欽定四庫全書

元詩選二集
卷二十六

十四

憶梅

夜分明月是揚州尚有春風在樹頭莫怪當年何水部

歲寒心事與誰愁

評梅

月旦花前豈乏人風霜齒頰帶陽春江南野史餘芳論

絕世清如古逸民

別梅

花謝東風攪離思愁翻縞袂忍輕分月明梢送臨溪水

春樹遙憐隔暮雲

惜梅

香銷泥汗意裴回掠地迴風玉作堆愁絕黃昏無一語
怕看孤月上窗來

翦梅

破玉并刀試手溫香凝雙股斷芳魂花隨燕尾輕分去
不帶春風爪甲痕

蟠梅

鐵石芳條誰矯揉從教曲折抱天姿龍蛇影碎玲瓏月

欽定四庫全書

元詩選二集
卷二十六

十五

交錯難分南北枝

苔梅

古貌蒼然鶴膝枝唾花生暈護春機玉堂試看青袍客
莫忘江南有白衣

月梅

數枝姑射鬪嬋娟疎影分明不夜天散却廣寒宮裏桂
春光長滿玉堂前

風梅

花間少女翦春寒
粲粲霓裳舞隊仙
月夜遙看環佩冷
莫教吹落玉花鈿

煙梅

夢隔梨雲逗曉天
苔枝浮翠逗春寒
不嫌玉質籠輕素
留與詩人冷澹看

疎梅

依稀殘雪浸寒波
桃李漫山奈俗何
瀟灑最宜三二點

好花清影不須多

孤山梅

種玉西湖獨占春
逋仙佳句播清芬
月明花落吟魂冷
童子何之鶴在墳

茆舍梅

數椽草屋延清客
竹作疎籬護玉葩
不是玉堂無分到
且和明月到山家

隔簾梅

庭花映箔眩吟眸
一片湘雲鎖莫愁
風卷黃昏疎影動
珊瑚枝上月如鉤

紙帳梅

春融剡雪道人家
素幅凝香四面遮
明月滿牀清夢覺
白雲堆裏見疎花

九字梅花詠

以下各選本錄入

昨夜西風吹折千林梢
渡口小艇滾入沙灘坳
野橋古梅獨卧寒屋角
疎影橫斜暗上書窗敲
半枯半活幾箇

壓蓓蕾欲開未開數點含
香苞縱使畫工奇妙也縮手
我愛清香故把新詩嘲

留題惠山寺

惠山屹立千仞青
俯瞰天地鴻毛輕
七竅既鑿渾沌死
九龍攫霧雷神驚
霹靂聲中白石裂
銀泉迸出青鉛穴
惟恨當年桑苧翁
玉浪翻空煮春雪
何如跨龍飛上天
并與挈過昆侖巔
散作大地清涼雨
免使蒼生受辛苦
我來叩泉泉無聲
一曲冷光沈萬古
殿前風檜砉然鳴

日莫山靈打鐘鼓

題金山寺

半江湧出金山寺一簇樓臺兩岸船月到中宵成白晝
浪翻平地作青天塔鈴自觸微風語灘石長磨細浪圓
龍化楚人來聽法手擎珠獻不論錢

松月

天有月兮地有松可堪松月趣無窮松生金粉月生兔
月抱明珠松化龍月照長空松挂衲松回禪定月當空

欽定四庫全書

元詩選二集
卷二十六

六

老僧笑指松頭月松月何妨一處供

雪

凍雲四合雪漫漫誰解當機作水看只為眼中花未瞥
啟窗猶看玉琅玕

田歌

留天童
寺作

邨南邨北春水鳴邨邨布穀催春耕手捧飯盃向天祝
明日插秧還我晴

林塘菴

學得閒來便得閒好山好水任盤桓林塘菴外湖山景
堪與杭州一樣看

欽定四庫全書

元詩選二集
卷二十六

九

僧行端寒拾里人豪

行端字景元一字元叟臨海儒家何氏子年十一
得度於餘杭之化城院初參藏叟和尚於徑山言
下豁然頓悟藏叟告寂依淨慈鞏石林為記室與
陵虛谷海東嶼熙晦機永東州真竹閣為莫逆交
尋挂錫靈隱伏虎巖住徑山請居第一座既而退
處楞伽室大德間出世湖之資福名聞京國至大
間特旨賜號曰慧文正辯行宣政院舉主中天竺
遷靈隱延祐間有旨設水陸大會於金山命升坐
說法竣事入覲加賜佛日普照之號南歸養高於
良渚之西菴泰定間降璽書命主徑山作大護持
者二十年至正辛巳終於丈室世壽八十八僧臘
七十八元叟以餘力施於篇翰尤精絕古雅自稱
寒拾里人嘗擬寒山子詩百餘篇四方衲子多傳
誦之林石田隱居吳山不與世接獨遺以詩曰能
吟天寶句不廢嶺南禪其取重前輩如此

擬寒山子詩六首

昨日東家死西家賻冥財今朝西家死東家陳奠杯東
東復西西輪環哭哀哀不知本真性冥漠登泉臺
木落秋水寒千峰正岑寂惟聞虎嘯聲不見人行迹霜
露溼巖莎月輪挂空碧此時觀此心獨坐盤陀石
名利是何物人心不自灰榮來終有辱樂去可無哀富
塚草還出貧門花亦開耕桑枉辛苦鬚白鬢毛衰
偃仰千巖內超然與世違采芝為口食紉櫛作身衣瀑
水淋苔磴湫雲漬草扉閒吟竺仙偈幾度歷斜輝
山中高且寒人罕來登陟松搖雪珊珊蘿罨煙暮暮巖
花春不開潭水夏方釋住此夫何為心源湛而寂
我住在峰頂白雲常不開窗扉沿薜荔門徑疊莓苔山
果後偷去巖花鹿獻來長年無一事石上坐堆堆
思洞庭寄承天寺覺菴老師
烟蒼蒼濤茫茫洞庭遙遙天一方上有七十二朶之青
芙蓉下有三萬六千頃之白銀漿中有美人兮佩服金

鴛鴦游龍車鳴月璫直與造化參翱翔憶昔天風吹我
登其堂飲我以金莖八月之沆瀣食我以崑丘五色之
琳琅換爾精髓滌爾肝腸灑然心地常清涼非獨可以
眇四極輕八荒抑且可以老萬古凋三光久不見兮空
慨慷久不見兮空慨慷

趙李倪三居士建凌霄會求贈

雙徑在吳浙實為山之雄天目如屏擁其北錢塘似練
紆其東重巒疊嶽不知幾千萬但見五峰秀色峭率摩

欽定四庫全書

元詩選二集
卷二十六

三

青空下有跋陀神龍窟上有觀史夜摩宮晴雲暖靄生
巖松朝開暮合無終窮祖師據此鞭麟鳳森羅萬象明
真宗納須彌兮于芥子卷法界兮于鍼鋒本源自性有
常分寧須妙用求神通儼如鹿園與鷲嶺紫金光聚人
天中說法至今猶未散天華似雨飄空濛

送方上人西蜀省親

道本絕方所隨緣觸處真家鄉元不遠父子即非親徑
蘚粘輕策江華拂淨巾東吳與西蜀曾不間纖塵

寄晦機和尚

流落似孤蓬君西我在東二三千里外一十五年中老
去頭毛白寒來樹葉紅所期盤石上松月夜禪同

山居二首

山木交柯莎滿庭馬蹄且不污巖扃篝燈對雪坐吟偈
攤紙繞泉行課經睡少每知茶有驗病多常怪藥無靈
金園一歲一牢落誰似孤松長自青

小榻新營巖瀑西白雲無路草萋萋月明扃戶野猿嘯

欽定四庫全書

元詩選二集
卷二十六

三

日晏攤衾山鳥啼積世詩書空簡蠹累朝墳墓半鉏犁
邯鄲枕畔一炊黍堪笑古今人自迷

題飛鳴宿食鴈圖

年去年來無定一作年復一年中郎何處有書傳一作帛

前一作影橫連一作蒹北月連一作塞聲斷衡陽一作霜滿

天雨暗荻一作花愁晚一作渚露香菰米落一作秋田

平生千里與一作萬里塵世網羅空自纏一作秋田

集案趙子昂家居有以飛鳴宿食四鴈圖求跋者時詞
客滿座而端叟老禪亦與馬子昂屬客賦詩端公援筆

立成合座歎異
作天錫詩誤也

北固山

三面鯨濤連碧天
金湯形勢尚依然
山花黯黯人吹笛
江柳青青客上船
馬帶淮雲東入浙
鴈拖湘水北歸燕
武侯一去孫劉死
原野幾人耕墓田

題水月猿圖

水中明月輪可翫
不可覓獼猴徒自狂
觸破寒潭碧

山房自述

故園歸路隔天涯
絕頂閒房且寄家
翻罷貝多山月上

一棚華影漾袈裟

雪樵

珠霰飄飄柴在肩
且謀燒火過殘年
庭前此際無人立
爐內憑誰續斷煙

次韻荅林首座

一房間寄長松下
殘喘雖留如病何
為報南山舊玄侶
幻華光景已無多

寄東嶼和尚

相別于今八載餘
君匡徒衆我閒居
白雲流水乾坤外
終不相親枉寄書

維故人別墅

門徑無塵有綠苔
東風落日舊曾來
白頭道者今何在

一樹櫻桃花自一作開

栽松

鈍鑽橫肩雪未消
不辭艱步上岵堯
等閒種得靈根活

會看春風長綠條

靜軒

六戶虛凝湛不搖
從教塵世自喧囂
階前盡日無人到
只有閒雲伴寂寥

海翁

窮盡波瀾絕一漚
餘生甘自老扁舟
四溟高卧月如晝
閒把漁蓑枕白頭

擬寒山子詩二首

人生在世有何事日用但教心坦平縱是金珠克屋棟
到頭難免北邙行

天上日沒月又出山中葉落花還開黃泉只見有人去
不見一人曾得回

題羅漢圖

諸諦空來世所無神通百變絕名模不知何處留蹤跡
却被人傳作画圖

題牧牛圖

誰家荒曠連平原何處孤邨帶喬木官田耕盡牛正閒
且對東風弄橫玉

僧祖銘古鼎外集

祖銘字古鼎奉化應氏子年十八從金峨橫山錫
公學出世法二十五得度竺西坦公主天童使掌
書記後徧參諸尊宿間元叟在靈隱往謁焉言下
豁然開悟元統元年始自徑山出住昌國之隆教
遷普陀復遷中天竺至正七年還主徑山錫號慧
性文敏宏學普濟禪師十七年退居妙明菴十九
年書偈而逝有四會語錄暨外集若干卷古鼎洞
徹玄微踔厲縱橫袁伯長胡汲仲黃晉卿虞伯生
歐陽原功皆稱慕之原功贈詩有上人能舉龍文
鼎坐斷凌霄第一關之句初在中竺時有童子仇
姓者從師荷笠夜宿蘇之承天寺見空中有一
寶鼎左右翼衛皆天神曰天帝以此鼎還賜徑山
詰旦以事質其僧曰此必古鼎師還遷徑山也俄
而徑山命下間者異之

徑山五峰

堆珠峰

天勢下凌霄坐使萬壑趨元氣結巒岫獻此大寶珠翊
殿護釋梵鼓鐘殷人區

大人峰

五髻生雲雨鎮踞何春容具此大人相題為大人峰偉
哉天地間萬象同擴充

鵬搏峰

峰勢來大鵬鼓此垂天翼培風本無待適茲造化力何

欽定四庫全書

元詩選二集
卷二十六

天

須問天池在在六月息

宴坐峰

杉松太古色不別春與冬道人此宴坐一念萬劫融不
特座燈王等了諸法空

朝陽峰

二儀開幽漠日月臨下土萬物麗高明此峰正當午堂
堂大聖人兩眼空寰宇

山中五峰傳之久矣然指者不一今各賦一詩庶
來者不待問而知也至正庚寅七月徑山釋銘書

南屏雨中

五月雨聲連六月南屏雲氣擁柴扉林巒有穴山精出
巖谷無人石燕飛詩句偶從行處得家鄉多在夢中歸
曉來杖策湖頭去春水溶溶沒釣磯

次韻免原懷徑山

蒼蒼喬木五峰齊十載江湖憶舊棲丘壑芝蘭香霧上
金銀樓閣彩雲低秋風悵望遠天鵲夜雨悲涼冢上雞
但得閒身各安健會尋石壁灑新題

欽定四庫全書

元詩選二集
卷二十六

天

題熨襦圖

練光帖帖雪光開倩得鄰姑熨未裁郎在征途兒在眼
十分寒向意中來

宿徑山娑羅林二首

高齋宿層巒無眠振衣起歷歷夜方悄婉婉情自美濃
露灌桂花清香襲庭几林曠鳴籟隱空淨停雲徒萬事
坐若遺靜極到天理舉目注秋江涼月薄如水
閒宵散積抱澹然得心妙蛩吟暗響流燈靜寒光掉星

河累明滅崖溜落淵奧林風來朋朋吹我形影弔浩歌
弄明月高樓入清照

二靈山

為愛山靈與水靈一菴高佔白雲層風光只在闌干外
半屬漁樵半屬僧

僧益栴堂山居詩

益字栴堂温州人大慧杲四世法嗣得法于淨慈
隱公住慶元奉化岳林寺世傳山居詩一編藥菴
黃僧游廣陵得于東隱精舍為元時舊刻如春暎
鹿眠三徑草夜寒雁叫一天霜梭鞵踏凍石梯滑
松帚埽霜山徑陰相韓卿趙禪中蝨霸楚王吳檻
內猿灌蔬月下擔寒浪移石雲邊接斷橋一火燒
畚春採蕨半蓑披雨曉鉏園黃狄林中偷果去翠
禽籬下引雛飛格律在皎然無本之間當不徒賞
其山居高致已也

山居四十首 錄十

亂流盡處卜幽棲獨樹為橋過小溪春雨桃開憶劉阮
晚山薇長夢夷齊尋僧因到石梁北待月忽思天柱西
借問昔賢成底事十年騎馬聽朝鷄
白雲影裏呵呵笑地老天荒覓不疑樵徑有霜尋藥冷
石窗無月了經遲青鞵夜雪憐蘇武黃犬西風歎李斯

千古青編在天下留芳遺臭更絲誰

自知疎拙不可變深入寒雲千萬層夜火晴收楓塢葉
午茶寒煮石池冰青林有雀安知鵲碧海非鷗不化鵬
從此世人尋不到亂山無路石稜稜

自是不閒閒便得矜功負氣總徒勞乾坤不換蜩雙翼
泰華何殊牛一毛揭石出潭秋水怒捲茆落地晚風號
滿頭白髮千時政謾說高山四皓高

亂山疊碧幾重重殘日晴霞半映紅事有廢興秦失鹿
物無得喪楚亡弓虛名終日雪填井幻景百年繩繫風
轉憶天台松樹下倚看瀑布石橋東

異草靈苗世莫栽蘿龕禪起獨徘徊嶽僧近寫茶經去
海客遙尋藥塢來曉洞雲腥龍孕子夜天月冷兔懷胎
事殊世異真風遠漢武開池見劫灰

千年明鏡忽生塵逐妄迷真豈有因海上刻舟求劍客
市中當晝攫金人萬牛難挽清風轉兩曜偏催白髮新
此事知音古來少碧天無際地無垠

溪隔紅塵樹鎖煙寒蒲終日自安然黃河定是有清日

曲木其如無直年道在玄珠澄赤水德止神劍躍深淵
從來不結東林社屋外開池自種蓮

鐵戟能浮羽楫沈敗非成是跡休尋漫言解返秦庭壁
須信難藏郿塢金甜到盡時忘蜜味酸從回處見梅心
青山若個不堪住獨買沃州支遁林

荒徑欹斜挂籬蓬半籬紅粟倩溪春山中有客見真虎
世上何人識假龍秋竹走篔簹穿斷石老藤行蔓上枯松
晚風斷送雲歸去誰打原西寺裏鐘

百年三萬六千日一似塵飛窗隙間銅雀已成身早沒
玉門未到夢先還斬蛟膽壯渾忘水逐鹿心狂豈見山
獨許白雲最深處老松枯石伴身閒

即今休去便休去何事却求身後名世亂孫吳謀略展
才高屈賈是非生溝中斷木千年恨海上浮槎萬里情
誰識枯禪涼夜月松根一片石牀平

題徑山

見徑山志

攀蘿捫石上崔嵬為訪名師特到來碧眼望穿紅日際
青鞵蹋破白雲堆松濤振壑鳴天籟瀑布春巖動地雷
好境自然塵世別何須海上覓蓬萊

大圭夢觀集

大圭字恒白姓廖氏泉州晉江人得法於妙恩博
極羣書嘗曰不讀東魯論不知西來意為文簡嚴
古雅詩尤有風致自號夢觀道人著夢觀集及紫
雲開士傳晉江有金釵山其募脩石塔疏云山勢
抱金釵聳一柱擎天之雄觀地靈侔玉几觀六龍
迴日之高標一時傳誦同時有守仁字一初富陽
人亦號夢觀有夢觀集六卷洪武間徵授右善世
蓋二人詩集同名而曹能始石倉詩選合為一人
誤也

詠史

敦弓穀明月決拾生清風一發期必中大射師友同學
成遂專巧教者初無功其心既殺羿天下惟一蒙含戴
亦齒髮位置三才中如何懷此逆天地或爾容齧齧果
有術肆毒應無從蚩蚩一為鑿維以保令終

定公生焚詩

并序

吾釋氏者定世古昆吾人客漳久之僑居開元寺業白以老至元四年秋峒賊來攻城甚急漳人莫知所出定公禮空而祝曰使城不陷賊吾當火吾身以答已而果然越六年夏遂累薪為龕室西郊行與衆訣留之不可乃自燔其間其火之始張也人視之泰然無毫髮惴惴色郡人咸大駭異請即其地作塔廟以祠於乎定以誓故生而自焚宜若得罪於名教者然與夫食人之食而見危不能致命立人之朝臨大節而變者不亦遠乎哉况定之心以一身全一城之死靡渝亦宜若無得罪於名教者也抑吾間之定老出世學其成就豈此哉人殆見其膚耳定之詳余實得之靈源上人源與之同居又將經始其祠者且請余為之詩曰

羣兇白日至梯衝舞巖城疇能身獨死而俾城不傾定公出茲誓金石間精誠未幾來訊醜復見溝壘清前言儻云食吾將負神明積薪自厝火怡然就無生何意金

石軀倏忽煨燼成願此乃餘事足為流俗驚塔廟遂翼翼鐘鼓初惶惶為國効死節勛哉爾簪纓

夏日同趙生鄭生許氏兄弟遊龜山山有大石下有遺址相傳歐陽詹讀書於此因造焉相與慷慨賦詩分韻得魚字

閒情素乖俗樂彼中林居林居未云果幽賞意有餘出郭青山多佳木亦扶疎並游得良友方駕從所如翠微薄炎景蘿風汎涼裾雲逕步窈窕石門入清虛少留席

豐草綠縟綿以舒叢柯翳鳴鳥石澗清有魚形神一蕭散疲勩亦以祛黃緣龜巖東遂即歐陽廬懷賢仰高躅撫蹟驚廢墟願留石中室畢誦人間書茲焉恐遲莫春春空躊躇

造唐山人居

行行野田盡荒蹊入秋水何人有新屋鬱鬱松林裏欣然造其門晤言乃君子解衣坐微涼超遙適閒美日澹疎雨晴山色散窗几石上聞鳥鳴林端見雲起平生事

外心即此胡不喜少暇同飲泉幽期自今始

築城曲

築城築城胡為哉使君日夜憂賊來賊來猶隔三百里
長驅南下無一跬吏胥督役星火催萬杵哀哀亘雲起
賊來不來城且成城下人語連哭聲官言有錢雇汝築
錢出自我無聊生收取人心養民力萬一猶能當盜賊
不然共守城者誰解體一朝救何得吾聞金湯生禍樞
為國不在城有無君不見泉州閉門不納宋天子當時
有城乃如此

欽定四庫全書

元詩選二集
卷二十六

五

和詹生春雨寒歌

十日春九日雨空屋貯寒寒色苦曉雪都成陌上泥莫
雲不見城東樹所思今何處相去纔幾許獨將寸心寄
短琴琴老無絃暗塵土東風吹落錦一幅文章字字成
金玉中有苦寒詞詞古聲更悲廢歌我不忍上訴蒼蒼
知俗眼瞳人久生脂競收瑣尾遺瑰奇野禽乘軒士徒
步黃土被繡人無衣天公有意回春煥千林一夜生紅

綠長年呻吟卧掩門人生不解同草木君勿歌春雨寒
我有兩耳愁心百盤爐空葉已灰屋漏苔生椽檐聲夜
夜春水懸人間惟我與子同此味鬢髮未白書如山春
雨寒歌一闋窮達在天愁不得當時短衣夜半悲飯牛
何如學取商頌聲金石

夜聞水車

早火秋蒸土山熱新苗立死田寸裂西風何處送嗚嗚
一夜水車啼不歇水車聲作水中龍赤脚踏龍憐老翁
白水田頭月未落千畦萬畦雲雨同流蘇醉卧誰家子
有耳不聞汝啼苦水龍水龍汝勿苦及物無功得如汝

次韻陳騰民惜春

金尊瀉酒相歡語白日長看華在樹東風一夜來獻人
老紅飛盡江南雨勸君莫苦愛流芳紅顏百歲終黃土
山人眼底不見春古檜陰陰翠蚪舞

出無車

出門便有路路與天長盡何處今日出門去不去去時

欽定四庫全書

元詩選二集
卷二十六

五

契苦不得住
繭生脚背汗
雨流草屨穿
破脚不羞大
砂小刺踏入
肉疼痛連心
眉總感前邨
落日起孤煙
客子苦飢還
問宿歸來資
用無一存大
悔三月不出
門白面年少
命運好連鑣
結駟隘衝道
肯信無車一
生老

僧兵守城行

驅僧為兵守
城郭不知此
謀誰所作但
言官以為盜
防盜在深山
嘯叢薄朝朝
上城候點兵
羣操長干立
槍槩相看摩
頭一驚笑竹
作兜鍪殊不
惡平生獨抱
我家法

欽定四庫全書

元詩選二集
卷二十六

四

不殺為律以
自縛那知今
日墮卒伍使
守使攻受官
約謂僧非僧
兵非兵未聞
官以兵為護
一臨倉卒將
何如盜不來
時猶綽綽敵
人日夜狙我
城示以假兵
無乃弱我官
自有兵與民
願放諸僧卧
雲壑

五日弔古

楚國大夫去
彭咸從所居
秋今浮水馬
何處問江魚
異俗悲遺事
離騷讀舊書
一觴川上酒
斜日雨踈踈

世故

世故占星變
吾生共月孤
此時無夢寐
長恐涉艱虞
山色宜茆屋
松花滿飯盃
素心將獨往
及早謝人徒

次韻詹生懷陳眾仲阮信道

舊遊陳與阮
不見獨成吟
無復此聯璧
為誰重鼓琴
方朔文字老
南國酒杯深
今日風流遠
令人恨滿襟

湖月簡閒中

秋近清波荷
葉圓葉陰踈
處見青天偶
臨湖坐得佳
樹欲傍花行
無小船林院
鶴歸山色外
水亭人去夕
陽前

欽定四庫全書

元詩選二集
卷二十六

四

深知碧玉壺
中樂一笑臨
風揖地仙

桐下井

曉風吹銀牀
蕭蕭古桐樹
時有新汲人
鉗攜落花去

江晚

長天鳥飛盡
兩岸蘆花發
何處一舟來
清江上秋月

五峰山

一尋五峰老
孤塔在雲端
鐵策已古色
石房空晝寒

無題

樹影半窗明月蟲聲一夜清秋我意浩然千古人間總是閒愁

聞杜宇

情知望帝是前生春盡江南憶錦城到處青山山有樹如何偏起故鄉情

戲成

城郭無心寄一瓢此身便欲老山椒山童忽報松花盡又逐扁舟上早潮

欽定四庫全書

元詩選二集
卷二十六

四三

謝檄

謝檄歸來卧白雲祇今心事與誰論故人似蒼苔好歲晚青青一到門

夜起

野人獨卧山中屋夜半雨聲清夢熟起來竹下一開門秋入千峰月如玉

次韻王季鴻遊九日山并序

季鴻王君攜友遊九日山過姜相墓感秦隱君能

為卜葬事不暴於世弔以詩余未識其人愛其詩亦次其韻

有客車馬同新秋在雲巘幽尋意方愜周覽涕欲泣碧草滿地生白石抱空轉下有丞相墳奈此牛羊踐隱君昔深遜芳木足幽蹇維時諒多艱此地憩重趼日長聃書盡歲暮越山遠初月間嘯歌歸雲同息偃鶴足喜松高魚心畏池淺有懷莫與同尚古一何緬姜公寔英材悟主片言善位及台鼎崇職與諫垣選骨鯁方左遷時

欽定四庫全書

元詩選二集
卷二十六

四三

運蓋多舛澹泊兩相求綢繆永云展吁嗟日南英梁棟先推翦微爾收白骨當時委蒼蘚逸事傳海陬史氏闕光顯千載有若人游影始相勉往古凜高蹤來今戒駕蹇友道日以媮殷勤何由遣

臺上晚涼未去

高臺日將暮風涼未歸客長歌林木秋微靄山光寂素友適心期幽賞忘物役殷勤松間月照我歸途白

獨坐

秋風一來林院深開戶自彈焦尾琴叢木寒涼獨鶴白
亂雲高下羣山陰老天有月照閒坐清夜無人同苦吟
古來窮餓得不朽我生與世空浮湛

王丞石泉

白石藁藁屋上山泉聲一道碧雲間十分如練月同色
萬古不痕天照顏靜夜竹齋知雨意清秋茶鼎共僧閒
甘寒可濯功名念公子青袍鬢未斑

雲榭

榭為陳洪
進故築

欽定四庫全書
元詩選二集
卷二十六
四
老屋危臺雨氣昏石苔不見舊鏡痕當年霸業旌麾盡
故國秋聲樹木存度海雁行驚斷角近城螢火沒荒垣
無人去買長餅酒一酌陳王千載魂

送錢將軍北上

魯國將軍蓋世雄十年歸卧海門東舊游臺閣諸公在
當日京師萬馬同行李忽來人意外觚稜重入眼明中
聖心政爾思頗牧待賜臨軒節鉞崇

龜峰絕頂

危石青入雲上有千歲木我來卧其間天風響巖谷

憶梅山隱者

夢入青山去獨尋雲侶遊依稀攜手處月出石門秋

僧宗衍碧山堂集

宗衍字道原吳中人善書法遍讀內外書而獨長於詩至正初住石湖楞伽寺佳山水處一時名士多與游為危翰林太僕先輩覺隱誠公所推許嘗以僧省堂選主嘉禾德藏寺才辯聞望傾於一時年四十三而歿孫西白金嗣其法道原為詩博采漢魏以降而以少陵為宗取喻託興得風人之旨所著曰碧山堂集初太僕與道原相知而未嘗相見及洪武革命太僕歸江南而道原之歿久矣特為之序其首云

石湖閒居

過懶媿前垢晨起亦已勤開門埽積葉苔色一何新不知何夕雨餘濕未生塵初日照脩竹青山可憐人俯仰衡門下誰知此意真

遣興

龍化不改鱗士達不改身借問當路子如何棄賤貧仲

尼稱大聖原壤乃狂人光武有天下嚴陵實隱淪故舊不可忘何況師友親嗚呼千載下此道如埃塵

獨坐

客至固足喜不至靜亦佳柴門終日掩風過有時開豈不念笑言輕易交成乖庭柯有好鳥衆音何啻啻晨征莫來止乃與我心諧

泊平望

計程息勞牽日晚江路永連檣如有待聚泊就邨井沙明鷗羣回月出人語靜心清獨不寐况乃風露冷因思往來客終日困馳騁得非衣食驅無乃緣造請吾人方外士素志慕箕穎胡為淹水宿混跡問鼃鼃丈夫別有念此意誰得領人生未聞道如何卧煙景

東皋為陳隱君作

晨光散蒼涼灌木露未晞衆鳥各相命遲遲出林飛豈不畏網羅所苦渴與飢人生有常策胡為不知歸東皋春雨深地澤黍豆肥理荒朝荷鋤迫莫返荆扉筋力固

疲倦庶幸無禍機鹿臺多黃金首陽悲采薇且自食吾力焉知彼是非

雜詩次俞伯陽韻

無營百慮省有作慮乃多空林無客過寂寞類山阿果熟風自落蛛絲當戶羅斷蓬非無根落木亦有柯所懷願不獲抱恨將如何白雲悵悠悠回首聊詠歌

靜趣軒

躁靜失本性滯寂聖所訶不有止觀幻欲靜動愈多道

欽定四庫全書

元詩選二集
卷二十六

四六

人非避世偶此住山阿幽侶不到門况聞車馬過間雲謝冗跡止水無驚波山光明戶庭定起聊婆娑擾擾奔競者聞風意如何

感興

兩楹當我門昔種不盈把十年各長大我屋在其下風吹枝崢嶸壞我屋上瓦伐楹傷屋甚小過且容捨樵兒驅之去不去反怒嗔豈不有曲直但念是比鄰

遣興

清晨啓重門童子淨灑埽披衣視天宇野曠日杲杲憶昨懷故園似遭青山惱一捐彼此念適意無不好我性真坦率逢人輒傾倒非關渠我欺擺落自不早涼颼吹衣裳溪色映青稻飲水讀我書逍遙以終老

對菊有感

百草競春色惟菊有秋芳豈不涉寒暑本性自有常疾風吹高林木落天雨霜誰知籬落間弱質懷剛腸不怨歲月暝所悲迫新陽永歌歸去來此意不能忘

欽定四庫全書

元詩選二集
卷二十六

四九

晚涼懷故山

疎林生晚涼微日映書幌南山澹相對幽磬時一響懷歸見素心感舊發遐想稍待秋橘香風汀蕩雙漿

浴罷

浴罷振輕袂漱齒汲石井木落歲已秋山深夜逾靜細詠餘幽響清心寄真境松門涼月陰拄杖一僧影

啄木

啄木江南飛蠢蠢生上林江南亦有蠢不聞剝啄聲蠢

種日以滋木病日以深啄木不啄蟲孰慰鳳皇心

墨蘭

楚雪春已晴沅湘水初滿去年故葉長今年新葉短波
明碧沙淨日照紫苔暖不見澤中人江南暝雲斷

遣興二首

涼風一葉落志士感其微豈但振泉木寒將裂我衣治
田去稂莠所憂稼穡稀君若不見察善類將安歸

紫蘭生幽林聊與眾草伍青蠅亦何物天乃傳其羽鴟

欽定四庫全書

元詩選二集

卷二十六

象紛翱翔鳳皇不一觀自古已云然今人况非古

楞伽寺得月臺

月出湖水湄清輝映林屋山明秋樹靜照見幽鳥宿開
門誰遣入俯礪近可搗道人猶未眠經聲出深竹

題韓幹畫馬圖

唐朝畫馬誰第一韓幹妙出曹將軍此圖無乃幹所作
世上有若真空羣雙瞳精熒兩耳立蘭筋束骨皮肉急
何年霹靂起龍池五花一團雲氣濕當年天子少馬騎

遠求烏孫詔寫之即今內殿多如此縱有麒麟畫者誰

中山堂為許隱君作

俗子居山不見山靜者居廬山在眼請看東郭許隱君
中山之堂最蕭散堂前種竹堂後萱春深筍長萱花綠
大兒稱觴壽花下小兒讀書當竹根城中無山亦可樂
城中有虎仍戴角歸來不愁虎食人閉門日醉中山春

萱庭春意為胡景仁作

春庭種萱春日長春風吹衣春酒香閉門讀書母在堂

欽定四庫全書

元詩選二集

卷二十六

百畝之稻五畝桑萱能忘憂無憂可忘晨羹須調不須

鯉婦善奉姑姑自喜阿孫來來花下戲慎勿傷花失婆

意

野雞毛羽好

野雞毛羽好不如家雞能報曉新人美如花不如舊人
能績麻績麻作衫即得著即見花開又花落

題川船出峽圖

瞿塘險為三峽門兩岸束急洪濤奔十丈江船萬斛力

一篙失勢原無根前船纜過後船出蜀商來往無虛日
君不見人間行路難咫尺風波永相失

題扁舟醉眠圖

江水蕭蕭江岸風泊舟不歸何處翁龜鼉出沒浪如此
爾尚醉游春夢中空山雲深白日靜松聲如濤屋如艇
歸來歸來毋久留不歸恐君將覆舟

舟中夜歸

夕風蕭蕭雲氣亂篙子移舟頻觸岸溪頭犬吠聲轉寧

欽定四庫全書

元詩選二集
卷二十六

五

沙際人歸暗相喚兩三家却稍已近十五里程纔過半
一星不出雨欲來時復推蓬仰天看

秀州東郭舟中

自在眠沙鳥參差入郭舟山林吾計拙天地此身浮曉
氣成雲住晴波雜霧流攬衣疑厚薄十月暖如秋

吳江晚泊

風壤三洲接江湖一水分虹消滄海雨日落洞庭雲客
意終難盡漁歌不厭一作實飽間長思陸魯望不出可忘君

楞伽寺

疊嶂來山尾平湖對寺門登危逾近郭望迥更連邨客
醉迷花畔樵歌坐樹根不煩留煮茗雨過井都渾

送樂子儀侍兄之京

祖帳閭門外送君江水濱關山深積雪蠻海尚飛塵獻
策思竒士觀光得上賓棗花行處好楊柳別時新解纜
占風色登程計月輪預期當到日猶可見殘春首肯能
肥馬蒲萄解醉人衣冠雲縹緲宮殿翠嶙峋地接煙霄

欽定四庫全書

元詩選二集
卷二十六

五

近天垂雨露頻如蒙前席問先願及吾民

秋興

一別空山舊草亭衣裳五見點秋螢沙沈短艇餘菰米
苔卧長鏡老茯苓弱水蓬萊那可到瞿塘濫瀨不須經
歸帆早晚吳波裏嫋嫋涼風望洞庭

題趙松雪墨蘭

湘江春日靜輝輝蘭雪初消翡翠飛拂石似鳴蒼玉佩
御風還著六銖衣夜寒燕姑空多學歲晚王孫尚不歸

千載畫圖勞點綴所思何處寄芳菲

錢塘懷古

鐵馬悲鳴汴水黃翠華南渡駐錢塘至今父老稱行在
往昔君臣認故鄉銀海雁飛虛夜月銅盤仙去只秋霜
乾坤離合寧非數詩罷長吟意渺茫

題仙山樓觀圖

琅玕珠樹隔煙霄仙子樓居積翠遙羽化夢驚萬壑返
丹成身與白雲飄杖隨麋鹿山深淺釣掣鯨魚海動搖

欽定四庫全書

元詩選二集
卷二十六

香

想像虛無圖書裏秦皇漢武若為招

子熙兩和詩寄再用韻以答

梁甫吟餘自荷鉏南陽非復舊門閭春愁亂逐楊花起
秋興頻將柿葉書水落楚江尋瘞鶴草荒吳苑問蒸魚
遠游憶母還歸省安得雲萍有定居

次韻瑛石室謝事雪竇歸吳江

草堂舊在吳江上江水江花照眼明久客歸來渾似夢
比鄰相見不知名萼香笠澤思張翰瓜熟青門憶邵平

一夜西風吹白髮挑燈因自賦秋聲

次韻春日西湖懷古二首

當時翠輦此經過天馬玲瓏撼玉珂宴罷湖山芳草合
歸來風雨落花多子規夜半啼宮樹翁仲春深帶女蘿
自古興亡多有此不須惆悵問如何

錢塘父老眼看天國破一作猶能話昔年江草忽嘶關

北馬風帆不返海南船空林落木無人掃廢苑餘花只
自妍此日西湖回白首功名若箇在凌煙

欽定四庫全書

元詩選二集
卷二十六

香

送友人游温台

天台鴈宕好林丘水竹風杉寺寺幽路轉山腰斜避石
渠通泉眼細分流經過遂欲留佳處險絕何須到上頭
八月錢唐望歸櫂江潮如雪倚江樓

寄李太無

不見能詩李謫仙東湖吟望兩經年丹光迴出青雲上
紫氣長臨碧海邊擬對棧衣論澗竹更留茅屋賦江蓮
疎鐘細磬匡山裏頭白歸來也自賢

挽王非隱

王行風流絕世無
瑤林玉樹映珊瑚
夢回忽弃沈香枕
歌罷空餘玉唾壺
香齋綠山飛獨鶴
漪漪白水沒雙鳧
輞川池館煙花裏
他日相思展畫圖

題小画

秋高山氣佳木落
江水靜意固不在
魚魚驚釣絲影

題懸厓蘭圖

居高貴能下值險
在自持此石或可
轉此根終不移

欽定四庫全書

元詩選二集
卷二十六

五

吳江晚泊

無數舟航共晚晴
大星先見月初生
背人白鳥雙飛去
隔水幽花一樹明

漁邨夜歸二首

絲絲暖雨歇春潮
雲壓江流落澗橋
欲訪桃花無路入
好風時度玉人簫

月落蘋汀宿霧凝
小橋霜冷挂漁罾
歸來已是三更後
水際人家尚有燈

薛氏蘭英蕙英聯芳集

蘭英蕙英吳郡人皆聰明秀麗能賦詩建一樓以處曰蘭蕙聯芳二女日夕吟詠不輟有詩數百首顏曰聯芳集時楊鐵崖製西湖竹枝曲和者百餘家見之笑曰西湖有竹枝曲東吳獨無竹枝曲乎乃效其體作蘇臺竹枝十章鐵崖見其彙手題二詩於後云錦江只見薛濤牋吳郡今傳蘭蕙篇文采風流知有日連珠合璧照華筵難弟難兄並有名英英端不讓瓊瓊好將筆底春風句譜作瑤箏絃上聲自是名播遠邇咸以為班姬蔡女復出易安淑真而下不足論也

蘇臺竹枝詞十首

姑蘇臺上月團團
姑蘇臺下水潺潺
月落西邊有時出
水流東去幾時還

館娃宮中麋鹿遊
西施去泛五湖舟
香魂玉骨歸何處
不及真娘葬虎丘

欽定四庫全書

元詩選二集
卷二十六

五

虎丘山上塔層層靜夜分明見佛燈約伴燒香寺中去
自將釵釧施山僧

門泊東吳萬里船烏曉月落水如煙寒山寺裏鐘聲早
漁水江風惱客眠

洞庭餘柑三寸黃笠澤銀魚一尺長東南佳味人知少
玉食無由進上方

荻芽抽筍揀花開不見河豚石首來早起腥風滿城市

郎從海口販鮮回

欽定四庫全書

元詩選二集
卷二十六

五

楊柳青青楊柳黃青黃變色過年光妾似柳絲易憔悴
郎如柳絮太顛狂

翡翠雙飛不待呼鴛鴦並宿幾曾孤生憎寶帶橋頭水

半入吳江半太湖

一綯鳳髻綠如雲八字牙梳白似銀斜倚朱門翹首立
往來多少斷腸人

百尺高樓倚碧天闌干曲曲畫屏連儂家自有蘇臺曲
不去西湖唱采蓮

欽定四庫全書

元詩選二集
卷二十六

五

元詩選二集卷二十六



總校官候補中書臣吳紹潔
校對官檢討臣蕭九成
謄錄監生臣劉天倉

欽定四庫全書薈要

集部

元詩選三集卷一

詳校官編修臣王天祿

欽定四庫全書薈要卷二萬四百五十五集部

元詩選三集卷一 長洲 顧嗣立 編

麻革貽溪集



革字信之臨晉人父秉彝登金皇統九年進士第
歷官兵部侍郎革生中條王官五老之下長侍其
先人西觀太華迺東游至洛遂避地家焉北渡
後嘗自代門踰代嶺之北留滯居延己亥夏赴試
武川及秋歸道渾水訪劉祁京叔于渾源登龍山

欽定四庫全書

元詩選三集
卷一

絕頂自作遊記隱居教授而終人稱為貽溪先生
有詩文行世信之正大中與張澄仲經杜仁傑仲
梁隱內鄉山中日以作詩為業遺山元好問裕之
評仲梁詩如偏將軍將突騎利在速戰屈于遲久
故不大勝則大敗仲經守有餘而攻戰不足故勝
負略相當信之如六國合從利在同盟而敝于不
相統一有連雞不俱棲之勢雖人自為戰而號令
無適從故勝負未可知當時以為知言當金源北

渡後裕之首為河汾倡正學時信之與張宇彥升
陳賡子颺庚子京房皞希白段克己復之成已誠
之曹之謙益甫諸老與裕之游從宦寓中一時雅
合並以詩鳴元大德間大同路儒學教授房祺自
號橫汾隱者纂錄信之等八人編集成帙得古律
詩二百一首號曰河汾諸老詩集明副使濩澤車
璽稱其詞藻風標如層峰盪波金堅玉瑩絕無突
梯脂韋之習纖靡弛弱之句錄此亦足見金源一

時河汾詩學之盛雖易世不衰云

上雲內帥賈君

北極長虹掣西垣太白高千年知運圮四海共兵塵霧
黑龍蛇鬪山昏虎豹嗥石傷填海羽波動負山鼇遺介
潛寒渚驚鷗走夜牢江山留慘黯天地入焮蒿衆折思
枝柱初寒俟繭繅明良逢慶會鄉曲得名豪梁棟因人
出餘艗為世操安流欣鼓柁奔浪獨能篙日出戈揮景
江翻弩射濤風聲連瀕洞裁鑿悉纖毫桃李勤封植茅

管日雉薊獵場游鹿鹿魚渚動鱗劔井邑生春色禾麻
飫土膏民歌烏繞屋士喜馬騰槽朔塞聞刁斗天山擁
節旄岱嵩何落落江漢自滔滔大寶珠仍壁長城雉與
壕崇牙分祭戟犬壤屬鞬索日月依龍德風雲挾豹韜
夾山群戰騎黑水泳輕舠落日觀魚浦秋風射雉臯化
行家置塾役簡里停磬歌奏投壺室文閑治獄曹西菴
談性理東閣會奇髦森爽開璜琥縱橫列雁羔禮容新
泮宇物性遂莊濠牧唱聞朝起樵音聽暮號孤嬰收坎

阱流滯起蓬蒿屢下陳蕃榻誰空北海醪邵軍敦禮樂
曹館富風騷客望龍門聚雛從鳳穴翺世知三窟隘人
可二天逃雨露承恩命山河襲世勞功名高衛霍輔弼
慕伊咎鞍馬憐解肉簪纓視鬚毛雅申張仲德頌入魯
侯昭有客傷淪落無堦寫鬱陶太行雲暮暮代北雨騷
騷去國心將折懷人首獨搔身如伏檻驥情似失林猱
涸轍將安往窮途況所遭幸今逢匠石直欲啖醪糟忖
已誠無有登門亦已叨沐薰良備至感激欲號咷已容

馮驩舍猶傷范叔袍
鐔須開匣劔割欲試鉛刀
杞梓容山木包羞薦沼
笔每思休困頓佳蔭有蘭幕

送杜仲梁東遊

仲梁先稱善夫

野馬何決驟飛雲何悠颺
商巖不足稽此士又欲東略
宋與梁青山不知老白山
乃許忙菊潭之水清冷淵野
人飲之得長年芳釀不買壽
淡泊差可久北山峩峩蒼
翠巔丹崖石老生紫煙靈芝
秋杞老霜骨黃精茯苓飽
新斲望君斲斲病以癯酌之
食之可以還膚腴況有劉
荆州元丹丘子寧舍之汗漫
游涼秋佳月酒一杯送子
東下心徘徊半山亭前一茅
屋歲寒霜勁君當來

短歌行送秦人薛微之赴中書

河流宿層冰山有太古雪
翩翩有客來老面黑於鐵盤
盤胷臆間猶挂太華月不肯
下貴勢便欲叫雙闕朔寒
衣裳單路遠馬蹶躡昔人
丈夫事肝膽不可越我歌送
君行歌聲何激烈悲風為我
起酒行歌半闕望君青雲
端何恤速離別

關中行送李顯卿

關中行我持一杯酒送君
西入秦秦川鬱相望渭水流
泫泫黃河中折倏復來太
華倚天青壁開我送君兮
渺何許春風不肯吹君迴
舉酒酌五陵浩歌登高臺
終南之山何崔嵬長安舊
游安在哉百年繁華成劫
灰千古英雄沈草萊風塵
頽洞豺狼墓天地茫茫入
煙霧我載歌送君去太華
終南宜有深絕處巖扃人
跡所不到石壁蒼苔老煙
雨空堂挂女蘿充腹多薯
蕷玉井蓮開十丈花茯苓
根結千年樹白雪青松良
可老鹿門有龐商有皓不
然凌雲學輕舉呼取安期
羨門語憶昨與君友相逢
日日酬杯酒酒闌起舞肝
膽開小桃唱罷歌楊柳晉
語狎秦雍秦談驚晉叟秦
晉之交那可無胡為不作
雙飛鳧碧草離離生早春
哀歌望斷西南雲求君於
終南之上不可得太華峯
頭會見君

阻雪華下

愛山久成癖得山真雋永
太華隔風塵五年夢幽境傳

聞十丈蓮擬扣玉仙井雪花忽迷漫蒼巔墮昏暝寒余
世緣深方外久自屏意是希夷君俗駕踈造請行行風
撼林稍稍雲度嶺雲間三峰面隱約露芒穎初如灑瀕
堆屹起勢奔猛漸如倚天劔萬仞鐵花冷煙霞半明滅
瞬息變光景乃知造化心相哀亦相警歸鞭晚息息回
首心耿耿浩歌夜深寒孤月挂峰頂

置酒半山亭得秋字

懷抱久不寫兀坐如繫囚永懷西山勝浩蕩成茲遊巖

欽定四庫全書

元詩選三集
卷一

六

壑互窈窕叢蘿鬱深幽飛煙入虛無長風跨崑丘楚甸
散林莽商顏亦綢繆雷雨天地空景氣入夜浮況當節
律變萬物颯以秋雲來白日慘天澹清江流西望渺關
河沉沉生暮愁蘭苔暗幽谷芰荷老芳洲一笑舉酒觴浩
歌聊自酬幽賞興未極慨歎心悠悠世事蒼茫外寒沙
明白鷗

歸潛堂為劉京叔賦

逃淵魚深處避弋鴻冥飛古來賢達士亦復歌采薇南

山先廬在兵塵悵睽違山空無人居惟見草木肥翩然
千歲鶴一朝復來歸新築臨渾水行逕窈以微清流鳴
前除白雲入晨扉回顧陵谷遷萬事倏已非著書入理
奧得句窮天機前路政自迫此道儻可幾殷勤抱中壁
龜勉留餘輝第恐逃世志還負習隱譏永懷泉上石一
觴與君揮惜無凌風翰遐舉非所希

守約齋為呂仲和作

讀書不務博造道當入微一理貫萬理一歧會衆歧譬

欽定四庫全書

元詩選三集
卷一

七

彼庖丁刀騷然解牛時節間即有得肯綮寧復疑道
喪向千載聖遠孰可期養勇敵所愾養氣動以隨心非
安如山遇變鮮不移吾門有聖學觀心乃其師宴坐一
室中自得寔在茲胡為滯紛感紉繹如繭絲人生矧多
欲事物日以滋牛羊踐徑蹊虎豹攻藩籬我嘗叩天理
誠明不容欺第恐達者事還為狷者嗤

楊將軍垆馬圖

古人相馬不相肉畫工畫馬亦畫骨淡淡生綃一片雲

眼中羣龍何突兀飛菟汗血天驥種筆墨之間見飛動
前趨後逐互有態涉齧行留分向背豐草長林性本真
駟駟駢駢相與馴開元天子盛監收四十萬匹錦繡屯
人言息馬戰所重風鬣霜蹄惜無用君不見幽燕飛鞚
時中原流血成淵池祇令征討苦未休金鞍鐵甲彌山
丘安得放歸如此馬飲水求芻恣閒暇

題李氏寓酒軒

吾聞李謫仙一斗詩百篇酒家眠又聞陽諫議月窟盡
以送酒錢伯倫酒德頌無功醉鄉仙說到飲中理茲世
何渺然古來賢達士以酒全其天所以陶靖節浩歌歸
園田獨余醉翁之意不在酒樂在山水靜所便古人已
矣不可作今人紛紛何能賢北里富熏天高樓歌舞筵
千金結客多少年哀吹豪竹倒傾玉船以酒互為市地
勢相嬋媿焉知貧士貧到骨健倒仰天歌黃鵠黃鵠歌
罷無翼飛妻啼兒號書一來借問主人翁心跡誰與同
我亦頗解飲聖賢時一中酒酣擊尊破兩耳生春風安

得園綺遇攜我入山去清泉為釀碧溪深醉卧溪頭弄
雲月

廬山兵後得房希白書知弟謙消息

聞道王師阻渭津廬山以後陷兵塵軍行萬里速如鬼
風慘一川愁殺人亂後僅知家弟在書來疑與故人親
夢中亦覺長安遠回首關河淚滿巾

晚步張鞏田間

地入荒蕪過客稀村深門巷莫山圍悠悠獨鳥穿雲下
策策寒鳥掠日飛人事百年梧葉老秋風萬里稻花肥
兵塵河朔迷歸路惆悵平沙送夕暉

板橋道中

篁竹瀟瀟野水濱光風過眼與時新陰崖積雪猶含凍
遠樹浮煙已帶春世故未應悲古道歲華聊得伴閒身
歲芽筍稚行當好莫擬山中問主人

過陝

萬古津茅據上遊崤函西去接秦頭悲風鼓角重城暮

落日關河百戰秋形勝古來須上策塵埃歲晚只羈愁
豺狼滿地荆榛合目斷中條是故丘

為王德新壽

百年人物惜彫零尚喜衣冠見老成數口齏鹽憂桂玉
一川風雨獨柴荆紅顏未羨方春好黃髮應從此夜生
異日華林講殊禮不妨鳩杖從公行

為秦人梁帥壽

功名萬里駕龍荒不作當年陞楫郎顏角久瞻天上日
鬢毛未點鏡中霜衣沾暑雨千秋潤扇引薰風六月涼
見說長年出冲靜海山求藥本微茫

送申生取新赴中書

寒山漠漠日初曛過盡瀟瀟鴈鶩羣百代高歌餘白雪
一朝飛步上青雲倚門骯髒誰憐我滿腹精神獨見君
看取扶搖便鵬翼臨歧且莫歎離分

寄杜仲梁

塞上愁多雲易陰故人雖在鴈無音交情念子黃金重世

故稽人白髮深芳草春風千里夢青燈夜雨兩鄉心岱
宗入眼東南秀悵望雲山淚滿襟

寄元裕之

朔雲陰雪晚重重日入寒蕪塞草空沂水東回無去翼
天山南斷有哀鴻三年遠別交情外一夜相思客夢中
明日關河對雙淚祗將憂憤寄秋風

竹林院同張之純賦二首

柳色侵尋映短籬竹梢零亂挂殘暉山禽自識忘機客

飛下庭柯更不飛

稍稍林間布穀聲邨南邨北水雲平偶來竹寺看山坐閒
聽清溪遶舍鳴

中書大丞相耶律公挽詞二首

甲辰五月十四日

砥柱中流折藏舟半夜移世賢高允相人歎叔孫儀未
拜荊州面嘗蒙國士知無階陪引緋萬里望靈輶
文獻羣公表東丹八葉傳珪璋貽嗣德蘭藻霽遺編禁
籍虛青瑣神游定玉泉太常千字誄誰有筆如椽

密國公挽詞二首

鬱鬱佳城閉翩翩銘旌開風悲信陵墓雨入孝王臺萬
古傷渠壞千年望鶴來平明國門外簫鼓不勝哀
漢制隆恩禮周封列屏翰人知尊帝胄我但識儒冠零
落傷蘭桂孤高歎鳳鸞從今門下客長缺向誰彈

送李端卿之鄴臺

僮馬戒晨裝新霜木葉黃嗟余無壯節送子慘離腸林
慮荒秋色清漳下夕陽遙知一尊酒弔古鄴城傍

欽定四庫全書

元詩選三集

十三

贈劉伯威

劉子山中秀相逢氣自同箕裘門戶計菽水古人風折
節豈為辱苦心應有終平生湖海志未用哭途窮

贈王明伯

遼海遺珠在黃華秀未空百年書法裏萬事酒杯中耿
耿此心在悠悠吾道窮好賢明達事獨喜與君同

秋夜感懷

老境歡娛少愁懷感歎長世途多險阻歸興渺蒼茫疎

雨梧桐夜西風蟋蟀牀平明攬青鏡哀鬢又添霜

雲中夜雨

憔悴杜陵客悲涼王仲宣四圍晴立壁一突午無煙病
卧秋風裏愁吟夜雨邊明朝誰裹飯萬一使君憐

渡洛

泉石經行久林丘弭望間溪鳴風蕩水谷暗雨含山淡
淡輕鷗沒飛飛倦鳥還世緣良自苦空羨野雲閒

浩浩

浩浩春風裏悠悠倦客情天寒花寂寞冰泮水縱橫念
遠心將折聞兵夢亦驚江山憔悴久倚仗歎餘生

欽定四庫全書

元詩選三集

十三

張宇石泉集

宇字彥升四 人號石泉先生

送趙宜之歸辛安兼簡洛下諸友

淒惻復淒惻送君汾水側
人生歡會少一別難再得
昔經劫火然二鳥奮驚翼
嗷嗷各何之同落天西北
日夕相和鳴此樂未易極
狂風忽吹散一鳥歸故國
翱翔入寥廓萬里期一息
鄧林有餘陰未肯棲枳棘
玉山有嘉禾未肯求粒食
一鳥獨未歸毳毳老無力
矯首思舊羣

欽定四庫全書

元詩選三集

十四

潛然淚沾臆

雌雞行

雌雞粥粥將鳧兒
鳧兒入水雞鳴悲
南岸北飛且隨
但恐搏攫遭鳶鷂
岸傍無食寧飢死
朝暮不肯須臾離
傍人爭笑愚且癡
我哀物理為人欺

雲溪秋泛圖為閩國寶賦

晴嵐滴翠霜樹殷
石錦錯落苔花斑
人家隱約荒靄外
但見籬落連柴關
兩山中斷忽空曠
下有碧水之潺湲

幽人航葦迷遠近
思致偃蹇無容攀
定非鷗夷成霸業
一舸五湖煙浪寬
又非坡仙遊赤壁
酒酣浩歌江月寒
亦當拄杖橫膝看
南山心與白雲相
對閒胡為厭山瞰
芳渚岸草汀花適
幽趣有聲詩畫無
聲詩夏蟲未易寒
冰語或云此本張
季鷹蓴鱸忽憶扁
舟輕蹇余有家歸
未得一見秋風羽
翼生

採蓮分韻得底字

欽定四庫全書

元詩選三集

十五

溪風搖搖波瀾瀾
十里芳華照清沚
蘭舟女郎紅玉春
日射新妝明水底
芙蓉雙臉百媚生
吳宮西施漢良娣
藕腸折斷雪絲牽
入手花枝香茫茫
隔岸誰家貴公子
調笑新詞歌艷體
吳儂變風有如此
誰念采蘋供祭禮

哭姪

學業方成二紀過
虛舟一夕殞顏波
死皆有命憐渠早
老獨無依奈我何
歸計雲山空莽蒼
愁懷日月暗消磨
白楊半夜風蕭瑟
盡是吾兒薤露歌

感懷

世路羊腸劇險艱天心應厭著儒冠老無子息休心易
貧有交親託事難文字售人真滯貨廉平養已似閒官
義經讀罷無人會庭竹蕭森夜月寒

上巳日游平湖

微風漠漠水增波禊事重修繼永和脆管當筵清似語
扁舟爭岸疾如梭一時人物成高會千里雲山入浩歌
日暮芝蘭無處覓野花汀草占春多

送田茂卿赴都

宿雨初晴草木齊一杯汾水恨分攜上林曉色多鶯友
長路春風入馬蹄黃卷可能無斗祿青雲自是有天梯
從來俊傑知時務莫為寒牕故紙迷

和李子微邨居二首

健羨南溪老幽居水石間心無塵事汨身與白雲閒院
靜深藏竹牆低易得山蒲團香一炷花落烏喧喧
別墅荒城外居閒事事幽栽松添野色接鉅引溪流詩
社分新韻邨醪洗舊愁更求名與利騎鶴望揚州

送李仲暉之洛

同是思鄉客君先著祖鞭驪駒歌落日去鴈入高天莫
戀河濱粟當耕谷口田親朋儻相問為報已衰年

和劉敏之韻

城居寧不好未易著閒人客至慙無酒詩成莫療貧譚
天雖有口無地可安身美殺清江鷺生來不受塵

秋日出郭

離離禾黍滿郊墟棗實紅殷接野閭四十年來無史筆

有年今日仗誰書

和李濟夫韻

午夢遊仙鳥喚回竹陰埽地淨無埃莫言嘉客閒中少
時有清風自往來

荆公

作古非今禍已成亦知鬼責與天刑試看一病遺言處
猶勸傍人誦佛經

陳賡子颺集

賡字子颺

開

人金河東山西道行中書省參議

北渡後與弟庚隱居不出以詩倡酬學者宗之

遊龍祠

黃河如絲導崑崙萬里南下突禹門枝流潛行大地底
派作八道如霆奔吾聞川真嶽靈有冥宰況乃利澤開
洪源神龍窟宅瞰平野千古廟貌何雄尊深林含蓄雷
雨潤冷殿似帶波濤痕我來南州走塵坌執熱未濯憂

欽定四庫全書

元詩選三集

十八

思煩試斟甘冽洗肝肺一勺注腹清且燉悠然晞風坐
東廡倏見繪畫如飛騫仙官華裾乘朱軒旗纛掩謁蛟
伏轅雷公電母踏煙霧天吳海若驅鼉鼉何時借取霹
靂手倒挽銀漢清乾坤廟前老翁顧我語孺子未易排
天閻胡為高論乃如此一笑滿面春風溫是時三月游
人繁男女雜運簫鼓喧寥交沈玉答靈貺割牲醜酒傳
巫言巫言恍惚廟扉闔拜手上馬山煙昏

峴山秋晚圖

大山高嵯峨小山低崕嶺清江錦樹帶秋煙煙際人家
在林數荆河迤南三峴山此圖定繪襄陽石詩人翰墨
丹青手落筆天機隨所有峴首真在襄陽西遙觀漢水
含風漪上有龜龍一片石云是羊公墮淚碑試披禹跡
考地志畫師寧免詩人疑且看滿眼江山好休作燕人
過晉悲

子猷訪戴圖

兩晉崇玄虛風流變華夏舉世尚清談天地指一馬依

欽定四庫全書

元詩選三集

十九

阿竹林賢鴻名重天下王郎衣冠胄亦復慕草野偶來
剡溪上溪水正清瀉扁舟信沿洄氣韻何瀟灑誰與好賢
心丹素入圖寫山陰懷古意欲攬不盈把賦詩心夷猶
六義愧騷雅西風塵冥冥儻有知音者

鐵拄杖

閩王鐵杖如柳栗得自荒唐鬼神域鞭笞蜚螿今幾年
霧翳雲蒸老蛟黑腹中有筮如細泉牙節宛轉聲鏗然
天生神物不虛棄提攜萬里歸坡仙坡仙騎鯨凌紫煙

海仙一去今千年人問俯仰成今古紛紛長物何須數
洛陽銅駝卧荆棘昭陵石馬埋煙雨百斛鼎兩錢錐小
大用舍俱兒嬉商顏鶴髮一筇竹何似凌煙功臣玉具
高摺頤黃閣得君真耐久扶持四海經綸手會須柱到
崑崙巔九點青煙看九有鐵耶杖耶吾不知誠將道眼
窺天機一朝雷雨轟空波須防化作蛟龍飛

武善夫桃源圖

武郎種桃滿雲溪三月紅雨行人迷自從玉勒入雲馭

欽定四庫全書

元詩選三集

卷一

春風杜宇年年啼飛黃騰踏有天倪紫電轉盼天山低
要將白壁沾蛾眉更把黃金鑄裏蹄羲和扶輶六龍馳
暮景恐迫虞淵西新詩擬喚槐安夢咫尺溪邊春色動
飛花漠漠水泠泠蒼苔荒了煙霞洞聞道西風解浣人
何處江山可問津征塵障斷仙源路且看丹青萬樹春

送李長源

月下孤鴻枕上雞高城今日又分攜九秋雲氣靖陵底
萬里河聲砥柱西飲罷關山秋寂寂詩成風雨暮淒淒

千金善保并州器要放崑崙入馬蹄

寄陝郡楊正卿西菴二首

臨川堂上看飛鴻十載西州一轉蓬親老家貧初有累
才疎意廣卒無功姦雄頗忌孔文舉富貴何如張長公
滿地塵埃浮世狹一帆思駕五湖風

遷客形容國士心春風鶴髮不勝簪鍾儀去楚衣冠異
王粲依劉歲月深歲晚艱危無短策酒酣悲壯動長吟
遙憐蘭省楊夫子一紙書來抵萬金

欽定四庫全書

元詩選三集

卷一

宣宗挽詞

洛邑周初定蒼梧舜不還九天來鶴馭萬國泣龍顏儉
德高千古鴻勳際兩間無由望弓劍雲氣鬱橋山

寒食祀墳迴登臨西原廢寺二首

前朝廢寺枕山河尚有摩雲宰堵波故國已非唐日月
老僧猶指晉山河年來筋力登臨倦亂後心情感慨多
石蘚荒碑碎文字他年更得幾摩挲

當年雲構倚天開一夕煙塵化劫灰佛閣丹青餘瓦礫

禪房花木亦蒿萊春風萬里騷人怨落日千秋杜宇哀
斷礎荒煙無限意一章詩律為誰裁

送寇輔臣

古陌風塵點客衣送春君亦伴春歸東風不管離人恨
吹落楊花滿地飛

蒲中八詠為師高卿賦

蒲津晚渡

雲濤注壺口水府蟠九壘公子莫爭舟蛟龍方翫鼉

欽定四庫全書

元詩選三集

卷一

虞坂曉行

伯樂沈九原泥塗困騏驥千古長坂空無人知此意

舜殿薰風

巖廊鳴五絃薰兮南風來鳳去徽音絕智井生莓苔

首陽晴雪

天風吹瓊瑤自冒首陽頂欲和采微歌千山凍雲冷

東林夜雨

林壑冷含秋風雨黯如海何如贊公房青燈淡相對

西巖疊嶽

梵刹盤空曲煙霞錦繡紋山靈儻招隱徑入萬重雲

媯汭夕陽

莫階降英皇此地嬪有虞南巡竟不返愁雲接蒼梧

王屋飛湍

縣流落雲巖遙空挂飛練何時對清冷一類黃塵面

陳庚詩附

庚字子京賡弟金平陽提舉

欽定四庫全書

元詩選三集

卷一

送麻信之內鄉山居

四海紛拏戰虎龍驚膚無計脫圍中莫貪利祿招時忌
要學聾牙與世同汝水應逢寒食雨浙川行趁舞雩風
離心洗蕩方如許莫上危樓聽斷鴻

弔麻信之二首

敝屣功名嬾著鞭劇談豪放本天然閒來每愛從人語
醉裏何妨對客眠體瘁漸成中酒病家貧全仰賣碑錢
堂堂一去今何在三尺孤墳罩野煙

風采瓊林未足侔一朝零落委山丘君恩未賜金蓮炬
天闕俄成白玉樓詩類貫珠尤可玩室如懸磬更堪憂
路遙未暇憑棺奠悵望中條涕泗流

答楊煥然二首

梁苑當年記盛遊亂離南北恨遲留且教紅袖歌金縷
莫對青山歎白頭人似贊皇遷蜀郡詩如子美到夔州
傳家況有玄文在應使童烏繼纂修

獻賦當年覲紫宸羨君藻思獨超羣扶持吾道難尤力

欽定四庫全書

元詩選三集

十四

潤色斯文老更勤學際天人寧有伴文如風水自成紋
何時載酒清伊上寄字時來問子雲

清明後書懷

花氣薰人動竹齋貪春狂思若為裁蜂黏落絮飛還墜
燕認新巢去復來亂後精魂猶夢境貧中風景剩詩才
江山信美非吾土懷抱何時得好開

送孟駕之赴闕

文史相從二十年歲寒心事久彌堅向來才力驚游刃

此去功名穩著鞭淺綠每依沙漠草橫青遙指拂爐煙
應將萬字匡時策挽取恩波下九天

病後贈姚仲寬居士

寂寂柴闌晝不開虛簷獨步意徘徊百年素業南柯夢
一寸丹心古鼎灰野老相過聊問訊溪禽近啄不驚猜
好奇誰是劉公子肯為揚雄載酒來

有懷家兄子颺

蕭蕭雙鬢半成絲疊疊襟懷抱所思趨向自知違俗好文
章只合伴兒嬉高西晚照霞明處洛汭秋風鴈過時中
有先人敝廬在與君何日理茅茨

贈李彥誠

五嶽分崩四海傾便宜一別盡今生艱難契闊重相見
四十餘年老弟兄

峴山秋晚圖

當年叔子愛茲山陵谷回頭幾變遷縱使豐碑今尚在
遊人誰復一潸然

欽定四庫全書

元詩選三集

十五

題師高卿蒲中八詠

蒲津晚渡

中條山色照黃河
競渡行人晚更多
城上危樓倚霄漢
凭欄有客正悲歌

虞坂曉行

五更風露正清冥
馬首殘蟾分外明
好句墮前俄失去
微吟倏過古虞城

舜殿薰風

欽定四庫全書
元詩選三集
卷一
千六
德化當年被海隅
熙熙物性盡昭蘇
不知今日吾民愠
一聽琴聲解得無

首陽晴雪

山頭晴雪照城樓
潑水融銀眩兩眸
蕩滌寒城須美醞
浮香醺醖夜來筩

東林夜雨

瀟瀟寒雨濕觚稜
古殿長廊夜氣增
此地此時誰得意
龕燈一點坐禪僧

西巖疊嶽

螺髮煙鬟矗萬峰
行人指點梵王宮
鳥飛杳靄蒼茫外
人在霏霞空翠中

媯汭夕陽

水曲山河古樂鄉
聖謨曾此降英皇
遺風欲問應無處
破屋頽垣半夕陽

王屋飛湍

欽定四庫全書
元詩選三集
卷一
千七
表聖當年愛北山
倚樓終日看飛湍
後人空飲昭溪水
不學先生便挂冠

房皞白雲子集

皞字希白闕人自號白雲子詩多別致如戊子

云行非楊秉三無惑性似嵇康七不堪寄段誠之
云語語數窮深可戒虛名無用不宜貪造語亦新
時有涉腐氣類邵堯夫者悉為汰去元遺山續夷
堅志載希白家盧氏時客至烹一雞其雄繞舍悲
鳴三日不飲啄而死文士多為詩文予號貞雞惜
遺業失傳

江上行

浮雲澹澹心悠悠杖藜來作江邊游商人打鼓催行舟
洪波不斷東南流木葉蕭蕭荆楚秋勸君休上王粲樓
日落滄江增暮愁

賣劍行贈韋漢臣

滄海波未澄無人斬長鯨韋郎三尺玉匣中鳴不平蛟
龍一出雷雨隨翕忽變化清四維可惜有才不見用青
天白日將何為酒酣起舞抱劍哭蕭蕭悲風動茅屋不

欽定四庫全書

元詩選三集

五八

如南山學種田自古青萍換黃犢

貧家女

貧家女德性溫柔寡言語終年辛苦不下機身上却無
絲一縷倡家女兒百不會只向人前賣嬌態繡裯端坐
青樓中銀燭熒煌照珠翠書言福善與禍淫未必天工
有此心盜跖長年顏子天古來顛倒非獨今高處是寬
崙低處是東溟崑崙推不倒東溟填不平物之不齊物
之情貧女莫羨倡女榮不義富貴浮雲輕持身但如冰

雪清德耀荆釵有令名

送王升卿

傷哉船子牽頭月昨夜團圓今夜缺月華猶自不長圓
人生安得無離別世上憂端千萬許惟有離別心最苦
盧川春晚送君行落花為我啼紅雨四海紛紛尚戎馬
我曹只合歸林下如椽大筆今無用日課新詩自陶寫
嵩陽佳處如卷畫浮可漁分田可稼我欲從君覓隱居
却恐山靈嫌俗駕

欽定四庫全書

元詩選三集

五九

題呂仙亭

岳陽城南呂公洞道人見客無迎送事少方知日月長
身閒未覺功名重竹影松陰生午凉山色湖光設朝供
高吟下視世間人幾人不在黃梁夢

寄呈岳陽諸友

稟性太褊率不受塵事觸自小遠市廛僻居在巖谷人
間嗜好心舍書百不欲一飽更奚求筆瓢隨分足失脚
墮世路纏糾若微纒人以官為榮我以官為辱平生喜

欽定四庫全書

元詩選三集

三十

高潔為官近卑俗平生喜曠達為官窘邊幅平生喜疎
散為官貴圓熟平生喜忠鯁為官多諂曲澆漓當此時
古道那可復鷓鴣巢一木偃鼠飲滿腹誰能朱門中區
區勾梁肉折腰趨下風不厭解印速青山喚我歸早晚
謝羈束一尊石上酒浩歌對松菊

題張信之見山堂

自古朝市人罕與山相會山豈欲遠人人自與山背張侯
創新居正在闌闌內何以得青山坐上日相對胸中有丘

壑眼前無障礙人物既蕭散山不問內外晚來天氣佳
收目入清快乾坤無一塵草木有多態千里好風來幾
縷殘霞在拄笏當此時未覺功名大

慶王鼎玉生子

魏侯照乘珠卞氏連城玉此物豈易得君家貯滿屋平
生積德深天錫以多福熊羆入夢頻不待封人祝長者
已雄偉幼者更清淑指日看鸞騰誰為犀角禿願君剝
買書學語便教讀詩文久不振六經要再續人生宇宙

欽定四庫全書

元詩選三集

三十一

間百歲一瞬速美惡暫時休何者為榮辱且引昔寧馨遠
院種松菊陶潛歸去來有子萬事足

次前韻寄王升卿

谷口人家十二三家家牕戶得晴嵐千章雲木秀而野
一脈流泉清且甘徇俗到頭終是病耽書自古不名貪
作詩為問東溪友樽酒何時愜笑談

贈趙山甫

寇盜連年劇蝟毛一身無處可奔逃陳平自合西歸漢

諸葛馬能北事曹嗟我命兼才共薄仰君名與德俱高
幾時一笑滄浪畔右手持杯左手螯

哭楊叔能

仰看飛鴻俯看鱗計來不覺淚沾巾風塵末路尤多難
山澤癯儒只合貧亂後有誰收恨骨眼前無復見斯人
襄陽舊隱依然在花落空庭冷淡春

次李正甫九日韻

論著哀時總可哀不如且放笑顏開留連風月憑詩句

欽定四庫全書

元詩選三集

卷一

管領江山有酒杯我欲處身如此處君言裁恨若為裁
從今但有錢三百相約高樓盡醉迴

憶新墻劉德淵

雲煙杳靄水微茫何處青山是岳陽白髮滿頭空自老
黃塵兩脚為誰忙同盟鄂渚言猶在借隱廬峰興未忘
近有倦遊詩數首西風吹不到新墻

思隱

得箇黃牛學種田蓋間茅屋傍林泉情知老去無多日

且向閒中過幾年詘道詘身俱是辱愛詩愛酒總名仙
世間百物還須買不信青山也要錢

寄王文炳

愛客孔文舉能詩陸士衡十年求識面千里飽聞名郁
郁芝蘭秀蕭蕭風露清幾時樽酒畔容我話平生

和楊叔能之字韻

遭亂重相見寬心不用悲江山佳麗地人物太平時白
蟻千家酒黃花九日詩鹿門不可隱吾道欲安之

欽定四庫全書

元詩選三集

卷一

丙申元日

三十八年過星星白髮多干戈猶浩蕩蹤跡轉蹉跎世
事堪長歎吾生付短歌江湖從此逝煙雨一漁蓑

辛巳巴東元日

舊日逢春喜而今怕見春紅塵長路客殘病老夫身政
拙難書考家貧只累人自憐頭上髮更比去年新

秋夜

百計求安未得安此心須在鬢彫殘漫漫長夜渾無睡

蟋蟀堂深秋雨寒

自遣二首

幾見秋風幾見春一愁未已一愁新
閒中點檢平生事
唯有清貧不負人

氤面浮香處處春
任他時事百端新
自知野鹿山麋相
不是麒麟閣上人

別西湖

聞說西湖可樂飢
十年勞我夢中思
湖邊欲買三間

屋間遍人家
不要詩

題張濟之勝覽軒

誰言山色可忘憂
誰道澄江銷客愁
試倚闌干西北望
浮雲依舊暗神州

讀杜詩三首

後學為詩務鬪奇
詩家奇病最難醫
欲知子美高人處
只把尋常話做詩

穹礴冥搜枉費功
天然一語自然工
況兼詩是窮人物

好句多生感慨中

千里奔馳蜀道難
草堂賓主聲交歡
怒冠三挂簾鈎上
誰謂將軍禮數寬

春日觀菜

手種蕪菁欲療飢
春來頗怪發生遲
東風貪長新桃李
未有功夫到菜畦

曹之謙允齋集

之謙字益甫雲中應人幼知力學早擢魏科既而與元好問同掾東曹機務倥傯商訂文字未嘗少輟北渡後居平陽者三十餘年與諸生講學一以伊洛為宗衆翕然從之文風為之一變所著古文雜詩僅三百首曰允齋文集汲郡王惲序之曰先生之作其析理知言擇之精語之詳渾涵經旨深尚體之工刊落陳言及自得之趣而又抑揚有法豐約得所可謂常而知變醇而不雜者也

欽定四庫全書

元詩選三集

卷一

送梁仲文

聖人既已沒聖道遂不傳異端壅正途榛塞踰千年大儒起相承闢之斯廓然濂溪迴北流伊洛開洪源學者有適從披雲見青天我生雖多難聞道早有緣中歲苦病目不得深窮研梁君河東秀意氣凌孤鷹探道得真閫辯說如河縣所知非苟知而亦允蹈焉出入口耳者彼我奚足言却來自秦京過我汾水邊未幾復言別長

途北之燕行看奮六翮高舉凌雲煙功成名遂後歸老河之湍相從講聖學與子長周旋

感遇二首

中林有幽蘭羅生雜衆草地僻人不知芬芳空自好嚴霜凋古木歲晚難獨保願充君子佩探擷尚未早安得清風來吹香出林表

高林夾金井修竹連清池梧葉既蕤蕤竹實亦累累可棲復可食鳳鳥來何時重華不得見韶樂何能為日暮

欽定四庫全書

元詩選三集

卷一

空歎息蕭瑟寒風吹

變白頭吟

梧桐不獨老鴛鴦亦雙死靜女懷真心猶夫正如此奈何及末流不知再醮羞中路多反目幾人能白頭君不見會稽愚婦輕負薪不肯終身事買臣一朝歸佩太守印悔望車塵那敢近人生賦命自不齊貧賤富貴各有時隨雞逐狗聽所適世事悠悠爭得知

閒中作

雄雞啼一聲驚起五更睡出門何擾擾競逐名與利冥
冥車馬塵白日暗城市蕭條蓬蒿居獨有羲皇地高情
杳秋雲靜性凝止水俛仰天地間澹然無一事

東坡赤壁圖

先生矯矯人中龍京塵千丈不可容五年一夢落江海
翩然野鶴開囚籠雪堂閉戶讀書史興來飄然弄雲水
黃泥坂下醉三更赤壁磯頭航一葦明月清風共一江
邁往之氣無由降酒酣作賦記清賞袖有巨筆如長杠
見畫思公空歎息

欽定四庫全書

元詩選三集

卷一

風雪障面圖

頑雲暗空雪正飛老木殭折溪流澌敝裘羸馬耐寒子
便面障風何所之僕夫徒行亦良苦吻噤不語心應語
人生受凍分豈無但願不作君家奴

秋日雜詩

山中有佳人考槃歌在澗別來今幾時歲月忽已晏相

思不得書矯首望飛雁

寄元遺山

詩到夔州老更工只今人仰少陵翁自憐奕世通家舊
不得論文一笑同草綠平原愁落日鴈飛寒水怨秋風
黃金鑛裏相思淚幾隨憑高北望中

秋日懷李仁卿

獨倚斜陽百尺樓故人千里思悠悠陶唐祠下煙光晚
姑射峰前鴈影秋尊酒幾時同李白雲山多處是并州

欽定四庫全書

元詩選三集

卷一

臨風惆悵無人會一曲商歌寫暮愁

麻信之為壽

中州人物一元龍卓犖英才硯磊胸濁酒數杯遺世慮
清詩千首傲侯封諸郎照眼三株樹舊業關心五老峰
頭白他年賦歸去綵衣扶杖看從容

送王仲通

從事西遊五見春翩翩書記日爭新懷鄉不作登樓賦
佐府真為入幕賓世事忽驚翻手雨馬蹄又踏化衣塵

古來燕趙多豪傑定有飛書薦鷓人

上巳日感懷

舊游桃李浣丘塵十六年悲客裏春浮白可能澆磊磊
踏青聊且慰酸辛蘭亭修禊人何在庾信傷心賦又新
芳草喚愁花濺淚東風回首一霑巾

白菊

數枝的皪照秋清何物為花乃寧馨玉骨冰肌誇皎潔
風瑤月珮想娉婷霜迎葉上迷青女霧下籬邊泣素靈

欽定四庫全書

元詩選三集

四

見說寒英能愈疾擬開三徑著茅亭

紅葉

枝上萋黃慘未乾嚴霜一夕總成丹色烘曉日燕脂暖
影濯秋江蜀錦寒南鴈數聲催晚晚西風幾度見凋殘
橫山樓下梨千樹每憶童年九日看

北宮

光泰門邊避暑宮翠華南去幾年中干戈浩蕩人情變
池島荒蕪樹影空魚藻有基埋宿草廣寒無殿貯涼風

登臨欲問前朝事紅日西沈碧水東

寄鄉中故人

十年夢繞故山薇世事悠悠與願違華表未成遼鶴語
青冥空羨塞鴻歸雲橫北嶺迷鄉眼塵滿西風浣客衣
為報吾州舊親識短書相慰莫令稀

送侯君美歸雲中

暫時相見又相違留滯天涯更易悲客淚清和秋雨落
鄉心杳逐朔雲飛路經險阻行須穩書報平安寄莫遲

欽定四庫全書

元詩選三集

四

邂逅故人如問我為言貧病未能歸

自趙城還府

簡子城邊過盡春却尋歸路並清汾落花亂逐溶溶水
遠樹低連漠漠雲姑射雨晴山似染洞羊風暖草如薰
獨憐疲俗誅求困愁歎聲多不可聞

讀唐詩鼓吹

傑句雄篇萃若林細看一一盡精深才高不似人間語
吟苦定勞天外心白壁連城無少玷朱絃三歎有遺音

不經詩老遺山手誰解披沙揀得金

弔王內翰從之

往年高步到瀛洲豈料東陵是故侯
庾信竟歸周室老劉楨真有岱宗遊
山瞻斗仰名空在桂折蘭摧恨未休
鬱鬱佳城滹水上野煙寒草木經秋

上韓應州

天挺英雄入彀中堂堂自有古人風
飛機力贊興龍業唾手能收汗馬功
四海威名方共仰一時才武更誰同

欽定四庫全書

元詩選三集

四十三

潁川不是留黃霸行拜中書作相公

懷劉京叔

奕世金蘭契於今只有君英才殊落落
餘子漫紛紛一別幾春草相思空暮雲
何時展良覲把酒共論文

宿雲臺觀

趨程疲永路記宿喜琳宮蓮嶽三峰對
松林一徑通地偏殘暑失境靜俗塵空
入夜清詩夢山泉落枕中

中條阻雨

行李淹蒲坂歸期念晉州高風千葉下
寒雨一山秋澗響頻驚夢蟲聲亂入愁
酒醒孤館裏心折大刀頭

初秋雨後

積雨蕩煩暑迴風吹早涼老苔翻舊碧
病葉墮新黃久客應吾道浮生半異香
黑貂渾敝盡愁看一開箱

鴈

北塞迎霜雪西風送羽翰數行天澹澹
萬里路漫漫日落秋聲急江空暮影寒
故人書斷絕矯首望雲端

欽定四庫全書

元詩選三集

四十三

幽居有感

閒居仍地僻門閉草萊深車馬無還往
詩書有討尋嚴霜催歲晚破屋覺寒侵
計拙煩親舊誰能數賜金

秋風亭故基

危亭冠雉堞飛構何在鬼一夕墮劫火
變化成煙灰頽基翳蓬蒿壞道封莓苔
蕭條古城上空有秋風來

除夜

三十七年過勞生強半休此心耿耿吾
道每悠悠感

物百憂集思親雙淚流春風添一歲又是五更頭

送李郭二子還鄉

喪亂身為客淹留淚滿衣亦知生處樂未卜有年歸祖
帳臨寒水仙舟漾夕暉春來一相送腸斷故山薇

中書耶律公挽詞

虎嘯龍興際乘時自有人風雲開慘淡天地入經綸忽
報台星坼仍傳薤露新斯民感無極灑淚叫蒼旻

應州廟學釋奠

欽定四庫全書

元詩選三集

四

夜色齋廚肅秋風殿宇清右文遭聖代備禮引諸生宰
醴嚴三獻豆蓬陳兩楹祭餘同飲福旭日樹頭明

送李端卿東行

故人有所適驅馬出東城紅樹添秋色青山滿去程曾
為同省掾偏愴遠離情別後能相憶因風為寄聲

子猷訪戴圖

興盡空迴雪夜舟訪人虛語亦悠悠須知汾水多奇士
豈獨王家一子猷

梅影

隔牕渾似李夫人江月多情為返魂宛是依舊舊顏色
向人憔悴立黃昏

秋夜

寂寂江城夜向闌西風吹鴈叫雲端一聲遠過南樓去
月滿碧天秋水寒

臨潼溫泉

琢玉為池浴太真芙蓉花暖水生春誰知寂寞千秋後

欽定四庫全書

元詩選三集

四

留與行人洗路塵

長安早發

行李息息澆水頭雨餘涼氣動新秋五更馬上還家夢
先逐西風到晉州

秋夜聞笛

雲淨寒空月滿樓何人橫玉叶清秋梁州才罷伊州起
不盡關山此夜愁

廢宮

斷甑殘礎碎盤花輦路荒涼蔓草遮玉殿朱樓俱不見
壞牆嶮嶮遠人家

過茹越嶺有感

山川良是昔人非北望松楸淚滿衣三十餘年成底事
全家南渡一身歸

蒲津晚渡

黃河城下水沄沄船去船來幾夕曛老盡津頭垂釣客
柳陰相對白鷗羣

杜瑛緱山集

瑛字文玉其先霸州信安人辟地河南緱氏山中
讀書講學博覽古今金亡間闕轉徙教授汾晉間
中書聶赫珪開府于相瑛赴其聘遂家焉與良田
千畝辭不受歲己未元世祖南伐至相召對見瑛
身長七尺美鬚髯氣貌魁偉條奏從容謂可大用
命從行以疾弗果江南平詔徵之辭不就左丞張
文謙宣撫河北奏為懷孟彰德大名等路提舉學

校官又辭於是杜門著書至元十年卒于家年七
十遺命其子曰我死棺中第置杜甫詩集一編題
其誌石云處士杜緱山墓天歷間贈資德大夫翰
林學士上護軍追封魏郡公諡文獻所著有緱山
文集十卷金之將亡也遺老儒碩皆來居相緱山
而外如蒙城田芝北燕劉驥永平王磐古鄭周子
維武安胡德桂渾源劉祁太原高鳴劉漢臣燕山
尚子明林慮張允中洛水徐世英李仲澤汴魏獻

臣田仲德郭謙甫各以經術教授互相提唱蓋彬
彬乎多文學之士亦一時之盛事也

弔故宮

月上觚稜椒壁濕飢鳥啄碎琅玕石劫灰飛盡海揚塵
廢殿荒臺土花碧洛陽書生汴梁客一夜秋一作風頭

欲白尊中賴有酒如泉醉倚寒牕破愁寂

秋思

壯心忽忽劇懸旌秋氣能令客子驚白鴈不聞雲外過

欽定四庫全書

元詩選三集

四九

清霜先向鬢邊生銅駝巷陌周東土金鳳樓臺鄴北城

千古繁華俱一夢空餘草木戰風聲

鄴南城

王氣銷沈井逕荒北風日夜刮枯桑殺飛天上河聲斷
犬吠陵頭日色蒼陸地百年滄海變西陵千古暮雲長
鳴鳴敕勒平川水寒遶陰山恨未忘

西陵

望眼憑高入杳冥偶隨飛鳥到西陵波聲冷撼蒼厓石

霜氣晨凝老樹冰自謂摸金神可侮豈知破冢鬼還憎
却憐橫槊英雄志留與詩人說廢興

湯陰道中

城連蔓草就陂陀匹馬玄黃兩鬚皤兔穴廢場新事改
燕巢老樹舊恩多嵇林鬼物防闕棘羨水天風鼓恨波
顧我本非塵土客雲山隨意聽高歌

曉出相州

夢中鄉國血沾襟愁裏光陰雪滿簪客路風霜蕩水闊

欽定四庫全書

元詩選三集

四九

詩囊塵土飯山深花開自樂本無事雲去復來猶有心
閒健擬從嵇阮醉山陽暮雨竹成林

登古鄴城

杖底行雲拂古苔袖邊風雨濕輕埃風聲尉帥黃龍去
水勢朱家白馬來往事無端隨世變野花依舊向人開
九原喚起陳書記坐對三臺共一杯

環翠亭宴飲

坐客終朝望眼西好山高與暮雲齊鶴鳴漁浦天風急

鼇背仙宮海浪低千古地形雄妹土一川煙景勝耶溪
歌聲喚起凌波夢蓮葉香深路恐迷

三臺懷古

歸然雙塔夕陽明慨想曹瞞舊典型九錫初非基禪讓
三分猶自媿英靈水從石椁沈邊白山在香囊分處青
空使羯奴誇壯健西陵草木為誰醒

白鳥飛邊望眼寬興來一吸酒杯乾土花清雨鐵梁澀
蔓草接秋水井寒樹拂曉風搖北土水涵落日蹴西山

欽定四庫全書

元詩選三集

辛

書生豈識興亡事片瓦摩挲認建安

征南口號

春早雲南麥已黃瀘江蒸霧水如湯馬蹄半帶陰山雪
變作人間六月涼

杜仁傑善夫集

仁傑字仲梁先稱善夫濟南長清人金正大中嘗
偕麻革信之張澄仲經隱內鄉山中以詩篇倡和
名聲相埒元至元中屢徵不起子元素仕元任福
建閩海道廉訪使仁傑以子貴贈翰林承旨資善
大夫諡文穆仲梁性善謔才宏學博氣銳而筆健
業專而心精平生與李獻能欽叔冀禹錫京父二
人最為友善遺山元好問送仲梁出山詩有云平

欽定四庫全書

元詩選三集

辛

生得意欽與京青眼高歌望君久其相契之深可
知也

和信之板橋路中古風二首

岸風坼枯凌野日明遠燒山晚雲煙深遊子悲嶮峭平
生文字僻所歷入吟嘯急景不貸人佳處領其要
木杪來江光中途憇消搖佳人在空谷尺素昔見招徒
老黃塵中媿爾漁與樵永懷梁父吟日暮風蕭蕭

髮黃有感

飄蕭中年髮既少何用白蒼黃未甚絲明知不更黑妻
孥恐生悲勸我課鉏摘眷然撫鏡鑷青山墮虛席

禹城道中

自發醯雞覆蓬心得少瘳乾坤一尺筭今古幾全牛歲
月憐丹竈雲山笑白頭此生真欲上何地不菟裘

病中枕上

忽忽卧幾月遂成踈嬾名却因久病後更覺萬緣輕月
落牕影動夜寒燈暈生狸奴似相慰分坐守殘更

欽定四庫全書

元詩選三集

卷一

送信雲父

居士身輕日秋天木落時山青雲冉冉川白草離離涉
世心將破懷人鬢已絲相逢琴酒樂應怪久違期

病中憶坦夫兄

共脫壬辰亂他鄉見愈親論才唯有子知己更無人避
世相看老通家未擬貧竹林平日約早晚得為鄰

從軍

野闊牛羊小天低草樹平吳疆連晉境漢卒雜番兵月

合圍城暈風酣戰陣聲中原良苦地上古錯經營

雨中寄高無塵

久客饒孤悶連陰動決旬行雲應已倦細雨亦傷頻飄泊
嗟吾道飢寒任此身人家酒應熟誰為問南鄰

雪後書事

雪罷山原淨日晴風景新一川花氣午萬壑水聲春天
地開華國關河失戰塵無邊春色裏惆悵獨行人

至日

松竹浣花里桑麻杜曲田蒼茫辭蜀地辛苦見春天死
去誰憐汝生還事偶然但甘終壟畝待聘豈前賢

宿金線泉

官舍值淫雨客衣驚早秋泄雲迷灌木行潦帶清流蛛
網翻新霽蟬聲咽暮愁古今何限事白首對滄洲

中秋夜宿普照喜周卿至

久客厭孤寂楚然聞子來夜涼風縮瑟雲破月徘徊舊
事休重說新詩且細裁幾年無此夕獨欠兩三杯

欽定四庫全書

元詩選三集

卷一

無題

老淚河源竭憂端泰華齊
苦吟知有恨細寫却無題
事與孤鴻北身攜片影西
催歸煙樹外不用向人啼

滄浪亭觀雨

蕭蕭北風吹北牕浪浪秋雨瀉
秋江癡蠅不飛集枯几
飢鼠屢出翻空缸雜花葉底
開無數佳木門前立自雙
散地自知心地遠賞音誰解
足音楚

病中呈裕之

欽定四庫全書

元詩選三集

卷一

十載猶能復笑談歸來重覓
讀書龕耒陽白酒君應具
勾漏丹砂我自慙民訟幾時
消自苦一作古山城雖小得

窮探也知清儉難持久好趁
秋風醉菊潭

自遣二首

少日襟懷悔自豪暮年志節
詎須高敢將議論輕疑孟
閒得工夫細和陶酒盡枯腸
還磊砢詩成白髮轉刁騷
皇天汲汲誠何意也共人生
一體勞
畚築家園手自操雖無多景
足償勞十年種竹翻嫌密

一日栽松恨不高是處求田
消二頃尚誰有夢到三刀
得名身後良癡計畫擬浮沈
付濁醪

讀前史偶書

楊彪不著鹿皮冠元亮還書
甲子年此去亂離何日定
向來名節幾人全中原消息
蒼茫外故里山河涕淚邊
六國帝秦天暫醉魯連休死
海東壖

解嘲呈元明府

江氣冥冥江雨飛潛夫四月
著冬衣野荼蘼謝薔薇發

欽定四庫全書

元詩選三集

卷一

山鷓鴣啼杜宇歸青鬢漸隨
愁共減素心長與慢相違
四方餬口非君事自識飄零
有是非

延津待渡寄仲溫參議

一望河平一慨然戰塵如霧
水如天要知別後思君處
長在孤城落日邊

夜宿鄆城

殘月和燈照敝帷疎風乘隙
入征衣恰逢遠客思歸日
正是家人說夢時

長門怨

天上神仙也別離人間那得鎮相隨不須貴買臨邛賦
只想君王未見時

魯郊

六十衰翁更莫問好將華髮映青山穆生自合尋歸計
不在區區醴酒間

楊雲鵬陶然集

雲鵬字飛卿汝海人李內翰獻能欽叔工篇翰而
雲鵬從之遊初得樹古葉黃早僧閒頭白遲之句
大為獻能所推謝從是游道日廣而學亦大進客
居東平將二十年每有所作必寄示遺山元好問
裕之以為知已有詩述二十首號陶然集所賦青
梅瑞蓮瓶聲雪意或多至十餘首裕之序其詩萬
慮洗然深入空寂盪元氣於筆端寄妙理于言外

貞祐南渡後詩學為盛洛西辛敬之淄川楊叔能
太原李長源龍坊雷伯威北平王子正之等不啻
十數人稱號專門就諸人中其死生於詩者汝海
楊飛卿一人而已

送王魏二學士應聘

三十年來只用兵蒲輪才始聘賢英已將藥石除危疾
政要文章致太平天子飛龍方啟運華陽歸馬豈無程會
須先下山東詔瘞老思觀德化成

送元遺山

三館才名天下聞，亂來俗議漫紛紛。
兩朝文筆誰爭長，一代詩人獨數君。
南浦春深愁送別，西山晚翠約平分。
何時並坐龍潭上，野水添杯看白雲。

至日二首

又見葭灰動一陽，豈堪卧病客殊方。
老懷不似少年好，短景始從今日長。
黃犬既難逢附信，元龜何用苦支牀。
恨無羽翼高飛去，六六峰前望故鄉。

欽定四庫全書

元詩選三集

卷一

恨初年少在南梁，兄弟歡游久未忘。
春色共傾花底酒，雨聲常對竹邊牀。
怒鯨一夕掀洪浪，斷鴈何時續舊行。
辜負亂來同被約，尺書不到十年強。

送張雄飛赴河陽令

祖帳行將出汝州，先聲已過孟津頭。
鳴琴但要追循吏，束帶何妨見督郵。
二室風煙連赤縣，三城鼓角隔黃州。
遙知亂後農耕廢，賣劍應須剩買牛。

送張器玉歸閩中

十載流離避戰塵，白頭憔悴始歸秦。
霜前渭水有歸鴈，亂後長安無故人。
不憚北邙遷櫬遠，莫忘東魯寄書頻。
明年我亦松南去，擬買黃牛種汝濱。

送殷獻臣北上

毳錦模糊覆橐駝，駸駸征騎渡沙陀。
寒衝絕漠戎裝重，夜繞中華漢夢多。
詩健每因橫槊賦，曲豪長愛擊壺歌。
勒功會待平吳策，萬仞西山尚可磨。

送趙維道北上

干戈流落鬢毛焦，千里窮途著敝貂。
老去少陵悲橡食，亂來王粲逐蓬飄。
朔庭雲漲龍沙冷，南斗塵昏象闕遙。
從此分攜相見少，旅魂飛斷不勝招。

秋晚登憲陵臺

落日荒陵百尺臺，登臨高興亦悠哉。
泰山雲盡千峰出，汶水霜晴一鴈來。
白髮還鄉惟有夢，青雲當路豈無媒。
布衣誰識新豐客，獨對秋風酒一杯。

真定龍興寺閣

插天飛構鬱嵯峨欄角濤聲轉暮河孤鳥去邊滄渚
閣落霞明處碧山多傷時未遂陳三策弔古猶堪賦
九歌安得天丁挽天漢倒傾京洛洗干戈

登濮州北城

層城高絕一攀躋歲杪臨風客思淒燒入馬陵秋草黑
鴈橫雪澤暮天低陳臺事往人何在曹國川遙望欲迷
牢落壯懷誰與語疎林殘照亂鴉啼

白樂天影堂

晚慕浮屠伴衲衣至今高勝揭巖扉夢中身世元無有
壁上形容果是非但得蓬蒿猶可住何須兜率是真歸
渺茫兩地知何在滿眼春波白鷺飛

春日西城

山城二月媚晴暉破暖輕風試袂衣雨後杏花渾放盡
社前燕子尚來稀孤懷不奈千愁積往事真成一夢非
却羨西橋橋畔柳年年翠色自依依

東原除夜

客舍無人靜掩扉小牕燈火獨相依一年殘臘今宵盡
千里故鄉何日歸鬢髮半隨春雪白交游渾似曉星稀
亂離不得中州信腸斷雲間鴈北飛

春日游何氏園

旋引溪流環小苑出厖裊裊見長虹臨風遙聽有人語
隔水却疑無路通塵迹盡拋雙屨外春光別貯一壺中
當門羨殺南塘好擬買扁舟學釣翁

送演上人歸方山寺

為愛嵐光晝裏秋西風歸夢日悠悠卧雲未了三生債
飛錫何煩萬里遊山削碧城圍寺合泉鳴蒼佩入池流
遙知一室安禪處更在諸峰最上頭

送張漢臣歸保塞兼簡張萬戶

十年文筆遠從戎藉藉名香幕府中鞍馬不教生髀肉
檄書端可愈頭風地連三趙山河壯城鎮三關鼓角雄
若見投壺祭征虜為言白首坐詩窮

送王希仲北歸

高歌行采北山薇回首兵塵滿帝畿龍去鼎湖中國換
鶴歸華表昔人非後期何處傷心切遠別從今見面稀
莫道尺書千里隔年年沙塞鴈南飛

鴈

遠客思鄉未得歸征鴻又見度斜暉黃蘆洲渚霜前
至紅葉關河畫裏飛別後望君消息久亂來哀我弟
兄稀憑高此日堪腸斷那復江城擣暮衣

劉辰翁須溪集

辰翁字會孟廬陵人年十七登陸象山之門年二
十四補太學生宋景定壬戌年二十九廷試對策
忤賈似道置丙第以親老請濂溪書院山長江萬
里陳宜中薦居史館又除太學博士皆固辭宋亡
托方外以歸隱居不仕元大德元年卒年六十六
會孟天資超特人物偉然以文章居當世之第一
流宋社既屋腸斷哀些杖淚謳吟積至萬首文祖
先秦戰國莊老等書字體奇逸自成一家有須溪
集二百卷草廬先生吳澄稱其文典雅溫潤明白
敷暢讀之可見其為正人非虛譽也

初晴

初日入高樓歸雲雜江樹魚遊新雨清鳥語晨光吐天
容起復覩烟色轉輕素牆草麗車前巷溝映泥路牕明
祛宿潤礎泣滑微步會朝有宿客過午無來屢沿砌上
蟻衣虛庭竿犢矜人生足無事世故非所慮彼語吾不

聞清風有時度

山行雨中二首

雨行如漏篷側身半車中風翻荷葉白難可為芙蓉向
來三重茅仰屋歎穿空已經亂離苦志念常從容

入城過新雨路靜市人稀吾家林塘間水鴨狂欲飛門
闌稚子笑隔樹見翁歸何人無此樂頽暮樂知希

和答李德臣

忍寒一百五何開落息息華堂託孤根棄我荆棘中味

欽定四庫全書

元詩選三集

六四

言隨時變茗薄酪自濃蚨蝶金縷衣更為悅已容雖無

蛾眉妒懷抱常冲冲

送李鶴田入浙趙春谷招

天下南北車書通行人點點過汴宮空餘良嶽一拳土

黯慘如雪吹不融平乘樓上王夷甫一流中外淚如雨

西風羽扇不障塵更是蓮子隨一作移根去政事堂中三

相公往往退食如夔龍少年慟哭不見用一語不合面

發紅八年流落無處一作死所合眼當朝遽如許忠魂不

到海門潮別殿芙蓉廢為圃茫茫古路日平西不信金

銅不淚垂浮沈親故懶相一作復問白髮唯有春風知李

侯解肉堪流涕同谷哀吟越州弟買絲刺繡刺未成公

子翩翩鴈書至飄飄起望白雲間裘雪牛車度赤山年

餘七十能一作會幾見我且欲往窮當還平生高李經行

處寂寞斷橋漂落一作亂絮不知到日似枯魚淚入黃河

別魴鱖當空殿閣密雲圍一作七曾和薰絃按羽翰至今

尚留花石否杜鵑再賦長恨端蘇州正念東鄰女傷心

欽定四庫全書

元詩選三集

六五

更一作又遇楊開府語言憔悴敢分明買酒行澆茂陵土

寄別孫潛齋

常笑唐衢生一慟可以死馬能流涕被面日日別知已

又常笑朝鮮無淚可沾巾悲歌兩語為我吳婦人平生

鍾情重離別一聽陽關腸一絕銅駝陌上會逢君誰料

相忘如永訣昔攜手青春春水一笑襟吏塵醉能強歌

醒能賦滿坐唯有孫堯文酒闌歌斷如轉燭寒食纍纍

新鬼哭丞相書桐異鳥巢曾園仙市芳郊綠海棠三逕

無根枝敗瓦頽垣亦已鋤舊遊勿感有至此獨為吾黨
權區區我欲與君重一到化為長瓶醉荒草早知世事
去如風只合黃公壚下倒當時一醉鍾埋我不見興亡
應更好且復止此休云云我有臣子高能文令其講罷
日就君就君歸日誦所聞吾貧吾老不足念君鬚君髮
何年罔幼安九十愁更愁空羨一生長樂傳嗚呼斯人
斯世不相見綠樹鶯啼淚如霰

文姬歸漢圖

欽定四庫全書

元詩選三集

卷一

鶴巢覆絕孔文舉錦衾裹葬楊德祖銅雀春風歌舞長
獨復悽然故人女故人有女勝無兒滿腹興亡身屬誰
琴燒笛折箏灰冷開卷草深歸鶴飢美人用事單于國
鈿馬駝金為余北曾從過鴈借書看又向枯魚寄聲得
胡笳日聽心自哀天遣前朝漢使來穹廬抱子送于野
欲去欲往真難哉大兒牽衣小兒乳割乳分攜淚如雨
跋馬兒啼漸不聞腸斷一如初遇虜畫圖巧畫欲無聲
不盡賢王子母情踟躕拳跼各有態未必日暮分馳能

天長地久何終極事已不堪回首覓草無南北是青青
雲有朝昏長累累琵琶恨絕妒難消海上孤兒夢豈遙
入見玉關天似錦歸從金馬晚當朝容儀憔悴恩無骨
記問荒唐存又沒衛郎去我墓何斯魏史親人禮難越
當時一女贖元身亂代流離更可聞天南地北有歸路
四海九州無故人

讀杜拾遺百憂集行有感

余生行年將六十不知何者為憂戚富貴不驕貧賤安

欽定四庫全書

元詩選三集

卷一

以此存心度朝夕往年承乏佐中書大官羊膳供堂食
只今賜老作編氓衣食信天無固必陋巷簞瓢如素居
不管茅茨春雨濕門前載酒求賦詩錦軸牙籤日堆積
在官不置負郭田既老翻得稽古力毀譽都忘月旦評
姓名不上春秋筆朝米不煩鄰僧送暮米不煩太倉糴
我亦一飯不忘君文人相輕所不及傷哉白首杜拾遺
入蜀還秦勞轍迹文章蓋世亦何為妻子相看百憂集

贈製筆生許文瑤

許生精藝誰可及材用剛柔以製筆水盆洗出紫兔毫
便覺文章生羽翼蒙恬將軍為動色為是秦王舊時物
丞相斯曾從駕行載此篆書封禪碣從秦至今幾千載
兔尚存皮竹可採利濟天下功不有入手千人萬人愛
我昔為郎居粉署用筆唯于許生取輕衫日對紫薇花
寫遍江淹夢中句

蘇李泣別圖

事已矣泣何為蘇武節李陵詩噫

欽定四庫全書

元詩選三集

卷一

龍霧州雪

此處幾人行隔波搖暮晴洲迴江似玦山遠雪如城離
合看雙檣荒寒又一程今年梅未醉最覺別來輕

夜雨

夜半起雷車天門報曉衙何消如此雨又有未開花繡
被人中酒茅簷容夢家一晴天地閣稽首見重華

周耐溪見訪

麥逕縈紆縮寄蝸傳呼鷺倒望前牙能忘特進羣公表

來訪尋常百姓家草市波喧騰騎竹柴門路隘簇鞞花
屏窺不信雌同甲為倍高明兩鬢華

清明日偶成

海日高高天欲斜斷橋無復聽嘔啞墓中酩酊已千載
陌上清明有幾家已老愈疎惟酒盞更晴相覓是梅花
年年春怨深如昨莫把無涯恨有涯

戲題

無人知坦腹水影半簾苔驚謂青蟲墮垂絲忽上來

欽定四庫全書

元詩選三集

卷一

春歸

留春一日不可種樹十年未成芳草斷腸花落綠牕攜
手鶯聲

漁歌效陳自堂作

石頭城落淮水劉郎浦對伍洲越治吳湖安在月明人
唱湖州

春晴

江柳長天草色齊新晴何物不芳菲無因化作千蝴蝶

西蜀東吳款款歸一作飛

新燕池塘綠雨肥初晴未暖日光微角中猶帶花梢濕
纔倚闌干見絮飛

探梅四絕

江天欲雪未雪時絕江探梅驢倒騎空中著我方成畫
亂後逢花且賦詩

鈞天遠遠月斜斜歸客迢迢未到家一色白雲天似雪
和衣和雪宿梅花

欽定四庫全書

元詩選三集

卷一

後五百年無放翁狂歌醉舞與誰同漁人入得桃花洞
猶有梅花路未通

冷豔何心識老逋芳名從此落西湖風霜未改幽堅操
弟立花前諱玉奴

題宣和雙蟹圖卷

講餘幾暇諫書空良嶽江湖入眼中郭索能令天一笑
畫圖何必面春風

劉主簿將孫詩附

將孫字尚友別號養吾辰翁子少質魯長而穎悟

過人為文較辰翁愈奇崛皇慶癸丑薦授光澤一作樂將主簿草廬先生吳澄題其集曰國初廬陵劉會

孟氏突兀而起一時氣燄震耀遠邇鄉人尊之其
子尚友式克嗣響會益詭詭變化而尚友浩瀚演
迤論者以為尚友之嗣會孟不忝子瞻之嗣明允

也

別蕭高鳳

欽定四庫全書

元詩選三集

卷一

惜與可人別又貧歸路長人生有離別吾事屬閒忙沽
酒澆芳草垂鞭看夕陽眼前聽鶴語世路劇茫茫

送錢方立遊荆二首

峴山西上楚天頭書劔區區事遠遊歲月如流方作客
江山信美莫登樓百年者舊誰家傳一代衣冠又古丘

亂後題詩詩即史未應輕付水東流

不辭跋涉恨崎嶇如此飄飄一丈夫新雨驚秋鳴草樹

行人隨鴈落江湖歲年寧向長途老天地何堪一室拘

幾世中原今復合更陪九石作鵬圖

欽定四庫全書

元詩選三集

卷一


元詩選三集卷一

謹案第四十七頁前四行聶赫珪舊作粘合珪今

改

欽定四庫全書

一



總校官候補中書臣吳紹潔
校對官編修臣曹城
謄錄舉人臣王嵩齡

欽定四庫全書薈要

集部
元詩選三集卷二

欽定四庫全書薈要卷二萬四百五十六集部

元詩選三集卷二
長洲 顧嗣立 編

陳普石堂遺集

普字尚德別號懼齋福寧州之寧德人居石堂山下淳熙間朱紫陽嘗過石堂異其風土曰後數十年此中當出儒者普生淳祐甲辰鷓鴣百數繞屋七歲時坐田間有白鷺飛止有士人戲語之曰汝能賦一詩乎應聲曰我在這邊坐爾在那里歇青

欽定四庫全書

元詩選三集
卷二

天無片雲飛下數點雪士人奇之稍長聞韓翼甫倡道浙東翼甫派出輔氏而原于考亭遂負笈往遊宋亡絕意仕進朝廷三使辟為本省教授不起隱居授徒四方及門歲數百人館里之仁峰僧舍至不能容大德初建州劉純父聘主雲莊書院熊勿軒延講鰲峰尋講德興之初菴書院晚居莆中十有八年延祐乙卯卒于家年七十二學者稱石堂先生所著字義四書句解鈴鍵學庸旨要孟子纂

詳校官編修臣王天祿

圖周易解注易說書傳補微四書五經講義渾天
儀論天象賦咏史詩斷凡數百卷明嘉靖間寧德
訓導浮梁閔文振訪於其家採之諸載訂彙為二
十二卷曰石堂遺集知縣事揭陽程世鵬刊行於
世出石堂門者如韓信同楊琬余載黃裳輩並以
正學為時所宗云

擬古四首

秋聲金氣流天空露瀼瀼素波合流月淫淫滿庭霜遙

欽定四庫全書

元詩選三集
卷二

二

夜一美人寒閨自傍徨暗塵集凌波輕颺感鳴璫天性
賦貞清動止中矩方世無夔夔子窈窕空英皇抱璞如
臨淵日入不下堂時操弄玉簫空中來鳳凰歲月如流
星髮變面欲黃服玉固雪膚絕意百兩將

秋夜永如年四壁號寒蛩明月照樹葉白露啼青桐寒
窻紫玉琴時變羽凌宮三彈不成調百憂鬱攻中

東方有樂國開闢先柏皇鸞鳳為雞鶩麒麟為犬羊晨
霞作朝食太和為酒漿土無干戈禍人各千年長下視

禹九州有土皆戰場白日虎狼行青天蛟龍翔我欲為
遠遊滄海渺無梁何年夸娥氏移置天中央
同根一味草時命嗟異遇風月芳香合兩地隔周楚爾
生麟趾家朝夕沐玉露我在雲夢林百草相蒙妬白璧
終不緇惇惇亦良苦

和友人韻

兒童恨芳草不識春長在簞瓢日晏如馬知顏樂改黃
鶴雅入聽鷓鴣亦可罪混沌何曾死拱壁莫輕碎野馬

欽定四庫全書

元詩選三集
卷二

三

恣流行遊絲無罣礙緬懷良友心不言默相對願為壘
駟交共話螻螻戴

古田女 并序

吾州近郭五六縣土風悉如老杜所賦夔州女而
郭尤甚每慚無以答四海兄弟之詰問一日來古
田見傍縣一二十里內於插秧時亦如之以為三
時惟此時最忙不可不為夫子之助也其說則甚
善而其事則未可愚以為不如其已也皆吾人也

作詩以道之幸其一聽作華夏人豈不足以美吾

東南一隅哉

昔年過饒州一事獨希差清川浴婦人以晝不以夜上
流濯垢膩下流汲歸舍供佛與事尊共用如啗蔗朝昏
賣魚蝦晴雨親耕稼樵採與負戴咸與夫並駕流汙浴
豈非失禮事可訝我時適逆旅一見為汗下欲言不可
得況敢加譏罵靜惟天下事無邊可悲咤一從文王沒
聲教不踰華巴兜與閩粵至今愧華夏男不耕稼穡女

欽定四庫全書

元詩選三集

四

不專桑柘內外悉如男遇合多自嫁雲山志歌謠湯池
任騰藉插花作才僧城市稱雄霸梳頭半列肆笑語昏
機詐新奇美濃妝會合持物價愚夫與庸奴低頭受凌
跨吾閩自如此他方我何暇福州縣十三余幸窮產下
十里近郭縣此俗獨未化一日來古田拔秧適初夏青
帚半絞扎水泥和撥逐事事亦不惡位分無假借三王
二帝年人倫密無罅冀方古當塗豐水今漣灞見惡如
豺狼嗜禮如膾炙固無期桑中亦無舞臺榭一國皆若

任一年唯有蜡盛年事耕織斑白可休暇習見宜如常

驟異良以乍勸君但勤饁茲事宜永謝倘能用吾言雞

豚願同社

望雲

幾愛山中雲杳靄起無跡晴風吹綠樹天節日已尺悠
揚幾片飛出岫度絕壁斂作蒼狗形舒為鯤鵬翼朝抹
我媚青暮蘸滄海碧江南與江北蕩蕩恣所適何如雲
中仙避囂隱幽寂採藥雲下林礪劍雲上石乘雲騎茅

欽定四庫全書

元詩選三集

五

龍倚雲吹鐵笛我欲往從之飄然不可測

壬辰日蝕

憶昔度宗皇帝時十年十三日食之似道鼎屬湖海曲
天子宫庭耽樂嬉滿朝翁翁昏婦人禍來照鏡方畫眉
北軍順流日食既兩國正爾爭雄雌興亡豈必皆有數
百年以來士氣衰文臣解肉不識馬武士驚魄怕見旗

夜臺

壬午焚道
經留老子

角陵初為五斗盜在浩繼作千尋宮重黎不生大禹死

鬼魅雜出交蛇龍妄夸奪盡離婁明虛喝弱却樓煩弓
禮樂沈淪入九地陰邪叫嘯充虛空人寰黯淡如夜臺
百物悽愴生芒鋒虎狼四出食人肉四冥不受黃流東
豈無健士能排遏末俗骨醉難為功我欲南遊叫虞舜
一怒為我誅兇共陰陽草昧風氣閉蒼梧日落天鴻濛
代天去惡如拔薤後剪枝葉先其宗洗心學易見太極
百怪冰釋春流通道在不係後與前日月東出開羣蒙
更須講究銅駝事結正當年河上公

欽定四庫全書

元詩選三集

卷二

德陽林梅麓太守輓章

殷士皆周祿南音獨楚冠寢車人更怒負俎我何安義
合雍容就名應久遠看梅花真鐵石耐得許多寒

凭闌二首

南浦路東西佳人不可期斷雲荒草渡歸鳥夕陽枝心
事十二曲頭顱大半絲低徊問流水去去復何之
高豁乾坤眼山晴綠雨收夕陽流水遠荒草白雲浮柳
蔭小溪側樵歌古渡頭憑虛發清嘯安得仲宣樓

野燒

雜沓平原起電紅憑陵勢欲逼青峰草茅不問新開甲
蟄戶尤憐乍啟封何暇肩侯分玉石畧如伯益逐蛟龍
際天逸德無人問獨倚高樓到晚鐘

懷古

世事悠悠一轉頭斷雲荒草古今愁青山北去黃河隔
白日西飛東水流秦有金牛開劍閣楚無熊虎割鴻溝
多情蕭寺峰前月幾夜蛩聲影半樓

欽定四庫全書

元詩選三集

卷二

答友人

雲作文遊山作賓道心為主自安貧柴門無鑰見同物
竹帛有名終累人綠水一潭澄靜性青山萬疊裹閒身
紛紛望拜馬蹄下不見胸中萬斛塵

贈清叟行

共君一夜話三生語正投機君又行溪柳效顰添別恨
岸花和意送離程驚時莫問歸巢燕贈別愁聞求友鶯
今夜夢中重聚首雞聲茅店已三更

次答姚考成留別

別後相逢各問年依然綠髮對華顛
閒雲獨占半間住伴客那無一榻眠
酒為愁多全欠力詩因料少未成聯
却憐壁上留題句時有閒情到月邊

儒家秋

離離秋色上梧枝向曉烟雲冷
硯池絳帳談經千載道青山對酒幾
聯詩西風紅葉林邊樹夜雨青燈鬢上絲
竹瘦荷枯籬菊淨暫韜筆硯徹鼻

欽定四庫全書

元詩選三集

卷二

烈女秋

陽臺春夢逐浮雲燈影西風獨閉門
一點清心霜六月半簾紅葉雨黃昏
守符終古漸臺水陸血經今金谷園
何事文君無雅操琴聲一動便思奔

秋日即事五首

夜牀輾轉恨明遲曉髮梳寒倚竹扉
樹影紙窗風作色蛩聲壁罅月流輝
三盃白酒窮年客滿篋紅塵隔歲衣
遙想白鷗江上路蓼花楓葉雨霏霏

玉露金莖曉髮寒秋風仍作去年看
望聲疎雨長為客鴈影殘蟬獨倚闌
鐵硯牕櫺雲影淡丹楓溪曲水痕乾

西風曾與黃花約擬掇繁英貫酒餐

二尺書檠對影居西風吹雪上吟鬚
雲邊月色人千里竹裏秋聲酒一壺
客思邇來紅葉亂鴈聲南去白雲孤
季鷹自是知機者一念尊鱸便到吳

書餘飲水枕長肱四壁啼蛩訴不平
月色滿窗詩骨冷露華方枕夢魂清
西風歲歲長堤柳流水朝朝滄海情

欽定四庫全書

元詩選三集

卷二

九

紅葉山深無鴈過殘砧幾處搗愁聲

遊絲閃閃挂虛簷翔隼號寒華嶽尖
白髮束來閒點易烏衣歸去寂鈎簾
三千客路飛楓葉四五人家賣酒帘
魚笛水寒江上晚荒叢豆葉雨纖纖

鼓瑟二首

滿樓明月調雲和五十絃中急雨過
彩鳳拂衣鳴翠竹素鱗鼓鬣出寒波
淒涼楚客新愁斷清切湘靈舊怨多
一曲更沈人已靜江頭雲挂綠嵯我

朱絃聲奏徹雲清有客沈吟倚柱聽遺響一時存楚客
斷魂千載寫湘靈珠隨明月生滄海船挾悲風過洞庭
絃索無言膠柱倒遙遙江上數峰青

題虎丘

干將化龍飛上天寒崖古木俱蒼然大星西殞化盤石
銀河倒流通劍泉山鬼夜嘯或風雨坡仙浩氣凌雲烟
行人慎勿歌團扇誰識風流晉代賢

溪莊

欽定四庫全書
元詩選三集
卷二
十
疇昔何來此青山與白鷗絮飛春不去湖泛月頻留

野步十首

南鴈數聲嘹唳西風雙鬢盤髮病葉夕陽滿樹斷雲殘
雨歸巖

瀟灑枯藤老屨行行只復行行泥路野人屐跡石橋流
水琴聲

黃犢眼中荒草鷺鷥立處枯荷宦海風濤舟楫故山烟
雨松蘿

愁思冥鴻杳杳吟情敗葉紛紛歸去滿身溪雨醉眠半
枕山雲

白日長繩難繫青帘濁酒堪賒歸鶴蒼山雲際故人錦
字天涯

紅葉林風颯颯蒼苔徑雨斑斑人跡石邊流水樵歌鳥
外青山

流水數株殘柳西風兩岸蘆花荒草客愁遠道夕陽牛
帶歸鴉

欽定四庫全書
元詩選三集
卷二
十一
按步緩尋幽草揚眉一望平林鳥影魚磯日暮豆花村

屋秋深

幾處漁樵石路數家雞犬柴門竈屋殘烟杳靄溪流淡
月黃昏

木葉西風古道稻花北壠新田流水美人何處夕陽荒
草連天

自哂六首

曾騎白鶴上揚州頭上花枝秉燭遊樽酒邇來誰是伴

白雲收盡數峰秋

草澤行吟賦楚騷青麻衣上俗塵多五陵年少休相笑

戲馬臺前載酒過

鬪雞走馬醉高陽今日歸來兩鬢霜無限少年心上事

半簾豆雨語寒蟄

古樹閒雲獨抱琴琴聲寂靜樹雲深相如渴死文君老

辜負題橋萬里心

世事悠悠酒幾杯晴蒼把鏡獨徘徊西風吹老梧桐樹

仍送新霜兩鬢來

元詩選三集 卷二

十三

寬博麻衣折角巾疎慵不似少年身白雲半枕山中午

猶夢乘槎去問津

鄧武泰寧途間一路海棠

萬騎連接出襄國

趙石虎都襄國作 萬花騎出入隨從 諸姨撩亂上驪山

唐明皇同貴妃每年十月幸綺 宿諸姨別色隨從望之如錦 道人不識紅妝面何事

扶筇過此間

玉女峯

暮暮朝朝此水頭却無雨怨與雲愁我儀何事堂堂去
極目天涯雙鬢秋

歸鳥

紫山青嶂盡如家負日衝煙復帶霞今古乾坤秋一幅
幾番歸鳥與棲鴉

七夕二首

欲理銀河一葉舟不知滿架架蒙鳩漢陰抱甕蒼顏老
孤負今朝乞巧樓

欽定四庫全書

元詩選三集 卷二

十三

但把凡身小品論寧須搨頰問星辰女郎戀別淚如雨

遑托金針度與人

詠史

錄十六

尚父伯夷

春來秋葉在枯枝底用端著更拂龜二老東來元並轡

馬前何害不相知

四皓

長樂危前露雪眉巖花亂笑出山時有人拍手瓜田裏

來往青門總不知

李廣李陵

茂陵無奈太倉陳槐里家傳本助秦萬落千村荆杞滿隴西桃李亦成薪

賈生

落日長沙被鵬驚愁來強把死生輕洛陽才子多流涕太息沾襟過一生

武帝三首

欽定四庫全書

元詩選三集 卷二

十四

商車不足算緡來桑孔咸陽悉茂材一撮茂陵無覓處建章門戶至今開

幾多愛子出蕭關山積黃沙骨未還好把望思臺上泪隨風北去灑陰山

五十餘年四海波建元三載盡征和中央寸土纔無血沃日澆天瓠子河

汲黯

東北民思齋主父西南人欲粉唐蒙漢家社稷何依倚

黯直麤疎一病翁

宣帝二首

不將法律作春秋安得河南數國囚莫道漢家雜王霸十分商鞅半分周

渭橋夾道上瑤卮甲館畫堂開禍基甘露三年造新室不闕飛燕入宮時

荀彧

亂離揀得一枝棲得道爭知却是迷曹操若逢諸葛亮

欽定四庫全書

元詩選三集 卷二

十五

暮年當作漢征西

河濟泰山猶是漢息息把作賊關中久知天下無劉氏不料人間有孔融

北地王湛

何物譙周口似簧幾年漢帝手牽羊紛紛蜀土祠諸葛香火曾分北地王

晉武帝

杳杳香車轉掖庭夕陽亭上北風腥紛紛羔羯趨河洛

為見深宮竹葉青

陶侃

蘇峻鯨奔正可憂
翻令王室備荊州
五陵松柏無遺種
謾為桓溫拾竹頭

梁武帝

戒捨工夫老未圓
百雙雞子送殘年
一生般若成何事
贏得江頭載荻船

甘泳東溪集

泳字中夫一字泳之自號東溪子宗仁人性剛正
不與時俯仰平生不娶效林和靖讀書不拘繩尺
尤工於詩年二十餘浪跡東南受知于徐徑畝楊
東澗又與趙東林黃大山林正菴曾平山遊至元
二十七年卒有東溪集黃大山序其詩謂高不誕
深不晦勁不羸全體似李賀而不涉於怪怪奇
出嶺雜言一首凡一千四百字隨事起義隨義鍊
句古今大篇未或過之所作甚富整溪刻本止七
百三十餘篇今亦失傳可惜也

秋風詞

昨夜西風來人間
雨如海山搖搖秋
洒洒早起
輪
老紅竟何在惟有殘雲漠漠弄涼態
千林萬葉浙瀝作
豈無綠色奈何凋零四時更變化
宋玉何為愁直須痛
飲千斛酒亦不知有春亦不知有秋
鴻濛適我汗漫遊
絕憐九辯大蕭索
爭與蟲聲起離落
東溪子今夕呼月

當中天看我大醉西風前便令秋滿八千歲我醉依然
月下眠

自述

總角布聞道殘生迺付詩
曾前輩識敢辱近人知
飄泊身餘健蕭閒鬢欲衰
一簾書四壁寒日在清池

晚立黃洲

今度闌干倚蒼茫入暮天
碧溪分市井華屋亂雲烟
鐘隔春來樹燈流夜去船
惜哉題柱壯琴動鳳凰絃

欽定四庫全書

元詩選三集

卷二

陪完顏御史行金石臺分韻得丞字

勝景踰千載吾人得共登
五峯交地勢一水合沙稜
荆國成何事浮丘有異能
山頭有田父未必識中丞

歸來

謂我猶羈旅歸與已的然
風霜高枕外江海小詩邊
連摩移華夏莊周侮聖賢
向來知此事未敢棄余年

過南湖

忽有一事礙胃次擺脫不去
呼酒來冥冥濛濛混沌在

坦坦蕩蕩虛空開精神
一生留筆墨形骸昨夜為尊罍
年年看梅今白髮晴日江路行莓苔

與危見心同和完顏御史沂聯步踏月韻

明月送人歸明月照人宿
月落夢醒時清霜壓寒屋

小絕

一夜睡不着小牕天忽明
林塘寒鳥聚聽得最初聲

夜坐

林風自瀟瀟山雨時澗澗
丈夫七尺軀地爐使吾矮

欽定四庫全書

元詩選三集

卷二

早睡

病來貪睡早推月出山前
月色不相捨小牕還自妍

酒醒

酒醒桂花發狂歌對花前
隣家大罵我夜半驚人眠

書生

踉蹌趣講席請誦關高聲
我亦曾如此而今白髮生

暫憩

平生湖海遊南北東西路
幾度夢殘時雲深不知處

歸舟二首

片帆懸空秋滿腹涼月淡淡天無波平生湖海元龍意
早入西風漁櫂歌

天壤豈無蘇季子恨我不識韓荊州遙山蒼蒼暮雲碧
何許一笛蘆花秋

下豫州

壯懷忍共白雲閒孤負僧房屋半間賣却牢一作窮愁三

萬斛載將明月入西山

欽定四庫全書

元詩選三集
卷二

干

托意

舊時燈火不知年托意篇章末世傳胸次只今無此事
聽風聽雨過殘年

新春

花紅柳綠也逢時潤色青春有小詩人世苦無吾輩在
東風寥落亦堪悲

看梅

獨坐息息不自適出門偶見梅花開自從開闢到今日

此是東風第幾回

欽定四庫全書

元詩選三集
卷二

干

毛直方聊復軒斐集

直方字靜可建安人與同邑劉邊近道虞韶以成
虞廷碩君輔並勤著述工詩文宋咸淳癸酉以周
禮領鄉薦丙子既革命當路有薦其才者直方退
然曰使我得貧室如憲窮巷如顏是得天之厚者
安敢求於分之外也乃優遊閭里授徒講學科舉
制興郡之以明經擢進士者多出其門省府上其
名始被一命得教授致仕半俸終其身所編有詩

欽定四庫全書

元詩選三集

卷二

學大成詩宗羣玉府三十卷行於世所著有治靈
稟四卷聊復軒斐稟二十卷藏於家

擬古二首

高堂列綺席賓御何委地粲粲金芙蓉春葩照蛾眉檀
槽起清箱鐵撥弦鷓鴣難祇聞筵中曲不聞曲中詞蕭蕭
青冢魂化作秋鴈歸玉關去時淚點點濕朱絲豈知哀
怨情及此歡笑期彈者錦纏頭聽者金屈卮但令令人
樂不惜古人悲

野色倏已暝零露沾衣裳行役悲險艱仰愧歸鳥翔羈
愁浩難收壯髮日已蒼遠林烟火微投宿扣村莊居人
畢刈獲笑語井臼傍問客來何疲母乃仕與商所慎在
出門奚怨中路長

雜怨二首

種蓮恨不早得藕常苦遲誰知心中事久已各懷思
花開能夜合草發解宜男對花今有恨見草祇應慚

江南曲二首

津頭聞別語三載以為期安得中山酒醒日是歸時
沽酒醉江神發船相送餞船去浪如席船回風似箭

妾薄命

妾肌如玉顏如花長眉窈窕青山斜深閨學成新婦禮
鸞鏡不與留年華昨朝東隣裁嫁衣今朝西鄰催結褵
自憐孤燈照春夢年年風雨梨花時不怨父母貧不恨
蹇修拙妾生賦命自坎壈底用閒情寫紅葉千絲萬絲
霜練光與誰織作雲錦裳千針萬針兩黼黻與誰佩服

欽定四庫全書

元詩選三集

卷二

朝明堂吁嗟妄薄命薄命可奈何失時還自羞失身羞
更多妾寧失時無失身平生分定月下繩但把貞心守
貞色肯信嬋娟解誤人

獨駿圖

連天首帶青茫茫鹽車鼓車紛道傍肉駿汗血不可當
權奇個儻晦若藏五之六之無留良如此獨步何堂堂
日三品豆慎所嘗天閑逸氣難能量一尺之筮五尺韁
了與轡絡俱相忘太僕御直儼冠裳庭前榻上婉清揚
有詔有詔且勿忙一洗凡馬鑿鏘鏘我觀此圖筆意長
欲言尚寄田子方

贈督師曹將軍

秦階煌煌色已齊祥飈為掃蚩尤旗幅員浩蕩春臺熙
不遣桴鼓驚鉏犁羽林宿衛環三陲居安却慮忘戰危
整暇自許忘其機司馬八法律以規菟苗獮狩凜弗違
碧油有幢儼軍帥手持虎節談魚麗閩關不以山與溪
歌舞七德宣皇威有來視師省檄飛將軍名已草木知

欽定四庫全書

元詩選三集

卷二

干戈俎豆睢陽時已分勾當江南歸流芳奕葉今孫枝
此行且賦從軍詩時清未用歌采薇天子有道守四夷

泥滑滑

泥滑滑日已西泥深屨滑泥征衣征衣泥盡不肯歸分
明數聲行不得請君更聽鷓鴣啼

野宿

歸恨逐春深遲休欲縮程遠山何處碧落日故鄉明路
改柴門僻村空石磴鳴乞蔬仍買米一宿尚營營

欽定四庫全書

元詩選三集

卷二

秋感

宇宙百年身江湖萬里心世情高枕遠詩味閉門深白
髮銷窮達青山傲古今情知秋亦客何事感秋吟

時秋積雨霽

醞釀豐年付老農挽回涼信報詩翁巫山久暗埋寒碧
湘水初明浴晚紅簾卷柳陰先得月簟橫梧影早噓風
天公快我披雲願萬里乾坤一望中

漁父詞七首

萬里清江兩槳船一竿一縷水雲邊平生不識書與劍
也得醉飽共閒眠
呼兒買米得新粳漁村且喜見秋成今朝嘗新莫草草
好釣鱸魚來煮羹
得魚穿柳村上溪溪村杳杳屋稀稀莫怪漁翁頭易白
去年買魚人又非
黃旗網運牛馬走皂衣追呼雞狗喧深傍蘆花搖櫓去
遙望漁人是水仙

欽定四庫全書

元詩選三集
卷二

十六

本無租賦本無田不知歷日不知年誰信漁家小船上
獨是無懷并葛天

黃昏船泊有隣居明朝船散又還無君笑我如浮萍草
我笑君似水中鳧

溪橋竹邊有沽酒攜魚換酒滿胡蘆蓬頭月上不覺醉
自卷蘆葉吹鳴鳴

悼亡四首

從事龜山亦偶然寧知長別恨終天當時去就商量錯

不似牛衣十八年
客中自有未招魂剪紙空教夜祭門萬一相逢今夜夢
恨多應是兩忘言
奉倩傷神不是癡人生百感有真機飄零遺墨殘針線
與淚無期自一揮
推愁不去竟何如欲鼓莊盆懶有餘賴是此愁猶解事
避人對客與觀書

寄梅村山人二首

欽定四庫全書

元詩選三集
卷二

十七

古松樹下晝陰寒雲亦無心去不還却怪建州城裏夢
一春多在湛盧山

去年三客賦茶醪忽見新花發故枝省到死生離合處
春風消得幾相思

劉邊自家意思集

邊字近道建安人與同邑虞韶虞廷碩毛直方四
人齊名所著有自家意思集四卷及讀史撫言若
干卷月泉吟社分賦春日田園雜興詩近道有句
云耕鉏曉雨有餘地應接東風無暇時吳清翁極
賞歎之

仙船巖

仙舟等舁盪萬仞架雲表木石渾莫分風雨能不朽恐
因堯年水艤權寄巖竇猶勝夜壑藏有力莫負走奈何
苦海深忍袖慈航手我欲遡靈源乘槎問牛斗

仙機巖

嘗聞昔天孫謫落人世間雲霞入組織機杼空留山謁
來巧相逢遺我錦繡端欲報之綺語再拜重捲還我有
大布衣可以禦歲寒

會仙巖

青山解隨人遠近互相對寒潭入陵谷龍去知何處歷

歷沙上石羣仙昔來會日暮一童歸橫吹卧牛背

茶竈

仙人足戲劇盤石留過房紫陽此來遊與客煮茗嘗青
烟久消歇白雲時飛揚至今潭中水猶作笑語香蒙茸
履跡在欲步不敢翔三吸此清冷回首入空蒼

林泉寺

采芳仍漱潔散策到來遲容坐自相語僧禪了不知疎
風潛入戶暗水細鳴池小作石林夢夢中還覓詩

天遊峰

紫翠飛來石蕊間何年幻出小瀛寰崖懸瘦瀑一千尺
峽束寒流八九灣蒼壁向人如有待白雲何事未知還
歌酣更挹浮丘伯坐對中臺話半閒

梅仙山

已是吳門變姓名後來誰更識先生一杯漢土丹墟在
萬古閩山劔氣橫步入白雲秋石瘦坐分黃葉午風清
逃奴不返松門靜隔水寒烟起暮城

伏羲洞

一水之玄去復歸衆峰向背儼相持天荒地老無從問
鬼刻神剗未解奇丹嶂漫留仙幻跡白雲仍似太初時
欲窮畫底羲皇意一束靈耆萬古知

玉女峰

不作巫陽雲雨羞風鬟霧鬢亂蕭颺行人莫問當年事
獨立寒潭空幾秋

答彥修

九曲溪邊玉女峰年年獨倚落花風何因不駕青鸞去
佇立空山皓月中

仙掌峰

銅盤捧露幾何年渭水秋風淚泣然已向山中間袖手
為誰半壁更擎天

釣磯石

百尺臺磯瞰碧流紫陽仙子幾經秋遊魚何事偏深逝
不道人間有直鈎

郭麟孫祥卿集

麟孫字祥卿吳郡人博學工詩與袁易通甫龔璠
子敬湯彌昌師言錢重鼎德鈞相率酬唱作吏錢
塘再調江東歸吳卒其序通甫詩以為詩本原於
性情之正當其遇物興懷因時感事形之於詩何
嘗拘拘然執筆學似某人而後為詩哉蓋所蓄既
深自有不期似而似之者耳觀此可以知祥卿之
所得力矣

遊虎丘

海峰何從來平地湧高嶺去城不七里幻此幽絕境芳
遊坐遲暮無物惜餘景樹暗雲巖深花落春寺靜野草
時有香風絮淡無影山行紛遊人金翠競馳騁朝來有
爽氣此意獨誰領我來極登覽妙靈應自省遙看青數
尖俯視綠萬頃逃禪問點石試茗汲愁井意行忘步滑
野坐怯衣冷聊為無事飲頗覺清晝永藉草方醉眠松
風忽吹醒

題趙子固蘭蕙卷

寫蘭以左筆為難此圖筆筆皆向左香風一夕從西來
數片湘雲忽吹墮天真滿前呈爛漫晴烟低葉分婀娜
紫莖縹緲散曾華翠帶交加藏側孕初觀駭目若零亂
締視凝神還帖妄想翁落筆風雨疾不待解衣盤薄羸
但覺書紙如書空唯知有蘭那有我胸中所在皆衆芳
變化縱橫無不可他人一二已云多翁今能事一何夥
嗟予作畫雖不能知蘭之趣亦頗頗再觀品題驚絕倒

欽定四庫全書

元詩選三集
卷二

三三

照眼驪珠十六顆清氣襲人肌骨寒手之不置行與坐
陶君珍重祕藏之玉軸牙籤善封裏

題高尚書秋山暮靄圖

長江萬里流滔滔風平如席靜不濤老楓疎柳澹雲影
欹岸側島明秋毫紅塵一點飛不到何人結屋江之臯
霜清水落沙嶼出蘆葉瑟瑟鴻南翔一峯萃律聳我髻
俯視培塿如兒曹晴嵐朝爽滴空翠樹林露沫滋流膏
心融造化意慘澹筆挾風雨聲蕭騷淋漓元氣猶帶濕

收拾萬象無能逃扶輿清淑聚胸次固應獨擅人間豪
未容小米詫能事千古且說文昌高世間神物不易得
牙籤玉軸歸時髦我來坐牕疲不遨展卷頓覺舒鬱陶
何煩蠟屐躋攀勞掩西小紅尋野桃

題蘇子瞻翰墨

山頭萃律侵霄漢片幅之間據其半河水盤旋寒玉貫
雲氣濛濛中截斷峯巒回合平若接山城嵯峨聳樓觀
下有森森林木灌隱約浮空露纖嶽沙平野曠征途遠
行人凌兢馬欲汗天機滿前呈爛漫濃墨如新筆凌亂
渾沌鑿空太極判元氣淋漓風雨散若非定以范寬斷
誰能展此奇手段玉堂老仙重稱賞絕筆當為古之冠
牙籤玉軸宜倒看縱得千金慎勿換老眼摩挲獲珍玩
不敢留題只驚歎

題趙榮祿水邨圖

澤國淨秋色遠山橫夕烟水田羣雁起蘆渚一畱縣林
樹幾間屋君家若箇邊扁舟何日去相伴白鷗眠

欽定四庫全書

元詩選三集
卷二

三三

與龔子敬同賦

清遊及新霽緩步得嘉賓古木寒泉寺鳴鳩乳燕春山
行六七里舟受兩三人總是曾經處何須更問津

三月三日重遊虎丘二首

三月三日天氣好一年一度虎丘遊
枇杷巖下頻呼酒楊柳橋邊旋繫舟
春事固知欺白髮山靈元不厭清流
祇今觴詠成陳迹何用蘭亭俯仰愁

細雨霏霏不濕衣山前山後亂鶯飛
過橋春色緋桃樹

欽定四庫全書

元詩選三集

三十四

臨水人家白板扉此地酒帘邀我醉
隔船簫鼓送人歸清遊恐盡今朝樂
回首闔門又夕暉

龔子敬同遊桃花塢趙中時適至

麥光曉郭搖香浪花氣浮空散紫霞
小院碧桃留客醉隔林修竹又誰家
清明過了春將暮濁酒傾殘日又斜
一笑相逢誠不易人生看得幾韶華

再題水村圖

分湖新卜築適與此詞同如今不是畫
真在水村中

湯炳龍北村集

炳龍字子文其先山一作丹陽人居京口辟慶元市

舶提舉學問該博善談論四書五經皆有傳注尤

深於易詩歌甚工晚自號北村老民所著曰北村

詩集四明戴表元帥初序曰子文詩肆麗清邃乃

一如丘園書生山林處士之作太玉山人俞德隣

宗大序曰子文詩憫世道之隆汙悼人物之聚散

明時政之得失吟詠諷諫使聞者皆足以戒豈徒

欽定四庫全書

元詩選三集

三十五

誇競病事推敲者之為哉蓋其易直子諒之心閑
於中而肆於外者也年八十餘卒子垕為紹興路

蘭亭書院山長終都護府官屬

湖上觀春

閉門五日雨出門萬山春湖光忽見我搖蕩白雪新
九節瘦筇杖一幅故葛巾桃花忽相笑聊復此紅塵
有錢困鞭算有官繫卯申洞然宇宙間餘此自在身
但恨不能飲我亦無事人

題高尚書夜山圖

人知麗日江山奇月中更奇人不知古今畫手不能畫
高侯能畫兼能詩風流文采乃如此筆意所到神莫窺
琉璃宇宙入萬象清寒周匝天四垂羣鴉已息溽露下
一鴈不度行雲遲龍飛鳳舞又千里一起一伏相追隨
潮來不見江吸海但見夜壑寂寂舟無遺廢宮隱約認
孤塔長竿高下標叢祠俯觀下界萬屋如鱗次其間醉
夢覺者誰金城樹老歲月往昆明劫盡天地移忽忽吳

欽定四庫全書

元詩選三集

卷二

越已陳迹丹青先寫興亡悲虞山禹穴會稽路蒼蒼涼
涼隔烟霧平生慣向圖中遊老我卧游無勝具昏花疑
是雪欲晴剡溪直在無山處何人說與李將軍太清豈
必微雲斂豪端巽巽肯一掃清光應更餘幾分天然人
境兩相值樓頭白也思不羣胸中雲夢可八九呼吸沆
瀣歸雄文虎頭著我坐巖壑書牕半席一詰君舟中不
須覓謝尚詩成三誦君嘗聞

題江貫道百牛圖

我本山陽田舍叟家有淮南數千畝江南倦客老不歸
此田都為勢家有猶記少年學牧時去時日出歸日西
我生衣食仰此輩愛之過於百里奚祇今辛苦耕硯席
無處賣文長絕食卷中解后黑牡丹相逢喜是曾相識
負郭無須二頃田一雙粟角能幾錢數口之家便可飽
要如此圖知何年平生富貴非所願城府近來尤可厭
何時倒乘牛背眠東風勝如仰看宣明面

范文正公書伯夷頌并札卷

退之嘗作伯夷頌綱常更為文章重小范老子翰墨香
吹醒首陽千古夢爾來宇宙三百年劫灰不壞寧非天
姑蘇李侯賢太守為將手澤歸雲玄因憶右軍修禊叙
智永藏之固其所今比蕭翼誰賢愚豪奪何如能樂與
君子於物不留意好德終然勝好古劔許徐君自有心
書還孔氏非無故粟可不食國可辭較之一紙真豪釐
聞風廉立遽如許信哉聖人百世師西山之薇何獨美
向微二子一草耳東海魯連死猶生中書馮道生猶死

欽定四庫全書

元詩選三集

卷二

承平文獻傳至今品題先後如盍簪就中何人合媿死
九錫不是夷齊心

白海青

皂鵬赤鷁世紛紛羽翮何如白線紋東海飛來一片雪
西風透入萬重雲老拳獨擊頑鷲惱俊目寧看狡兔羣
玉食所需誰可得夜來丹詔賜元勳

綉毬花

誰擲流蘇滿小園無心花萼密相聯唐宮玉蝶團風軟
后土瓊花簇月圓妖態欲來裊上舞異香宜在帳中懸
試看有物渾成處如在東風太素天

題水晶宮道人甕牖圖

一從辭宰粟餓餓隱空山貨殖門前客先生不啟關
題姚靜齋女柔德一日三封股救其兄云
女生他人婦兄死誰養親封股與紵臂孰仁孰不仁

西湖雜咏

馬塍雞唱曙初回幾處嚴關次第開多少賣花人已到

賸將春色入城來

題莫景行松竹梅圖

一客風流雲水際兩侯瀟灑雪霜時如今三友交情密
不到歲寒人不知

題竹梅圖

歲晚江空見此圖竹梅相伴占全湖如何不與松為友
應怪人間作大夫

王圭敬仲集

圭字敬仲宛陵人弟璋字敬叔並以詩名嘗與四
明戴表元帥初吳郡郭麟孫祥卿倡和尤工五言
敬仲詩如挽貢南漪云福兼鴻範五瑞集鳳雛三
戴帥初過訪云興寄冥鴻外詩成立馬間敬叔詩
如題劉御史熙寧諫疏云舉世非新法中朝放直
臣謝惠帶鏡云寬覺腰圍減明嫌鬢影秋皆佳句
也時人誦之

欽定四庫全書

元詩選三集

四十

和戴帥初陪廉憲副遊三天洞韻二首

勝迹三天洞清遊五字詩懸泉垂馬乳暗谷隱龍池坐
久禽聲集吟殘樹影移賢侯興不淺應有後來期
黃葉荒溪滿青蓮紺宇開闌干盤石樹方丈出氛埃洞
古遊人識巖高倦翼回祇因山下叟常說繡衣來

送吳止水總管入燕

西風萬里送長鑣木落天高秋寂寥季子賢名聞上國
望之雅意在中朝燕臺此日千金駿漢署當年七葉貂

聖代憂時須共理一麾江海莫辭遙

趙雲仲諸君見訪小酌次韻

長楊旖旎綠陰晴小閣芳菲接謝城樂事良辰真具美
酒徒詩伴舊知名春陰忽散林光變曉露未晞花氣清
有興時來共幽賞暫時風雨莫寒盟

陳公輔遷居

大隱何嘗厭市閭新遷端為好樓居坐來疊嶂雲生麓
住近雙溪客有魚二頃可供投轄飲五車爭羨載行書

欽定四庫全書

元詩選三集

四十一

門前怕有西臺使未許與公賦遂初

送李廉使之荆南二首

火落金天爽氣浮澄江練淨引仙舟霜威此去清三楚
霖雨行看遍九州銀漢星槎當好夜渚宮烟樹正高秋
熙朝國任須元老未許周南此滯留

儒林分席春生座射圃旋車月滿溪暫憩棠陰人愛樹
無言李下自成蹊恩光新拜宮壺賜姓字多因御筆題
但得明良千載遇腐儒何恨老幽栖

劉有之還京口簡梁中砥知宮

為謝詩家塵外人別來消息斷無聞如何占得三峯住
不寄山中一片雲

春草

和烟和雨碧萋萋歲歲長亭照客衣春風陌上輪蹄滿

莫問王孫歸不歸

王璋詩附

璋字敬叔圭弟涿郡盧摯為憲使極器重之

欽定四庫全書

元詩選三集

四二

送高羅谷赴德安教

水驛夜初寒風帆向德安青楓三楚路白首一儒官夢
澤尊前賦巫山雨外看未須嫌獨冷蘭菊政堪餐

次韻郭祥卿雪霽見懷

雪嶺留初日高齋照眼明禽聲交曉樹馬跡上春城有
客懷幽賞題詩問友生青鞵得來往更待數朝晴

挽董儒仲

憶昔同遊處經春在武林湖光浮鷁淨山木坐猿深事

往唯詩在悲來托夢尋朋知零落盡投老若為心

約文甫不至用韻

俗裏眼能白懷中印未黃雙鳧離葉縣獨鶴下陵陽晚
歲故人少閒門秋草長知君非遠我自為困壺觴

和帥初禧停山三天洞韻二首 錄一

古洞堂隍敞危巔戶牖開陰靈藏雨電清絕雜塵埃破
靜幽禽響臨深騎鹿回百年山下路未省使車來

小閣呈兄敬仲

小閣纔容六尺牀苦寒聊與墊俱藏少安書卷偏能熟
漫插瓶花已覺香桑火旋分蒸秫竈松風時和煮茶湯
閒中有事能談妙不問維摩借道場

薛平山諸君見訪分韻得扶字

荒徑經春滿綠蕪喜聞佳客載行厨流鶯度曲時相喚
泛蟻盈樽不用沽行樂中年憐謝傅坐曹休日笑張扶
竹林謾詫風流事未學山王指舊壚

寄賀盧疎齋拜集賢

欽定四庫全書

元詩選三集

四三

洛下秋來傳近作日邊使至報除書乍歸北闕多新貴
重直西垣識舊廬陶謝風流連白社應劉文字盛黃初
深知有意沈冥者自是無心賦子虛

次廣教寺堅師韻

矮牕宜曉取朝陽高檻凭虛接莽蒼咒水鉢中蓮是幻
坐禪牀畔竹偏長不須沽酒供彭澤耐可吟詩伴石霜
想見六時天樂下散花吹滿衲衣裳

送梅叔章入燕

少年心力辦驅馳名德家聲世所知到闕可無梅福疏
贈人唯有宛陵詩行當塞鴈初來日歸約河魚欲上時
堂北春衫稱壽罷一杯春酒柏山祠

送傅擴齋廉訪秩滿歸長安

南國皇華使東維列宿光選掄應近侍敬歷且殊方地
鎮江陵重天連蜀道長班荆非客宦負弩盛朝章問俗
魚鳧國傳杯杞梓堂舞看渝水曲歌倩竹枝娘叔子心
期遠文翁政術良巡巡持漢節處處即桐鄉瑤歷更新

號宗臺整舊網五驄鳴宛水軒鶴憩陵陽落筆霜威重
隨車雨氣涼澤中集鴻雁道上屏豺狼舉錯消羣枉封
培惜衆芳春回魯宮藻詩咏召公棠有客栖南郭無人
薦蜀莊分庭寬禮數退食問行藏古道今安有深心矢
不忘方欣為李御旋報促曹裝送客聽雞唱征帆拂鴈
行楚江楓葉赤陶宅菊花黃未識長安第還分漢署香
他年懷舊德悵望繡衣裳

宛溪濟川橋成

二水玄暉郡雙橋太白詩江山遺跡在惠政大賢知累
石砌湍瀨飛梁跨渚涯仙宮鼇鼎巖星漢鵲參差不碍
乘槎客翻思踏浪兒人從祗席過功類鬼神為利澤通
千里歡呼共一辭吟詩欲題柱記取落成時

題盛叔章畫

草堂只在南湖上山色水光相與清漚鳥不來魚不起
落花風颺讀書聲

王虎臣詩附

虎臣字子山璋子官於潛教諭

蠶婦歎

貧農值年凶終歲常苦饑貧女蠶不收終年廢機絲無
食夫婿事無衣妾心悲終朝掇柔桑日暮心力罷居然
不成繭何以慰我思君不見金谷園中歌舞妾金縷衣
裳自盈篋一朝禍起墮高樓翠袖紅衿如電滅嗟嗟蠶
婦莫憂寒孟光身上無衣完

縲絲行

欽定四庫全書
元詩選三集
卷二
四十六
輸班輪機旋若風吳姬拮据無好容神蠶遭烹不自悔
以死利世功無窮當空一縷如抽雪宛轉縈紆無斷絕
誰知中有長恨端心事從今為君說車聲愈急絲愈永
比妾愁腸猶易盡去年絲成盡入官敝衣不足常苦寒
今年蠶苗猶在紙已向豪家借倉米探湯拾緒手欲爛
辛苦無人慰憔悴生平自知妾命薄詎忍將愁訴夫婿
吳綾蜀錦多光輝明朝已上他人機

贈汪鶴舟

吾聞列山之儒騎鶴飛明月為佩霓為衣又聞化鶴丁
令威七十甲子今始歸先生扁舟載蜚鶴五湖七澤將
安之江湖舊遊波渺渺牀頭金盡故人少猶能為客典
春衣酒邊豪氣天地小名賢歌頌題滿軸披圖亦自不
碌碌黃金白壁分與人惟有便便五經腹竭來訪我坐
瓊冷岸憤扶筇微醅酌開樽促席意氣傾剪燭商詩寒
夜永星星斑鬢今如此清談自是青雲士試問烟波載
皜衣何如一舸攜西子

欽定四庫全書
元詩選三集
卷二
四十七
阮受益所藏古硯篆文有羽陽千歲蓋秦穆公
宮瓦也

洛波沈鼎周姬哀秦嬴義勇歌無衣戎車虎帥雄西郵
羽陽宮殿雲雀兔孟明骨化蹇叔死三良殉穆秦民悲
西風一夜飄宮瓦鴛鴦飛墜秦樓下千年鳥跡今愈分
故園遺蹤恨難寫何人磨作古陶泓遂使名聲齊玉笋
君不見懸黎結綠人不識則足君門下和泣古來義士
苦不遭埋骨泥沙同瓦礫

欽定四庫全書會要卷二萬四百五十七 集部

元詩選三集卷三 長洲 顧嗣立 編

盧摯疎齋集

摯字處道一字莘老號疎齋涿郡人至元五年進士博洽有文思累遷少中大夫河南路總管真人吳全節代祀嶽瀆過洛陽嘉其治行力薦之大德初授集賢學士大中大夫出持憲湖南遷江東道廉訪使復入為翰林學士遷承旨卒所著曰疎齋

欽定四庫全書

元詩選三集

一

集元初中州文獻東人往往稱李閻徐推能文辭有風致者曰姚盧蓋謂李謙受益閻復子靖徐琰子方姚燧端父及疎齋也而推詩專家必以劉因靜修與疎齋為首錢唐張雨謂疎齋集校官本讀之一過生風凜然趙郡蘇天爵曰國家平定中原士踵金宋餘習率皆龐豪哀恭涿郡盧公始以清新飄逸為之倡延祐以來則有蜀郡虞公浚儀馬公以雅正之音鳴於時士皆轉相效慕而文章之

欽定四庫全書

元詩選三集

四十八

元詩選三集卷二

習今獨為盛馬臨川吳澄曰涿郡盧學士所作古詩類晉清言古文出入盤詰中字字土盆瓦缶而脩有三代虎雉瑚璉之器見者莫不改視踈齋嘗著文章宗旨云大凡作詩須用三百篇與離騷言不闕於世教義不存於此興詩亦徒作又云清廟茅屋謂之古朱門大厦謂之華屋可謂之古不可太羹玄酒謂之古八珍謂之美味可謂之古不可知此可與言古文之妙極與臨川之論相合亦即

踈齋自言其得力歟

春晚歛郡高齋

憑高得華構燕坐臨此川偶來稅塵鞅得與靜者遊
 毗俗仍楚越城居帶林丘川明雲物閒風喧鳥聲幽羣峰
 舉自獻春溪亦爭流餘花殿芳序春苗綠平疇臨觴詎
 能飲對時思悠悠將指訪凋瘵摩撫庶有瘳曠職固所
 虞永日聊淹留

宣城南郊何氏遊集

懷痾苦無惊撫節驚歲暮淹留屬休告寧復嬰物務幽
 人偶相賞蕭散隨所遇寒郊聯騎出崇岡時延駐山家
 如可即雞犬隔烟霧舉鞭問樵丁始識林下路亭榭炊
 軒敞品壑鬱盤互主人能愛客何必論雅素濁醪散襟
 顏池鮮足供具雖非窮勝踐政自得野趣日夕歸影亂
 嵐霏襲衣裾鳴鶻慎毋前悠然望江樹

用韻答李肅政承之

隩室驚歲暮半菽供朝餐忽聞農夫言東田出遊觀兀
 兀遵微行隕箠探茅菅霜風亦云厲松柏那可干勝寄
 動睽閨幽素勞音翰如何烟霞姿乃在原隰間叢詞構
 前驅一笑開襟顏豈不懷簡書悠然有餘閒衡門可棲
 遲濡轡聊盤桓明晨下巖亭相望邈河關

郡齋書事兼答汧梁夾谷左丞

十年皇華使咨度愧清表承命甫為郡慮無理人術簡
 書劇沈迷將迎靡虛日星言入公府短髮不遑櫛首夏
 氣清淑鳥鳴庭樹密踈箔懸永晝南風泛瑤瑟退食方

息偃卒史已盈室孤臣偶紆組立不懷曠伏賴有同心

人魁然位丞弼昭昭麟鳳瑞渾渾金玉質華緘猥稱題

高誼寡儔匹矢心報知己言語詎能畢河流行洪源蒿

高屹青出期公山水間千秋恒若一

送程中丞介甫赴雲南行臺

蕭蕭征馬鳴冽冽驚飈吹聞君遠行邁執法西南夷六

詔漢始通有唐亦羈縻今雖郡縣置綏懷不在茲物一作

俗一作產富金具一作吏習為磷緇垢衣可無澣直繩詎一作

欽定四庫全書

元詩選三集

四

誰易持肅躬行所素舉網植其維寒霜固非厲春陽竟

何私一本作嚴霜自淅坐令蠻風革仰報國士知泛泛

江海客區區簡書期恨恨久別離去去長相思

行農洛西題王居仁山堂春曉

幽人持所見曠然捐世故立薄軒冕榮正有林壑趣興

居惟自適早晏常暇豫草芳澤氣春鳥鳴嵐光曙巖花

抗韶容溪雲澹吾慮圖史救宿好朋遊非外慕招邀具

雞黍笑言在農務我來忝符竹行田課耕助撫卷懷清

風長吟山郭莫

寄博士蕭徵君維斗

秦中幽勝地乃在終南山盤石負磊磊清泉散潺潺品

似古君子疊疊泉石間圖史紛座隅衡門畫長關種菊

飡落英襲芳佩秋蘭道腴德充符怡然有餘歡鳴鶴時

一來似愛孤雲間孤雲不能飛鳴鶴遠空還濺濺桃李

艷鬱鬱松柏寒羲和駛春暉歲晏霜露繁感物有深微

懷哉邈難攀

欽定四庫全書

元詩選三集

五

載酒訪王敬仲昆季登樓賦詩得見字

城南有幽人旬浹不獲見駕言寫我憂况懷青雲彥寒

潭照林廬高樓俯郊甸偶持一觴酒相與言笑宴農畝

方委積庭柯謝紛綯空山歲年晚聊以觀物變此日足

可惜攜手盡餘睭

席上答周饒州

美人如修竹日暮何娟娟美人如野鶴所貴非乘軒遠

遊豈不佳緇衣為誰賢相別亦云久相看已蒼然襟韻

尚豪爽尊俎重留連追憶平生歡見贈長者言鏗鉤咸
池奏澹渺渤澥淵我無英瓊瑤持以贈君筵為君賦淇
隩為君歌芝田

寄徵士韓從善

風雅詔屈宋篆隸開鍾王義精太史筆百世宗潮陽子
生獨後時志欲襲衆芳不踐道德圃遊藝徒皇皇長嗟
竟焉如嚴駕臨康莊朝馳秦漢郊暮稅鄒魯鄉西州有
佳人鼓琴諧咸章鏘鳴瓊瑤佩綯紫夫容裳攬衣願從
之遠在天一方習尚或庶幾高節何可望

欽定四庫全書

元詩選三集

六

嘉平十日訪文伯純遂偕施克剛胡明初遊眺

鰲峯道院飲韋鍊師方丈王敬叔繼至分韻賦

得山字

蹇余抱私戚無以浣苦顏解組訪詩客息駕依松關羽
流所栖處稍出闌闌間丈室俯寒英芳氣雲牕間烟岫
列遠郊石瀨鳴清灣覽物得深趣觴酌聊循環麻姑逝
已久琴高杳難攀招搖世氛遠鬢髯仙遊還即此悟沖

素何必躋蓬山

石鏡精舍

時暇陟林阜聊訪塵外迹禪巖瑩靈輝于茲鑑空寂看
筍出深樾聽泉憩危石勝踐已云屢誰能憚行役

湖南憲幕牡丹

仙人何許來絳衣翠為裾朝霞映樓居瑞日臨綺疏韶
容託植物神奇昇豐腴宜無瓊華枝亦有珊瑚株國風
芍藥贈騷客芙蓉襦愧爾顏色好愧爾芳菲殊誰云風
霜地亦復雨露濡猗猗綠竹抽綯綯羣芳餘公餘文墨
暇嘉賓此虛邪時清景逾勝不樂將何如

欽定四庫全書

元詩選三集

七

送李廉使西歸洛陽

靡靡歲年晚肅肅霜露霏君子不遑處四牡來駢駢月
出方皎皎我心恒依依今夕復何夕山中依一作容輝
惠然有深契使我心悅夷北風日已一作涼行役乃無
期言邁未可留淒然送將歸永懷金玉音時得慰渴饑

贈陝西李廉使古意二首

威鳳覽德輝來自丹穴山孤鶴慕文采飛從浙江干鳳
飲必醴泉啄食惟琅玕簫韶奏虞庭鳳儀五雲間朝陽
忽西馳梧竹隨凋殘孤鶴黯秋影鴈鴛相與還長鳴九
臯恨月落天風寒

娟娟秦闕月偏照崧山雲山雲自無心而能遠緇塵崧
雲初未聞下有幽栖人曠曠風雨交悠悠去來頻時時
宿簷端姿態如相親悲鳴動遙夜天衢屏遊氛秦闕謾
修阻月輝皓無垠願言奮西飛奈此由東隣

欽定四庫全書

元詩選三集

八

岳麓書院舍采禮成 并引

二月初吉采祀竣事詩示僚友掾曹及文學諸生
誰謂衡山高景行思齊而誰謂衡麓近大路莫致之衡
高麓云邈洙泗不在茲遠臣禮樂光吉月春陽時原隰
遂咨度于彼湘之湄薄言采芹藻多士樂且儀酌彼百
泉水總我駟牡馳我將布惠澤我將迪民彝我將歌白
駒爰求碩人遺爰求碩人遺空谷夫何為南山有楸楠
北山有桐椅誰謂衡山高衡麓乃所基

戲贈李廉訪參道 并引

承乏肅政玄悟真筌發軔有初輒依韻奉和

吾生天地間形役何時休六鑿不自閒七情舉相仇歲
星如驚飈鬚毛忽已秋世路廓悠悠渠能遠行遊谷神
所依於宛在水中洲羲和既弭節望舒亦停軻終貞實
乾德坤靈秘奇謀虛白存夜氣接構焉得留去來誰與
期駕言仍丹丘

題高登封所藏史丞相手帖

欽定四庫全書

元詩選三集

九

登封大夫漢師儒潁水洗出高山須袖攜尺素照秋碧
何年滄海遺神珠三台光氣五雲朶崧君潮來亦軒渠
龍虎變化風雨散竹花不實悲鷓鴣故都喬木今何如
劔履上天不可呼長歌緇衣渺愁余

題李伯時九歌圖

蒼龍駟車載初陽綠天浮春開八荒連蜷飛霧儼冠劔
四三神君翼東皇桂醑盎烈一作蘭餉芳楹筵巫覡紛
披猖瑤琴袵衣杳何許兩妃倚竹臨空江野煙翠翠九

疑遠暮雨灑恨湘波涼水夷閣投明月璣山鬼夜嘯猿
猱悲長歌撫節懷楚纍遺音疎越知者稀築室賴有佳
人期紫壇荷屋薜荔惟汀洲聊堪寧杜若怨公子兮悵
忘歸惋毫怪墨含古色虎頭癡絕公麟癡續騷未成今
見畫忽欲輕舉起無為朝來目送秋雲飛

題見山樓詩卷

營州少年獵城下樓居主人何為者愛觀陳迹賦如龍
不與鮮卑鬪馳馬從教遼東無管寧滄波政須濯吾纓

欽定四庫全書

元詩選三集
卷三

十

樓頭無時對山色筆端有喙能秋聲朝來見畫思遠策
慙負團茅舊泉石少姨寄我瑤華音蓬萊水淺嵩雲深

題淵明歸去來圖

留侯晚節從一作游赤松武侯早歲稱卧龍仇一作亡秦復

一作扶漢身始終一作隆淵明初非避俗翁兩侯大節將

無同陽秋甲子法王正持筆宛有長沙雄一作書晉甲子辭

鋒時露易地灞上祁山功一本無王弘何恨一作幸奉吾

足督郵能芥平生胸歸來種豆南山中斜川只許桃源

通一本無門前五柳春濛濛落絮不與江波東環堵蕭

然吾未窮北牕儘有羲皇風畫圖不盡千古意詩成一
笑浮雲空

題子陵釣臺

雲山蒼蒼兮煙木稠石瀨潺潺兮江水流故人兮冕旒

先生兮羊裘使人皆先生兮誰其伊周使人不先生兮

誰其巢由一有仕止久速兮舍聖人將安一作求清風

一絲兮豈為名鉤蕉黃荔丹兮香火千秋岸下幾篙兮

欽定四庫全書

元詩選三集
卷三

十一

榮辱之舟先生一笑兮白雲收

玩鞭亭

缺壺歌斷江聲秋鯨吐漢水皆倒流新亭未絕楚纍泣

琅琊何至桐宮囚金烏一飛半天赤夢裏妖妖失堅壁

愁雲不暇護儲胥掣雷騰空去無跡神鞭墜玉驚人間

王良解鞚龍媒閒烟蕪慘淡碧波遠跛曳羣偷未敢還

平生作計信良苦纔辦枯骸臭資芥犢車塵尾笑絕纓

亦有清風滿千古乘時剝敘何足云溫郎高義殊可人

坐觀萬乘此輕舉結舌乃畏黃鬚瞋漢家鼓車千里足
秦庭主父徒自辱垂堂致戒昧前聞司馬家兒那免俗
并州越石定不羣向來莽卓烏有墳無人說與桓將軍
青山白紵君應聞

旌德縣李氏別業

山靈滿意欲留客玉作鳴泉松作石半空亭榭為余開
一日雲煙盡相識南風挾秋吹畫欄六月小山生暮寒
野夫平生解高卧問君試借青琅玕

欽定四庫全書

元詩選三集
卷三

十三

婺源縣齋書事

竹樹映清曉坐聞山鳥鳴瓶花香病骨簷雨挾詩聲客
亦非餘子春無負此生明朝余問俗吟罷却須晴

書梓山寺經堂

問俗來山郭一作谷攜春到隔谿花香破禪寂林樾受鷲
啼欲和觀音偈聊乘醉墨題閒雲若留客不肯為余西

青華觀西軒

琳宇夏天曉官曹今日閒深松欲無路疎竹不遮山靜

對黃冠語時看白雲還平生林壑趣聊復此牕間

少林寺贈達禪師

是日得至而壁
卷觀達摩石影

古利東風裏逢僧一解顏收經出深竹披衲下空山未
要天花墮聊看石影閒何妨病居士明日到田間

茅山作

并序

戊子歲除復如茅山已丑春正月朔舉祝釐之典
曉登天市壇遂借崇禧主人過積金中峯留飲松
溪方丈復歸遠師玉氣凝潤之室

欽定四庫全書

元詩選三集
卷三

十三

海風吹曉上三山手把韶華滿意看偶向仙家逢歲朔
不知人世有春寒梅邊杖屨香隨步雲際樓臺玉作闌
萬古椒花一杯酒醉來騎鶴問還丹

采薇圖

服藥求長年孰與孤竹子一食西山薇萬古猶不死

遊茅山五首

并序

聞句曲山舊矣迺至元戊子春絲宣部行郡溧陽
省俗其墟距山麓一舍而近凡隆阜勝川曰洞天

福地登諸祀秩者部使者至焉禮也予於是有三
茅之行至所謂崇禧觀崇禧主人鄒姓以心遠自
命賓余精舍規構若相第燕室邃潔藻絢過之亭
翼然水樹竹石間為此山麗瑋勝絕吾二人徜徉
相與不覺日之夕也遠師衣冠襃然清逸有奇趣
又多藝能托意繪素以幾物化出所畫鶴工緻詣
極雖古之善史略無見踰而神韻超拔則又得諸
方外者如此因舉觴為疎翁壽羽流之宇於上峯
者曰元符萬寧宮亦曰宗壇宗壇師許君翼日肅
余為神明之觀揮杯倚空引睇無極恨昔之隱居
者不獲仍丹丘以從余遊也下探華陽洞穴玉膏
泓渟石髮紛紺涓流赴壑浮花與俱過喜客泉泉
方井如澈鑑如承以石砥如廣袤丈許深及尋之
半繚以四廡固以扁鐫門闔維謹壘齊豆蕭于以
揭虔以祗其泉客至客也泉則喜沸沫溢湛若躍
蚌胎而貫龍顛者殆不可稱數謂之泉笑否則否

異哉余何以見笑歸復憩遠師所留山間者既信
宿矣主人睠客殊未艾也予誦樂不可極為解賦
詩為別序以貽之

馬上微風散薄陰玉笙吹客過華林山中宰相杳何許
日暮碧峯雞犬音

澗邊瑤草洞中花細水流春帶碧沙昨夜山中一作酒
初熟道人不暇讀南華

竹杪飛亭枕石泉松壇香霧散一作茶烟鳥聲記得夜

來雨鹿夢驚回別有天

遼天有客訪顛龍好事山人畫者儂笑卷雲烟收拾去
長教函丈在上峰

山君滿意為山留故遣清泉笑不休萬斛珠璣三尺玉
要隨詩句過宣州

題鄒尊師松鶴圖

翫粉昂丹筆有神道人無夢到雞羣何時醉拊蒼顛客
喚起茅山萬里雲

歲旦後四日留別宗壇師松溪許君鄒君心遠

五首

霜袍行客再來時不獨青山慰所思
咽路黃冠定奇士半能歌我步虛詞

碧溪風日隔人間催出梅花鏡裏看
莫為輶車太幽獨

剎分香玉照春寒

山頭羽客曉相攜踏破蒼雲北斗梯
偶向茅君岩畔宿

卻隨猿鶴過松溪

欽定四庫全書

元詩選三集
卷三

十六

神裏丹砂腳底雲堯天甲子漢時春
只今句曲遊仙夢

無復商顏避世人

揖雲聊與許君辭月下歸來訪遠師
半夜竹聲暝客去

又教勞動歲寒枝

題太白墓

大雅清風久不聞一盃聊為洗荒墳
朱絃三歎無今古說與江東日暮雲

送趙左丞之湖廣省二首

十年關隴得春偏戶有城南尺五天
昨夜台躔照吳楚

夢中黃鶴亦欣然

江空歲晚不堪愁鸚鵡洲寒鬢欲秋
留著梅花莫開盡為公吹玉過南州

壁魯洞二絕

南山採藥北山基把斷閭風天不知
試問龕中二三子爛柯人是向來誰

萬古仙巖兩羽衣一瓢秋水送將歸
欲知後夜相思夢

欽定四庫全書

元詩選三集
卷三

十七

月滿空山鶴與飛

寶陀寺

老子扁舟日暮回眼花不甚見如來
憑誰揭取羅浮月掛向胥江玉鏡臺

梅都官宅

一上高齋憶謝公雲間江柳有無中
詩家政有都官宅腸斷荒山落葉風

贈畫梅孫道士

夜夢孤山放鶴翁道人忙打五更鐘覺來摸索闕月
笑指枯藤問曉風

題葉孝子丹泉廬墓詩卷二首

偶營玄宅近丹泉豈是談空為稚川地下衣衾能不朽
鼎中龍虎若為仙

晝衽纒麤夕卧苦曉霜不似禮經嚴奪哀朝士歸來晚
華滿蘭堂月滿簾

集句錢張知事子中并序

欽定四庫全書

元詩選三集

十八

子中吾友秩滿總幕受代屬爾訪余山中禮意良
厚至今耿耿不能弭忘聞還衛有日逋客廬摯偶
讀陶詩至一朝辭吏歸從我潁水濱有會於心遂
集比成章遠寄祖席兼叙高義永以為好也

和澤周三春桃李羅堂前勁風無榮木於我若浮煙與
子相遇來傾蓋定前言歲月好已積玉石乃非堅一朝
辭吏歸悠然見南山從我潁水濱虛室有餘閒故人賞
我趣賴古多此賢吾駕不可迴悵悵獨策還靡靡秋已


夕亭亭月將圓青松冠巖列白雲宿簷端此中有真意
弱毫多所宣登高錢將歸路遐無由緣良才不隱世來
會在何年

欽定四庫全書

元詩選三集

十九

元詩選三集卷三



總校官候補中書臣吳紹潔

校對官編修臣曹城

謄錄舉人臣王高齡

欽定四庫全書薈要

集部

元詩選三集卷四

詳校官編修臣王天祿



欽定四庫全書薈要卷二萬四百五十八集部

元詩選三集卷四

長洲 顧嗣立 編

勝斌玉霄集

斌一名賓字玉霄黃岡人或云睢陽人風流篤厚見者心醉往往狂嬉狎酒韻致可人其談笑筆墨為人傳誦寶愛不替其謝徐承旨啟有云賈誼方肆於文才諸老或忌其少阮生稍寬於禮法衆人已謂之狂至大間任翰林學士出為江西儒學提舉後棄家入天台為道士一日訪白雲平章於西山不值戲題壁間有後夜月明騎鶴來之句白雲詭為呂岳詩一時傾動厚賂玉霄使勿泄白雲平章察罕也

感遇九首

宇宙忽空闊飲馬萬里流平生負兩眼及此行寓州天清健鶻運木脫饑鷹投長風吹海雨濯我紫綺裘相逢半遊俠把酒顛如虬慷慨說史記歷歷山川秋向來衣

欽定四庫全書

元詩選三集

帶水目短何

一作斷河無舟

吾愛東方朔高揖金馬門向非玩六合安肯來崑崙昂
昂九尺身談辯黃河翻誰知上書意蛾眉非自婚不見
馬相如俛首狗監恩人生非桃李何故不自言

吾愛李太白玩世如遊龍自知天上謫何必人間容海
風吹綠髮蕭蕭卧雲松我昔夢見之遺以金芙蓉清輝
恍在眼日落蛾眉峯

西風桂花落我上天台山仙子扶我手冷然蒼水環乘
欽定四庫全書

元詩選三集
卷四

二

鷹者誰子飛烟渺難攀三坐此遊戲弄影銀河灣空山
忽風瀑四顧鳴潺湲長揖馬子微此豈非人間

春風如

一作吹綠浪

一作淡蕩

洛陽柳高樓語錦瑟落花

泛綠酒何人白鼻駟蒙茸紫貂袖一字或未識銀菟懸
兩肘煌煌貝宮珠迺落緯蕭手爰居偶鐘鼓犧牛竟文
繡終然同一盡豈復論好醜誰知草玄者窮巷閉白首
步出湧金門所見土花碧徘徊衣上月感此美人夕美
人胡不歸月落江水白寒潮已復去海馬曉無跡萬弩

射鯨魚駭浪接天赤空聞魯仲連孤感橫八極哀哀精
衛石填海竟何益

贈客黃金羈勸客白玉卮昔我亦為客得此慨不辭小
草戲其出檳榔笑其譏相識何所無所樂心相知平生
數公子腰下珊瑚枝冥冥或相隔寤寐恍見之無絲繡
平原無金鑄鍾期秋風山陽笛淚落不自持

贈我火浣布報君吉光裘一意結意氣呼酒黃鶴樓神
交豈待語與子為天遊攜手閩風觀濯髮扶桑洲下視

欽定四庫全書

元詩選三集
卷四

三

俠少年笑嬉藏怨尤世無羊左烈風雪且自謀東井不
可酌天駟豈服輶

船頭書十乘船尾酒百壺酒盡書在眼落月如明珠忽
悟八陣法縱橫如河圖惜哉經世士未有窺唐虞季子
相六國所見惟陰符

題東坡書楚頌卷

歐公家潁川坡老田陽羨是皆非吾土而乃此留戀種
橘知何時何時歸去兮歸而謀之婦惜無李衡妻

贈弓秋蟾

瓊花十里小樓紅醉吞牛斗眠長虹十年四海分萍蓬
一笑邂逅滕王洪牀頭回首黃金空但覺耿耿盤心胸
問蟾何不歸蟾宮自有老月留身中誰受一粒金丹紅
學得紙上畫墨龍白晝呼吸風雲從頃刻霧暗天濛濛
妙處巧奪造化工不復知有陳所翁君不見金陵壁上
不點瞳點瞳霹靂驚江東我欲煩君具毫楮畫一小龍
回顧母普令天下生孝心不向江湖長驗雨

欽定四庫全書

元詩選三集
卷四

題詞

合星移次福江西萬馬攢蹄夜不嘶鼓角聲隨山月上
旌旗影拂海雲低心唯一正千官肅事不多言萬物齊
帶得天邊新雨露曉看春意滿鋤犁

元日對雨

凍雲卷雨宿巖阿又見東風長薜蘿宇宙千年光霽少
關河百戰亂離多鐵心不入利名冷綠鬢堪供歲月梭
試筆尋詩詩未穩梅花樹下少婆婆

湖西小樓

不如載酒此凭闌水色山光蔚可餐紫翠挾春排坐濕
玻璃湧月入牕寒蒼茫白鳥鳴幽嶼掩染飛花漾碧湍
但令風光入吟嘯畫船綺袖不須看

所見

何時結屋亦雲根隔水人家可輞川萬仞雲山凝曉碧
一弓風日弄秋妍虛名豈用傳身後俠氣猶能累眼看
料理寒香微雨外已拚蕭散待流年

欽定四庫全書

元詩選三集
卷四

吟到

吟到西風黃葉枯新愁幾點落寒爐乾坤萬象俱吾有
烟雨一闌何處無流水悠悠吾道在浮雲擾擾世情疎
午窗喚醒華胥夢古木巖頭聞鷓鴣

哭東園

人間八十歲吟翁一轉頭來夢幻空化鶴何心歸世外
騎鯨無信到江東香名合列仙班上老氣猶橫詩卷中
如此英靈元不死梅梢月落響松風

呈孫郎中 時芒丞
相薨

獨立梅花恨最多
江西夜雨漲恩波
仙翁已矣客猶在
天意不然人奈何
撫劍有時撐老眼
銜杯無路發悲歌
先生閉戶何為者
我亦從今理釣蓑

靈泉神舉自有詩
十八章留人間
今止存五遂

續之錄八

石冷龍蟠風高鶴瘦
一片白雲勿落襟袞

月珮霞裾霧襦雲幄
白鶴一聲秋風老壑

欽定四庫全書

元詩選三集

六

本無塵埃何事乎浴
千仞飛泉所濯吾足

山有浴泉

誰言桃實可以療饑
何為武陵迷不自知

山有桃峯世傳仙所食

萬山雪瀑一葉蓮舟
世人指似秦華峰頭

山頂有仙蓮風飄花片時

下

如劍斯泉如甕斯石
夜橫紫簫吹散寒碧

瑤草低雲蒼松灑雪
何人舉酒酹我明月

天低絳闕月滿瑤臺
玉鸞何許盡歸去來

題金精山

天風吹送玉鸞回
洞口桃花幾度開
何物癡兒不知量
敢將俗念浣仙臺

題龕巖十詠

讀書巖

巉巖石室漱江東
昔隱唐官越國公
勝跡不磨遺像在
書聲時落半天風

試劍石

來訪書巖有異蹤
鑿鉏剖石試雙鋒
石懸形帶青蛇色

欽定四庫全書

元詩選三集

七

怪欲乘風化作龍

靈湖

岳竇中開一甕天
蛟龍潛蓄此成淵
盤旋石壁水晶殿
神物朝朝作雨烟

石筍峯

石森如筍峙岳前
天地栽培幾百年
也合成竿長枝葉
清陰喬鬱庇山川

石舫

仙境清虛別有天
崑中一石似橫船
向來恐有問津者
亡卻漁舟在此懸

筆架山

俯揖前山如筆架
筆尖高插五雲生
我來欲蘸滄溟水
仰手摩天寫太平

鏢泉

層崖峭壁接天高
一線龍泉玉索絢
今古風刀裁不斷
月鉤懸可釣金鰲

欽定四庫全書

元詩選三集

八

銅鑲鯉

當年曾把銅鑲券
串卻金魚掛壁間
一夜風雷作霖雨
化龍飛去不知還

瀑布泉

飛泉瀑布自高崑
玉撒珠跳綠綺彈
淨洗令公朝市耳
銀河長瀉九天寒

僧寺

僧開寺接東龕近
人讀書和梵語聞
時見樓臺烟霧鎖

數聲鐘鼓報朝暝

訪隱

一作紫芝道院

西風短褐飛

一作吹

黃埃何不從

一作隨

我遊蓬萊狂歌醉

舞下山去後
夜月明騎鶴來

夜雨

未到黃昏緊閉門
怒雷挾雨過前村
老夫熟睡渾不覺
風捲濤聲入夢魂

半生

欽定四庫全書

元詩選三集

九

半生獨受春風殘
萬感相隨秋夜長
隱几無眠聽落葉
松梢搖雨澗山房

僧舍

一枕松風入夢清
空庭夜雨暗禪燈
山中酷愛僧居好
得似山中不著僧

謫會昌二首

莫謂文章不直錢
布衣親到玉皇前
好詩未足三千首
又為梅花入瘴烟

錦衣來作夜郎客
紈扇忽逢春夢婆
太平宰相知我者
誰使醉後狂言多

舟中

拍拍有懷天可語
落落不過吾何歸
蘆山蒼蒼江水急
明日鶴背西風飛

吟人

吟人瘦倚曲闌干
酒醒香銷午夢殘
燕子不來春社去
一簾疎雨杏花寒

欽定四庫全書

元詩選三集
卷四

十

廣賢曾堂賓出示先世手墨敬題廿八字

西風吹老鬢
根霜幾度青山送
夕陽回首淵明今已矣
黃花猶帶晉時香

馮子振海粟集

子振字海粟攸州人博洽經史嘗著居庸賦首尾
幾五千言閎衍鉅麗自號怪怪道人仕為承事郎
集賢待制海粟於書無所不記當其為文也酒酣
耳熱命侍史二三人潤筆以俟海粟據案疾書隨
紙數多寡頃刻輒盡事料醲郁美如簇錦與天台
陳孚剛中友善剛中極敬畏之自以為不可及金
華宋景濂曰海粟馮公以博學英詞名於時當其
酒酣氣豪橫厲奮發一揮萬餘言少亦不下數千
真一世之雄哉惜全藁失傳僅於書畫卷中搜得
如干首又嘗與中峯禪師唱和有梅花百咏并附
於後云

題鈕處士隱居

太湖光爛銀日上
眩朝彩幽人住
此中浩蕩增嘉鬼
亦有千林橘柯葉
霜不改仙翁留丹竈
五色精瑤璣我欲
從之遊芝田為君采

欽定四庫全書

元詩選三集
卷四

十一

遊報恩寺請東坡石刻

老石經劫壞神物在處留元豐蘇長公有倡當須酬莫
作分別想滄海粟影浮人生宇宙間何許更九州文字
千古映醉墨楷法道願香五百年華屋真山丘且從薊
子訓銅狄三千秋

奉皇姊大長公主命題王孤雲漬墨角抵圖

年來鬼美人狡獪出幻戲崖公亦兒嬉隊伍連鼓吹獸
忽魑魅頽顛倒垂舞袂擎梯旋注盃駭汗增妙意跳躑

欽定四庫全書

元詩選三集

十二

向虛空渾如履平地生蛇縛樊籠鱗鬣尚黏綴獵圍麇
虎驅賈勇雷電沸戈旗誇戰鬪擗卒彌膽氣最後大將
麾胡林專尊貴代間鐵門限失笑詎玩世固兩曾問景
莊周語言繼幽冥一理耳分別自愚智百齡千萬齡伸
詘肘不易懸知碧桃花長戀老仙轡五窮莫移檄文字
安敢崇

贈鐵脚劉道人

道人鐵脚更鐵冠山人鐵面仍鐵肝道人山人兩相值

面色脚色俱蒼寒道人鋒稜厓骨削山人劔氣星斗干

山空人去夜猿別一葦北渡黃河乾盧溝月濕波蕩潏
太行雲晶峯巒坑古來豪傑數燕代長轂駸裏榴花鞍
呼鷹射鴈逐雞狗脫手拓彈排金丸壁門雙闕照燕碣
虎豹蹲踞蛟龍盤布衣一語動萬乘不識宰相為何官
雲飛風起對紫檀血指漉漉表如丹尚方百奉諂骨裂
山人九死聖度寬萬里放還直墮甑回視歲月驚流湍
南山清渭一夢覺但見落葉吹長安道人植札未棄置

欽定四庫全書

元詩選三集

十三

欲刻朽骨為榮觀野麋豈是麟閣具滄海自分終魚竿
窮林尺鷃無處著豈意思想南溟搏人間新貴奪紈綺
曲眉婉孌浮山壑為渠向作白玉盤眼耳鼻舌渾熟瞞
劉郎他日高眼看歸來取缺歌馮驩

奉皇姊大長公主命題辰子度游春圖卷

春漪吹鱗動輕瀾桃蹊李徑葩未殘紅橋瘦影迷遠近
緩勒仰面何人看高巖下谷韶景媚瑟瑟芳菲韻纖細
層青峻碧草樹騰照野氍毹攤繡被李唐歲月聊底參

楊隋能事筆不慚東風晴陌茗復穎濃綠正要君停驂

題郭主簿模摩詰本輞川圖卷 并引

海南金元帥出此圖與予三十年前張子有家觀摩
詰真卷無有不似者則忠恕殆神仙者流信名下
之士不虛也

開元宇宙承平日華子罔頭曾宴適至今自貌輞川圖
下有幽人交莫逆辛夷塢外莫汧隔亦復扁舟春蕩潏
竹君冰霰歲寒傲未便申椒能辨屈平生雅志厭朝市

欽定四庫全書

元詩選三集

十四

醒醉悠哉睠泉石是間山水無限趣況乃佳賓得裴迪
規模想像郭忠恕垂四百年留妙迹鶯啼花落香句在
誰信長安歎凝碧後來拊卷意迷茫且復追維三太息

鍾馗圖

老馗兀與二鬼肩一鬼勃窣袋影懸一鬼負劍帽帶旃
一鬼頂顛雙角駢老馗之婦輿踰躡其荷輿者鬼婢虔
猫抱掌握鬼妾妍提其奩具雌袂玄攜枕而從服飾鮮
鼠徽黏綴袴亦然擎擔最緩行李便鬼之嬰孺盛穿聯

囊包索裏琴能仙瓠壺穹掛吁可憐揭竿之魅愁攀綠
最後甕鬼束縛椽尸而行者猶能前肌肉消盡骨骼纏
物怪種種來無邊神禹鑄鼎今幾年罔兩在此猶翩翩
吁嗟吁嗟問老天

奉皇姊大長公主命題王朋梅金明池圖

金明池上張水嬉百權賈勇建鼓旗按欄切雲人俯砌
但覺洶洶鳴春漪東西夾岸瞠萬目黃帽長年看不足
是時恰值宣和金盛時消得輕綃寫晴淥

欽定四庫全書

元詩選三集

十五

題米敷文楚山清曉圖

冥冥濛濛方寸天不知所以然而然無根老槎濕風烟
靄雲懵懂栖蒼玄晴牕開卷作三叫看得米家神氣小
濃蘭塗墨幻東西污我瀟湘山色曉

奉皇姊大長公主命題周曾秋塘圖

芙蓉滿意波湖秋枯荷折葦林塘幽沙鳧野鴨浮清流
霜中鳴鴈寒汀洲黃蘆紅蓼葉尚抽水石懶倦不自由
大年小景方綢繆能事更費千金收瀟湘之南買一丘

併與夢澤長唱詩

題趙承旨白鼻騮圖 并序

松雪趙承旨用生紙畫人馬圖居然生動之態使
龍眠無恙當與並驅也因賦一詩時泰定二年七

月廿二日書於維揚寓室

曲江洗刷墨一作雲滿身雄恣逸態何超羣眼中但覺肉

勝骨幹也合讓曹將軍嗟哉今人畫唐馬藝精亦出曹韓

下玉堂學士重名譽一紙千金不當價山牕擁雪觀畫

欽定四庫全書

元詩選三集

卷四

元詩選三集

十七

圖據鞍便欲擒於菟天厖真龍有時有杜老歌行一作詩篇

絕代無此詩一作察似見趙承旨著馬圖卷一作郭界見了堂弟子林上人天錫遺詩卷

題趙鷗波高士圖 并序

唐人得意表安卧雪圖宋真宗出諸內府以餞相

國丁謂之守昇州其被名也留之賞心亭而去

後有饒太守者竊而易之莫知流落何許尤物足

嗟惜如此松雪作此幅極有思致非能烹陶家凍

茗者安能味之此可與識者道

洛陽雪深凍闌干高士僵卧饑袁安忍貧未腹一榻寒

不忍持鉢鄰里干令君曉鞭望門看賢哉此公此操難

誰能為口須片肝五公四世清節完吳興松雪峻筆端

關練粉白關漫漫儼若古意幅面攤好事把玩應長歎

人間飯飽煩邯鄲功名回首關霏殘何如小忍聊盤桓

門前蒿少青巔岘

題趙仲穆臨李伯時鳳頭驄圖 并序

洪都西山有洪崖移居古刻此吳興趙仲穆作意

欽定四庫全書

元詩選三集

十七

臨摹又別是一格非學神仙者流如恒麓李子希

徵誰當識之海粟賦於李氏恒麓山房

洪崖先生住西山移宅深密逃人寰幅巾烏鞞腰角帶

闊袖袍色濃嵐斑一筇九節相攜慣矮幹家僮蕉扇琴

崎嶇步武轉蹒跚皂服輕祛行計辦一僮肩輿鞵白騾

俊駛難馭馳坡陀後鞦側畔踈足勢奈爾決驟奔傾何

藍衫隻手操鞭逐席帽背擎無世俗一僮未了一僮催

高束文書赤雙足一僮綠袂麻履摘臂挑莊史大瓠壺

先生家具即此是馬用檢校隨身符豫章穹巖鑰幽谷
雨捲雲飛霧如沐神仙狡獪踪跡奇寫到吳興趙氏屋
誰傳畫卷秦淮邊妙意恰得希徵憐海翁一見心繾綣
贈以菊徑歸田篇玉禾自熟犁鋤廢黃犢烏捷有餘地
雪驟水草久馴良却後千年丹發匱

贈彈琴劉世賢

朔齋之孫元祐家異世門閥凌秋霞空山無人琴自語
歷歷往代虛豪華清冰古雪松質峻照眼何限桃李葩
堅持靜操欲矯俗淡泊安得退淫哇朱絲絃上三太息
此事寧久迷塵沙諸君耳濁箏琵琶月明庭戶留棲鴉
高山流水試一聽昭代復見真伯牙

塢燈

擎天一柱礙雲低破暗功同日月齊半夜火龍蟠地軸
八方星象下天梯光搖灑瀕沿珠蚌影落滄溟照水犀
文焰逼人高萬丈倒提鐵筆向空題

鶴骨笛

胎仙脫脰寄飛瓊換羽移宮學鳳鳴噴月未醒千載夢
徹雲猶帶九臯聲管含芝露吹香遠調引松風入髓清
莫向山頭吹暮雪籠中媒老正關情

楊花二首

曾與行人惜翠條而今飛絮滿河橋一分流水萍初碎
百尺春風雪未消微撲妝樓啼半面乍黏舞席折纖腰
沾泥更傍誰家砌簾戶新聲紫燕嬌

婉婉春風與願違悠揚風日暫無輝不隨芳樹千林歇

欽定四庫全書

元詩選三集

十九

還稱遊絲百尺飛夢落吳蠶欺白蠶心隨代馬戀征衣
鳳池蹤跡逡巡到未忍飄零拂釣磯

旌表申孝子門

竹屨輕輿到處安水温半菽盡情歡寸心不暫三暉置
萬頃何如一畝寬高蓋門閭華黼黻斑衣歲月老巾冠
遙憐績漢書申孝千古申屠又有蟠

登金山

雙塔嵯峨聳碧空爛銀堆裏紫金峰江流吳楚三千里

山壓蓬萊第一宮雲外樓臺迷鳥雀水邊鐘鼓振蛟龍
問僧何處風濤險郭璞墳前浪打風

雲林清遠四時詞四首

花分石徑蝶衣裳蜂惱晴檐燕雨香解事野桃吹綺片
誰教賺到鵝仙鄉

脫箨斑筠綠節明霖收梅子麥寒輕諸峯隔截高低樹
忽聽初蟬第二聲

月濕流螢歇懶烟西南峯缺露原田冰簾不倩匡山瀑

欽定四庫全書

元詩選三集
卷四

千

萬丈銀潢瀉玉天

嘉平臘釀渴茶鐺直待龍沙雪水烹舞徹瑤臺千歲翮
鶴丹回施范長生

題黃鶴樓

鶴樓千尺倚晴闌大別山前舞峻鸞昨日英雄無問處
依然江漢湧波瀾

題揚州瓊花

錦帆隱隱到天涯古道殘陽泣暮鴉莫為龍舟更惆悵

廣陵依舊看瓊花

題墨肘魚

平生骨氣占南風玉色鬚鱗海汐通莫與粉紅參石首
天機袞袞水流東

奉皇姊大長公主命題宋道君鸚鵡圖卷

鸚鵡灘頭狎浪隨君王練墨慣娛嬉淒涼晚歲鴛鴦灤
漠鴈沙鴻未必知

奉皇姊大長公主命題郭恕先升龍圖卷二首

建武神仙事渺茫西池王母惜劉郎赤龍一去無消息
兒子東方御榻旁

萬戶千門築漢宮魏城井幹與天通青禽當日銜書降
從此瑤池碧樹紅

奉皇姊大長公主命題錢舜舉碩鼠圖

黠吻工饒恣陸梁粟初黃候未登場君恩一穗填渠腹
可信年年盜太倉

題趙魏國雙馬圖

欽定四庫全書

元詩選三集
卷四

千

一馬形軀百法全生時靈氣取山川英雄正用同生死
那忍無聲立仗前

桑乾河

幾年朔客渡桑乾野水潺潺滴瀝寒回首燕南烟雨外
西風沙雁報平安

縉山道中

榆林東北縉山圍百嶂千峯畫卷揮鞍影搖搖人意懶
秋風及早送將歸

欽定四庫全書

元詩選三集
卷四

三二

金蓮川

金蓮川上富秋光的皜花枝不著房只合潘妃微步
凌波羅襪寄芬芳

梅花百詠 錄三十八

庭梅

闌干六曲護春風白雪生香滿院中夜靜月明么鳳下
半牕疎影隔簾籠

江梅

有客孤山弔鶴歸半肩行李插疎枝街頭兒女不解事
剛道賣花人未迴

杖頭梅

短筇挑酒過西湖折得冰梢傍玉壺日暮醉歸山路險
風流直待倩人扶

隔簾梅

玉堂咫尺有神仙翠箔籠春信不傳日暮相思雲樹杳
一泓秋水月娟娟

欽定四庫全書

元詩選三集
卷四

三三

照鏡梅

粧閣開奩對曉寒菱菱影裏雪團團素鸞舞罷却飛去
留得芳容正面看

未開梅

重重椒萼護輕寒不放春心一點閒可是花房芳信晚
故應緘密待春還

乍開梅

土脉陽和氣候新花房微露一分春想應未識東君面

猶自含羞效淺顰

半開梅

暖入南枝氣未勻
笑含芳意待餘馨
相看絕似瑤臺夜
斜掩重門認不真

全開梅

玉臉盈盈總是春
都將笑色媚東君
道人放鶴歸來晚
月下看花似白雲

山中梅

巖谷深居養素真
歲寒松竹淡相鄰
孤根歷盡冰霜苦
不識人間別有春

水月梅

浮玉溪邊夜未期
暗香疎影靜相宜
一時意味無人識
只有咸平處士知

粉梅

玉妃平碾白硃砂
散作春風六出花
夜半月明霜露重
滿襟清淚濕年華

黃梅

青子初肥色半鮮
綠陰深處壓枝懸
日長幾陣廉纖雨
正是江南四月天

鴛鴦梅

並蒂連枝朵朵雙
偏宜照影傍寒塘
只愁畫角驚吹散
片影分飛最可傷

綠萼梅

蕊珠宮裏小仙娃
暫別椒房抑翠華
底事塵緣猶未斷

謫來人世作名花

西湖梅

蘇老堤邊玉一林
六橋風月是知音
任他桃李爭歡賞
不為繁華易素心

東閣梅

官庭把酒送行人
對雪看花值早春
杜老飄零頭白盡
底須朝夕苦催輪

簷梅

儂家老樹臨書屋清夜看花眼不眠殘雪半消寒月上
暗香和影度疎簷

咀梅

旋摘冰英帶雪餐清歸齒頰不知寒屈平若解知風味
未必專心嗜菊蘭

盆梅

新陶瓦缶勝瑤壺分得春風玉一株最愛寒窻閒讀處

夜深燈影雪糝糊

欽定四庫全書

元詩選三集

卷四

烟梅

瓊林浮翠淡朦朧遙望珠光隱見中一夜東風吹不散
曉看渾似碧紗籠

孤梅

標格清高迥不羣自開自落傍無鄰天寒歲晏冰霜裏

青眼相看有幾人

移梅

新斲孤根手自栽和鉏和雨破蒼苔寒窻歲晚多清事

只欠幽芳帶雪開

疎梅

數箇冰花三五枝東風點綴特稀奇黃昏照影臨清淺
寫出林逋一句詩

矮梅

不放冰梢數丈長怕分春色過鄰牆大材未必難為用
禹殿雲深鎖棟梁

臘梅

洗却鉛華扮道裝檀心淺露紫香囊從今宮額翻新樣
變作眉間一點黃

變作眉間一點黃

竹梅

乘鸞姑射下羅浮鼓瑟湘妃出上遊邂逅江干新話曲
冷香幽翠不曾愁

月梅

黯香浮動正朦朧古樹橫斜淺水中清景滿前吟未就
又移疎影過溪東

欽定四庫全書

元詩選三集

卷四

剪梅

手挽冰枝那忍觸莫教香雪沈蒼苔并刀輕斷梢頭玉
笑引春風上鬢來

浸梅

旋汲溫泉養折枝冰花寒玉淨相宜從今借得恩波力
會見青青結子時

簪梅

對雪看花可自由興來寧復為花羞臨風一笑烏紗側

欽定四庫全書

元詩選三集

卷四

却勝黃花插滿頭

苔梅

姑射仙人翳翠鸞濛濛香霧濕飛翰夜深舞罷霓裳落
留得蔥裾護曉寒

別梅

東風吹夢返湖山玉減香消怨夜寒畢竟明年又相見
早將春信報平安

憶梅

迢迢春信隔江南寂寂芳心負歲寒青鳥不來仙夢杳
月明空自倚闌干

解舍梅

卻月凌風迹已陳那堪詩句尚清新如今不獨揚州種
江北江南總是春

前村梅

野老莊南天氣暖一枝常是占先春夜來雪裏東風急
時有清香暗襲人

欽定四庫全書

元詩選三集

卷四

紙帳梅

溪藤十幅蔽春寒時有清香入夢魂多少羅幃風月好
不知消得幾黃昏

夢梅

何處遊仙睡覺遲羅浮山下赴深期一聲吹徹霜天角
正是參橫斗轉時

李溥光雪菴集

溥光字玄暉大同人自幼為頭陀號雪菴和尚深究宗旨好吟咏善真行草書尤工大字與趙文敏公孟頫名聲相埒一時宮殿城樓扁額皆出兩人之手亦善畫山水學關仝墨竹學文湖州大德二年文宗降旨來南闡揚教事推輪葛嶺後詔畜髮授昭文殿大學士玄悟大師有雪菴長語大字書法行於世雪菴嘗題息齋李衍墨竹云息齋畫竹

欽定四庫全書

元詩選三集

卷四

雖曰規模與可蓋其胸中自有悟處故能振迅天真落筆臻妙簡齋賦墨梅有云意足不求顏色似前身相馬九方臯余於此公墨竹亦云觀此知雪菴之詩曾中亦自有悟處故能落筆超妙乃爾也

題平陽龍神張誠叔別業長歌

始山之東山之隅龍神風物美且都泉清樹茂田膏腴中有太古仙民居云是先人之故廬龜蚌千字存遺墟右岡左林跨修途前潭後阜開畫圖柳塘竹塢當門閭

藥畦花圃相縈紆三間茅屋藏堪輿延賓有齋爨有厨

壁間懸琴賀積書文楸在榻酒在壺棣花春風勸友于紫蘭芝草羅庭除田蠶春碓賈陶漁牛羊驟馬雞豚鳧絲麻委婢耕委奴歲時足以供百需打門未始驚追胥遶屋時聞幽鳥呼主人況乃非世儒王門懶曳鄒枚裾胷中素有廊廟謨冥鴻未可世網拘振衣歸來弗躊躇青鞋布襪竹杖扶南窻寄傲忘居諸一觴一詠日自娛高情澹澹寄太虛出岫野雲同卷舒寬兮綽兮矩不踰

欽定四庫全書

元詩選三集

卷四

大勝城

平生我亦山澤癯所經佳勝神與俱田園至樂獨讓渠知君之樂孰若吾

初出雲中

地接雄燕盛山連絕塞長黃塵今古道白骨戰爭場故壘風塵慘頽城草棘荒金珠買雲朔過客為心傷吟鞭驢背穩如舟乍出罌塵眼界幽宿雨洗開千里瘴

晴雲捲出一天秋
白鷗黃犢渾相識
綠水青山揖舊遊
莫訝旅懷還更好
道人心上本無憂

靈仙山 并序

蔚蘿南山有如窈窕之形者
土人自古以靈仙女
目之
騷人墨客皆有題咏
予效顰云

何年真宰琢空青
姑射仙姿見典刑
大塊飛星傳化質
太初元氣結坤靈
烟霞有意騷荀馭
雲雨無心到楚庭
休著望夫輕比擬
媧皇正恐是真形

欽定四庫全書

元詩選三集

卷四

登長嶺

一作梯山

鳥道盤雲上碧霄
停驂俯視

一作仰

欲魂消
苔花鎖石堆

雲錦樹葉經霜剪
絳綃雲物迷人遊
汗漫山靈策我上
扶搖馬頭殘日西
風起萬壑秋聲送海潮

秋日過景光祿墓二首

光祿墳前禾黍秋
西風蕭瑟起人愁
當年姓氏喧天下
今日牛羊上壘頭
山色不隨人事變
水光猶帶夕陽流
黃金已落偷兒便
富貴何曾潤髑髏

金天一代盛豪華
夢斷槐安事可嗟
破塚荒寒無發主
斷碑零落在誰家
顏垣斜日圍秋草
老樹西風集暮鴉
問客不堪來弔古
摩挲翁仲看苔花

登龍祥宮總真閣

上盡丹梯十二階
浮空金碧紫瑤臺
三清日月簷邊度
八表風烟掌上開
鳧鳥方期遊汗漫
雲旛端欲訪蓬萊
吟魂獨逸闌干角
望斷安期竟未來

平城秋郊懷古

虎踞龍盤化劫灰
登臨懷抱動吟哀
山河王氣歸今代

經界遺踪認古來
御水了無喬木在
金陵猶見野花開

古語有魏跋
來野花開繁華消息無從問
落日荒烟鎖鳳臺

溫泉

路傍蜺殼遍高原
滄海生桑復幾年
媧汭舊名疑尚爾
漢唐遺壘故依然
斷碑苔蝕有隣筆
尚醞香飄玉液泉
千古無從窮往事
螺山疊翠冷摩天

川傍多螺蜺殼而
城內存蔡有隣碑

詩故
及之

欽定四庫全書

元詩選三集

卷四

深陽道中

青山綠水萬家隣一井川原畫障新
紫塞風光推獨擅錦城佳麗入橫陳
桑麻附郭公私足花柳無邊富貴春
寄語尋芳行樂客不須奔走洛陽塵

鷄兒嶺

撼撼寒沙沒馬蹄蕭蕭胡吹襲春衣
冰堅石齒河聲斷霜落川牙樹影稀
長路幾經行客老青山長見白雲飛
何時還却行緣債卓箇茅菴冷翠微

欽定四庫全書

元詩選三集

卷四

將歸望雲中喜而有作

高原一上快人情指點蒼烟是鳳城
異地久淹情儘倦家山忽見眼偏明
黃塵袞袞如前導白塔亭亭似遠迎

一曲懷鄉誰與和隔林幽鳥兩三聲

僕家有懷鄉曲之句

寓定州禪宇三首

幽鳥避人飛去好風應竹頻來為愛僧
家庭宇莫教踏破蒼苔

畫棟朱簾雲雨玉簫金粉霓裳千古太平朝野一生烽

火漁陽

再見封侯萬戶立談白壁一雙詎勝耦耕南畝何如高
卧東牕

范蠡歸湖圖

功遂名成泛五湖知幾千古擅良圖
向教勾踐堪同樂不識先生肯退無

題三山萬歲峰

一治曾教役萬民一峯會使九州貧
江山假說方成就

欽定四庫全書

元詩選三集

卷四

真箇江山已屬人

鑷工

一聲鑷子噪秋蟬門內老僧驚
晝眠毫髮盡時髦髮在夕陽芳草自芊芊

代玉城

一脉金波喚作泉孤城小小帶疎烟
從容三讓登車後黼黻炎劉四百年

屏風山

何年雲母化蒼顏
闔境居民盡仰瞻
應是山城春意少
天教遮斷北風寒

周馳如是翁集

馳字景遠聊城人有文名尤工書法自號如是翁
歷官南臺監察御史時分治過浙省日與朋友往
復其書吏不樂似有舉刺之意大書壁上曰御史
某日訪某人某日某人來訪御史馳忽見呼謂曰
我嘗又訪某人汝乃失記何也第補書之吏赧然
而退

季札廟

古人不可及冥晦秉淳德一動成功名煥爛照無極
季子賢大夫劔佩游上國微乎禮樂意洞達有精識
迄今二千年欲繼難再得我行故城闕寂寞弔遺迹
廟古丹牖漫階空苔蘚積翔禽集中雷懸網掛虛壁
鄉人尚加敬瞻仰自夙昔歲時修饋祀塵土走巫覡
吾徒志為學不肯競朝夕景慕將何如江海起涓滴

館娃宮

吳中山水多戢戢至莫數靈巖號神秀踞地若蒼虎呀

然啟劫窪迫窄剝洞戶上騰空濛氣日夜為霧雨流傳
館娃宮泯沒今何所琴臺耀殘照香徑存荒莽當時競
繁華至此益淒楚子胥名世士樹立智且武殺身暴其
君於國竟何補哀哉實忠憤金石為消沮丈夫各有志
豈意濟艱阻夔契亦斯人榮耀曠終古

虎丘

茫茫勾吳墟異阜萃然起諸天作藩屏樹立空翠裏人
言開闢初湧出自海底至今羅宮室意與芝闕比夫差

欽定四庫全書

元詩選三集

卷四

暴齊晉繼霸執牛耳金銀固九泉燼國用奢侈投身甬
東地委棄孰憐已因思人間世踴躍徒為爾蒼茫一長
望萬古遽如此日莫鐘磬閒且欲談至理

耕雲鋤月寄貞居二首

買山靈山下石多如羊羣造物為我耕種之皆白雲沟
湧初鬱勃散漫還氤氳收歸方寸間吐作五色文一笑
顧妻子未用愁空困

石田不生禾何以養吾拙中宵披白雲自起鋤明月明月

無根株滿地散霜雪吾鋤不妄揮要使蕭艾別惜無植
杖翁相對同此潔

題五王醉歸圖

晉陽首事成功烈卒入宮門流戰血至親骨肉忍相殘
禍至黃臺那可說讓帝知幾辭寶位履霜已戒堅冰至
華萼相輝一作耀勢使然遂許明皇敦友弟當時行樂殊
未央賜予無節恩非常出則同遊入同宴五龍蹊蹠騰
康莊時光鼎鼎如流電虛偽既消誠實見三子無辜死

欽定四庫全書

元詩選三集

卷四

渭橋太真有寵來金殿欲心一縱禍滔天社稷生靈不
暇憐從此陵夷于五代干戈喪亂過年年

遠觀亭三首

徐君因仕宦便欲老江南風土知為美人情亦粗諳買
田收黑黍為圃樹黃柑我有相從意羈棲力未堪
結構開青野回環俯翠岑雲留芳樹暗草長綠垣深共
愛閒居樂相依歲晚心春醪求善釀過日許同斟
遠觀亭上望風物六朝餘古寺荆王宅荒墩謝傅居英

靈傳草樹冠蓋逐丘墟欲問當時事飛雲滅太虛

題李仲實秋清野思圖

蒼筠倚喬木古色秋逾好誰能著茅亭相伴此君老

雜興六首

涼氣潛侵玉女牕井梧一葉下銀牀離情有似東流水

一夜相思歸夢長

聊攝城邊樹色秋往來長此繫扁舟不是故鄉無舊業

長邀明月醉高樓

欽定四庫全書

元詩選三集

四

楊柳青青麥吐芽壺觴來就野人家可憐廢井荒畦畔

狼藉東風一徑花

上清仙客鬢如絲自剪青霞作道衣幾見桑田變滄海

不愁牕外日光飛

牕外簫聲隱隱來千年空苑碧桃開相逢正好談風月

不惜春衣卧綠苔

雲馭霓旌自往還天風浩浩海波寒日輪飛上青山頂

人道蓬萊咫尺間

送李伯英二首

吳越江山天下稀尊前休歎昔人非一杯正好酬春色

何事征帆去似飛

江南才子去遊燕為憶明時正禮賢休向薊門尋古跡

黃金臺上草連天

懷郭安道

江南江北路茫茫明月高樓各異鄉旅鴈叫雲天似水

故人今夜泊瀟湘

欽定四庫全書

元詩選三集

四

徐州

風雨颼颼漲碧澗秋陰漠漠失前山舟人也學襄王夢

長在朝雲暮雨間

和郭安道治書韻四首

西風吹起白頭一作波半夜扁舟掠岸過不向長橋沽

一醉滿天明月奈秋何

君醉淋漓我浩歌古人為恨復如何秋來幾日渾無賴

已有新霜著芰荷

江間小艇數能乘活計今如船子僧近喜老妻能斫膾

欲令稚子學板曹

久客一作盡日思歸歸未能題詩附與一作欲寄遠遊僧吳松江

上鱸魚美何處人家不下罾

夢遊句曲二首

花竹垣牆映白沙紫清宮殿闕一作鎖烟霞一條歸路未

弦直三百來年一作年來不到家

二華樹下拜青童語我丹砂九轉功緱氏不逢王子晉

欽定四庫全書

元詩選三集

四十二

雷平來訪郭仙翁

題趙鵬波高士圖

僵卧空齋儘耐寒門前行路雪漫漫投炎附熱非吾事

一任人將冷眼看

納古柏侍郎集

古柏字里未詳官吏部侍郎黎劄安南志畧云至

大四年遣禮部尚書鼎滿使吏部侍郎納古柏兵

部郎中杜與可奉使安南宣仁宗皇帝即位詔詩

集失傳僅見傅習孫存吾皇元風雅數篇而已

九華山一名蓮花峰在貴溪

江山青芙蓉遙遙隔秋浦九堊風露寒萬壑煙霞古瑤

草含芳春青松立亭午安得一把茅移家白雲塢

欽定四庫全書

元詩選三集

四十三

望玉笥山弗克登覽留詩萬年宮

西南山水窟玉笥號奇絕羣岫來坡陀孤峯立撐嶽邃

洞煙蘿青危澗幽泉咽正是南昌尉於茲悟仙訣一覽

快心目洗滌中腸熱嗟余敢告勞馳驅待環轍五月登

武夷清流清且冽扁舟九曲中兩岸千尺鐵歲暮復何

之清江夜飛雪山靈似笑我身世若羈紲願言解塵纓

林泉養吾拙

過采石

采石江頭秋月白蛾眉亭下灘聲咽繡衣玉斧曉霜寒
同是天涯苦行客酒仙一去海生塵青山三尺埋衣巾
清江白鳥自今古岸草汀花空復春我欲御風遊八表
醉裏豪一作情覓三島闔闔雲深不可攀回首江南數
峯小

題參政高公荒政碑

廬山插天千仞青明公高節逾稜層西江月冷秋無際
明公此心清徹底厭梁道上豺虎多手搏不待弓與戈

欽定四庫全書

元詩選三集

卷四

前年魃虐徧南國饑者以充僵者立洪州父老遮道傍上
書乞留涕泗滂豐碑大字記荒政要使遺愛如甘棠我
來觀風聞此語未見儀容心已許願公從此召赴中書
堂早為四海蒼生作霖雨

題韓文公祠

嶽奇海怪早相知何事中朝未可歸佛縱有靈那在骨
僧如得道又無衣符分臺峽天終定福近宮牆意更微
俎豆荒涼誰繼廩摩挲石刻重歎歎

鄱陽道中

江上秋風吹斷鴻江頭開遍木芙蓉幾家籬落依紅樹
萬壑煙霞鎖翠峯南國風光一杯酒故園魂夢五更鐘
舉頭日近長安遠闔闔雲深第幾重

九日鄱江呈同行諸公

滄浪木落塞鴻飛佳節芝山酒一卮黃菊且陪今日醉
鐵冠不受晚風吹滕王閣上雨雲黑戲馬臺前草樹衰
何似淵明千古意一篇清絕去來辭

欽定四庫全書

元詩選三集

卷四

番易和程世良

一作巡警官

年少將軍意氣雄迺翁憲府舊乘驄魯中詩禮有庭訓
江左衣冠多士風玉樹青蔥秋色裏明珠炫爛月華中
滕王閣上重回首後夜相思寄別鴻

題碧澗堂

并序

在瑞州鳳凰山傳李八百女弟明香真人故居舊
有迷仙洞上刻仙容
聞說明香早學仙華堂突兀故山顛四圍亭檻青雲上

兩岸樓臺綵水邊
龍虎丹成知九轉
鳳凰飛去已千年
旌旗八百俱塵跡
惟有坡翁麗句傳

萬安縣邂逅一樓
偏高明舊有公畧
張憲僉和

劉素菴一詩用題於左

五雲閣上北風寒
十八灘頭疊亂山
庾嶺一枝春信早
龍泉三尺土花斑
蠻烟瘴雨霜天曉
畫戟清香晝日間
倚遍闌干動高興
一聲道唱水雲間

次韻宗道御史過峽

欽定四庫全書

元詩選三集
卷四

四六

蒼崖嶮巖奔東流
玉節招搖漾彩舟
雲鎖千山蕭寺古
霜清百尺瘴江秋
白猿一去空長笑
驄馬南來得壯遊
聞道遐荒歌帝力
家家麥飯老林丘

番禺道中

玉府

一作

飛霜大庾南
萬松蒼

一作

翠洗煙嵐雲開
梧

野山羅戟月滿韶
江水滌藍椰子漿
寒殊一作似蜜荔
枝香暖絕勝柑中
朝者舊如石問鳥
語啾啾正未堪

和元帥伊埒呼圖克
公子強橫竟以賊
敗同憲岳

公齊高王馬二憲
掾實共事云

好雨崇朝洗瘴淫
越王臺上一登臨
鱗魚已逝白波靜
遊鯤變化滄溟深
六祖泉臨千歲水
百蠻航貢五天金
九重貝闕雲深處
萬里孤雲寸草心

梅嶺題知事手卷

黃金臺上客大庾
嶺頭春如是無詩
句梅花也笑人

琵琶洲

昌國寺前楓樹秋
琵琶洲畔暮雲愁
沙頭潮落灘聲急

欽定四庫全書

元詩選三集
卷四

四七

疑是潯陽淚未收

春遊

桃葉渡頭春水生
長安橋上草長青
百年深向花時飲
贏得城南幾醉醒

清遠縣尹楊觀政
有奇蹟復能詩文
民僚服其化士大
夫過者靡不稱頌
故贈此加勉馬二
首

玉節星輅下嶺南
萬山空翠雜煙嵐
傳聞清遠多佳政
花滿春城月滿潭

風流文采楊忠肅南北雄奇古峽山怪底蠻江無語鳥
絃歌終日水雲間

張起巖華峰漫藁

起巖字夢臣其先章丘人徙家濟南中延祐乙卯
進士除同知登州事改集賢修撰轉國子博士陞
監丞進翰林待制兼國史院編修官丁內艱服除
拜監察御史遷中書右司員外郎進左司郎中拜
太子右贊善丁外艱服除改燕王府司馬拜禮部
尚書知制誥兼修國史知經筵事擢江南行臺侍
御史轉燕南廉訪使陞江南行臺御史中丞拜翰
林學士承旨俄拜御史中丞詔修遼金宋三史復
入翰林為承旨充總裁官積階至榮祿大夫史成
上疏乞骸骨歸卒年六十九諡文穆夢臣面如紫
瓊美頰方頤而眉目清揚可觀博學有文熟于金
源典故史官立言未嘗夢臣據理竄定深厚醇雅
理致自足善篆隸自號華峰真逸有華峰漫藁類
棠金陵集若干卷先是至元乙酉三月乙亥太史
奏文昌星明文運將興時元世祖行幸上京明日

仁宗降生於儒州是夜夢臣亦生其後仁宗踐祚
始詔設科取士及廷試夢臣遂為第一人論者以
為非偶然也

宣聖墓

迢迢魯城陰長林肅秋色修門負平岡重壙屹玄宅交
柯矗雲霄文楷間蒼柏翁仲儼儀衛齋廳敞虛白境土
自清曠密茂不容隙巢居絕禽鳥鬱茁無寸棘苔蘚帶
堅埴草露濕寒碧肅躬款崇闕屏氣前踧踖高陵遂瞻

欽定四庫全書

元詩選三集

辛

仰素願愜平昔聖裔偕守長聯翩來接跡羅列儀雍容
奠拜助登陟慨然渺深思辭容宛如覲徘徊凝睇久景
慕遂歎息緬想萬世功綱常賴扶植林林區宇內孰不
霑聖澤宜哉子孫枝蕃衍挺珪璧百代如一日附隴守
宗澤欲歸重躊躇歷覽撫碑刻崇文際皇元新廟再修
飭風厲示多方鐫銘有穹碣

遊金牛山

余生愛林壑夢想雲水間倏然外塵囂俗類每相關一

行墮世網著脚多阻艱回望故山雲遁容幾汗顏逝矣
古肥城岱麓空翠環有山名鬱蔥秀色青雲端中藏古
招提簷戶擅林壑我來脫塵鞅幽境窮躋攀層岡列屏
嶂曲境穿荆管壞橋擁流水激石聲潺潺山門勝雄視
殿宇凌高寒旅檀矗青瑤文風餘朱顏斗拱鏤珍木金
碧紛攔編老柏數十圍枝柯駁蒼頑石泉湛清冷古洞
秘神筌境與心迹清恍若遺人寰同遊二三子欲去還
為言迫春初暖日未足稱奇觀首夏山櫻熟紅珠瑩堪

欽定四庫全書

元詩選三集

辛

餐佳樹影清密好鳥聲繇壑松露墜青滴巖雲擁髻鬟
烟蘿罩虬枝靈草封法壇晴嵐新雲餘飛瀉瀉灣間
之灑然笑襟懷豁幽閒更愛讀書堂當年萃衣冠中有
擢桂仙聲名藹朝班健氣壯精舍盛事留茲山便欲謝
簪紱眠雲弄潺湲午風鳴素琴春醪灑清歡題詩約山
靈莫云迂夫孱

題楊宣慰雲南頌後

揮戈如筆筆如刀帥閫文場有此豪絕域建功追定遠

明時獻頌效王褒風雲慶會振鱗貴竹帛光榮汗馬勞
吏草新銘刻銅柱不須辛苦學離騷

送朱真一

鶴馭翩翩渺莫攀浩然清興滿西山摩挲鐵柱觀浮世
整頓丹函說大還石壁風清瑤草秀洞天春盡玉笙寒
扁舟儻遂遊仙約握手巖扉一解顏

贈王季境

春滿維揚十萬家先公曾此駐高牙官廳寂寂留芳樹

欽定四庫全書

元詩選三集

卷四

舊館陰陰閉落花祠下繫鞍尋芍藥樓前騎鶴聽琵琶
歸來不異當時事一路東風帽影斜

題金臺集四首

崇天門下聽臚傳臺閣聯翩四十年今日懸車歸故里
杖藜攜酒落花前

玉帶難圍老病身廟堂補報乏涓塵哀年作別情懷惡
秉燭題詩贈故人

愛君談辯似懸河更喜交情古意多長使馬周貧作客

令人千古媿常何

百尺高樓易水東千金曾此設英雄君來却在承平日
先策詩壇第一功

濰縣八景 錄六

東園早春

春到東園景物幽小桃破萼柳絲柔好邀詩友聯詩句
信步攜筇試一遊

南溪垂釣

垂柳陰陰蘸碧溪溪邊釣叟坐苔磯是非撥置綸竿外
閒看沙頭白鷺飛

西山晴雪

曉雲冬雪凍風殘一帶西山儘可觀樓上憑欄凝望處
潺湲高列玉屏寒

孤峯夕照

一抹殘陽碧映峯孤峯倒影自成陰牧童橫笛歸家去
鞭趁牛羊出遠林

欽定四庫全書

元詩選三集

卷四

麓臺秋月

銀河漾漾淨天街
碧月輝輝照麓臺
室上讀書燕太子
清光依舊向人來

青楊晴眺

秋風雨霽碧天涼
極目城樓逸興長
幾簇人家山色裏
一川禾黍半蒼黃

王士元拙菴集

士元字

臨汾人登延祐二年張起巖榜進士

第知吉州歷官風憲遷國子司業以崇文少監致仕自號具川道人所著有拙菴集

絳州居園池和僕世玉韻

名池涵清泚嘉燕豐文儒業業絳水陽潭潭仙者居輝
光扶遊龍采惠借駒虞桃李方歲蕤蘭芷紛扶疎青雲
起鄧郊赤烏臨唐墟高標鳳城上偉畫鸞坡餘立論翻

滄溟吐辭碧虛陸離楚人騷委順齊客竿一吮塵夢

醒再觀

除涓視鯢鵬遊芥遺笙笛娛修廊弭華蓋

海月

樞聲薄太行顛潤漸河之隅迄今行藻叢蟬

生神魚遂令懷古心仰念憑風零玉昆凌鮑謝彩筆

張荷集短句歌流芳喬松陰春蕪意氣黃初前文衡遷

史途瓊田公已耕將力新畬

登德風亭和僕世玉韻

峩峩君子亭卜築山之陽民居鬱相擁巖樹翠疏行古

鎮遺金城雄章佩玉剛作郡多賢雋圭璋梁顛昂殆近
首陽阿豈知石子岡况當周晉交淳風接洪荒琴鼓談
笑餘劔氣牛斗傍監收台鼎家使君白壁光瀛洲倅車
下判公士林望麟鳳聚一時匪徒獲小康有客隆冬來
弭蓋春風堂徘徊仰名杜謳吟繼齊梁紅燭輝椒檠葡
萄俯伊涼明發指蒲陝東瞻慨復慷

晉源山谷

即姑射
平泉

晉州之西山曰姑有泉源源流不瀦疏為八道溝與渠

欽定四庫全書

元詩選三集
卷四

五

坐令瘠土成膏腴多黍多稌多麻蔬沚沚萬畝碁局如
田家終歲惟勤劬雖有乾旱無憂虞割牲醜酒父老趨
坎坎擊鼓吹笙竽報答龍神醉飽餘宛若澤國江鄉居
晉州之東民豈迂耕種亦自為農夫年年汲井井欲枯
赤日如炙雨不濡父子筋力疲轆轤肩頰汗浹良區區
老我見此空嗟吁誰把勞逸分兩途凶年且為寬賦租
題縣令王從仕新建公宅

雲斤月斧夜丁丁大厦高堂不日成
牕戶靜涵秋月冷

蒼楹高引曉風清湯山嵐氣鬱和氣凍水河聲詠政聲
五袴民歌怨來晚好磨翠琰刻佳名

吉州道中三首

書緘辨博藏三耳禪付憑虛石六眸小郡豈容寬舞蹈
窮愁方著古陽秋

望眼蓬丘天一涯海風吹月到烟霞一辭石室汗青竹
每負金河楊白花

綠鬢難巢五老松蒼生深望一麾風春回補袞承平策

欽定四庫全書

元詩選三集
卷四

五

詩滿騰雲御史驄

過司馬溫公故居

力扶洙泗絕荆舒卧久周南返故廬向使諸公歌不哭
調停人似漢唐初

王懋德仁父集

懋德字仁父高唐人由中書掾除戶部主事拜南
行臺監察御史內臺御史都省左司都事歷河南
燕南兩廉訪司副使天歷初召僉中政院拜左司
郎中陞叅議俄拜治書侍御史久之遷淮南廉訪
使轉江浙行省叅知政事召拜御史中丞尋擢中
書左丞卒蜀郡虞集為撰墓碑

嘉魚縣

堪羨嘉魚邑江山如畫圖俗淳民訟簡地僻使星稀僧

寺臨清瀨人家住翠微市橋通遠浦時見一帆歸

元宵

春入東郊雪漸融熙熙天氣報年豐萬家燈火分明月
幾處笙歌雜暖風短髮已無丹可黑衰顏猶有酒能紅
溪山容我閒來往先具扁舟訪釣翁

舟次陵州

獨坐渾如面壁禪更無餘事惱心田舟中唯載烹茶具

囊內猶存買酒錢秋水經霜魚自樂曉林留月鵲堪憐
人生何必東山卧老我烟霞屋數椽

寄戶部楊友直

柳繞柴扉水繞村黃鸝初轉已春分東風吹散梨花雨
醉卧青山看白雲

直沽海口

極目滄溟浸碧天蓬萊樓閣遠相連東吳轉海輸秬稻
一夕潮來集萬船

過河西務

霜滿平堤柳漸凋月移帆影過東橋卧聽柔櫓鳴秋水
絕勝隣雞報早朝

重陽

拂却京塵理去舟閒雲千里水悠悠醉來欲落龍山帽
猶恐黃花笑白頭

上都寄許叅政

野草侵階水遠門西風颯颯雨紛紛小軒坐對爐薰冷

却憶溪南一片雲

長蘆遇順風

水聲怒激春雷響
帆影輕隨遠鴈飛
東望水雲三百里
沙鷗待我釣魚磯

西郊晚眺

遠寺僧歸日欲沈
無邊桑柘起層陰
牧童牛背閒橫笛
却笑詩人馬上吟

通州東菴二首

欽定四庫全書

元詩選三集
卷四

六十一

借榻禪房秋已深
碧雲牕外弄清音
空階落盡胡桃葉

霜滿東籬菊有金

衆鳥高栖萬籟沈
老禪攜月過東林
秋霜不染青蓮色

想見乾坤太古心

曹元用超然集

元用字子貞世居阿城後徙汶上元用幼讀書常
達曙不寢父憂其致疾止之輒以衣蔽牕默觀之
始以鎮江路儒學正考滿遊京師翰林承旨閻復
大奇之因薦為翰林國史院編修官御史臺辟為
掾史轉中書省右司掾與清河元明善濟南張養
浩同時號為三俊除應奉翰林文字遷禮部主事
改尚書省右司都事轉負外郎及尚書省罷退居
任城久之齊魯間從學者甚衆延祐六年授太常
禮儀院經歷屬英宗銳意禮樂其儀注制度率所
裁定授翰林待制陞直學士泰定三年授太子贊
善轉禮部尚書兼經筵官尋拜翰林侍講學士預
修仁宗英宗兩朝實錄天歷二年卒贈正奉大夫
江浙等處中書省叅知政事護軍追封東平郡公
謚文獻詩文四十卷號超然集戴表元稱其文曰
屬辭莊屈之潔析理孟荀之達而比事左班之覈

欽定四庫全書

元詩選三集
卷四

五十一

也

介春堂

光陰迅流矢富貴等浮漚昨日少年今白首華構咫尺
歸荒丘人生貴適意栖栖欲何求肘印累累大如斗不
及介春堂上一杯酒可以消百慮可以介眉壽况有蒼
鸞白鶴翔坐隅瓊樹照耀青芙蓉洞庭雲璈奏和響雙
成玉佩鳴清虛玉仙人真吾侶便須日日陪尊俎盡把
西湖釀春酒三萬六千從此數

欽定四庫全書

元詩選三集
卷四

三

李白酒樓

太白一去不復留任城上有崔嵬樓樓頭四望渺無際
草木黃落悲清秋鳧嶧挿天摩翠壁汶泗迢迢展空碧
爭奇獻秀百千態作意隨人來几席諸老高會秋雲端
金壁照耀青琅玕談笑不為禮法窘酒杯更比乾坤寬
飲酣意氣橫今古玉山傾倒忘賓主謫仙人去杳何許
異代同符吾與汝誰能跨海為一呼八表神遊共豪舉

京都次馬伯庸尚書

一作和韻二首
趙子昂

灤水橋一作河邊御道西酒旗閒挂暮簷一作夕陽低春從綠

一作樹陰中老雲補青 蒼一作山闕處齊畫戟遙臨青瑣

闥紫駟解惜錦障泥鸞鳳自為明時出宜傍上林高處
栖

柳簇金溝蘸碧波雲深玉一作闕瞰重阿鳳凰曲奏鈞

天樂烏鵲橋通織女河萬井閭閻春浩蕩六街車馬晚
坡陀山人素有林泉興奈此承明夜直一作侍從何

上京次王繼學韻

欽定四庫全書

元詩選三集
卷四

三

觀光千里外載筆五雲邊計拙如工部文雄愧謫仙枕
流思洗耳懷祿敢垂涎疾目昏如霧衰髯白勝綿當辭
天祿閣歸種汶陽田曉日登山屐秋風下瀨船芝香雲
滿地龜鶴不知年

丁卯校藝貢院作

席廬清晝列千袍射策詞場百戰勞明日京華春榜揭
蓬萊天近五雲高

秋懷

沙磧秋高宛馬肥
哀茄一曲塞雲飛
南都兒輩應相念
過盡征鴻猶未歸

題周曾秋塘圖

沙鳥飛鳴晚未休
權歌聲在白蘋洲
題詩每恨無佳句
欲剪橫塘一片秋

劉濩聲之集

濩字聲之三山人嘗以經學教授錢唐廊州劉汶
師魯與濩交最久而凡事之歿後門人瞿士弘集
其遺文如干篇師魯為序其首金華黃侍講晉卿
跋其後曰聲之同時輩流人物凋落殆盡士弘得
師魯以為聲之不朽之託獨惜其所纂錄殊有未
備以僕所藏聲之遺墨校之集所不載者五七言
古律詩猶十有二首輒書而歸之俾置卷中僕所
弗及知者固不止此也嘗與聲之爐亭夜話贈詩
有云昭代尊經術先生尚布衣晉卿之推服聲之
者至矣

送鄭南仲赴昌化主簿

熙寧言利臣官好面堪唾偉矣鄭介公直聲千古播幾
葉有此孫能倡眾莫和湖學四五年氈寒不禁坐况投
萬山中瘦馬仍縣佐試訝鷲栖林何如蟻旋磨傳聞邑
父老置酒預相賀此士多讀書愛人不可貨今年秋風

高勿畏茅屋破但慮執法家需君驚貪憤白雲繚山腰
總竹累千箇坐念老廣文德尊猶坎軻縣庭一分寬百
里減寒餓苟無澤物心卿相徒爾大版牘焉足稽絃歌
故非過起瞻東壁明詎患南箕簸時訪隱者廬談餘曲
肱卧公田定幾何適半種粳糯

送吳子敬赴釣臺書院山長

我航浙西三四五每過雙臺淚如雨三公不作歸釣磯
時人血面爭絲縷危石栖雲禽野語蒼林古瓦瞻祠宇

欽定四庫全書

元詩選三集
卷四

六

同舟名利急須臾我往拜之剛不與穉兮穉兮風吹汝
天星易搖足勿舉千載羊裘有故時人言黃犬皮當補
諸公奕奕誰賓主名教有功聯葦俎惜不相逢建武功
短蓑獨速漁樵侶喜君沈敏資好古初分講席良得所
履聲絕少況馬嘶蚤筍晚松聊復煮伐木丁丁聽腰斧
水色山光更媚妩當年餌下有殘鱗珍珠化作驪龍吐
百里時歸彩衣舞猶載行書壓鳴鶻一芹贈子莫多言
買菜有譏君記取

寄尤端木編修

申浦昔弛檐梁溪初及門艤舟投漫刺開闔倒清樽似
喜衣冠舊居忘齒德尊語長燈屢涸坐久席彌溫道隱
雖千載人生故一源談經須駁異訂史欲芟煩昔自三
歸僭終令六籍燔王民無凍餒霸法有鉗髡功利開邪
逕玄空植禍根桺嘗出虎兕家豈足雞豚諸老相傳學
先師罔極恩石移針就直膠擲水祛渾舜澤規莘聘周
文卜魯騰雖無煎鳳肯必有嗜熊蹯俗士聞應笑吾儕

欽定四庫全書

元詩選三集
卷四

七

契此言榻分踰夜午權返及朝暎泛梗無留迹瞻雲每
斷魂於公評出處與衆異昭昏藝自登黃最名因泛綠
掀婉謀裨宥府蔚望列詞垣振鷺依風遠驚鼉掣海翻
夢槐啼失國隱菊步歸園錦里時過杜香山不隔樊老
來諳稼穡醉裏擷蘭蓀向賭陶公集曾因季子孫千詩
逃冶麗羣筆肆奔沍息所諧歌詠尤君有賢祠正討論
羌羊艱食性海燕邈巢痕尤又有羌羊詩令子菑畬富
海燕爭巢詩名家槩獲存雪融金就礪冰緒繭抽盆眼底皆真樂胸

中有混元狙從冢宰服鶴聽大夫軒歲月書林暇塵埃
旅屨奔卑卑營市隱汲汲備朝飧未省九丘讀何當三
畫吞疏蹤危似棧苦思涸於咎世詐求三篋吾寧屬兩
鞬媚終辭衛竈乞肯近齊墻古意綦寥落時材別選掄
罕逢知鵠爵多遇笑龍虬擬築犁鉏舍相依水竹村古
泉潞寺冷春茗茁山暄歌遠牛俱跨談深蠹對捫潔應
餐沆瀣高足倚崑崙有客閩中李其人太學蕃冷官今
屑往麗賦昔孤騫過泗需先見瞻淇寄弗緩為多駒皎
皎仍感兔爰爰丹蟹瀆湖賤瓊魚集市喧持杯應愈健
許事付乾坤

欽定四庫全書

元詩選三集

卷四

贈臧魯山廉訪

肅政光華遠清臺啓擬公節移梅嶺北軺發桂江東楮
帳篩寒月椰杯鼓朔風瘦童空挾杖貧病不裝穢微俗
三年問威名百郡雄星芒垂許洛雪色照賓融敷教有
虞廟講經夫子宮端嚴鉏獷戾易直牖倥侗吏滑加笞
竹官貪解印銅寬銷千褐父思洽萬黃童花縵戲冬暖

瓠笙吹歲豐仁頻芭嫩綠古辣釀輕紅象跡煙中堞鯨
波雨外蓬夷珠人有斛粵布我無筒剖決心如水驅馳
髻已蓬六條方奏最四牡欲歌功為有澄清志遲輸獻
納忠織雲添衣繡鞭霆亦乘馳楚尾吳頭會三湘七澤
通天文恢翼軫地蓋接潭洪牙纛聯分政旌旗列總戎
鷺爭肥似鴈罷搏猛於熊懷壁枉無罪見金忘有躬化
源安溷溷獄市積息息大器能繩物先聲已擊蒙道傍
材果避窟底兔幾空勿珥終凶筆毋關報怨弓左饋并
右粥後稷更先種采菊賦歸老愛蓮無極翁理明輕勢
利語妙入盲聾文祖歐陽古詩宗魯直工挽回鉛槧習
超出簿書叢顧盼山須動揄揚石可礮羽儀傾振鷺咏
葩徧哀鴻念昔初騰踏時方息戰攻考工厓黯黯試累海
矐矐赤芾彼三百素絲茲五總穩行卑劔閣善納小雲
夢甲子從頭數冠紳進秩穹階蘭香沆露田玉氣噓虹
世或探斯鷺吾寧拮爾撞察魚應小慧聽蟻豈真聰靜
躁聆微外剛柔省殼中江湖歸獨步宇宙涉丹衷德驥

欽定四庫全書

元詩選三集

卷四

曾思附仙舟偶未同耐寒衣故白好古佩仍蔥夢枕頻
鮮荔羈帆幾落楓泥塗龜各曳霄漢鳳稀冲勵操期霜
柏吞聲等爨桐漸忘身顯悔得究學初終韓子哦雙鳥
莊生感二蟲樂莘晞衍衍憂杞笑忡忡選舉唐盛方
聞及漢崇貢琛凌渤海懷組際穹窿穀欠防饑斂鹽因
析利籠駭民牛穀蘇虛士鶴耗耗黼黻需耆俊饗殮給
老瘞會看楊綰貴不計孟郊窮温井規陽長明奎卜道
隆斲辭規愛助華髮尚狂侗

欽定四庫全書

元詩選三集
卷四

七十一

春日郊行書與鄧善之別五首

在山水非清出山水非濁泉源但無壅滄海端可學
風急低卷帆潮來直扶柁我舟如我心鷗鳥亦忘我
動心趨蹶間治氣憐不早緩步勿貪高登山良有道
東風吹紙鳶衆目看不眩出處亦兒嬉善收存一線
文雞照水影五彩何續紛鳳凰靈且瑞在德不在文

繆鑑效顰集

鑑字君寶號苔石其先汴人靖康之難扈蹕南渡
因居江陰鑑生於宋季耽讀書居城東之瓠瓜見
政事日紊不復求仕以詩酒自娛有效顰集行世
同里張宣藻仲曰苔石效顰集失於至正壬辰之
兵宣兒時猶及見其手書其孫恭遍訪諸故老口
授三數十篇圖鈔諸梓牆東陸文圭嘗曰自古澄
江無詩人今有人矣蓋謂君寶也

欽定四庫全書

元詩選三集
卷四

七十二

得女

得駒未必真權竒中雀未必有淑姿男兒未必勲鼎彝
女子未必光門楣吾今素髮紛如絲得此一笑春生眉
蒼蒼天道不我遺猶勝伯道全無兒

題悟空寺

不到招提二十霜眼明還識魯靈光雲餐已供伊蒲塞
風鐸猶傳替戾岡新寺金湯龍化遠舊家王謝燕飛忙
行人指點簪犀地十里春風土尚香

梅花

鐵石槎牙玉粒姿詩中圖畫畫中詩半稜山色初晴後
一截谿煙欲暝時流水帶雲栖瘦影小牕和月上橫枝
老來自覺吟情拙莫遣孤山處士知

春題

江天漠漠水悠悠望斷春風燕子樓書寄碧雲千里鴈
鏡分明月半奩秋來時楊柳陰連陌歸路蘋花雪滿洲
遙想瑣牕挑錦字淚珠和粉冷銀鈎

欽定四庫全書

元詩選三集

卷四

端居

修竹垂楊映戶栽清風長送午陰來門因好客時時掃
牕為看山面面開此樂恐於兒輩覺長貧能免俗情猜
儒衣不似牛衣好分付山妻放窄裁

解嘲

莫笑詩翁懶出門詩翁樂事在一作幽山村鶯啼楊柳

金一作春歌舞蝶宿梨花雪夢魂卷畫丹青分曙色壓醅

醞醖漲溪痕燕簾風裏茶烟外自選唐詩教子孫

月屋

一室虛明境自寬水晶簾映玉闌干不從此處逢仙子
爭信人間有廣寒梅影夜窺霜鏡滿桂香秋吸酒壺乾
客來靜坐無塵到笑指湖光上下看

圍碁

午香簾影靜浮華對面機心萬里賒夾騎倒戈窺虎穴
亂烏橫陣占鷗沙當人不讓爭先著袖手須饒老作家
欲訪爛柯山下客洞深春染碧桃花

欽定四庫全書

元詩選三集

卷四

蒼馬

錚錚金鐵夜交鋒蕭颯秋聲殺氣雄戰退曉天塵不動
依然橫槊待西風

鬼燈檠花

老死儒生習未除殘膏分得燎原餘一枝冷燄搖清夜
要讀生前未了書

詠鶴

青山修竹矮籬笆髻髻林泉隱者家酷愛綠牕風日美

鶴梳輕毳亂楊花

懷歸

折柳期春春便歸叮嚀好與護柴扉東風怪我歸鞍晚
調撥楊花到處飛

惜鷄

數載書牕伴讀鳴羣中剛雉羽毛新不知誰命牛刀手
望斷函關夜度人

紙帳

龜紋薄薄勝紈紗不用銷金學党家却似矮蓬晴載雪
隔簾疎影弄梅花

欽定四庫全書

元詩選三集

卷四

汪珍南山集

珍字聘之寧國之太平人隱居黃山下博學工詩
淵淳雅瞻卓有古風盧憲使摯雅重之汪文節澤
民敬其為人至不敢與鴈行每稱南山先生云

青青河畔草

青青河畔草矯矯園中李娟娟樓上婦微微啓玉齒仰
歎浮雲馳俯首理綠綺自惜韶華姿誤身遊俠子

秋懷七首

握中有孤竹奏竹鸞鳳吟聘俗俗不喜持歸故山岑歌
居折楊花傾耳衆口瘖乃知揚子雲空草五千文龜龍
困蝨蜈嘲誚何紛紜醬瓿真可覆嗟嗟徒爾勤
明珠雜魚目琬琰博羊皮真有贗奪者貴以賤易之大
巧不若拙大黠不若癡龍光闕華室臭腐化神奇
幽蘭生當戶雖香為人鋤紫燕巢綺幕雖美非安居豐
狐竊文柄蒺藜掩嘉蔬奈何將蹄泔納子以尾閭
瀟瀟三日雨冉冉度殘暑草木行變衰豈不感節序荒

欽定四庫全書

元詩選三集

卷四

園有絡緯日夕促機杼念汝戒衣裘所思恨修阻

耿耿夜氣清索索風葉勁天空河漢清露下桑柘淨羈

鳥懷高樓潛魚樂深泳私憂撫良圖斂退遂幽屏輾轉

夜達晨屋山橫斗柄

蔡澤困牧豕甯戚隱飯牛古來賢達人未遇多沉浮任

安惜去衛王粲仍依劉嗟嗟古人心乃與今日侔

士衡三間屋元龍百尺樓幽期在一壑壯氣橫九州坐

令湖海豪結束歸林丘秋風動叢薄此念良悠悠

欽定四庫全書

元詩選三集

卷四

上盧疎齋憲使

翰林清切地秉筆代王言旦入承明廬暮出西掖垣端

眼光朝次壯懷厭卑喧四驄軫遠懷作屏分雄藩履絺

知人瘼驚魚念水渾于焉穆風詠庶以臻魚軒饑禽逐

天風飄蕩無時息何如輾壞人獨抱此伊鬱遵道諒不

移遠遊非所適表表人中仙秉心冰玉白度物分寸均

稱材銖兩密有噉思一鳴有翅當一刷上林多翹枝欲

集安所惜

疎齋先生賦湖陰曲書以付余遂賦一首

一虎穴中卧六龍江上飛蛇矛半折柝聲斷畫夢驚怪

日遠圍鼓聲逢逢天四黑五騎肥沙行不及道傍遺矢

冷於冰天上寶鞭人未識江風夜捲湖陰水明月氛霾

當一洗荒亭千古寄興亡目斷蒼烟溼衰葦

孫逸夫書堂作

青山盤盤雲氣度岡巒滅没互吞吐柘林烟潤繭行絲

荷蕩水香魚弄絮人間化物日夜流先生閉門雙鬢秋

欽定四庫全書

元詩選三集

卷四

大隱從來著朝市幽居况近城南樓

山丹花歌

方壺圓嶠蓬萊頂七還九返龍虎鼎藥成夜半忽飛去

瑤草一枝光炯炯九疑但識萼綠華未識赤斧山圖家

文選註山圖淮南雞犬上天去雌蝶雄蜂空啖花

僕射山人山中四時詞

春風破寒入幽谷殘雪消時燒痕綠林花鬪日媚於頰

野蕨登盤甘勝肉南漪新綠晴滿湖春來行樂何處無

一樽我欲就花飲花下啼禽能勸沽

草泥聒聒吠螻蝻素花落盡桐陰密舍南舍北掉綠車

山後山前聞打麥新篁解籜來薰風腕中露坐雙鬢蓬

清泉白石足佳處人世炎炎如甑中

西風蕭蕭羣木槁天外秋雲淨如掃豈葉半枯鴻鴈來

杭稻俱登雞鶩飽白雲夜下天雨霜破籬衰草啼寒蟹

芋魁如盎茭白老林頭酒熟浮蛆香

千林怒號北風惡階下紛紛堆敗篠野田日出散牛羊

欽定四庫全書

元詩選三集

卷四

茅屋天寒喧鳥雀濕雲簷下豆稽灰谷口梅花開未開

明朝積玉深一丈高卧閉門誰復來

山居夏日

草長荒三徑桐陰滿四隣青春如過客白日屬閒人迸

笋爭籬出殘花落地新幾時尋要術吾亦學齊民

迂盧疎齋肅政使

去年幕府雪晴時誦得齋辛絕妙詞溪樹迎人寒欲醒

春陽行處本無私輪埋當道豺狼避月到空山魍魎移

白髮遺民思舊德相看繡斧重寒帷

次程子英金陵懷古

桃葉桃根樂府詞江南千里舊封畿黃旗紫蓋關興廢

東府西州有是非故苑半隨秋草沒征帆猶趁暮潮歸

寶鞭奪得蛇矛斷夢破重營遠日暉

述懷呈殿幹碧梧友雲

門巷蕭蕭葉擁籬僻居尤自畏人知讀書未及半袁豹

問士誰當甲蔡尼萬壑風號天欲雪一溪梅發夢尋詩

欽定四庫全書

元詩選三集

卷四

百年將半猶羈旅可待麻鞋受拾遺

次答允峰殿幹見寄

題得新詩寄所思從公始恨十年遲燈殘暗壁蟲催織

月滿空庭鵲遠枝客路飄零秋易感老年情味夜偏知

江烟一舸蘆花雪還憶往年相別時

春雨留胡振甫

故園春合早鶯樓堂下溪深水拍堤十里桑畦蠶脫紙

一簾花雨燕爭泥年饑畎畝還堪隱世難功名莫厭低

寂寞淮南門下士贈君惟有數行題

題從兄希深書堂

衡簷睥睨壓疎櫺平割黃山一半青落日捲雲隨鷓沒
黑風吹雨帶龍腥人間軒冕駒閑阜身外乾坤水載萍
我政江湖子林壑客星未減少微星

陵陽歌

陵陽城頭落日黃陵陽城下水茫茫樓中少婦吹羌管
時有北人思故鄉

欽定四庫全書

元詩選三集
卷四

八十一

城南


春陰黯淡蔽人家野水新生尚露沙客子未歸寒食近
滿城風雨落梨花

遊無為菴

杉垣記昔遊洞門花落石林幽白雲飛盡四山碧

黃鶴一聲天地秋

元詩選三集卷四



總校官候補中書臣吳紹濬

校對官編修臣曹城

臚錄舉人臣王嵩齡

欽定四庫全書薈要

集部
元詩選三集卷五

詳校官編修臣王天祿



欽定四庫全書薈要卷二萬四百五十九

集部

元詩選三集卷五

長洲 顧嗣立 編

柯九思丹丘生稟

九思字敬仲仙居人以父謙廕補華亭尉不就在
太學時遇元文宗於潛邸及即位擢為典瑞院都
事置奎章閣特授學士院鑒書博士凡內府所藏
法書名畫咸命鑒定賜牙章得通禁署寵顧日隆
言者見忌因乘間乞補外自劾翼日御史章入文

欽定四庫全書

元詩選三集
卷五

宗召九思諭曰朕有意留卿而欲伸言路已敕中
書除外卿其少避俟朕宣卿九思拜泣辭出而中
書竟格詔不行未幾文宗崩因流寓江南至正乙
巳得暴疾卒年五十四敬仲自號丹丘生又號五
雲閣吏天歷間與虞李諸公相唱和及歸老松江
時往來玉峰吳閻與玉山諸君讌遊玉山主人愛
其詩類編草堂雅集以敬仲雁卷稱其宮詞尤為
得體議者以為不在王建下向來藏書家奉草堂

雅集為秘寶而兵燹之餘獨缺首卷余嘗以為恨

近者朱檢討竹垞偶於琴川毛氏得草堂雅集抄

本一冊舉以示余閱之乃首卷敬仲詩也豈文人

才士其精光不能磨滅片言隻字有鬼神陰相之

而使之聚於所好者與因亟為付刊并採入書畫

遺蹟及雜誌所見附於卷末都為一集云

宮詞十五首

萬國貢珍羅玉陛九賓傳贊卷珠簾大明前殿延所作

欽定四庫全書

元詩選三集

二

初秩勲貴先陳祖訓嚴

凡大宴世臣掌金匱之書必陳祖宗札薩克以為訓

黑河萬里連沙漠世祖深思創業難數尺闌干護春草

丹墀留與子孫看

世祖建大內命移沙漠莎草於丹墀示子孫毋忘草地也

親王上壘宴西宮聖祚中興慶會同爭捲珠簾齊仰望

瑞雲捧日御天中

天歷元年十二月二十七日都後特穆爾集賽第二日寶房內對舒固爾齊明

瑞雲捧日御天中爾集賽第二日寶房內對舒固爾齊明

瑞雲捧日御天中爾集賽第二日寶房內對舒固爾齊明

瑞雲捧日御天中爾集賽第二日寶房內對舒固爾齊明

文書行移國史院標寫入史呵怎生奉聖旨您每行文書者

四海昇平一事無常參已散集諸儒傳宣羣玉看名畫

先進開元納諫圖

凡御覽法書名畫羣玉內史掌之

萬里名王盡入朝法官置酒奏蕭韶干官一色真珠襖

寶帶攢裝穩稱腰

凡諸侯王及外番來朝必賜宴以見之國語謂之濟蘇宴海蘇漢言一色

言其衣服皆一色也

官家明日慶生辰準備龍衣熨帖新奉御進呈先取旨

隋珠錯落間奇珍

御服多以大珠盤龍形嵌以奇珍曰雅古特曰刺拉拜者出自西域有直數十萬

欽定四庫全書

元詩選三集

三

定者

傳宣太府頒宮錦近侍承恩拜榻前製得袍成天未曉

著來香殿賀新年

臘前分賜近臣襖材謂之年年段子

鳳城

一作天街

女樂擁祥煙梵座春遊泐

一作管絃齊望綵

樓呼萬歲祥雲

一作只在五雲邊

故事二月十五日迎帝師遊皇城宮中結

綵樓臨觀之

花明畫錦柳搖絲仙島陪鑿濯稷時曲水番成飛瀑下

逶迤銀漢接清池

故事上巳節錫宴於萬歲山

儒臣春直奎章閣玉陛牙牌報未時仙仗已迴東內去

牡丹花畔得圍棋上日御奎章報木時則還內殿矣

玉腕調冰湧雪花金絲纏扇一作繡紅紗綵牋御製題

端午勅送皇姑公主家皇姑者魯國大長公主皇后之母也天歷二年端午上賜甚厚

并御詩送之

觀蓮太液汎蘭橈翡翠鴛鴦戲碧苔說與小娃牢記取

御衫繡作滿池嬌天歷間御衣多為池塘小景名曰滿池嬌

珠宮錫一作宴慶迎祥麗日初隨綵線長太史院官新

欽定四庫全書

元詩選三集卷五

四

進歷榻前一賜諸王每歲日南至太史進來歲歷日

元戎承命獵郊坰勅賜新羅白海青得雋歸來如奏凱

天鵝馳送入宮庭海青者海東俊鵝也白者尤貴有數十全者

玉漏藏機水暗流真珠射日動燈毬偶人自解開青瑣

高拱龍床報曉籌大明殿有燈漏飾以真珠內為機軸以小木偶人十二抹十二相屬每辰

初刻偶人相代開小門出燈外板上直御床立捧辰所屬以報時

宮詞十首

徽儀閣內製春衣日長倦繡立彤闈奚官折送杏花去

笑看玉階蝴蝶飛

黃金幄殿載前驅象背駝峰盡寶珠三十六宮齊上馬

太平清暑幸灤都

奉常告吉禴初冬太室精禋一念通傳旨外廷休奏事

今朝天子坐齋宮

闕華閣後春歸早百種名花臘日開為是君王行不到

園官講殿進盆梅

千品雨過翠玲瓏太液池邊看綵虹何處蓬萊通弱水

欽定四庫全書

元詩選三集卷五

五

儀天殿在畫橋東

中書已奏新除了押寶還催內閣開斜插白麻龍篆濕

近臣當殿謝恩來

高鼻黃鬚款塞胡殿前引貢盡龍駒仗移天步臨軒看

畫出韓生試馬圖

皇心簡注一作在勲臣舊未有人知擬拜除宣索綵牋濡

玉筆榻前先命小臣書

夜深回步玉闌東香爐龍煤火尚紅折得海棠無覓處

依然道却月明中

小時歌舞擅宮庭長憶先皇酒半醒白髮如今垂兩鬢
佛前學得念心經

長信宮秋詞

羊車聲遠意徒勞望斷長門月影高猶恐九霄風露早
明朝擬送袞龍袍

和許彥溫宮詞

暖吹生香花半吐三十六宮傳笑語雕闌並倚弄新春
翠袿不管露微雨小娃相對學吹簧雲母屏風白玉堂
中貴傳宣日將暮不省秋閨斷寸腸

漢長門詞四首

阿嬌初入漢宮時金屋承歡春晝遲欲學新妝重覽鏡
如今羞畫翠蛾眉

翠華明日遊仙苑為報春風候六龍妾貌如花番被妒
莫教花貌似奴容

梧桐秋雨滴昭陽不忿燈花故近床欲下羅幃宮漏永

細看當日繡鴛鴦

名花傾國占宮闈香損傷風傍路飛却憶夜來宮裏事
篋中未慰袞龍衣

題風雨泊舟圖

春風桂楫木蘭舟欲采芳蘅不自由淺瀨潏潏吹暮雨
蒼梧雲冷易生愁

題號國走馬圖

月淡花濃酒半消沈香亭暖度簫韶傳宣趨賜飛龍馬

號國夫人早入朝

題金國端箭人馬卷

毳帳雪花寒單于夜不還分弓傳令爾明日獵天山

題趙松雪畫馬

沙場萬里貳師還天馬如雲入漢關當日丹青誰第一
為傳神駿落人間

題小景便面

渚宮正在綠楊西鳳管龍笙法曲齊宋玉賦成爭諷詠

荷花深處起鳧鷖

題翠瓶色梅圖

玻璃瓶暖翠痕深萼綠仙人出上林不放春風吹繡閣
妝魂無語畫喑喑

題朱澤民臨李營丘寒林圖

高林曾記舊黃昏下筆生春畫掩門
劍器低昂動山岳翠蛾誰解憶公孫

題從子倫畫雪景便面

千山雪月繞漁磯寒沁船窗酒暈微
魂斷翠禽香入夢

梅花應笑美人歸

題趙仲穆畫桃花馬

桃花出水映連錢太液新酣綠樹煙
催賜金鞍調得穩翠華明日幸溫泉

題商壽巖畫山水

集賢曾畫嘉熙服勅賜黃金拜舞歸
從此人間重山水清泉白石轉晴暉

題明雪窗畫蘭

清事相過日應酬山僧信筆動新秋
王孫遺法風流在解使平臺石點頭

王孫謂子固子昂昆仲也時雪窗住虎丘寺

筆生沈日新來求書就寫舊詩以寄

沈生筆妙能隨意曾記蓬萊應制時
三十六宮花漠漠玉階研露寫新詞

墨工林松泉來求為就寫寄

先朝誰進林家墨曾試龍樓鳳餅新
玉硯光華雲彩動

殿中書詔賜功臣

贈相士王生

不見王生二十年武夷山下看清泉
南柯夢裏猶相問臺貯黃金可赴燕

就寄筆生溫國寶

千金當日賦長門溫老中書預選掄
江上秋霜飛鬢影怕拈湘管見啼痕

贈周信之教授

霞蒸春暖丹初熟許我刀圭未暇尋只在鴛鴦湖上住
杏花種得滿園林

題雲溪遠上人像於玉山草堂

道人曾宿靈隱寺能畫寺前山意秋古木立猿啼夜月
下有清泉如玉流

明月歌送僧東遊

上人忤世祇好遊蹴躡空翠凌清秋時人問之寂無語
明月在天惟點頭吳山越嶠皆明月桂樹相隨渡東浙

欽定四庫全書

元詩選三集

十

煩師問訊吾故居山近瓊臺瞰雙闕

贈匡廬山人

道人欲築希夷室自向身中煉火丹何日朝元遊絳闕
九霄回首月華寒

題匡廬山人所藏雲松圖於玉山書舍

幽人結屋廬山側臥看九江天際來白雲萬壑青松老
時撫絲桐坐綠苔

題周文矩畫太真攀鞍圖

春風別院奏笙歌妃子攀鞍轉曉波不信開元太平日
香魂淪落馬嵬坡

題趙松雪畫挾彈圖

夜合花開畫漏遲王孫遊騎出平堤玉鞭緩策青林下
回首風前聽子規

題趙松雪春山圖

落花飛絮春日閒散策深林獨往還關成應對關人語
好似西湖西畔山此紀管仲姬畫眉時語也

欽定四庫全書

元詩選三集

十一

題趙仲穆畫

山頭應是館娃宮錦繡樓臺路可通年年長見五湖水
萬斛舟行白浪中

題文與可畫竹

湖州放筆奪造化此事世人那得知覺然何處見生氣
彷彿空庭月落時

按敬仲善畫竹石得筆法於文同嘗自謂寫絲用篆
法枝用草書法寫葉用八分或用魯公撇筆法木石
用金銀股屋漏痕之遺意然其生意飛動有龍
翔鳳翥之狀此詩所謂生氣非敬仲不能道也

題李遵道春山圖

江上蘭橈倚綠波江頭聽唱竹枝歌使君多少傷春意
新畫青山作髻螺

題李遵道畫扇

江清地僻野人家門外橋通石徑斜不信東華塵十丈
萬山晴雪看梨花

題王孤雲界畫山水圖

滿地山河如繡迴巖樓閣凌風幾度春花秋雨不知秦

欽定四庫全書

元詩選三集
卷五

三

苑吳宮

題道士黃松瀑詩帖後

道人下筆重黃金尚憶宮牆古木深獨倚闌干揮老淚
江山風雨動哀吟

題達兼善書漁莊篆文

閒居正憶龍頭客喜見秦人小篆文便到山中看摹勒
已拚十日臥寒雲

題米元章海岳卷圖

我棄朝歸海岳卷千巖萬壑繞江南先生預擬歸來計
不待臨風雪滿簪

題米元暉山水

帝鄉春日曾舒卷溪館秋風每見之處處雲生山似畫
年年老去鬢如絲

題漁父圖

黃金不用買騅駒十丈紅塵沒馬頭好買扁舟逐漁父
一江春雨看浮漚

欽定四庫全書

元詩選三集
卷五

三

題張萱畫橫笛士女

纖手斲宮徵紗痕薄暮霞畫眉人去後深院落梅花

題黃筌畫紅蕉十二紅

故國三千里名禽十二紅白頭供奉在揮淚溼東風

題芙蓉畫眉

誰道秋容澹名花帶露穠畫眉聲欲碎莫放曉妝慵
題邊武畫蒼松圖

疎竹搖秋雨蒼松凝晚煙王孫歸未得誰復效春妍

題周文矩畫熨帛士女

熨開香霧細裁縫蜀錦吳綾五色穠雲母屏前秋冷澹
自將纖手折芙蓉

題拜石圖

麾斥煙霞世莫儔須江太守獨清流庭前見石即下拜
石若有情應點頭

題王仁壽畫駝

西域降王朝正朔名駝載玉曉連山兩峰殘雪隨羌鼓

欽定四庫全書

元詩選三集
卷五

十四

萬里流沙散漢關仗內垂鈴珠錯落駕頭蒙背錦襴斑

汝南粉本

寧識如今滿世間

題姚婁東所葺平臺寒林圖

古木寒林欲斷魂家山落日近黃昏相從便問桃源路
絕頂人行何處村

題趙子固畫墨蘭

王子當時倚玉樓飄蕭翰墨足風流人間自有清香種
不逐湘纍一樣愁

題所藏趙仲穆畫江山秋霽圖

國朝名畫誰第一只數吳興趙翰林高標雅韻化幽壤
斷縑遺楮輕黃金憶昔京華陪勝集郎君妙年才二十
江南春雨又相逢筆底秋山那可及便欲追蹤僧巨然
破墨爛漫還清妍倚闌人待滄海月懸岬樹拂瀟湘煙
老夫性愛扁舟趣風靜波深疑可渡顧生癡絕忽大叫
指點前峰問歸路

題李息齋畫竹

仙客揮毫不可招綠雲猶繞翠蕤飄天風吹醒丹淵夢
冉冉青鸞下九霄

欽定四庫全書

元詩選三集
卷五

十五

深宮雨過長苔痕誰憶羊車舊日恩惟有集賢癯學士
一枝漠漠記黃昏

筆端隨意長清標疎葉生風剪剪飄羸馬城南看新筍
雨餘初散集賢朝

使君弭節毗陵日屏障家家有畫圖何似小窗橫幅好
青鸞雙過洞庭湖

題郭元方畫海棠蛺蝶

名花楚楚近清尊
蛺蝶春生五色痕
金屋瓊窗無鎖鑰
蓬萊飛墜太真魂

題蘇叔黨畫竹石

別墅促煎茶
溪邊路不賒
藍橋曾種玉
春筍出仙家

題武洞清阿羅漢像

天厨送食鹿銜花
口誦恒河沙
復沙獨立虛空無所住

石橋西畔老夫家

欽定四庫全書

元詩選三集
卷五

十七

題錢舜舉畫杏花

一枝綠杏逞妖嬈
曾向東風楊柳青
金水河邊三十里

落紅如雨玉驄驕

張叔厚白描乘鸞仙

秦臺縹緲近天涯
紅露霏霏隔絳紗
蕭史不歸春欲老

吹簫祇在碧桃花

題周昉畫荔枝宮女圖

驪山宮殿九天開
盤出輕紅破玉腮
中使傳宣催驛騎

宮娥報道荔枝來

題李遵道畫竹

秋風滿紙老黃華
元氣淋漓歎復斜
應是黃巖癯太守
青鞵時過楚人家

題溫日觀畫蒲萄

學士同趨青瑣闥
中人捧出赤瑛盤
丹墀拜賜天顏喜
翠袖攜歸月色寒

題從子倫寫生芍藥于玉山佳處

欽定四庫全書

元詩選三集
卷五

十七

九十春光事已非
翻堦紅藥尚天機
畫工點染成生色
說與東君少待歸

題王元章寫紅梅花

姑射燕支襯露華
一枝楚楚進天家
君王不作梁園夢
金水河邊厭杏花

題馮子振橫幅荷花圖

水殿風生酒力微
三千宮女綠荷衣
美人應妬華隨去
月上瑤階未肯歸

題盧益脩畫水仙花

暖瓊柔翠曉慵妝香損鴛鴦瓦上霜帝子愁多春夢遠
佩搖明月近瀟湘

題宋好古綠竹圖

仙子相邀駕綵鸞瑤池玄圃拾琅玕却憐宋玉多才思
貌得森森翠羽寒

題宋徽宗畫柔條雨燕

雙雙紫鶯承恩重立盡柔條活欲栖莫忘六宮春雨暮

欽定四庫全書

元詩選三集
卷五

九

珠簾捲處不曾低

春直奎章閣二首

旋拆黃封日鑄茶玉泉新汲味幽嘉殿中今日無宣喚

閒捲珠簾看柳花

春來瓊島花如錦紅霧霏霏張九天底事君王稀幸御

儒臣日日待經筵

退直贈月

西華門外玉驄驕新賜羅衣退晚朝繡枕魂清疎雨暮

海棠銀燭度春宵

元日會朝一作朝會大明宮

軒冕朝元湧翠埃中天鷄唱內門開雲開一作飄五鳳層

樓盡日繞羣龍法駕來謁者引班聯寶帶上公稱壽進

金杯撞鐘告罷宮花側人指儒冠錫宴迴

次杜德常典籤玉泉寺秋日感懷韻五首

萬騎時巡九月回年年望幸寺門開兒童不識髯龍遠

猶問君王幾日來

欽定四庫全書

元詩選三集
卷五

九

玉殿珠樓漾水光翠華來幸拂天香高皇魂魄應思沛

時有祥雲護此方

貝葉空聞馱白馬金根不復駕蒼蚪當時迎日花如錦

一片人間逐水流

錦纜牙檣天上移美人爭挽綠楊枝如今淚灑西風急

採盡蘋花晚欲吹

縈波翠苻牽秋恨泣露紅蕖落曉芳惟有舊時西嶺月

自移閣影過朱牆

送尚醫林邦猷歸天台省親

嘗藥事親師華扁玉函方秘得真傳採芝曾斲瓊臺月
煮水時飄碧海煙幾載尚醫留帝里一朝歸省上江船
五雲閣吏今華髮為報桃花洞裏仙

贈醫者徐復菴

人說徐卿有奇術京華視病覓詩酬能知夢裏釣天樂
戲作壺中遯世遊客館守丹和月生名山採藥帶雲收
有人來問陽初復杜若春風江上洲

欽定四庫全書

元詩選三集
卷五

送王誠夫赴無錫知州

黃金橫帶爛輝光出守寧辭道路長鵷序久陪蒼水使
鳳池曾赴一作賦紫薇郎雙旌坐鎮清溪月列戟看凝燕
寢香宵汲惠山泉見寄青春煮茗當還鄉

題安僧元帥遠景亭

東河亭子憑高爽俯瞰平原繞茂林滄海月生朱拱濕
秦山雲起繡簾陰夢回春渚鐘聲小目倦晴空雁影沈
誰似詩書老元帥清時於此寫丹心

潞陽客舍和儲生韻

逆旅棲遲筆硯香柳車底事戀文章雲拖鴻雁生秋色
月冷魚龍湧夜光慟哭有誰憐賈誼形容已老似馮唐
風沙忽遇江南客佳句猶期萬里驤

送秘書掾李道濟之峽州知事

館閣論文久都門出餞遲同為遊宦客忍賦送行詩蜀
道傳鸚鵡江亭叫子規地偏公事少峽外看舟移

送趙虛一還金陵書虞翰林詩後

詞臣通籍侍金闈天語從容問舊蹊雲外山高龍虎踞
人間松老鳳凰棲翰林擬詔當紅藥道士疏封出紫泥
更賜金錢祠泰時寥陽前殿麗璇題

欽定四庫全書

元詩選三集
卷五

五二

虞翰林詩并序曰天歷二年三月廿五日集侍立延閣上顧集嘗至金陵否集謹對曰嘗到又曰治亭是汝所題往年八九至其處新松當長茂矣集謹對曰是未種松時到也近臣奏言道士趙虛一所種也上曰然已陞觀為宮汝知之乎集謹對曰臣奉敕題榜賜之矣是日歸虛一來別歸江南即告以聖上不忘治亭之意又三日吳大宗師持卷來索詩贈行因錄所得如上云詩曰春明查侍奎章閣聖上從容問治亭為報仙都趙真士新松好護萬年青

送李教授之湖州

水精宮裏尋春處天目山前看月時
隔岸園亭俱可愛舊時風物未全衰
廣文遊宦詩如錦博士淹留鬢欲絲
欲謝君恩無寸補他年杜牧去應遲

送達兼善赴南臺御史

楊花滿隄春已暮况是都門送客時
共陪鳩鵲方自慰遠乘驄馬令人思
汀州水闊生杜若山驛雲深啼子規
東南此去須行志斗米七千人苦飢

送程鵬翼赴山東運司經歷

齊人富國書猶在煮海為鹽屬縣官
千竈飄煙雲樹濕萬盤凝雪浪花乾
西曹儒雅聲華舊東郡司存禮數寬
談笑雲霞公事了大明湖上凭闌干

俞希聲置竹石于几案間名曰小山陰山陰吾之故鄉不能無題

昔年曾在山陰住不謂山陰到此堂
蒼苔翠竹汝所好白石清泉吾故鄉
禹穴有懷游太史鑑湖無復賜知章

張帆明日竟東下雨過西興樹影涼

題錢舜舉畫梨花

洛陽城西千樹雪走馬看花徧阡陌
金鞭換酒為沈闌爛醉花前扶不得
粉香薰透詩人脾思入吳淩灑殘墨
別來風雨難為春客懷幾度孤清明
壯遊回首已陳迹一聲啼鳥心魂驚
苕溪居士獲天趣造化潛移不知處
玉容寂寞澹春寒猶記香山舊時句
羨君好古清有餘勵志恥作黃金奴
梅邊握手恨不早老眼半世空江湖

畫圖詩筆耀當代大嚼屠門意殊快
更須什襲為珍藏

靜裏春光常自在

題畫蕙

一幹生數花春風折香玉持之贈所思
幽人在空谷

題靈壁石

翠滑煙虛小洞天一辭泗水不知年
君王半醉宣和殿曾見驚塵落舞筵

題趙承旨墨竹

閭闔風來玉珮珊
洞庭秋入淚痕斑
至元朝士今誰在
翰墨風流滿世間

題唐子華畫秋江亭子

林皋霜老紅初冷
巖畔煙虛翠欲消
記得山陰曾訪隱
一筇秋色度溪橋

題從子倫畫南山曉霽圖

少年曾滯南山勝
畫舫笙歌日日來
第二橋邊春水滿
曉晴芳樹散輕埃

欽定四庫全書

元詩選三集
卷五

五

題山谷詠馬詩帖後

道山書困下階立
曾見先朝十二閑
紫翠樓臺秋雨後
清詩零落向人間

閨中詞寫寄三首

階前萱艸可忘憂
底事王孫尚遠遊
却笑去年新種竹
錦綉已露竹根頭
物華生意隔湘簾
睡起殘妝思更酣
微笑竟穿花畔去
背人低語折宜男

四月新筍長五月萱艸開
日長深院靜獨自步蒼苔

烏夜啼寫寄

故宮芳艸春日低
高林漠漠烏夜啼
烏啼不斷愁深閨
萬里封侯安足道
玉顏如花夢中老
東方欲曙鳥飛去
門外落花紅不掃

偶成三絕寫上就質匡廬山人

月華雲影漾中郊
光曜紛紜動翠旂
玉笛夜吹山石裂
有人騎鶴過三茅

欽定四庫全書

元詩選三集
卷五

五

放日輕霞破曉陰
北窗徙倚聽龍吟
光搖翡翠蓬山遠
浪擁玻璃貝闕深

青鳥當時養得馴
碧梧露下覆清晨
紗窗忽見秋如許
應有蛾眉憶遠人

偶題寄玉山

一作沈花館

溪行何處是仙家
谷口逢君日未斜
隔岸雲深相借問
青松望極一作極望有桃花

玉山書畫樓口占

一作湖光山色樓酒邊口占

紅顏欲醉倚高樓玉管聲中桂子秋如此江山一作湖山如此
不歸去冷雲風急臥扁舟

姚婁東往玉山因書以寄

相逢何事且徘徊澤國桃花岸岸開見說衡陽南去路
秋深無雁寄書來

春日偶成戲簡玉山人

愛君談笑俱清絕昨日相逢是幾回春色不將塵事惱
杏花移得上窗來

欽定四庫全書

元詩選三集
卷五

五

姚婁東往武林和玉山韻以送

我欲從君馬首東錢塘湖上看東風六橋歌舞歡娛地
萬井樓臺深淺中

午日有感書寄

紅葵翠艾動千門惟有蒼梧霧雨昏離騷歌舞湘妃怨
宋玉如花合斷魂

索陽莊瓜寄玉山

穀雨初乾可自由荷鋤原上倦還休醉迷芳草生春夢

誰識東陵是故侯

題釣月軒

談笑從吾樂相過罷送迎凭闌看月出倚釣待雲生蝶
化人間夢鷗尋海上盟軒居總一作穩適意何物更闌情

至順初上嘗御奎章閣太禧使明埒董阿中書

左丞趙世安大司農卿哈喇巴爾侍上從容詢

求江南之士臣九思以韓性張翥應詔上曰俟

修皇朝經世大典畢卿至江南刊梓時可親為

欽定四庫全書

元詩選三集
卷五

五

朕召此二人者來試之館閣臣九思再拜曰幸

甚後有近臣自南使還者上問此二人其人亦

曰佳士上頗悅後竟因循遂隔今舉事玉山思

之泣然流涕玉山請詩以紀因為四十字以寄

二子云

二美人間少胡為滄海涯文章聯壁貴聲譽九重知宣
室今無召丘園謾有詩蒼梧雲鬢鬢回首淚空垂

題黃筌梅花山茶野禽圖

芳綠仙人白玉冠霞裙輝映碧雲團芳禽慣聽吹簫暖
偎徧春叢午睡闌

題趙昌畫牡丹鶺鴒

雕闌玉砌舊承恩輕吹凝香瑞靄溫宮女傳言妃子笑
笑看馴鶺出金盆

余舊為顧長卿作梅竹圖明年其弟仲瑛於姚
子章席上索題遂成口號云

晴雪禁梅蕊春風裊竹枝美人應失笑記得捲簾時

欽定四庫全書

元詩選三集

卷五

酬陸友仁城南雜詩十首

尺五城南瑞靄浮曾陪玉輅祀園丘太平禮樂逢昌運
親見嘉禾屢有秋

尺五城南神御殿雲籠金碧半天開羹牆每極終身慕
萬乘旌旗拂曉來

尺五城南老圃家牡丹如斗炫朝霞君王宴坐奎章閣
中使人間不買花

尺五城南暖始開柳林閱武振芳埃鶻起駕鵝天際落

侍臣寢廟獻魚來

尺五城南憫忠閣平壤歸來有所思魏徵不作碑已仆

朝廷久乏諫諍姿

憫忠閣乃唐時建為征高麗戰沒之士

尺五城南故國基武元皇帝有穹碑苔痕手剝推終始

載記當年備拾遺

金太祖也

尺五城南可墜田勢隨高下接平川十年沃野連千里

能減東吳漕運船

尺五城南古寺深燕臺陳迹貯黃金幾回獨立斜陽外

欽定四庫全書

元詩選三集

卷五

數盡歸鴉月滿林

尺五城南望帝都孤臣去國意躊躇篋中尚有忠臣疏

不是相如封禪書

尺五城南話往年妝臺明月媚華筵歡娛未了聞笳鼓

岐國雙娥鎖翠煙

妝臺者金章宗所築以貯李宸妃章宗嘗曰二人土上坐宸妃應聲曰一

月日邊明章宗大悅我太祖皇帝伐金之初金宣宗嘗獻岐國公主以請和故云

題宣和書畫博士李時雍畫渭川煙雨圖

近代何人能畫竹只數熙寧文與蘇宣和復有李博士

亦作渭川煙雨圖圓中蕭蕭風景暮溪谷縈迴森竹樹
深林欲澹蒼翠來暗葉爭翻亂珠度石梁細路人家幽
生涯應比千戶侯老夫對此銷百憂坐覺滿堂生素秋
筆端亦能工破墨直節曾移江上色先朝見之重歎息
吁嗟儒雅成陳迹回首丹青天地窄

寄題聽竹亭

送客題詩學楚歌君歸聽竹楚山阿蒼竿已覺逢秋勁
亂葉翻疑入夢多月滿瀟湘初鼓瑟風回閭闔舊鳴珂

欽定四庫全書

元詩選三集
卷五

三

杖藜作伴清心耳惆悵如今鬢已皤

中秋醉後偶作

虞淵日沈羣動息露點蒼苔鬼工泣纖塵不染堪輿清
秋水無痕湛晴碧初若照膽鏡飛上天一壁又如驅龍
珠跳出滄海窟冷光透體骨髓凝瀨氣侵人毛髮立年
年中秋事行李孤館殘燈滯他邑今歲居貧家此景頗
自適持杯向月月墮酒舉酒長吞月隨入酒到胃中飛
火車月入詩腸化冰汁眼花忽見仙人來笑語欣然若

相識長笛叫虛寒餘響裂巖石搔首於兩間今夕復何
夕雲中老桂飄古香樹影婆娑印蟾壁天風忽吹散人
月兩俱失玉山倒入無何鄉雄雞聲裏東方白

送倪仲剛遷淞西

我昔少年氣如鶻萬里肩書趼雙足歸來思得人中雄
捫蝨高談破聾俗病餘此事便已廢學向衡門守雌伏
倪君表表淞右來襟宇脫略無纖埃相逢一笑即傾倒
使我鬱塞怡然開鹽車久矣滯駮駟熟路飄飄籟雲起

欽定四庫全書

元詩選三集
卷五

三

丈夫有志在四方出處還應異諸子離筵興濃舟且艤

翠袖吳娃嫩如水清歌三疊動陽關嫋嫋餘音碧雲裏
願君舉觴不留滴去去功名當努力他時短棹為君住

把酒吳山捲晴碧晚風推出海門潮醉挽雲濤洗胃臆

商壽巖山水圖

老子胃吞幾雲夢騰水殘山藏妙用酒酣時把墨濡頭
收拾乾坤作清供粉黛不寫兒女顏禿兔掃盡江南山
孤峰拔地起千尺凜凜秀色撐虛寒飛泉一道躍靈窟

古樹千株舞煙骨小橋流水隔紅塵中有幽人臥茅屋
衆奇百譎鳥可名筆力到處俱天成王維久死喚莫起
此畫一出疑更生世人飲食鮮知味淡裏工夫屬三昧
屠門大嚼空垂涎口不能言心自醉蹇驢馱我春暮時
觀山仰面哦新詩垂楊修竹夾古道忽有桃杏橫纖枝
浴沂風軟搖輕袂雨過屏山滴煙翠數家籬落近橫塘
牛背夕陽明遠霽悠然對景心無窮冥搜直欲收奇功
貪愛眼前閒世界不知身落畫圖中

欽定四庫全書

元詩選三集
卷五

三三

雪夜冰琴詩為鄧靜春賦

嶧陽孤桐堅如鐵石上蟠根飽風雪何年雷電驅六丁
曾入深山取蛟螭碎礪擊碎餘孫枝流落塵寰知幾劫
卓哉至寶斲斯器聲滿乾坤擅奇絕雪光照夜三尺冰
落指飛泉響雲穴霜空湛碧來西風老鶴孤鳴下天闕
余生兩耳獲觀賞所恨點驢惟枝拙小齋人靜月窺窗
古瓶水暖梅花香拂衣再拜聆君操恍然挈我遊天鄉
茫茫是身非已有塊坐俄驚柳生肘九原大叫伯牙醒

一洗雷同世間手

趙孝子歌

愁漠漠歌烏烏一作哀鴻背雪鳴一作相呼中原無書
歲復晏有父萬里身羈孤兒欲從之重回首闈中有母
母有姑側立乾坤行一作復止一作浩浩落日明江湖
憶昔方祿一作抱阿爺辭家去倏忽三十年兒今壯已
娶一朝祖母死揮淚青山濕却辭老母踰一作江淮一作
湖風沙何處收親骨燕市逢先友迢迢指濱州濱州東
去二千里城南亂處那可求呼一作天頓地淚成血天
地為之色慘冽一作結髮誓死不去此髮解冢開還見
碣兒能裹骨反如墓妻能守志終同穴君不見泣林冬
斲一作荀臥冰寒得魚古來純孝動天地我詩紀事誠
非虛墨書早暮旌其閭

將進酒送九江方叔高南還一作子洲巡檢

君不見瀟湘之浦蒼梧山虞舜南巡去不還當時揖讓
稱大聖但餘湘竹秋痕斑又不見汨羅江水杯一作深碧

欽定四庫全書

元詩選三集
卷五

三三

玉屈原憔悴江頭哭皇天何高地何厚忠而被讒空放
逐將進酒君莫辭聖賢亦塵土不飲當何為桃華水暖
歌聲度楊柳風輕舞袖垂况是驪駒促行役美人惜別
低蛾眉有肉如陵有酒如海今朝盡醉一作不飲極歡娛莫
待重來鬢絲改黃金裘一作東寶劍一作帶白玉飾珣弓將
軍上馬意氣雄賦詩橫槊踰江東

送陳玉林南還

一作飛龍亭

二首

謝安墩上新亭好玉斧驚狂記舊

一作紀昔

遊五采已

一作曾

欽定四庫全書

元詩選三集

三五

瞻天子氣六龍初

一作戍

起帝王州元戎談笑收京闕阿

閣論思侍冕旒歸臥滄江今白髮鼎湖雲斷使人愁

龍去亭

一作臺

空思惘然道人和淚話當年珠宮錫號開

三島金榜承恩自九天花落御床霑宿霧苔生輦路濕

蒼煙春來怕渡秦淮水處處青林啼杜鵑

送陳孟賓歸九江省親

藉甚聲華翰墨場白雲飛處思淒涼濫分七略陪天祿
因識諸儒載奉常遊客久瞻金闕近歸舟貪看錦屏張

太平天子行封禪莫滯周南歲月長

送趙編修使秦蜀代祠嶽瀆

嶽瀆由來崇祀典歲遣使官達精裡談經暫辭白虎殿
持節非致碧雞神錦繡秦川懷往日兵戈蜀道嗟遺民
斂福蒼生待歸奏未央前席進儒臣

蘇文忠天際烏雲卷九首

山中覆

一作見

鹿拾蕉葉眼底生花二月明不道人生俱

夢裏新詩猶話夢中情

欽定四庫全書

元詩選三集

三五

綠窗度曲初含笑銀甲彈箏不露尖人生莫待頭如雪

華屋春宵酒屢添

雲中初下勢如驚白鳳踟躕雪色翎多少舊遊歌舞地

不堪回首又重經

桃花扇底露脣紅

一作無

復梳妝與衆同一曲山香春

去也

一作意動

茶蘼無語謝東風

一顆摩尼不染塵瑤池玄圃度千春寥陽殿裏雲深處

誰是當時解佩人

三月旌旗幸玉泉牙檣錦纜御龍一作清船千官車騎如

雲湧一作揄楊柳梢頭月色娟

長憶眉菴鶴髮翁舊時阿閣贊皇風如今流落那堪說

黼黻文章似夢中

鼓瑟湘靈欲斷魂洞庭風一作波浪不堪論一作聞遙知舊

賜宮袍一作文窗錦雙袖龍鍾總淚痕

興聖宮中生落花詩成應制每相誇廬山面目秋來好

自杖青藜步白沙此卷天歷間得之都下余愛坡翁所書之事俊拔而清麗令人持玩不忍

欽定四庫全書

元詩選三集

卷五

釋手故侍書學士虞公見而題之余攜歸江南會荆溪王子明同余所好攜之而去他日再閱於環慶堂俯仰今昔為之慨然因走筆盡和卷中之詩以舒其悒鬱之氣傍觀者子明之兄德齋淮南潘純全壇張經長安莫浩至正三年夏五月丹丘柯九思書

題雪泉三首

山中積雪清如許况是石磯臨碧滿好似瑤池歸較晚

九霄騎鶴不禁寒

雪裏寒泉噴薜蘿幽人於此可高歌驪山底事融陰火

却與三郎浴翠娥

寒梅幾樹近山堂映雪臨流正吐芳汲得泉歸和雪煮

地爐茶熟帶清香

偶成

蜀江西來春水平洲渚縈迴春日明江頭女兒唱歌去

風送楊花迷遠情

有所思

雲帆何處是天涯遼海茫茫不見家况是園林春已暮

有誰明日主殘花

欽定四庫全書

元詩選三集

卷五

初夏即事

綠楊嫋嫋雨初晴浴罷蘭湯尚宿醒簾卷流蘇通乳燕

薰風樓閣看生成

山館

山館無人日日開巖深林密曉猿哀移文恐到人間世

羸馬春風獨自來

記夢

月色如銀滿碧空扶搖九萬躡西風夢魂不解寒生粟

直與秋毫挂影中

送澤天泉上人

湖外三天竺溪邊九里松
禪心秋寺月詩思晚林鐘
齊已名無敵支郎說有宗
京華同惜別澤國幾時逢

送林彥清歸永嘉

雁蕩接銀漢翠湧生高寒
芙蓉散秋錦飛落秋雲端
我昔造絕頂天閣路漫漫
遙瞻廣寒殿素娥正憑闌
白兔倚月魄指顧成神丹
因招宋成公吹簫乘紫鸞
俯視九

欽定四庫全書

元詩選三集

卷五

萬里元氣清團團別來知幾時
弱水如平灘忽遇鴈山客
霞珮青蓮冠還入鴈山去
玉髓供晨餐報我舊遊者
久待凌煙巒吾患為有身
南望空長歎

春日病起看花走筆呈座上諸友

幾日不出門花開已如許
錦繡薄流霞臉脂透疎雨
暖生蝴蝶夢風淡鴛鴦浦
底事遠遊人鷗邊蕩柔櫓

秦長城

驅車出長城飲馬長城窟
朔雲黃浩浩萬里見秋鷗
白

骨沙何處淒風卷寒沙
蒙恬劔下血化作川上花
祖龍

一何愚社稷付征杆
長城土未乾秦宮已焦土
千載不可問似聞鬼夜哭
矯首武陵原紅霞滿川谷

半月樓

蛾眉山色凝秋碧山下雲
連鏡湖濕萬里青天月半規
十二樓頭夜吹笛滿庭桂
樹仙人家玉兔搗藥來紅霞
青蓮居士下東海祇在蓬萊
掃落花

賦花上月送沃州良上人

林園念良會花月含清輝
娟娟絲萼皎皎澄芳姿
臨池春弄景轉樹夕藏霏
凝香翡翠蓋散影沾羅衣
飛觴昔忘曙秉燭貴及時
欲隨夫遁廢行樂願無違

漢宮祠

漢宮花發亂鶯啼望斷霓旌
竟欲迷莫種梧桐貪倚翠
雨聲長在玉階西

送王止善入京

君到金華怯暮春御溝波暖
綠粼粼城南牡丹大如斗

欽定四庫全書

元詩選三集

卷五

馬上葡萄能醉人

太白畫像

玻璃激濫酌蒲萄獨擅瑤臺志氣高院吏持歸青瑣靜
海棠移月上宮袍

米元章畫像

寶晉齋中春日長舊時宮硯墨痕香海棠花發黃鸝語
臨到蘭亭第幾行

題光孝寺訥無言長老所藏宇南畫龍

道人畫龍龍絕竒何處人間曾見之上京清暑朝初退
太液池邊看雨時

墨竹

生意滿孤根香凝粉節痕驚看雷雨夕化作老龍孫

題汲水美人圖

汲水立銀床照見紅妝影王孫殊未歸寶釧霜花冷

題綠竹

江南撥鐙法寂寞冷天涯阿誰春雨後貌得翠蛾眉

題李伯時畫馬

聞說龍眠畫曾師十二閑桃花晴泛水首肯曉一作連
山蹴月馳周道嘶雲入楚關驍騰萬里志顧影落人間

題趙子昂詩卷三十韻

江漢龍船下東南王氣收求賢垂睿略為治訪嘉猷使
者班纁幣王孫覲冕旒未央凝露掌東序薦天球顯氣
凌風上祥光近日浮看花陪雉尾視草近螭頭清曉還
聞履嚴寒或賜裘宋公周有客項伯漢諸侯人仰文章

貴身承禮數優五朝通內籍九命擅清流昔滯京都久

時從几杖遊通家憐我慧對酒慰羈愁妙墨時相贈新
篇不厭酬風流追鮑謝文采駕枚鄒心慕歸來好官因

老欲休倚闌秋待月攜客煖經丘歌罷聞啼鳥機忘玩
狎鷗苔溪今寂寂松雪自悠悠馬鬣遺封在龍驤待詔

不斷縑人共賞隻字世爭售揮翰能兼美評量此莫儔
調高鏘玉管筆健映銀鈞江海蒼煙暮湖山碧樹秋賈

充能誤國王策漫登樓花落渾無賴春歸不自由蜀賧

臨別望英穎勝他州揮灑真成癖吟哦可解憂鍾王多
韻度李杜極深幽入室能攀踐趨隅恨阻修錦標連玉
軸把卷共綢繆

送黃鍊師

榴皮書壁走龍蛇池上芭蕉又見花北闕恩承新雨露
西湖光動舊煙霞春風日長玄都樹秋水星回碧漢槎
修月功成三萬戶蕊珠宮裏誦南華

春直寶閣

寶章金鑰直承明袖捧祥雲曙色清親侍鸞輿中道發
旁趨冠劍兩街行洞房夜景搖珠箔別殿香風度玉箏
萬物盡沾忠厚澤苑花深處聽流鶯

顧愷之瑤島仙廬圖

虎頭有三絕丹青尤擅長崇峰騰碧靄斷岸跨朱梁蘿
結藏真館花明屏息房廣成叅道訣黃石悟心方瓊樹
依巖未青芝立澗傍山童持玉簡羽客佩琳琅應見遊
麋鹿翔翔起鳳凰丹梯縈百折山路曼非常泉落衆山

雪虹飛干錦張設施神秀發點綴韻清揚金石歸天府
璠璣豈鳳行應知還聚散今再屬珍藏夙覲仍非偶悠
然入化鄉

關仝秋山凝翠圖

關仝善繪事上宗洪谷師長素寫幽興宛似清秋時天
高氣為肅野曠山自竒鬱鬱青於染巍巍翠欲垂遠邨
人語動近水漁梁支霜飛萬木變風冽千家稀空江渺
無際虛閣客有期深情歸慘澹淺絳多媚姿宣和昔年
襲人世何時遺子虛愜所慕把玩常在茲會合不易偶
聚散聊自怡書罷爾攜去何禁神為馳

范寬江山秋霽圖

華原范中立深得丹青要仙遊幾百年聲譽尚流耀圖
成三尺練曠遠多詩料山迴起蠶叢水漲沒寒潦落葉
入空江清暉映丹嶠歸人望故原栖禽集蒼篠輕舸泝
中流虛闌挂斜照髣髴瀛海間無限足清眺何如荆與
關奚讓唐吳道媿余涉黃塵未得無聲與片語何足論

臨風竹長嘯

王叔明天香書屋圖

潁川有高士落落無常居不愛城市遊乃向巖壑廬開
牕俯西楚縱目聊自娛青山望中來白雲與之俱森森
芳桂林濯濯朝雨餘良時會佳朋尊酒散襟裾豈無榮
寵念窮達各有途山來不必廡山去不必呼仙人王子
蒙揮灑作新圖優游自成趣奚必谷名愚

趙仲穆秋山訪友圖

萬壑寒蕭森千章樹蒼老溪錦新織成雲文初脫橐茅
屋倚幽叢鹿麋臥深草呼童掃綠苔晏坐聽黃鳥江山
如有情展卷舒懷抱囊琴為尋幽不辭涉深窅疎林間
紅葉遠遠出山杪煙靄互吐吞恍若龍輕縞從來趙王
孫胸次有三島置之青玉几雲霧時旋遶變幻為虎踞
光怪凝龍矯只此一洞天愈探愈不了山形雖渾成石
貌實妍巧宛然山陰遊萬狀難分曉骨力故清奇因知
得名早

欽定四庫全書

元詩選三集
卷五

四

陸探微員嶠仙遊圖

員嶠方壺戴斗極疊嶂橫陳開碣石翠崖丹磴互低昂
複閣層闌轉空碧碧桃花落笙聲幽雙成吹玉彩鸞謳
跨鳳騰雲去無跡清猿啼斷層崖秋霞光隱映山長在
寰海茫茫隔煙靄舊遊仙侶謾招呼誤落人間幾千載
吳爭越戰何可數東書何問桃源路畫圖空見避秦人
隔水漁郎不相顧

閻立本秋嶺歸雲圖

唐室閻公多雅度政暇舒懷染豪素重疊青蒼百丈山
參差紺碧無窮樹白雲一抹時送來陰翳千林忘朝暮
仙家寂寂野禽啼板橋歷歷行人赴迢迢白水接荒邨
蕭瑟黃蘆鳴古渡當年畫手不乏人誰似閻公能武步
宣和寶愛什襲藏御筆親題尚如故屈指於今七百年
一失一得真有數清容先生欣購之倒索傾囊愜所慕
吾儕何幸入奇觀滿目氤氳起雲霧因知作者有深思
蕪詞何敢輕相附摩挲繼尋未能忘慚余亦有煙霞痼

欽定四庫全書

元詩選三集
卷五

四

王維輞川圖

猪龍兒嬉錦繡好三郎歲晚懽娛老阿環姊妹擁華清
朝士宮前誰敢到右丞脫却尚書履布襪青鞵弄煙水
藍田別業堪畫圖矮本丹青自遊戲華子岡頭輞口莊
湖亭竹館遙相望小橋招轉青紅窗樹巢歷歷煙茫茫
藥家瀨前兩舟上柳浪一尺清風狂詩成相與和者誰
我家裴迪無能雙丘壑風流固如此安知畫外清涼意
凝碧池頭天樂聲白石纍纍淨如洗亂後歸來舊第中

欽定四庫全書

元詩選三集
卷五

四

玄牆綠戶老秋風人生過眼皆夢境乞與山僧開梵宮

半幅吳綃如傳舍俟誰得此千金價客來寒具莫恩

三百年前御厨畫

上馬

眼昏身手鈍上馬怕風沙只好扶藜杖循籬看菊花

虞雍公誅蚤賦虞伯生書

因讀誅蚤賦深憐愛國情三公登間牒四海失昇平早

覺文章貴爭期德業成雲仍蒙世祿翰墨負時名

幹馬圖

圉人扈從溫泉宮曉汲清波浮落紅驂駟解語意相得
肉駿振動嘶春風天子臨軒催羯鼓繡茵檀板登床舞
美人盼睐相輝光那復臨邊思報主潼關夜半烽火明
錦綉兒來坐大廷此馬棄捐何足道顧影長城厭水腥
應是英皇恨更多

題黃鶴樵叟竹石

欽定四庫全書

元詩選三集
卷五

四

黃大癡縹緲仙居圖

玉觀仙臺紫霧高背騎丹鳳恣遊遨雙成不喚吹簫侶

閨苑春深醉碧桃

菊山詩贈吳興黃君

菊蕊逢秋放山居可醉眠落英敲石冷佳色傍雲鮮舊

摘煙蘿外新栽水竹邊思君多道味何日共攀緣

岳王墓

結髮行間見此公兩河忠義俟元戎勲成伊呂終方駕

算勝孫吳亦下風
拂劍未酬千古辱
賜環空壞十年功
姦邪賣國堪流涕
獨立西風看去鴻

方方壺雲林圖

仙人危太樸
屏跡雲林間
河車運金液
九轉成大還
苦辛三十載
得道鬢已斑
弱水政清淺
蓬萊那可攀
嬌娥貯金屋
霜露零秋山
勿猜松柏操
不及桃李顏

王叔明雙松圖

碧眼支郎耳更聰
軒楹占斷白雲中
有聲聽到無聲處

欽定四庫全書

元詩選三集
卷五

四

錯認長松是老龍

玉山佳處

神人夜斧開清玉
一片西飛界溪曲
中有桃源小洞天
雲錦生香護華屋
主人意度真神仙
日日醉倒春風前
手揮白羽扇
口誦青苔篇
袖拂劍山雲
足躡藍田煙
飄飄直向最佳處
漱潤含芳擊琪樹
世間回首軟塵紅
不須更向蓬萊去

題趙鷗波古木竹石圖

水晶宮裏人如玉
窗瞰鷗波可釣魚
秀石疎林秋色滿
時將健筆試行書

題高尚書秋山暮靄圖

三代以來推盛世
九州之外有斯人
君看筆底生秋色
盡在瀟瀟楚水湄

題倪幼霞良常州堂圖

幽館曉山如沐斷
橋春水初生花
下班荆酒熟松間散
策詩成

欽定四庫全書

元詩選三集
卷五

四

自題晴竹

歲寒有貞姿
孤竹勁而直
虚心足以容
堅節不撓物
可比君子人
窮年交不易
曄曄桃李花
旦暮改顏色

李思誨柳浪輕舟小景

曉煙如幕柳垂絲
曲曲春塘望欲迷
一箇輕舟仍載酒
赤欄橋外聽鶯啼

楊昇蓬萊飛雪圖

仙山一夕遍瓊瑤
萬木森森長玉苗
處處樓臺相掩映

素娥白鶴正逍遙

荆浩秋山仙侶圖

奇峰迴合映林光
霜氣殷殷滿竹房
知有高人山外住
故攜綠綺入崇岡

盧鴻蓬島仙遊圖

蒼崖千丈有雲封
劉阮何來策短筇
行過石橋看急澗
一聲野鶴出長松

韓幹雙馬圖

渥洼自昔產龍媒
何事開元萬騎回
千載韓公稱入室
恐驚風雨未應開

題危太樸所藏滎陽鄭虔畫秋巒橫靄圖

虎頭昔日稱三絕
孰謂新圖見鄭虔
紫翠虛無晴嶂裏
青紅掩映夕陽前
從知嘉賞歸明主
應許神工邁昔賢
滿目秋光無著處
此身疑在碧雲巔

題危太樸所藏李昭道畫春江圖次蘇東坡韻

春江淼漫百疊山
晴煙籠山山吐煙
望君拄笏聊騁望

欽定四庫全書

元詩選三集

卷五

但見一氣長蒼然
千章綠樹倚茅屋
復有澗谷奔寒泉

商舸迎陽泊沙岸
布帆吹籟彌平川
李侯生前得此景

骨格夙出探微前
胷中八九小雲夢
筆底萬頃滄浪天

鉛丹金碧世希有
晶瑩不讓蓬瀛妍
江樓掩映臨江碧

時見輕鷗落渚田
此圖此景有神護
小住人間七百年

摩挲絹素開黯淡
飛舞妙思藏便娟
臥遊齋頭一展看

恍若身對湘巫眠
鼎湖髯挂李侯去
飄然久作芙蓉城

內仙鄒陽後身薄
自曉舍我誰結三生緣
嗚呼江煙幻

欽定四庫全書

元詩選三集

卷五

滅在俄頃短詞聊次東坡篇

題荆洪谷楚山秋晚圖

峯迴留深隱天青
襲素袍棲身斷人跡
游目送鴻毛樹
挂栖崖鷲藤懸飲子
孫龍眠石磴冷虎撼
樹根牢野客
吟時共山翁弄處
遭浮雲過水盡孤月
挾霜高羽使來
三島胎仙舞九皋
左招玉斧飲右攬赤
松邀空色收寥廓
虛聲起驛騷彈琴遺
古散問字度危橋
遂向圖中見
誰能世外逃
乘槎幾月至一泛
九秋濤

題趙幹春林曲陽圖

風暖柳仍綠春晴花更濃高低茅屋靜遠近碧溪通亭
白分湖色山青隔岸容邨翁無俗慮相過說年豐

題黃荃蜀江秋淨圖

蜀江昨夜雨初歇兩岸青山淨如拭疎柯歷歷間青紅
古渡何人相向立扁舟呶啞過江來酒家猶掩門未開
數聲雞犬知誰處浩渺東流不復回萬竿修竹鳴蒼玉
怪石巉巖倚茅屋驚濤震盪戰馬奔不動山翁臥深谷

欽定四庫全書

元詩選三集
卷五

五

江山盡屬掌中看畫圖莫作尋常觀成都要叔留妙筆
一練秀色若可餐堪歎宣和歲匪固杜鵑啼斷天津路
何知散落向人間猶藉清容加襲護吾儂幸爾相遭逢
誰數當年有項容臨牕展對未能已祇覺颯颯來松風

題吳瑩之所藏郭忠恕畫冊

恕先非漫士却擬閬瀛仙資稟山靈秀骨羅錦繡妍居
周聲譽重仕宋位名遷篆隸宗前哲丹青邁昔賢觀樓
殊壯麗雲水自澄鮮泉落千重壁峰迴萬井煙春秋仍

變幻揮灑更悠然啄木藏深樹鷓鴣夷釣碧川歌聲振林

表笑語出花前御舸乘紅粉扶留挂綠錢素練盈咫尺

妙境總堪憐一入宣和襲千秋取次傳故人持過慧續

尾愧殘編

李成江邨秋晚圖

萬壑秋風木欲空流泉屈曲竹叢叢山家已露炊煙白
烏雀初歸夕照紅籬落喜無車馬跡柴門時有故人蹤
桃源漁父知何處未若茲圖景最工

欽定四庫全書

元詩選三集
卷五

五

王晉卿萬壑秋雲圖

千山迴合平原少雲去雲來忘昏曉絕澗奔飛萬壑雷
丹楓蕭瑟一林鳥獨坐長吟是何誰蹇驢騷客行遲遲
何來征舸江頭泊無限秋光屬爾為

題郭忠恕夏山仙館圖

碧樹沈沈覆草塘湘簾齊揭藕風涼人間無地逃炎暑
安得移家住上方

奉題文與可十竹圖二首

過雨湘江翠羽攢舞風清影玉聲寒當時嵇阮人何處
留得高標咫尺看

湖州仙去幾經年十竹新圖屬世傳點點墨花金錯亂
離離月影鳳翎騫

題趙令穰秋邨暮靄圖四首

遠岫千重青似染平林一望錦成堆迴塘漁艇不歸去
谿上數家門半開

谿上數家門半開邨翁傍晚却歸來霜林掩映芙蓉色

欽定四庫全書

元詩選三集

卷五

秋水微茫鴻雁哀

秋水微茫鴻雁哀短橋曲渚錦林開疎林欲下斜陽色

一抹青山入望來

一抹青山入望來滿林秋色總詩材宣和當日珍天府

未許騷人費品裁

米芾真蹟

樹色模糊蘚徑平人家只隔水泠泠白雲不解龍從去
遠却峰巒一半青

趙千里畫長幅

神區何處有此山盤迴聳峙如髻鬟安期曾於此鍊液
瓊柯鬱秀非塵寰白雲擁戶不須掩紫霧臨牕未許闕
朱樓縹緲足舒眺虛亭幽絕時躋攀珠簾輕揭青鸞舞
畫舸徐牽白鶴還溪迴時有飛瓊度橋迥常憑弄玉板
絳桃亂落無人掃瑤草叢生若箇剛山中勝槩何可數
流泉瀉瀉空潺湲誰能摹寫長圖好伯駒筆妙趣自閒
固知作者有深思展卷情馳未擬還先生寤寐何時已

欽定四庫全書

元詩選三集

卷五

晴牕對閱娛心顏陶貞白在何處胡不同來此中住仙
家自昔忘歲年長嘯拂衣自來去

題趙千里畫八幅

數幅晴雲岫千重碧樹瓊樓羨殺承平公子筆端萬
里瀛洲

題馬遠虛亭漁遂圖

五月江南雨乍晴看山如在畫中行隔谿簾幕初飛燕
灌木池塘獨聽鶯暑向昨宵風雨盡詩從今日草紋成

晝長睡起無何事，薦送滄浪漁笛聲。

題危太樸集八大家

諸君揮染映空碧，十日一水五日石。春山秋樹綠更紅，
板橋野屋橫且直。煙雲蒼鬱風雨交，夏木重重氣猶溼。
山花若笑山鳥鳴，五馬驍騰僅盈帙。古岸疎林秋氣清，
石澗飛流疑咫尺。老來看畫眼枯澀，便擬買田谿水側。
脫去賜帶繫芒屐，著書五車刻苔壁。

題鄧善之集十大家

展畫能消夏，何如此更深。匡廬雲互湧，湘水雨生陰。
粉豔知春色，林疏識暮心。羨君幽致好，不必費遐尋。

題黃子久為姚子章卷

空巖花落滿林香，古殿松陰入座涼。清絕右丞名獨擅，
精妍北苑派何長。寂無雞犬鳴晴晝，時有煙雲遶上方。
賴是一峯傳正脈，故將沖澹洗濃妝。

題黃子久為徐元度卷

一峰老人嗜泉石，八尺素練寫秋色。頓使臆頭開翠微，

復令篋裏流丹碧，翩翩逸興殊未已。更撥苔文青可指，

擺脫驪黃見神駿。洗盡鉛華出西子，徐君那得不破顏。
此身如坐清冷間，未損嘉賓一日索。買盡沃州千萬山，
吳中好事家相屬。得隴何人堪望蜀，斷無明月映連城。
或可崑岡矜片玉，君不見開元王右丞。南唐董北苑丹
青一片流至今，前輩風神更超遠。一峰固是餐霞侶，知
音未敢輕舒卷。

題黃子久吳門秋色圖

幽人來往吳中道，獨掉秋風海上仙。何處歸颿頻倚岸，
幾家茆屋傍流泉。水禽款款集深渚，夕照霏霏媚遠天。
點筆忽驚埃壘外，恍疑身在朝川邊。

題梅道人為伯理十幅

雲溪吳仲豈，凡傳寫得湖山數幅秋。良夜漏沈呼剪燭，
不知風雨下前洲。

題曹雲西畫卷

東吳高士雲西客，愛染長箋淺深墨。空濛不記山幾重，

萬樹疎煙氣猶溼漁人舉網溪流清野老何來款素情
上方鐘磬出雲表歸帆影落空江明前邨雞犬日已暮
黃葉秋風滿山路箇中妙境壓古人三復摩挲未能去

題董北苑畫

樹密重重萬壑深清溪泱泱更穿林行人曳杖頻回首
隔岸黃鸝送好音

題李成秋山圖

蕭蕭木葉落欲盡渺渺洞庭生白波杜老因悲秋事晚

欽定四庫全書

元詩選三集
卷五

五

山翁斜日望蒼螺

題王晉卿釣魚圖

雨歇見春山菰蒲第幾灣鷗來又飛去只有釣舟閒

題趙千里春景

朱樓不識有春寒隔岸何人盡日看為惜年光同逝水

肯教桃李等閒殘

題趙伯驥畫

車轍辘轳過別山滿林霜葉映紅顏晚來仍起雲千疊

一片幽閒指顧間

趙子昂畫夏景倣王摩詰次韻為表清容學士

山樓開處映晴霞消夏虛明水閣斜雲影倒懸思泳藻

松風吹落鳥銜花

題趙子昂倣張僧繇筆意

寒雲淅淅碧峰攢木葉驚風下急湍何處山人殘照裏
罷琴猶向隔江看

題趙仲穆畫

欽定四庫全書

元詩選三集
卷五

五

草堂仍著薜蘿遮地僻林深有此家只道春風吹不到
門前依舊落松花

題黃子久海嶽菴圖

元章翰墨世稱良近代癡翁更擅長海嶽尚餘清勝在
一江秋色兩微茫

題黃子久虞峰秋晚圖為太樸先生

古樹盡歸秋色裏人家常在水聲中數行旅雁入雲去
一簇招提倚碧空

題黃鶴山樵劔閣圖

天梯石棧自相鈎造物玄功筆底偷挂起碧窗相對處
滿堂風色劔闌秋

題畫

古木槎牙知幾年一叢修竹翠依然空山莫道多寥落
自有春風到日邊

題畫二首

春濃不放小禽棲白髮銜冠向曉啼簾幕半開人未起

欽定四庫全書

元詩選三集
卷五

卒

樓臺風暝日猶低右白頭

春風嬌軟綠陰肥上苑鶯花紫翠圍却向後宮深院裏

一枝閒自理金衣右黃鶴

劉致時中集

致字時中石州寧鄉人父彥文字子章著有玉亭

小豪歷官廣州懷集令卒權殞長沙大德戊戌姚

文公燧遊長沙致自狀其先人懷集令之出處丐

銘幽墟且手所為文取正焉燧讀之盡卷賞其為

辭清拔宏麗為之不己可進乎古人之域因為之

作墓銘致初任永新州判歷翰林待制出為浙江

行省都事卒貧無以為葬王真人壽衍躬往弔哭

欽定四庫全書

元詩選三集
卷五

卒

周其遺孤舉其柩葬於德清縣與己之壽穴相近

春秋祭埽不急詳見陶宗儀輟耕錄

對月

涼宵在前埽佳月墮我側此月如此心曠朗一片白開

樽起相娛佳月即佳客月如感知己為我好顏色此時

還獨醒奈此明月夕

題錢玉潭竹林七賢圖并序

往歲居建康青溪第一曲與蒼筤谷相對憶竹林

衆君子故有此作今觀是圖遂書於後

門巷寡鞦韆跡靜對溪南竹溪水淨堪染竹色與分綠有時澹相向襟抱如瑩玉安得萬蒼筤遮植青溪曲豈無嵇阮輩遁世尊往躅浩歌日酣燕達生亦云足

青樓曲

峭寒暗襲雲藍綺鮫帳惜惜夜如水美人骨醉紅玉軟滿眼春酣不忤起幽禽闌闌喚霜曙金壁屠蘇溢香霧有生只合老溫柔璧月長教挂瑤樹鴛鴦同心暗中結

欽定四庫全書

元詩選三集

卷五

滿意芳蘭煖紅雪癡雲駛雨自年年不管人間有離別

秋雨吟

濕螢閃光飛不起八尺風漪夜如水仙姝不眠肌骨清起馭夜涼吹玉笙曲中忽作孤鳳鳴天帝感泣秋雨零早龍暘死嗟莫及坐見扶桑落葉濕前溪水高龍夜吟不管西郊老農泣

淮南歌

甕社湖中出明月斯須千山萬山白燭龍馳影不敢眠

淮上風烟黯無色鼉鼉起啼歛鱗舞荷風驚濤戰南浦

湖天無光湖水立夜半行空灑飛雨東方搖搖天欲曙畢逋啼老扶桑樹淮天幽幽澹空素老蚌潛輝寂無處

古采蓮曲

長安女兒淑且濃日日采蓮溪水中笑插荷花照溪水韶容欲與花爭紅溪中荷花深幾許溪上時時聞笑語紅酣綠縵不見人應在荷花更深處歸時夜涼溪水清扣舷踏歌蕩漿行荷葉蓋頭花鬣髻溪上月明朝已平

欽定四庫全書

元詩選三集

卷五

望夫石

一作磯

望夫山頭日欲頽望夫山下江聲哀山頭日日風雨惡

一作落

江上不見行人回空山亭亭幾朝暮獨一作猶記行

人去時路知君渡河長不歸恨不當年逐君去此身化石千仞磯石猶可轉一作懸心不移長江水涸黃埃飛行

人應有歸來時一作期

姑蘇臺

麋鹿應知易代頻吳趨誰唱不堪聞捧心臺暗梨花月

扶目門深薜荔雲江閱水犀歐冶劍氣騰金虎闔廬墳
計然已死鷓夷逝寂寞五湖西日曛

燕中懷古

荆卿墳上草離離郭隗臺前對洛暉戰國山河秋氣肅
中原豪傑曉星稀乾坤納納無人識南北年年有鴈飛
誰似盧溝橋畔柳安排青眼送將歸

項炯可立集

炯字可立台之臨海人端行績學通羣經大義為
時名儒晦迹不仕一時名公碩士若金華黃潛晉
卿晉寧張翥仲舉輩多從之游嘗居吳中甫里書
院時與玉山唱和其古樂府如吳宮怨公莫舞空
井辭江南弄等篇酷似李長吉惜其詩不多傳云

感秋六首

南風久不作鷓鴣啼中天龍文裏羸孺熊羆散如煙萬
蟻赴墜螻捷於下瀧船誰當昭若蒙凍雨栖枯蓮

劉項龍虎爭遺民盡瘡痍故掾入收律諸將醉斫柱四
老亦強出兩生終不起三王盛禮樂竟為呂政燬烏乎
百代下汲汲豈無意

洛陽少年人英風振四方三表與五餌可以紹中行胡
為慟歲餘不一試而亡曾顏雖魯愚豈曰終荒唐天才
何代無養之當有方

班超負奇氣投筆西出關風塵髀肉消日月鬢毛斑苟

可利吾國何必求生還偉哉馬伏波竟死壺頭山

雲雨手翻覆越盟久已寒尺布與斗粟意態尤可憐狂
奴豹隱霧故人龍在天鶴書訪羊裘賤貴何足言

今年深入山逝將同木石時讀古人書撫髀成感激顏
生雖陋巷易地亦禹稷彬彬韶輿冕損益文與質杜陵
安知此妄語同盜跖哀哉疇我晤長林月如漆

空井辭

石欄古蘚青連錢老梧石罅孤根懸下有一斗琉璃泉

欽定四庫全書

元詩選三集

卷五

轆轤不鳴修綆斷蛛網濛濛梧葉乾

江南弄

篁深雨過月色青溼螢幾點風穿櫺秋聲滿江龍一吟
江空漠漠懸疎星鳳皇城頭石花吐雷擊老樹蛇骨腥
鬼雄騎鼉潮際上暗藤如山走漆鐙

吳宮怨

繡楣灑黃粉椒壁漲紅青倚簷樹如鬼深草蛇夜鳴鬪
髀已無淚古恨埋石局

鐵崖評曰十字悟過牛
鬼胸腹無淚尤勝無語

公莫舞

龍蟠錦帳金奕奕虎旗無際人馬立肉林垂血陵阜赤
萬甕行酒晴虹溼大蛇中斷狂魄滅重瞳無光射寶玦
雷憤風愁三尺鐵河山未必如瓜裂老荒碎珥語公莫
頭上青天懸日月

鐵崖評曰錦囊子
有奇語無此奇氣

妾所安居

北風玉燕落雲際曲屏夜渺紅冰碎守宮不滅腕痕香
蕙帳垂垂雙錦帶杜鵑聲裏發珠林黃葉夢中行紫塞

欽定四庫全書

元詩選三集

卷五

防秋舊校馬如狗繡鹿毳袍新樣製芳魂一點渺何棲
煙雨孤蒲大江外

題趙子固水仙

龍波乍起湘雲溼帝子欲歸歸不得十二煙鬟點遙碧
到今愁魄寄湘花畫出深愁雲繞筆

題趙子固蘭菊

涼雲如波散銀浦飛虹不見行天鼓野花幽草一團春
暝天相倚愁殺人

宿鳳皇山上方懷古四首

夜豁山窻坐次寥一尊月下酹江濤縱橫龍尾霜痕斷
彷彿虎牙雲氣高誰云魂魄猶思沛細看荃蘅忍反騷
百五十年真夢耳古槐殘蟻黑於毛

石壁削下三千尺挂我雙屐栖林廬潮聲夜半起天末
月色秋高照雨餘禪榻了無羅綺夢酒家或見鳳鸞書
塔根蘚骨化黃土寧使人間瘡鬼除

江左夷吾浪得名豫州英傑亦沈冥夕陽遠一作樹山

欽定四庫全書

元詩選三集
卷五

六

如楮秋雨荒臺草更一作青漢苑玉魚誰復葬昭陵石

馬已無靈可憐白髮商人婦猶向鐙前話一作後庭

楚聲四一作起國場一作悲運盡東南事可知塞下一作

上徑一作推金馬去草一作間俄見石鯨一作隳祝宗

端合一作先祈死丞相空聞後出師落日半江秋寂寞

乳鴉啼一作繞萬年枝

即事

江南水濶疑無地漢北風高忽似秋鴻雁定應驚悄悄

麒麟何許泣幽幽步兵阮籍唯耽酒隱士龐公不入州
敢餐朝盤惟首肯封侯渾是爛羊頭

送袁孟敏歸潭

吳門送客折楊柳迢遞郵亭短復長五月海雲應未熱
孤舟江雨定微涼春濃乳酒浮鷓鴣夜冷牙牀攬鷓鴣
歸到故園無限樂小山招隱莫須忙

次韻鄧祭酒贈極元無師

塵尾天花灑石扉莫教五色掩摩尼峰頭笑縱金衣鶴

欽定四庫全書

元詩選三集
卷五

六

竹裏閒尋玉版師言論每懷龍井夜扶藪渾似虎谿時

芝雲更擬分蒲榻黃葉滿山題近詩

題堊秀堂

霞際浮玉青霏霏吳中景物天下稀三江入海作秋浪
五湖滿地搖夕暉孤鶴忽與白鷺起神龍或挾赤鱗飛
胡牀抱膝但長嘯丈夫安得為輕肥

築室湖灣種花柳掃雲巖阿坐薜蘿曉雨紅披黃鳥路
春風綠漾白鷗波招隱誰看大山賦扣舷自作小海歌

莫收俗物挂眼底由來勝事吳中多

元詩選三集卷五

謹案第二頁後一行扎薩克舊作大扎撒今改

二頁後五行註都稜特穆爾集賽舊作萬冷帖

木兒怯薛舒固爾齊舊作速古兒赤明埒棟阿

舊作明里董阿伊埒布哈舊作月魯不花大都

齊舊作大都亦哈勒巴舊作哈刺八吉持巴勒

舊作吉寶兒達實密舊作答失蠻今並改後做

此 三頁前五行濟蘇宴舊作質孫宴今改

三頁前八行雅古特舊作鴉忽刺拉拜舊作琿

今並改 二十七頁前六行哈喇巴爾舊作哈

刺八兒今改



總校官候補中書臣吳紹濂

校對官庶吉士臣嚴福

謄錄監生臣顧振

欽定四庫全書薈要


集部
元詩選三集卷六

欽定四庫全書薈要卷二萬四百六十集部

元詩選三集卷六

長洲 顧嗣立 編

李序網緼集



序字仲倫東陽人適菴先生惠之侄也善詩文年十七追和李賀樂府嘗遊京師學士宋聚左丞危素輩見其所著四書新說引為莫逆交左丞許有壬言於中書牒江浙行省俾為學校官未用而省遇火牒亦隨燬序歎曰命也夫遂絕意仕進歸隱

欽定四庫全書

元詩選三集卷六

東白山中與友人陳樵日相吟咏以自樂所著有網緼集今讀其武皇仙露曲嗽金鳥行銅雀臺磚硯歌諸作氣韻詞調雜諸昌谷集中亦吐吐逼真也

暮行大堤上

暮行大堤上明月天上来但能照歡樂不解憐悲哀誰家少年子大宅高樓臺涼風管絃發夜飲攜金罍寧知飯牛客鬱鬱心如灰歡娛豈終極屈辱俱雄才徘徊望

詳校官編修臣王天祿

明月惆悵何由裁

青雲兩黃鵠

青雲兩黃鵠雙飛起南極翱翔闔闔風直上太行北和
鳴忽棄背中路不相得長言生死同胡為自持擊天風
高四方母乃傷羽翼丹穴有鳳凰為君變顏色

都門道

清晨出南陌平旦下城闔東風微淡蕩草木一何新鬱

鬱遊子情祁祁女如雲翩翩桃花馬輾轉翠輪車娟娟

欽定四庫全書

元詩選三集
卷六

三

珠簾下嫋嫋看行人回眸不相見搖動陌上春豈不頻

見之匪我所思存所思在遠道感激難重陳願為雙飛

燕南北長與親雲霞不相隔飛越復經秦

明月

明月入高樓流光何漫漫佳人一寸心千里如素練浮

光玉露起華渚浮雲散光輝長若斯君心不相見

遠愁曲

桃杏忽已殘穠華逐流水綠階日色重芳草青靡靡飛

燕銜落花春風共吹起飄散不相知愁心滿千里

武皇仙露曲

甘泉照月如鈞天千門萬戶生碧烟碧天無雲露盤出
明河夜拂金童仙栖鴉起啼曲城曉大官步進青龍道
崑山玉盡武皇老茂陵春風吹綠草魏人車馬東方來
一朝秋燐飛空臺天荒地老骨亦摧三川白日聞春雷
蕙花蘭葉參差起微月斜明光泥泥仙人之淚猶泚泚

曲江芙蓉歌

欽定四庫全書

元詩選三集
卷六

三

綠波天矯如龍尾河漢英英拂雲起紫雲樓下花映人

搖蕩香風十餘里妖魂照夜春欲語白玉容華舊絲縷

秦川望月錦繡紋桂楫蘭舟鳳簫女紫雲頭上飛鳥過

朱蘭半折空羞我怨紅落粉生微波芳華欲攬愁不歌

雲裳綺袂風露多

嗽金鳥行

昆明使者南方來洛陽宮闕如雲開玉階奉進嗽金鳥
水晶鏤刻辟寒臺錯金為屑玉為餌神刀取腦白龜死

美人自搗明月珠赤玉盤中光靡靡雲高夜啓月當戶
展翼垂吭為君吐白鸞之尾掃成堆瑟瑟輕黃如粉蠹
冶煙五色何氤氳後宮獨賜承恩人雕成宛轉合歡釧
一尺春風袖中軟不知南國江水深鐵箕已盡愁人心
岸傍沙隴高百尺賣兒買得雲南金安得羣飛萬千羽
不食珠璣食禾黍嘔出肝腸奉明主天下黃金賤如土

綢繆曲送都彥良

天南翔鴈鳴雖離城頭旭日光曠曠長眉公子綢繆客
騎馬乘冰上南陌馬蹄翩翩幾千里江漢水暖遊雙鯉
東風不惜天上春拂柳吹花為君喜綺屏桂燭開洞房
暖紅霏霏明月香三星綽約正當戶流輝照見雙鸞凰
鸞凰不惜雙飛翼天上神仙遠相憶

次韻納齋銅雀臺碑硯歌

銅雀臺傾見荒土月黑妖狐上臺舞千年瓠瓠墮人間
瑟瑟苔花暗秋雨天荒地老奈愁何臺上青泥生碧莎
斜風吹雨啼蟋蟀此是西陵長夜歌魏人膏血今已古

漆色凝花人未覩一從為硯今幾年漳水滔滔自東去
為君寫作銅臺吟臺前瓦礫猶傷心

和胡景雲白玉心黃金淚二歌

我有堅白心凝作方寸璧與君交結終不移都邑連城
不能易守靈童子無纖瑕十年琢削如蓮花金鈴珠帶
五天矯中有七竅流精華置之靈臺縞如雪相思一夜
虹光發美人千里共月明直上秋天貫明月飛神出入
洞八荒瓊琳為衣璫為裳光輝照子丹元府崑山石爛
無相忘憶君更有和氏目千載推之置君腹

長相思天一方仰天望明月流淚何浪浪西方白帝金
為質賜我瞳人外如漆酸心烈烈不可支火起靈臺鑄
成液為君灑向別時衣一彈雙指如星飛為君寫作加
餐字千載光輝猶不死古來結交須黃金眼中流出交
更深斑斑痕迹明鏡小鏡中照我相思心明珠只買蛾
眉女空使鮫人淚如雨

獨漉篇有所贈

獨漉復獨漉隔簾月影望微月樓頭夜語不分明碧穗
開香似雲葉蜻蜓天上来春愁立死錦繡堆豈知身是
秋風客為君容顏瘦如石芳菲相望采不及千里黃雲
覆沙磧背人去幾日還曾飲江南水莫向燕支山汀洲
三月柳風起願得秋來渡江水

大堤曲

野塘鷓鴣暖水蒨生桂葉莫上大堤行拂人飛蛺蝶門
前弱柳長紛紛水花漠漠飛暖雲柔條自有烟露色不
知愁死堤上人劉郎肉薄愁心重天上離鸞思別鳳春
風搖蕩本無根種得桃花繞新夢

山鬼篇贈姜厯山

山中鬼不獨山中亦城市衣中環佩無玉聲直入人家
弄書史小管斑文剪湘竹越衣芰製如流水玉壺未竭
歌未終飄若空中野雲起門前月色夜茫茫門外秋風
滿千里朝餐松柏露暮食蘭蕙花隴頭青桂樹何處是
君家

烏傷行

頭白烏畢逋尾爾烏知作墳送人死天公遣爾役孝子
頭白烏天上来口中流血不自惜却憐孝子心肝推鴉
鴉夜宿墳邊樹飛向山頭啄泥土新墳磊磊三尺高銜
得黃泥如返哺秦人涸水築山靈飛烏為作顏氏塋顏
氏子國有祀烏作墳秦無人

雲松巢歌贈陳國賓

媯公子碧煙裏薜蘿引作魚鱗衣衣上清風如流水雲
為宇松為牆綢繆牖戶碧縷香翠華之幄青瑤璫亂髮
鬱鬱煥紫光十年不出生文章手扳蒼虬上風雨蓬萊
山中木天下

崑崙山牧童歌

崑崙丘雲上頭河西之子牧羖牛野田蓬萊牛不食直
上崑崙幾千尺凌網緼上崑崙牛背上弄碧雲羖牛努
角旁無人與雲同入天之門天門高高向西極月華爛
爛飛五色雲間夜食明月光身上爛斑虎文碧崑崙鬱

差我中高四下流
黃河黃河水流東
入海牧人自唱蓬
萊歌
神刀斷截甕牛尾
析木津頭獻天子

雲莊歌贈雲莊左丞

天上雲何方來天之元氣出變化
飛龍與爾相徘徊
龍飛不自行乘雲如水高飛騰
逶迤縹緲不可名
翱翔矯矯遊太清
出紫薇過箕尾
龍行亦行止亦止
與龍一心青天裏
青天皎皎日正中
輪困蕭索飛溶溶
春風浩蕩吹八極
氤氳五氣流
春風忽然收卷不留迹
妙入無門閱玄極
冥冥窅窅神所宅
獨有飛龍可以識
房山之上有屋名雲莊
青壁突兀開棟梁
雲兮雲兮不可以斂藏
散為甘雨澤四方
年豐黍稻多穰穰
雲在天人樂康

七夕謠

明河之水流玉雲
神鳥為梁貫天津
河西織女天帝子
今夕東行見河鼓
瑤光如笑橫碧渚
微風徘徊自成舞
風參差夜逶迤
願回六龍駐不飛
明星漸出明月底
珊瑚靈雨隨車飛

槐蟲吟

槐蟲復槐蟲
高槐鬱鬱如青龍
枝枝葉葉被爾食
青雲蕭瑟生秋風
槐蟲肥枝上垂一枝
搖曳勢欲絕
欲墮不墮墮風淒淒
下有車轍交馬蹄
不可墮地身為泥
閨中女兒莫近之
令爾肌肉生瘡癢

敬次叔父適菴先生六觀圖韻六首

曉起初寒薜荔裳
隔簾皓影雜紅光
雪花映日孤峯起
玉柱浮空千尺長
風急露華都是霰
日寒芝草不生芳
朝暾正似丹砂色
照耀雲間白玉牀
兩岸汀洲一浦分
隔簾啼鳥近相聞
逶迤綠水遶春色
窈窕東風交浪紋
杜若沙中香漠漠
蘼蕪烟暖翠紛紛

靈源不記東西路
千樹桃花日又曛
山下泉鳴似殷雷
山前倒影射崔嵬
斜陽迢遞天邊去
暮色蒼茫溪上來
青壁高懸西若木
丹崖半長夜明苔
何時落日都門道
照見東城陌上埃

亭前月色散斜暉
林外灘聲隔岸聞
碧浪有烟渾似雪

青天如水不生雲風吹白露千崖聳秋映銀河兩派分
吹斷紫簫聞鶴過空中疑是玉宸君

蒙茸高壁踞山梁流彩霏霏似萼長玉氣氤氳春日暖
翠華縹緲白雲香陽坡十里橫烟樹陰壑千尋長露篁
坐向梧桐晞綠髮采芳自葺薜蘿裳

在淵靈物或飛天禱雨何須叩祝蜒千尺白虹晴飲澗
半巖蒼樹晝迷烟鴈山雲冷留飛錫匡阜詩成憶謫仙
自昔南遊看不厭歸來欲寫作圖懸

李裕中行齋稟

裕字公饒東陽人嘗從白雲先生許謙遊至治間
詣闕上聖德頌元英宗召見玉德殿補國子生至
順元年庚午舉進士授陳州同知轉道州推官所
著有中行齋稟公饒詩篇秀麗尤工七言樂府出
入二李之間與宗顯夫楊仲禮陳居采諸公唱和
惜全集失傳所存僅什之一二云

擬古

今晨攬衣起及此春禽鳴東風漸微和草木亦已榮
首懷所思所思傷我情不如且命酒真宰殊冥冥

中秋

待月灤水上天寒月無魄重雲委城隅秋色連徑白
北鄰有菱婦南鄰足愁客昏燈照夢魂風雨滿沙磧

夜行烏桓道

夜行烏桓道風寒野氣白橐駝駕輕車怒項不肯發
嘶欲人立令我豎毛髮四山無居人明月照積雪時方

甲兵收未乾新戰血况乃多盜賊白晝聞殺越平生所
經地憂虞轉惟怯我行豈不遲心傷望京闕

陽臺引

陽臺張讌日將夕長風吹秋欲無色燕丹奉酒荆卿歌
於期感激動毛髮酒闌拂劍憑凌起當筵直立相睥睨
髑髏青血凝冷光西入咸陽五千里白虹貫日日不死
祖龍猶是秦天子人間遺恨獨荒涼嫋嫋哀聲流易水

秋千詞

晴光幾日飄遊絲幽窻小影含綠姿衛娘新畫雙蛾淺
笑覓秋千下平苑長繩裊碧垂垂動盤桓寶髻搖金鳳
華纓雜佩迎緒風越羅半曳春烟重紫燕驚飛翠鸞立
行雲欲墜柳花濕盈盈嬌粉膩巾紅暖玉團香春一色
穠芳如夢秦蘅老墻陰榆莢青錢少整衣重起為君壽
海闊河清鎮相守

題太真上馬圖

驪山複道凌紫烟雲旂翠花晴拂天君王先乘照夜白

龍光射日金回旋太真猶凭花鞦立思入遙晴迷曙色

暖香滯態嬌若雲爛漫春風扶不得楊花紫楹定誰主
蜀道漁陽總塵土人間千古恨丹青回首開元淚如雨
次祭酒虞伯生先生壁間韻

八月一日灤河濱西風白草長如人城烏未栖角未起
落日砧杵連比隣砧聲砧聲一何急露寒孀婦抱衣泣
行人獨向明月中望斷星河夜深立

洛陽路

劉郎騎馬出南陌陌上桃花迷馬色夢逐遊絲看春日
一夜東風杏花白欲歸不歸思故鄉燕女緩帶雙鴛鴦
明朝別轡向何處旭日晴烟洛陽路

贈人歸江西

春深瓊島輕陰碧翠殿瑤階梵文石貂蟬侍中曉傳詔
殿頭急宣供奉入玉音春暖珠琅琅金篋屈折盤龍香
十年珥筆向左掖錦衣白日歸故鄉故鄉歸去隔江水
江上蘆蕪一千里短楫紅船載燕女少婦深閨怨遊子

江頭風急楊花飛鷓鴣暮雨烟中啼

休日燕太平園聽胡琴歌

朱絲玉璽駕鸞絃花桐刺螭麟草鮮虬鬚分紫連楚篠
小佩歲蕤雲殿曉女夷鼓歌弄天河暖風墜露春婆娑
天馬嘶烟不知處武皇夜向甘泉路婉聲華思生古愁
醉拂塵鞵獨歸去

聽亦憐真給事中彈箏引

長楊侍中貂蟬客手援秦絲汎輕雪小響低徊入素商
颯颯涼風下秋葉遊絲欲睡鷲呼起珊瑚曉碎樛枝紫
隴水幽幽小鴈寒竹暗湘娥怨秋雨少年書客多情苦
春思空濛迷處所風簾一夕感君彈欲寄相思隔千里

雲州行

雲州域西一作北草青青落日欲沒光晶熒輜車毳帳紛
簇簇平原入夜涼風生馳鳴馬嘶人不行牧兒長笛吹
月明我生何為困奔走況乃北度烏桓城有家有家隔
江水三年不歸憂弟兄妻兒寄書念我遠問我寢食仍

良能草堂步履喜無恙石田春盡今已耕子規何事啼
向我逡巡行亦將南征明朝騎馬登道路世事浩渺誰
能徵

八月十三夜漫成寄江南友人

草井度涼螢風簾燭燄清長秋為客日明月搗衣聲歸
夢頻宵見愁心徹曉生故園有叢菊早晚掇秋英

送王文學比玉教授宜興

諸生新進士文學舊科名經訓知能事才華况老成高
文驚吏部小選得權衡白髮南州士因君竟被榮

送崔弘道尹沅江

幾日沅江去今朝別遠人吏曹多任法令尹亦勤民峽
樹烟中遠湘波雨後新野人懷善政露冕看行春

奉和王治書紙燈韻

香繭凝脂薄金刀逐意妍輕清籠絳蠟晃漾映羅箋巧
異雲藍瑩光闕火然好花迎宿藹初旭眩晴烟製陋
秦宮炬工慙漢綺蓮映空珠網密照夜綠璣圓燄轉虹

垂浦輝分宿麗躔方能欺霧殺熒欲暈冰筵春淨波如
感雲輕雨未懸東風愁翦翦華屋鎖神仙

次宋編脩顯夫南陌詩四十韻

麗質過邯鄲春風直幾錢送情憐眼艷凝竚覺身偏霞
澹斜侵雁雲輕巧襯蟬芳金搖翠勒暖玉藉絨鞵臉媚
風初信眉彎月未弦綠深芳草雨紅綻碧桃夭却扇羞
花落褰裳妬酒翻關心時淺笑憶別自微言條脫濃香
暖巾纓膩粉斑幽期祇窅約私語每防閑田木須連理

欽定四庫全書

元詩選三集
卷六

七

吳梅易引涎襦長腰並柳襪小步移蓮枕障熏沉水屏
圍畫遠山體輕嫌蔽膝指嫩瑩瓠環悵蕩元非醉朦騰
不為眠繡盤花猗儺錦就字洄聯鎖合沈魚夕箏閒少
雁寒美人何杳杳良夜獨漫漫乍見都疑夢相逢信契
仙憐才多婉婉倚態轉翩妍璧月紅窻外銀河碧樹邊
慢輕雲影動簾靜浪紋懸裙薄綃長皺裊重錦未薦妝
臺宜向日舞袖欲隨烟鷄舌遙聞韻猩脣厭授餐深衣
留唾碧繫帛表心丹只憶愁腸斷寧知別緒牽寶釵分

鳳翼鈿合寄龍團紅豆膏凝篋文鴝繡作繁淒迷千日
酒惆悵五雲軒楚女窺墻日文園病渴年合歡連組帶
解珮雜芳荃纓斷風前燭香偷別後筵額黃紅粉澹淚
顆紺珠鮮苔迹和塵印花陰帶露穿時時傷往事故故
寄新篇人去愁千疊心傷恨萬端蝶晴隨絮遠鷺曉怨
春殘夢好心多感情深意已傳蘼蕪空滿地欲贈思依
然

八月十五夜懷山中友人

欽定四庫全書

元詩選三集
卷六

七

烟消天末夜腫龐浴漾銀河望欲空長憶山中共明月
獨憐都下見秋風羽林警衛紛如織龍虎公屯勢更雄
遠客不眠愁欲絕起看鳩鵲露光中

次韻楊編脩仲禮奉引法駕之作

清遊小隊肅都城夾騎黃麾拂曉晴仙島雲霞扶日上
紫垣星宿屬天行龍旂却傍重輪駐雉扇徐分九彩明
共喜太平多扈從願因作頌著休聲

送權講主

聞師採藥向江南禪衲親持使者驂鹿獻野花來寶地
龍偷海藏出珠龕丹砂傍石分秋水靈草和烟度嶂嵐
此日歸來進天府芝雲木露曉曇曇

次謝鍊師簡嘯碧真人奕棋韻

萬壽宮前鶴髮翁籜冠千葉戴芙蓉經行巖洞騎黃鶴
叱咤風霆起白龍世外奕秋誰復見山中玉質記曾逢
秋深琪樹連雲碧悵望丹霞第幾重

過髮冠女仙廟

天上香雲擁碧巖山中大藥駐紅顏千年仙去空塵土
半夜月明聞珮環芳草不知前度綠古苔渾似舊袍斑
自憐軒冕馳驅者目送浮雲不得閒

過鹿皮子小玄暢樓

隱君昔向金華住坐愛雙溪八詠樓別起危檐更蕭爽
未應前哲獨風流空山明月定誰好野水閒雲亦自秋
他日相從問清淨更須乘興到林丘

對酒感懷漫賦

半醉簪花出杏園玉驄嘶過五門前豈無綠酒酬佳節
坐對青山憶去年蛺蝶有情嫌我懶名花底事向誰憐
嬌娘莫惜羅裙浣看取腰肢醉後妍

送趙鵬舉之西臺掾

掾曹騎馬赴西臺迢遞關河幾日回秋草自隨人去遠
夕陽長共雁飛來亂雲荒驛迷秦樹落葉殘碑有漢苔
最憶年年寒食節華筵誰向曲江開

青青淇園竹

青青淇園竹莫作樂中笛吹出長相思愁人頭上白
定情篇

願作雲臺鏡團圓誓不虧朝朝綺窻裏相對畫蛾眉

古意

美人汲深井夜久井泉冷獨向明月中徘徊顧秋影

武林雜興

樓閣參差細雨簾櫳料峭輕寒人去空餘燕子春來休

倚闌干

宮詞二首

館娃誰比念奴嬌暖玉團香膩粉消昨夜教坊傳聖旨
梨園弟子屬雲韶

宮門烟柳映風蒲別殿交魚給傳符太液池邊下黃鵠
急宣立本畫新圖

採蓮曲

長歌短櫂滿前溪溪上鴛鴦對對飛莫向中流蕩雙槳
水波容易濕人衣

相逢曲

郎騎白馬妾駕車妾車輾輾郎馬嘶相逢且莫相憐愛
妾家只在五門西

送葉審思北上二首

曉際風霆上紫壇夜吹簫管向人間月明孤鶴三千里
知過吳山與越山

領得除書好便歸故山芝朮已應肥神仙政苦多官府
不及閒雲自在飛

欽定四庫全書

元詩選三集

五

李貫道詩附

貫道字師曾裕子至正甲午登進士第授將仕郎
饒州路鄱陽縣丞未上用薦者改詹事院掾史尋
扈駕清暑上京卒所著有敝帚編等集

三星行贈季高

三星射戶金光芒梧桐碧樹棲鸞凰窻前整夜合歡帶
繡羅宛轉成鴛鴦雲屏霧帳輕於縠珍簾爛斑織湘竹
美人振佩江上來粉面團團照紅玉桃腮杏臉天上嬌
暖香膩色春妖嬈闌睂窈窕泛流徵子夜國香春夢遙
重城漏斷鷄聲裏曙色曠曠照窻綺暑天夜短君莫愁
百歲歡娛今夕始

欽定四庫全書

元詩選三集

五

元詩選三集卷六

欽定四庫全書薈要卷二萬四百六十一 集部

元詩選三集卷七 長洲 顧嗣立 編

王都中本齋集

都中字元俞一字邦翰福寧州人父積翁宗寶章閣學士降元授江西行省參政宣諭日本遇害海上都中甫七歲元世祖給驛券南還賜平江田八十畝宅一區年十七授平江路總管府治中秩滿除浙東道宣慰副使遷荆湖北道武宗詔更鈔法

欽定四庫全書

元詩選三集
卷七

除江淮泉貨監歷郴州饒州兩路總管以內憂去服闋除兩浙都轉運鹽使擢福建閩海道肅政廉訪使歷遷福建浙東廣東三道宣慰使都元帥元統初命以正奉大夫行戶部尚書兩淮都轉運鹽使尋拜河南行省參知政事中道疾作南歸詔即其家拜江浙行省參知政事至正元年卒贈昭文館大學士謚清獻元俞幼留京師從許文正公學知所趨嚮尤致力於根本之學自號曰本齋有詩

集三卷事母至孝翰林國史院編脩官章壽撰本

齋王公孝感白華圖傳云公母張氏諱普貴自號無為至元甲申公父閩國忠愍公銜命使日本沒於難時母年三十公甫七歲留侍京師訃聞即以貞節自誓祝髮于京之淨垢寺為尼出主平江陽山妙淨寺道行冰雪尋奉璽書護持錫號宏宗圓明佛日大師住山幾四十年至治壬戌跌坐而逝公聞永嘉心樂周真師有道延至家庭設黃錄以

欽定四庫全書

元詩選三集
卷七

展孝思越十有四日像設之筵瓶簪丹茶兩旬浹矣其花半萎中有一萼天然融結狀類桃實非華非果玉質殼章宛分三脈日漸以腴燭之內外映徹如淨琉璃駭乎優曇鉢之一現也詩之白華豈即此耶元俞因繪白華圖一時張翥李士行龔繡湯彌昌王壽衍釋大訢諸公俱有題詠按章壽傳稱元俞母張氏父積翁殉國時元俞已七歲矣且留侍京師而元史為生三歲即以恩授從仕郎南

劍路順昌尹七歲從其母葉許闕下種種舛錯至
以張為葉尤可笑也

登蘇峰

平生僻好登仙山紫翠縹緲三岫間公餘杖策時一到
塵埃蕩掃天風寒蒼松偃蹇老龍出身到洞天人不識
遙看玉殿底虛皇香霧丹霞遶瓊室翠濤三吸賦玄言
何必研朱點周易仙人舅氏空遺宅樓閣玲瓏倚蒼石
好是凭闌對月時一江倒浸千峰碧

欽定四庫全書

元詩選三集
卷七

三

武夷山

青峯玉鑿芙蓉開上有控鶴仙人來心憐曾孫望霖雨
手寫深雲沃焦土仙人如今在何許我欲從之一千古
握取青雲行九州長使人間無早憂

遊勝會寺

寺古唐朝立山藏一逕幽木生靈壽異花發蕙蘭稠淪
茗香浮齒簪梅雪滿頭公餘尋勝會此地約重遊

和彬卿北湖

訪古空遺迹又魚舊有亭苔封荒逕綠草沒斷碑青老
樹根橫水寒蘆葉滿汀漁歌何處起倦客倚欄聽

和李源仲九日

我愛秋容淡東籬皜皜暉黃花依舊發白髮幾時歸明
月輝官舍清風爽客衣今年好光景長嘆故人稀

題如鏡山林清氣集

不作西湖夢歸吳愜素知山林有清氣泉石到新詩花
落曉風靜鳥啼春日遲孤吟最佳處猶在定回時

欽定四庫全書

元詩選三集
卷七

四

題海會寺

四圍葱翠列奇峰碧瓦朱甍護象龍殿角風過鈴自語
山腰雲起洞長封泉清似鏡耳堪洗路曲如腸步莫從
驛馬倦人歸道遠欲公禪榻寄塵蹤

依紫崖韻和彬卿

捐軀難報聖明君補拙惟將一寸勤為政但當求實効
勸農何敢具虛文夜來江上一犁雨曉起山前萬鍾雲
願得歲豐民物阜素餐猶可度朝曛

登東山寺

古寺苔堯隱翠微松陰行盡見朱扉巖光識面遠迎笑
野鳥忘機近不飛相國書堂今寂寂山僧法坐久巍巍
凭闌欲問當時事白鷺無言立釣磯

和彬卿北湖

雲容水態若為模
髣風光似鑑湖
橋跨滄浪瀉寒玉
舟橫沁碧滾明珠
且斟醴醕醉鸚鵡
應用娉婷唱鷓鴣
席上嘉賓賢雪牖
高吟原不讓三蘇

欽定四庫全書

元詩選三集

五

題又魚亭

昌黎曾此賦又魚披棘尋碑考郡圖
重築草亭存古意雙浮畫舫做西湖
激輪為磨供官費隔水分塘笑我愚
寄語後來賢太守相承無似此慵迂

和雪牖永興山行

公馳兼夜役兵夫軋軋輕輿穩勝車
山險似人人更險星疎如我我尤疎
心持坦蕩無留礙路躡崎嶇信所如
行路古來難若此相逢何必問其初

督役江行和雪牖韻

督役賢能不用刑飄然東下似楊舳
一江雪浪翻銀屋兩岸烟巒立翠屏
白鷺對人神亦爽烏鷁入水氣猶腥
鯨舟指日功成就萬斛乘風駕渺溟

和彬卿江行即景

怪石奇峰疊削成江行渾若泛仙瀛
崖松偃蹇蛇龍勢瀧浪飛翻玉屑輕
山色入懷衣袂冷溪光照影骨毛清
更闌放溜泊榔口明月清風更有情

欽定四庫全書

元詩選三集

六

登南埕

自笑登臨脚力微也攜藜杖叩山扉
禪僧入定渾無語野鳥知還亦倦飛
一塔近天鈴自語千峯蘸水石空巍
何當快整東歸櫂帆飽東風過數磯

武夷山二絕

層崖疊壑空翠臺閣倚雲開靈函鎖
仙蛻神物護蓬萊清溪照眉髮權舉揚
清波何當結茅屋時與神仙過

白鷺

白鷺白如雪照影臨沙磧翻被魚先見終日不得食

鷓鴣

鷓鴣黑如鬼捕魚入水底搜抉雖無遺吞吐良可鄙

瓊花

六丈老人花滿頭一枝流落在揚州不知誰是裁花手

只到而今香未收六丈即今六丈市云

和彬卿登仙山

遠山葱翠近樓藍碧絮飛雲自往還獨倚長松吟不盡

欣然身在畫圖間

元詩選三集卷七

七

遊北湖

遊北湖

畫舟搖曳泛空明滿酌流霞倒玉觥山鳥亦知遊樂意

夕陽高處兩三聲

書懷二絕

一心常欲洗民冤清白爐烟可付天但愧才疎為政拙

只宜及早賦歸田

蘇仙孝感動鄉閭橋井千年事若符時上仙壇壇上望

白雲飛處是姑蘇

王畛詩附

畛字季野都中之子官至成都路判官至正間與

弟畦流寓吳中與陳叔方鄭明德並以文行著於

時

早春十詠

春日流闕熙朱光射屋角晶熒動几案焜燿穿簾幕淑

氣襲人溫輕寒側衣薄晴窓坐對久益背真意樂

東風生庭隅拂拂翻衣浪仁及紅綻柯德布綠回望芳

元詩選三集卷七

情達金閨誦聲遞書幌池塘溢波瀾柔條欣駘蕩

江梅獨清高不與花爭發自是冰雪姿豈受鉛華奪故

來風雪底玉人相感額照水昏黃時孤標更超越

依依垂楊柳青眼窺陽春年年郵亭路攀折送行人臨

風寒翠縷映日鎔黃金如何不自持飄揚逐芳塵

踟躕先春雀風暖喧晴簷驚人鮮得食闕階無停瞻不

趨太倉中小腹恣屬厭高秋寒露下大水須深潛

春流溢芳塘倒影開天鏡漪漪綠生連漾漾玉澄瑩閒
鷗可尋盟游魚樂行泳清斯清濯纓鑑心鑑其定
鮮鮮牆根草春染千堆藍光凌青袍色夢入新詩譚胡
馬思塞北陽烏辭江南欣然鬱吾目生意性所耽
提壺勸客飲布穀推農耕農耕因耒耜客飲酣簫箏勞
逸分已定廢興時改更物生固如此天運還循行
朝來睡未足兩眼闕眈昏春事已爛漫我懷獨闕渾驥
尾不可附虎舌誰能捫芳塵困涸轍北溟思鯨鯢

欽定四庫全書

元詩選三集
卷七

九

天公妙莫測百卉巧翦裁朱朱與白白脂粉如勻腮澤
沾無遺物燒却綠回芽痼陰少成實涉山良乏材

自遣二首

江湖肆鯨鱣溝闕難容身人情不干日世事有兩心朝
暮有顯晦日月常升沉天道我欲問其理幽且深
生成無根蒂飄忽寄此身顧盼絕青眼相交少赤心芝
蘭棘溷發泥沙玉空沉乾坤信浩蕩滄溟千古深

放慵

愁到心常結事過心自涼幽憂漫成疾慵放且何妨籠
鶴聲難出牀龜息穩藏浮生付天地澄慮博山香

晚思

薰風向晚急吹動一身愁意合情終美心離事只休鳥
衝殘日度雲逐暮天流今古無窮恨令人早白頭

王哇詩附

哇字季耕都中子

次韻答倪雲林錄似良夫

重過城南隅春風動經年物候倏易改飄泊念華顛江
干雨初歇草色凝娟娟聚首有親朋舉杯無管絃樽前
語別離但覺心茫然舊遊總塵埃今古孰後先攬衣陟

崇崗俯首臨澄淵修竹翳平林闕

藉庭延有書盈我

牀有琴橫我前卷舒貴所從鷗鷺何翩翩願言留清歡

日夕醉後眠

次韻呈愚菴禪師二首

竹迳初晴屐齒乾忽聞仙佩下層巒多君有約同禪榻

欽定四庫全書

元詩選三集
卷七

十

老我無心整舊冠幾局文犀敦宿好數杯浮蟻接清歡
別來湖水添新綠應理絲綸坐釣灘

蘭若深居晝掩扉任教湖海仰光輝
窻前蕉綠魚雲潤庭下榴紅映日晞
石鼎香凝翻貝葉竹爐湯沸煮山薇
獨憐咫尺頻相過時策青藜步月歸

寄倪元鎮六首

至人無復事存亡睡足身猶在華陽何似江鄉老迂客
終朝散髮對爐香

欽定四庫全書

元詩選三集
卷七

十一

鈎簾早起看華飛過雨修篁蔽竹扉
近日身如野鷗狎得魚逐浪竟忘歸

茅屋柴門少市人時看麋鹿走跋跋
風前忽見飛花墮想是山中又一春

洞庭月色夜蒼茫欲駕扁舟獨擅場
為問林間倪外史古今塵世幾興亡

種木耕雲不厭勤林間著我作閒人
漁磯沙渚江洲上極目天涯總是春

久矣維摩悟色空愧無長翮遡晨風
空巖長笑一回首又在扶桑東復東

謾興三絕呈良夫

淡烟輕雨濕青螺面面青山拱樂窩
坐對一池春草綠聯詩好客又相過

芍藥初開第一枝翻階國色玉參差
當年記得平山下花裏時將鳳管吹

呼童早起折茶蘼插向銀瓶映酒卮
為愛春光晚猶媚莫教風雨褪香肥

欽定四庫全書

元詩選三集
卷七

十三

莫教風雨褪香肥

呂思誠仲實集

思誠字仲實平定州人母馮氏夢一丈夫烏巾白
襴衫紅鞵束帶趨而揖曰我文昌星也及寤思誠
生日有神光見者異之及長從蕭軒學治經擢泰
定元年進士第授景州蓆縣尹累擢翰林國史院
編修進國子司業拜監察御史出僉廣西浙西二
道廉訪司事復名為司業累陞侍御史遷河東廉
訪使未幾名為集賢侍講學士兼國子祭酒出為

欽定四庫全書

元詩選三集
卷七

十三

湖北廉訪使入拜中書參知政事三任中書左丞
累拜翰林集賢學士兼國子祭酒左遷湖廣行省
左丞復名為中書左丞移光祿大夫大司農俄得
疾以至正十七年三月十七日卒年六十五諡忠
肅有文集若干卷兩漢通紀若干卷仲實文章政
事皆過人遠甚而廉潔不污家甚貧其未顯時一
日晨炊不繼欲攜布袍買米于入室氏有吝色因
戲作一詩曰典却春衫辦早厨老妻何必更躊躕

瓶中有醋堪燒菜囊內無錢莫買魚不敢妄為些
子事只因曾讀數行書嚴霜烈日皆經過次第春
風到草廬後果登第

嘉山靈源祠

山岌岌兮勢若揭水煦煦兮深黑色晉公子兮凜而烈
坎坎兮擊鼓僬僬兮屢舞八珍兮几清肴核兮維旅水
之涯兮山之下駕雲旗兮乘雷車倏從電影兮若有所
覩

欽定四庫全書

元詩選三集
卷七

十四

題政平樓

灘江江上古昭州一帶孤城有此樓雲護山容簷外立
月將波影檻前浮朝廷只許平持獄官府終當詳讞囚
筆底判花生死地百年雨露一時休

桂林八景

堯山冬雪

堯山絕秀嶺南天雪壓林巒飄素烟高倚暮雲屏掩翠
半消晴日玉開田驛梅逢臘巖前發羽檄衝寒徼外傳

何日樓頭閒拄笏兩階舞罷對瓊筵

舜洞秋風

西風颯颯桂林秋萬疊雲山舜洞幽
曉氣沿崖秋色冷涼飈吹樹桂香
浮輕搖斑竹江頭恨遠送蒼梧天
外愁一旦薰風隨律變露華山色滿
南州

西風晚照

西峯西向桂林西數點晴雲落照
低絕嶽倚空排寶戟斜暉轉樹遶
雌蜺錦紋零亂霞前映翠影參差
雨後迷

欽定四庫全書

元詩選三集

卷七

還似峴山詩酒客醉來聽唱白銅鞮

東渡春瀾

東門東渡柳青青雨後晴瀾春水生
月影流來波影碧浪花飛起雪花輕
漣漪忽動魚翻藻浩蕩初開鳧唳萍
終日靜觀還有得層層天色一舟橫

訾洲煙雨

分合灘頭見訾洲訾洲烟雨水雲秋
空濛細縠沙頭籟散亂跳珠波面浮
鷗鷺飛翔來上立蛟龍騰躍此中浮

蓑衣箬笠垂楊外時有漁人橫釣舟

桂嶺晴嵐

桂嶺崇崇插絳霄晴嵐浮動翠雲飄
峰巒碧潤輕翻縠巖壑精瑩深染綃
晚靄忽開高突兀餘輝斜抹蔚峇荒
緩行鳥徑衣裳濕莫說梅花萬里遙

青碧上方

獻花隨喜上方行雲影天光入戶庭
江水遠翻僧眼碧山峯輕染佛頭青
恒河莫訝沙無數鷺嶺休驚嶽有靈

欽定四庫全書

元詩選三集

卷七

色界不空因相起貝多葉上寫蓮經

棲霞真境

七星山畔列松杉羽服棲霞雪一龕
人自世間來世外洞從山北出山南
日邊五色迷晴靄頂上三華粲夕嵐
仙去儒遊真境在一輪明月影寒潭

遊嘉山

不到嘉山十五年神林祠宇兩悠然
鵝溪鵝泛溪頭月龍井龍蟠井底天
霖雨未能酬素志烟霞且得遂高眠

一觴一咏歸來晚朋友相聯若有緣

松風書院

夕陽林樹欲棲鴉偶到東山處士家松子嶺高嵐氣潤
幽軒開碧落松花

干文傳仁里漫彙

文傳字壽道號止齋平江吳人父雷龍鄉貢進士
先世以武弁入官而力教其子以文易武故雷龍
兩舉進士生文傳乃名今名以期之用舉者為吳
及金壇兩縣學教諭饒州慈湖書院山長延祐科
舉法行首中江浙鄉貢明年會試乙科授同知昌
國州事累遷長洲烏程兩縣尹陞婺源吳江兩知
州至正三年召修宋史書成擢集賢侍制尋以嘉
議大夫禮部尚書致仕卒年七十八所著有仁里
漫彙壽道為文務雅正不事浮藻尤長于政事其
治行往往為諸州縣最有古循吏之風韓伯高廉
訪浙西作烏程謠以紀其績初壽道登第後一夕
夢入選挂名為長吳正官覺而笑曰我吳人安得
作長吳二縣正官已而果知長洲縣復知吳江州
適與夢符壽道以吳人而兩任為本路之官一時
以為希遇云

至順四年四月九日同王叔能柳道傳錢翼之
胡古愚遊天平山次古愚韻

蒼壁屯雲戟衛森白雲入戶袞衣臨千章喬木祇如故
一尺流泉不在深騰有桑麻居杜曲豈無觴咏集山陰
登高却省曾遊處短髮搔餘不耐簪

自天平遊靈巖次胡古愚韻

兩峰閭門西突兀頽衆丘昔年歌舞地潺湲水空流歸
然白雲祠祀事久益修尚書獻納後聊復吳中遊東陽

欽定四庫全書

元詩選三集

五

二佳士並驅馭玉蚪相從泉石間共賞花竹幽振步極
玄覽萬象輸吟眸笑語落空谷轉覺吾生浮登高固能
賦一洗千古愁日莫微風發山氣涼如秋老禪亦好事
款曲邀人留清泉出巖竇濁醪過牆頭吾曹亦何幸去
去同仙舟

自靈巖登天平山次柳道傳韻

范公命世才志欲清禹甸高名冠禮闈直道行諫院氣
節凜霜柏精神爛巖電常懷天下憂每恨黨錮傳買田

瞻貧族地思責幽寤致君豈無術不采羞自薦身未安

朝廷勲已樹方面稍虧一簣成俄感兩楹奠相業貽

後昆源深流益行我我天平山先塋神所戀靈旂泝天

風闕捷百夫牽堂高廟貌尊寺近法輪轉簾靜香更清

庭幽色逾禕侯邦秩春祀闕戶丹青絢繫牲有豐碑孰

敢易以麵忠孝結人心異代民不倦茲遊及初夏喬木

鳥聲轉遺構指吳宮往事鄙勾踐至今十載後紅膏汗

蒼巘青松自高卧日出露光泣衣從空翠沾杯帶流霞

欽定四庫全書

元詩選三集

五

燕溪聲碎珠玉勢若疾飛霰肩輿去如飛側逕不容眄

人歸華表鶴石化洞中燕惟有白雲居不知陵谷變一

亭頽流泉頗覺遊覽便龍門快先登卓筆喜遙見山形

如罟罟迴合護臺殿一宿贊公房蓮花催曉箭芳題勒

巖壁清飲却歌扇平生子長遊奚暇論封禪紀行詩固

奇屬和語多諺真同雩詠歸寧狂不為狷識琴誰似豔

知玉莫如卞

題水村圖

桑梓未能忘楚甸琴書已久住吳門悠悠江海風烟隔
知是夕陽何處村

敬題范文正公所書伯夷頌卷尾

孤竹身為百世師范公手染退之辭不知青社揮毫日
得似天章論道時

王良止止齋稟

良字止善紹興諸暨人少受業郡庠篤行勵學淮
東廉訪司辟為書吏考滿調廬州錄事判官淮東
宣慰司辟為令史再調峽州路總管府知事又辟
江浙行省掾史歷建德縣尹除兩浙都轉運鹽使
司經歷改海道漕運都萬戶府經歷遷江浙行省
檢校官除江西行省左右司員外郎在任歲餘以
中憲大夫淮東道宣慰副使致仕至正八年卒年
七十一止善弱冠遊錢唐與浦城楊仲弘鄜州劉
師魯友善論詩務取法古人之雄渾而脫去近世
萎芥之習間挾其所為文登諸大老之門最為牟
隆山胡汲仲穆仲趙子昂鄧善之所賞識拂衣歸
田後家食者五年扁所居曰止止齋仍自號鷄游
子以見其志云

追和唐詢華亭十詠

顧亭林

顧公讀書處乃是林塘居竹樹久凋謝紅翠何稀疎魚
鳥飛昔遊風烟尚遺墟身滅名不朽流聞千載餘

寒穴泉

石竇出寒冽湛湛天影平處靜能自潔不及元無聲飲
之煩熱除鑑此毛骨清寄語沉酣者一啜當解醒

吳王獵場

孫氏保澤國上馬操金戈獲禽非其志豈必施虞羅霸
氣凌秋旻精采一何多俯仰迹已陳禾麻被平坡

欽定四庫全書

元詩選三集
卷七

五

柘湖

湖瞰平林外波搖斷崖濱柘山應孕秀秦女乃能神剪
紙微靈貺乘槎覓要津渡頭風正惡愁殺採菱人

秦皇馳道

秦皇混六合荒誕殄厥修求仙望蓬萊驅車乃東遊道
斃雜鮑魚腥風夕彌留徐福竟不還何處營丹丘

陸瑁養魚池

華亭郭西偏云是陸瑁居宅墓了不存況此池中魚纖

鱗依藻荇採取無復餘皇風反淳古數罟或可除

華亭谷

邈邈華亭谷遠帶松江流亦有賞心人於焉放扁舟風
將絲帆舉身與元氣浮拍手招鷗夷傲睨三千秋

陸機宅

士衡多奇才儒術何因深少年作文賦吐秀含規箴遭
讒卒遇禍白日雲為陰一聞華亭鶴遺趾尚可尋

崑山

茲山孕奇秀因人得佳名人去山亦枯竹柏藏秋聲寒
泉湛空碧石穴儼不傾焉知千載後豈無君子生

欽定四庫全書

元詩選三集
卷七

五

三女岡

傳聞三女岡不誌三女名蕭蕭白楊盡靡靡芳草生西
施殆其國此恨尚未平碧血化游燐猶當照吳城

過花邨將臺懷達爾罕丞相

檻外長江切岸來曾陪丞相駐崇臺旄頭不動軍容肅
鷄首齊飛將令催虎兇蕭條荒壘在魚龍寂寞暮朝回

美人不見空搔首更聽雲間白鴈哀

次韻風月亭留題

重來揚子故人遠滿目風烟如隔生我遊無往不適意
世故何者能闕情清宵宴坐山月上白日緩步江風輕
扁舟欲發更留滯隔岸杳杳來鐘聲

簡王君實僉事

顧瞻幽薊三千里局促舟航十二時篙拄岸沙移寸寸
霧迷朝雨下絲絲白頭應笑馮唐老青眼幾成阮籍悲
能向江邊迂憲節持杯來赴野人期

黃河道中

荒荒大野兼天遠渾渾長河與海通雲暗春城榆莢雨
浪翻沙岸鯉魚風簡書上計千艘集玉帛來朝九域同
獻納願陪青瑣議衰遲已是白頭翁

黃樓

山河壯麗雄三楚人物風流憶二蘇自古必爭形勝地
當年曾屈霸王圖呂梁東下波濤險芒碭西來島嶼孤

試上黃樓酌明月百金取酒未為迂

歌風臺

淮南不軌天威及清蹕西還過沛中樂作酒酣鄉思激
雲飛風起霸心雄龍光已逐寒烟散鳥篆空餘碧蘚蒙
極目荒臺增感慨冥鴻矯矯入秋空

發瓜州

一別蕪城逾十載重來魚鳥亦相親童童碧樹添新冢
段段青山似故人把鏡未須驚白髮持杯猶得及芳春
却將此日思前日只覺今身是後身

贈柯敬仲博士

與子浮沉三十載歸來文采更風流虛名聊爾或見錄
尤物移人何足留說劍談玄皆外慕買田築室是良謀
眼花耳熱爭意氣泯滅無聞同一漚

和敬仲韻

憶子曾陪翠輦過朔風海子起層波上方授衣黑貂鼠
太官進膳金頭鷺此日此時甘放曠某山某水且婆娑

但願年豐飽喫飯擊壤細和堯民歌

題江風山月亭

往日扁舟渡揚子水榭風軒吾舊遊天籟動波蛟窟夜
雲根倒影兔華秋嵐光漠漠浮京口樹色依依到石頭
試與題詩分物色玉簫吹月上揚州

五洩山二首

七十二峰水碧白雲半掩招提清晝焚香燕坐綠陰深
處鳥啼

欽定四庫全書

元詩選三集
卷七

五

山骨層層刻畫溪流曲曲縈回巖際玉龍歎雪天風吹
落瑤臺

題楊補之雪梅卷

水邊石上竹林西香影亭前放鶴時今見畫圖疑是夢
南枝雪壓得春遲

錢唐雨中招申屠彥德

春雲拂地雨浙浙戶外屨空生綠苔朝天門外樓依水
好棹小舟乘興來

欽定四庫全書

元詩選三集
卷七


五

元詩選三集卷七

謹案卷七第二十四頁後六行達爾罕舊作答刺

罕今改

欽定四庫全書



總校官候補中書臣吳紹濬

校對官庶吉士臣徐立綱

騰錄監生臣徐焯

欽定四庫全書薈要

集部
元詩選三集卷八

欽定四庫全書薈要卷二萬四百六十二 集部

元詩選三集卷八 長洲 顧嗣立 編

林泉生覺世集

泉生字清源泉之永福人與盧琦陳旅林以順皆以文學為閩中名士泉生學邃於春秋天歷庚午

登進士第授福清州同知轉泉州經歷遷永嘉尹

調漳州推官擢知福清州除翰林侍制以母老辭

會復置行省改理問尋陞郎中遷知漳州召入翰

欽定四庫全書

元詩選三集

林直學士知制誥同修國史尋卒諡文敏清源以

志略自負不能下人後稍自晦抑號謙牧齋晚益

折節更號覺是軒為文宏健雅肆詩豪宕道逸所

著有春秋論斷及覺是集二十卷

雜言四首

大樸本淳默結繩已多端書契起百偽千載不復旋大道日已降支離競各言安得萬喙寂俗厚如古先仍當廢簡牒置我六籍前

詳校官編修 臣 王天祿



禮樂設空器詩書無全經仲尼既已矣沮溺不耦耕誰
能笑庖犧今亦無負苓我欲觀馬圖黃河清未清
東家陶苦窳適市日十千西家琢瑚璉待賈三十年材
輕信易售器重良自憐世事每如此古今無不然

吾嘗觀四時亦復悲草木秋風落人間百卉不敢綠豈
無巖谷英粲粲若松菊但得根本堅自然耐幽獨

落花怨

落花怨東風情薄不可託紅顏為君開衰顏為君落願

欽定四庫全書

元詩選三集
卷八

二

落流水中隨君遠漂泊

楊柳怨

楊柳怨春江何事多離別年年枝上青日日行人折安
得如桃李當使人娛悅

贈永陽黃子邵和文丞相韻

贈君以幽蘭棄之不如草古來溝壑間將見壯士老憂
君君不知慷慨為君歌歌竟欲痛哭言辭不能多但願
江海水水化作杯酒傾倒入君懷得君一回首

武夷山

千山來武夷勢若羣龍趨崢嶸入霄漢一一飛躍如石
城開樓臺神仙之所居高岩挂鍾鼓幽壑藏舟車一水
九曲折烟霞共縈紆昂昂大王峰回顧雙玉妹變態千
萬狀迴與人境殊我行入幽深涼雲襲衣裾王事有程
期未能盡崎嶇瞻望不忍去為之少躊躇青鸞竟何在
落日啼猩鼯鬼工鑿靈嶂想在天地初不知百粵前誰
其宅此都魏王何代人髑髏至今枯精神在青天此物

欽定四庫全書

元詩選三集
卷八

三

蟬蛻餘還丹九轉就身外復有軀雞犬舐丹鼎尚能遊
太虛虹橋宴曾孫何不與之俱邇來二千年誰使恩義
疎馳羹不見遺無人薦乾魚空餘煉丹鼎寒烟覆青蕪
當時燒白石黃金滿洪爐黃金果何用亦為仙所需安
期不可見此事知有無吾將搵束茅來依紫陽廬青鱗
既可釣枸杞亦可蔬遨遊青山間心朗氣亦舒時從二
三老野服歌唐虞神仙果有之必就賢人呼長生如可
求吾當受其書

白鶴寺聽琴樓

青山如橫琴雙瀑為之絃何人作此曲一奏一作三千

年上有倚天拂雲之喬松下有伏波步月之蒼龜松今未凋龜未老人間此曲何時了我來十月溪水銷古木萬壑風蕭蕭飛流向我作宮徵使我聽之心寂寥臨軒再拜問此水巢由去後誰知己我今賸有兩耳塵不敢向此溪中洗山僧煮茗樵父歌吾亦無如此水何

真誥巖

欽定四庫全書

元詩選三集 卷八

四

山行一百五十里人家鷄犬如桃源上有太古白石洞中是羣仙煉丹壇人間風雨不敢到梁時棟宇今猶存陶公真誥已入奏孺子崑崙去未還帝遣蛟龍護靈石時聞鐘鼓鳴空山簫臺迴光日月白河漢挂屋星辰寒休糧道士逐白犬種桃金母驅青鸞千年茯苓長根蒂百歲老人古衣冠曾聞赤水出巖洞飲者白日生羽翰前朝此地禁樵採邇來勝致多凋殘長松滴露封丹竈獨鶴銜烟鎖洞門神仙有樓不肯住我輩走馬何時閒

願分半間雲月屋自種數畝枸杞園巖頭獨坐洗塵耳消此兩澗清潺湲

張戡獵騎圖卷

戎王小隊獵秋野豹尾服弓金絡馬蒼髯奚官喜追逐隔馬相呼意閒暇鞭梢生風箭飛雨烏騅如龍犬如虎沙平草淺狐兔肥穹廬月寒歸未歸

題高尚書夜山圖

善畫尚書高彥敬能書學士趙子昂兩翁秋興江海動一尺夜山吳越蒼雲松霧塔參差見野水寒沙渺漭長山窻撫卷應惆悵却憶東坡賦雪堂

岳王廟二首

岳王墳上褒忠寺地老天荒恨尚存介冑何堪投獄吏衣冠無復望中原青山能掩萋弘血落日空悲蜀帝魂遼鶴不歸人事別吳宮青草又黃昏

誰收將骨瘞一作西湖已卜他年必治吳孤塚有人來

下馬六陵無樹可棲烏廟堂短計慙嫠婦宇宙惟公是

欽定四庫全書

元詩選三集 卷八

五

丈夫往事重觀如敗局一龕燈火屬浮屠

方廣巖紀遊

上方樓閣倚空明磴路如天鳥亦驚屋頂石巖常欲墜
簷前瀑布不能晴龍湫千古風雷氣山殿六時鐘磬聲
最愛白雲飛不去半山飄泊伴人行

寄題大龍湫和李五峯韻

鴈蕩峰頭春水生無邊木葉作秋聲六龍捲海上霄漢
萬馬嘶風下雪城春盡不知陽鳥去巖高惟許白雲行

欽定四庫全書

元詩選三集

六

故人家住青山下野鳥寒流亦有情

題瑞巖寺

危亭跨石出層虛咫尺欄干翫月餘春入岡原分斥鹵
烟生林樾認邛墟江流閣狹潮來去山色有無雲卷舒
安得一瓢供我老風吟月嘯度居諸

題曾彥明所藏雨竹

蒼梧秋雲來寒翠滴不已君看葉上波都是湘江水

玉虛洞

空谷結層雲寒泉落空沼中有太古靈悠然隔深窅

欽定四庫全書

元詩選三集

七

李源道仲淵集

源道字仲淵號衝齋閩中人官學三川歷四川行省員外郎與弟叔行樂成都風土卜居蠶茨買田百餘畝因所居植竹十萬个覆以白茅顏曰萬竹亭兄弟對牀吟哦其中後入為監察御史延祐中遷翰林直學士出為雲南肅政廉訪使累遷翰林侍讀學士出為雲南行省參知政事仲淵嘗自錄其五言詩題曰宗雅蜀郡虞集序之曰五言之道

欽定四庫全書

元詩選三集

八

近世幾絕數十年來人稱涿郡盧公故仲淵自序亦屬意盧公然仲淵來朝廷為學士而盧公去世已久獨吳興趙公深知之至以為上接蘇州信知言哉臨川吳澄序曰仲淵心易直而氣勁健其為詩也肖其人古體五言如生在魏晉略不涉齊梁以下光景七言雜言翩翩乎鍾山丞相雪堂學士之間而無留難約之而為近體也亦然今古詩散亡止錄近體數首

虎丘

吳山名勝處獨說此林丘人去劍留迹僧來石點頭蘇臺千古月蕭寺幾番秋巖壁寒泉響轆轤聲未休

虎丘劍池

倚天長劍斫山破劈石對峙寒潭清何年自出造化異萬古不與豪雄爭澗深黑虎威獐立樹老青龍鱗甲生蓮花峰頭有玉井誰當並此賦崢嶸

次韻送虞伯生使蜀降香

城南尺五去天低迴首彤樓十二梯六月岷山猶有雪三春雲棧迥無泥浣花溪上看秧馬芳草渡頭聞竹鷄見說草堂遺構在公餘須到錦城西

燕中懷古

荆卿墓上草離離郭隗臺邊對落暉戰國山川秋氣壯中原豪傑曉星稀乾坤納納無人識南北年年有鴈飛說似蘆溝橋畔柳安排青眼送將歸

贈劉宗道使安南

欽定四庫全書

元詩選三集

九

一介强于十萬兵秋風持節使清一作泠可容贊普窺
唐壤要遣莎車拜漢庭蜃吐瘴烟驪洞暗鯨掀巨浪海
雲腥元戎已辦安邊策萬古千秋汗簡青

題王朋梅金明池圖

金明池水清且連寶津樓閣三山巔魚龍一鼓雷破壁
貔虎萬艘風動天銀濤激起翻匹練絲繩突出騰飛仙
錦標奪得未為快東朝畫史今龍眠

送捧詔使

霜落澄江水似藍江亭折柳送顏參五條温語頌天北
一棹清風下斗南父老疲癯沾利澤山川勝槩入豪談
渝城好過黃花節金碧臺高酒半酣

送馮參政致事

天眷雖隆志勿渝拂衣歸去不躊躇百年喬木推耆舊
九老香山入畫圖力疾不辭春命駕感恩直欲夜含珠
聖王已有黃金像一舸秋風下五湖

暮春即事

欽定四庫全書

元詩選三集
卷八

十一

垂柳陰陰雪擁沙殘陽淡淡水明霞夜來枕上初聞雨
今日枝頭不見花啼鳥已傳春去信狂蜂猶趁晚來衙
柴門盡日無人到讀罷離騷更煮茶

題周曾秋塘圖

水禽容與滿晴溪折葦枯荷澹夕暉安得扁舟江上去
烟波相對兩忘機

欽定四庫全書

元詩選三集
卷八

十一

楊敬惠仲禮集

敬惠字仲禮台之臨海人歷官應奉翰林文字泰
定三年夏以選授浙江儒學提舉王中丞士熙作
序送之云楊君居史館久文精思得言議濟濟志
于事功卓然勇往之資也嘗修赤城元統志

題秋景圖

金門羽客茅山來袖攜千仞青崔嵬開絨滿堂秋色起
耳根彷彿清猿哀白雲溶溶漲川谷谷口滄波瀉寒玉
輕舸一葉何處歸錦樹烟扉半紅綠汀沙空濶天渺瀟
山有楔榆水鱷螭篙師未必好看客行人踽踽將安之

登太白樓

繫纜任城下登樓古堞邊遠山低綠樹平野接青天身
世無何酒神遊不記年憐才今昔意汶月向人圓

題郭主簿模摩詰本輞川圖卷并序

摩詰嘗與裴迪唱和廿絕紀輞川之勝至今讀之
如身遊其間此本甚精緻尚可想見其景與詩會

之時也因追而和之

孟城坳

春風孟城坳年年自花柳當日倦遊人何處談空有

華子岡

蜿蜒浮遠空慘淡凝古色出雲亦何心既雨返無極

文杏館

種杏白雲間因之葺茅宇鶯聲烟中曙虎跡夜來雨

斤竹嶺

苞竹秀孤嶺虛籟涵清漪秋風何時實鳳饑竹不知

鹿柴

崖感石林稠谷靜山泉響麝麇圍其間攸伏息下上

木蘭柴

手折木蘭花心憶懷沙侶墜露玉可和金盤羞帝所

茱萸泝

茱萸綻紫粟白雲封不開似待陶元亮共把菊花杯

宮槐陌

屯雲陰廣陌零露濕古苔中街日亭午四面風徐來

臨湖亭

積水涵倒影萬象凌虛來魚在山中泳花從天上開

南垞

亭亭一風榭脫屣席可即階前雙白鶴相迎似相識

敬湖

岸巾臨水蒞酒醒呼隱君收緝玉梭起搖蕩空中雲

柳浪

年年黃金縷照影翹塵漪誰為南浦贈紉佩危江離

藥家瀨

鑿鑿沸白喧浩浩空青瀉漁翁互相呼放船莫輕下

金屑泉

洗耳山下泉永念童蒙歲敢希作聖功事心如事帝

白石灘

湍駛風逾清水明石可把倚杖獨移時白鷗翩然下

北垞

欽定四庫全書

元詩選三集

卷八

波影媚松樾山色麗石闌留連南川月不肯下雲端

竹里館

此君儼相峙清坐一晤嘯天風振空聲萬境通寂照

辛夷塢

迎春發蒼柯映日在瓊萼欣欣各自私先開還早落

漆園

龜勉殉世名鞅掌嬰俗務漆以津自枯不如樗櫟樹

椒園

申椒芳聲遠秉德類幽人時來薦瑤席慎勿佞夫君

歌風臺

布衣千古一英雄五載乾坤入手中遙想帝魂垂浩劫
舜絃天上和南風

欽定四庫全書

元詩選三集

卷八

陳德永兩峰慚草

德永字叔夏號兩峯黃巖人自幼岐嶷從林闕

絃齋盛象翁聖泉遊得王栢魯齋之學臺省辟為

和靖書院山長歷官江浙儒學提舉清江杜本伯

原稱其文章似歐陽子尤長於理所著有兩峯慚

草

馬節婦盛氏

白日忽中海陽春春隕霜兒生未識父姑老誰扶將嗚

欽定四庫全書

元詩選三集
卷八

七

呼養姑心引誓獨永亡仰無一瓦庇俯無立錫場宵機

亂頭緒晝哭成徊徨賦命諒使然苦節良自傷身前一

世短身後百世長慨彼梅花詩永婉黃鵠章

至日

重陰東地戶霜落浩如積乾坤此何時碩果久不食今

晨好雲氣萬類若動色枯梢自號寒根柢已含德如何

夸毗子乃獨恃天則善端本無窮惡念每充斥達人妙

觀化感此欲歎息梅花定余知怡然笑林日

送同知黃巖事林起宗滿歸二首

浮雲暮南征遊子思故鄉官清甘旨少有母不得將昨

夜夢倚門攬衣起彷徨翩然忽復去水遠三山長

貪官如苦兩好官如流電使君天下士沉也美文翰出

佐千里州名在循吏傳行將補袞歸袖有五色線

玉雪坡為周伯溫學士作

仙人修月天上歸袖裏璞屑萬斛餘當時委地不肯化

付與春風吹得飛春風吹上坡頭樹仙人著屋中間住

欽定四庫全書

元詩選三集
卷八

七

夜氣英英到骨寒又踏紅光上天去

登靈峯

我疑邃古初奔精墮南斗元氣淋漓壁石開帝遣巨靈

來試手想當剝削時震撼天亦驚至今萬萬古茁茁搖

空青空青離立盡奇峭遊子見之為改貌又恐波濤春

蝕餘尺土無由逗痕竅一峯黝黑中窈弘下有線路攀

幽藤崖心如瞰鬼窟穴石口忽漏天窻明前直兩峯上

雲雨爭來效奇若掀舞橫林掩苒夕氣薰飛翠走香灑

晴紫班荆久低回
沉思綜玄理壯哉天地功
設奇乃如此大風簸積氣
勢至即凝聚均坎機則然
胡為浪嗟擬翻然破來路
寒月照潭水

鴈蕩吟送秦文學還吳

鴈之蕩兮乃在甌越之野
瀛海之埂有萬苗苜鏡青天
東南形勝此其最我嘗著履
周覽于其間厥初宰物孕
雄怪元氣混沌何由穿巨靈
運斤鑿鬼竅列缺吐火施
神鞭遂令後爾萬萬古見此
錯愕難為言上疑日車解

欽定四庫全書

元詩選三集

卷八

轡傾側過下恐地軸撓動相
鈎牽昨夢尋君拂烟去有
擁芝蓋導我前崩崖旁豁瞰
空洞迴溪不定行蜿蜒狂
雷砰訇起何處白龍噴薄飛
層巔熊蹲豹擲若怒若啼
霞明霧湧倏閃倏開重重掩
掩變幻不可以極兮我方
矯首睨立乎雲梯南望海水
不滿杯灣環下繞山足來
仰攀玉女駕笑踏飛鸞低羣
仙集倒影雜佩中徘徊聳
身直上浩無際海月正掛吹
簫臺於焉得深悟扶桑警
天鷄遽遽驚覺在枕席但聞
落葉如雨風淒淒君來謝

我欲西邁惜此不及窮扶攜
我知君身有靈氣世上塵
土胡能迷推仁澤物本我
事成功欲退真奇哉碧桃花
發俟君到勿使引領雙眉推

暮春

山館青春老溪扉白露斜
微風起新絮小雨落餘花
蜜滿蜂登課泥香燕作家
物情猶好在人事益紛拏

定居

行客今如此青山已定居
過雲時傍戶流水暗通渠
道

欽定四庫全書

元詩選三集

卷八

勝元無愧身安即有餘
南窓高卧起隨意讀吾書

送蕭起宗還涼上

客中送客意不樂借問何
門曳子裾白下水高船起
日淮南木落鴈飛初壯懷
更復頻看劍濟世終當用
讀書令弟少留數會面北
來音信未應疎

次韻周學士巾子山留題

昔日控鶴此山巔今日何
日集衆仙九天使節環珮
響三島候車幢蓋連洗心
已共江水白受命正與山
松堅

東西瞻顧起更坐揮手五絃鴻鴈邊

送瞿慧夫上青龍鎮學官三首

仕宦去家百里近文采照人當妙年想見彈琴讀書處

牆頭春日薺花圓

江上春風日夜催即看柳色上衣來莫言美玉難酬價

定有黃金為築臺

人生豈不相逢早異縣傾心有弟昆却恨客舟無意緒

豫先載我出吳門

陳天錫一作賜鳴琴集

天錫字載之號晉齋福寧州人任本州學正轉鹽

運提舉大使至順初擢建陽尹秩滿以六事聞於

朝加奉議大夫知福清州年未六十致仕歸與王

薦等十人共為耆英會壽八十終所著有鳴琴集

子陽至陽盈陽復陽純陽極並有才名時號五陳

尤工於詩清新灑落有棣萼詩五卷福寧王參政

都中為之序

西坡即事

人境得佳趣清松處士家成行看過鴈數點落歸鴉風
動竹彫葉秋高菊吐花閒來媚幽獨吾志在烟霞

臨平書一作事

四月臨平路江蓮未著花春風隨客櫂綠水護僧家對

酒邀新月披襟挹彩霞晚來堪畫處飛鷺下圓沙

季夏書事

歸夢遶滄洲胡為此滯留雨收三伏暑風送一帆秋汀

樹層層出鹽一作花拍拍浮相思千里月人在海邊樓

清明有懷

春愁禁客况夜夢繞天涯淑景隨流水歸心逐暮鴉看
書翻蠹葉撫案落燈花悵望松楸遠登臨起歎嗟

送包釋可入幕

州帶福星明君今指去程亂山秋雨後一路野蟬鳴時
靜軍書少人閒官況清歸來話風土盡識荔枝名

都下偶成

玉泉遠隔禁溝流輦路春深碧草柔細柳望迷秦女館
清池學弄楚人舟尊前艷態初疑月雲裏新聲欲變秋
不道有人騎瘦馬夕陽春樹起高愁

別桐城諸老席上作

七人五百有餘歲高會尊前笑語譁逸興濃時過似酒
交情密處恰如家朱顏鶴髮明秋水瑤句魚牋動綠霞
明日馬蹄衰草路桐鄉回首又天涯

次滕玉霄韻

自是男兒志四方明時上國快觀光儒冠誤我青綾被
人品還君白玉堂取友平生半區宇論詩今日得濠梁
歲寒只有梅和竹風雪相看味更長

呈草廬吳司業

斯文梁棟在成均自許儒冠可立身拍塞胸襟五經笥
清高地位十分春泰山北斗道行世赤箭靈芝意自春
多謝春風薦賢筆肯甘躍冶外陶鈞

偶題

修竹千竿萬卷書水明沙淨稱幽居春風架上吹殘簡
時復晴窓落蠹魚

陳陽至詩附

陽至字子善天錫長子舉賢良累官汀州知事

武夷山

宴罷曾孫不再期彩橋斷絕可勝悲藥爐火冷丹昇鼎
坐石雲閒鳥護棋白鳳舞空銀闕迥青鸞度嶂玉笙隨
仙翁已許丹臺約擬濯塵纓向水湄

冲佑萬年宮

九曲前溪碧玉流
停梳夜泊羽人丘
雲容蜃氣疑江島
月色蟲聲訝晚秋
一別虹橋情黯黯
千年鶴駕事悠悠
爽靈五夜朝天所
吸取朱霞散九州

南禪寺

水南山寺逢秋社
幾樹芙蓉未著花
薄暮涼風漸吹急
月明山路接溪沙

華巖寺

巖花冷落春流淺
春已沿流花片片
一逕莓苔老白雲
斜陽燕子飛樓殿

靈泉寺

夜汲清江籟不譁
大瓢貯月沁胡麻
人間春色僧無分
一任東風落盡花

陳陽盈詩附

陽盈字子謙天錫次子以父蔭累官候官尉調泉
州稅課副使以憂歸至正中草寇攻州知州王伯

欽定四庫全書

元詩選三集
卷八

五

顏檄陽盈率民兵拒敵奮不顧身遂陷於賊偽帥

王善脅之使降陽盈執大義罵賊遂遇害事聞敕
贈敦武校尉安溪縣尹旌其門

北山尼寺

客中無事強登山為愛清空壓市寰
壞榻火寒茶竈靜
古祠香冷石爐閒
風生春水起龍甲
雨落晴階點豹斑
松牖不扃人不到
時看巢燕自飛還

陳陽復詩附

陽復字子初天錫第三子

靈泉寺

上方野馬隔巖紛
山接靈源一派分
夜靜錫閒孤塔月
日高禪定半窓雲
翠紗籠壁詩難續
玉笋流香酒易醺
煎柏煮茶清不寐
松風吹籟隔溪聞

陳陽純詩附

陽純字子正天錫第四子

鳳翔菴

欽定四庫全書

元詩選三集
卷八

五

桐邊植竹與坡連鳳去年深老石泉龍噴夜雲生殿角
鼇翻春浪到臺前僧歸禪月隨飛錫魚退腥風去釣船
一點浮塵渾不到起登孤塔上危巔

妙香菴

一棟翬飛鎖白雲幾看瑤月到黃昏龕燈未滅僧初定
風挾潮聲到寺門

華巖寺

千層金碧翠雲翻樹滿招提竹滿山十里清溪無覓路

欽定四庫全書

元詩選三集
卷八

五

水流花片到人間

陳陽極詩附

陽極字子建天錫第五子舉文學任候官山長

西峯寺

寒山多適興遠上白雲層遇客每指寺聞鐘不見僧推
嶺橫絕壑墮石抱寒藤幾欲棲寒去臨岐又未能

白雲菴

緣岡躡丹崖東風拂搖草飛鳥時往還山間白雲老

靈泉寺

白雲深處寂無譁香積惟餘飯一麻出定不知春已過
淨瓶花落點袈裟

南屏寺

禪心不動法堂空日影斜侵半榻紅一卷楞嚴看未了
篆烟香散竹窻風

欽定四庫全書

元詩選三集
卷八

五

錢良右一作江村集

良右字翼之平江人言談舉止濟濟有儒者意吳興趙孟頫巴西鄧文原遇之尤厚數引拔之良右殊無仕進意至大中署吳縣儒學教諭已代去輒不復出閒居三十年一室蕭然坐客常滿咏歌酣嬉無虛日聊城周馳舉良右宜在館閣未報會被旨擇工於書者俾書農桑輯要大學衍義有司志起良右以應令竣事交章薦亦不報至正四年以疾卒於家年六十七有詩文雜著若干卷虞學士集為之序翼之於古篆隸直行小草無不精絕豪家貴人往往傳藏以為珍玩或有所挾而強使為之雖百金弗顧也晚自號江村民人因以江村先生稱之

自靈巖登天平山次柳道傳韻

茫茫勾吳墟曠遠似淮甸遇勝有山林棲禪遺古院其教本空寂身世等飛電是間多開士名列方外傳奉先

反見託圖以安吾衾衣冠高平後選席慎所薦坐令一

山靈示現瞿曇面白雲深復深香火同致奠兼乃突眾
峯百年足遊行到山每恨遲出山豈無戀肩輿慣崎嶇
未讓逆流牽石秀境益奇峰回路頻轉綠陰清旦繁香
草發幽情心賞勝花時誰夸衆色絢盤紆上靈巖午供
出僧麪肯為口腹留頗慰僕夫倦昔是歌舞場歛音想
清轉只今鐘梵居放懷得往踐參差丹碧麗結構依絕
巘陰崖露未晞風葉灑微泣汲井訝高原歇思當三巘

弱冠曾此來知復幾霜霰苔碑難盡讀髣髴經再眄行
樂信及時坐成避鴻燕西日輪未側尚慮雲物變下坡
仍相逐健武覺爾便俄然涵空勝掩冉不可見兀兀瀆
上歸悵望雲中殿飛翮亦已還瞥眼急於箭登舟舍山
乘涼颺襲葵扇固知生已浮來者政如禪方是即已非
偶言遂成諺酒徒人所厭詩豪還類狷茲會近殊無座
有儒林下

自天平遊靈巖次胡古愚韻

我鄉本澤國近郭惟西丘羣山青更闕太湖限洪流咫尺可登覽道路若阻脩年來豈無緣歲月成再遊深山多白雲長松交翠蚪靈泉發不竭一竇穿巖幽涵空倚山閣物色紛入眸天水永無際坐覺身世浮攜尊相與酌洗我今古愁回首卧雲地老屋苔雨秋茲行真勝集言歸仍少留座有詞林客功名尚黑頭倡酬紀所歷醮笑遲回舟

次韻答虞道園

欽定四庫全書

元詩選三集

卷八

筆翰風流說晉唐敢將拙惡比諸郎健豪日費徒成塚禿鬚年侵不待霜才士宜從鶴鷺序畸人合住水雲鄉豈期天藻亭中老遠寄詞章勝采芳

至順四年四月九日同王叔能柳道傳胡古愚

遊天平山次古愚韻

松門一徑度蕭森門外澄淵得重臨翠木斬新隨地長白雲依舊在山深泉分茗盃來巖隙香起熏爐出殿陰篆墨題名志崖石忘形容我亞冠簪

余自至元元貞間客杭得交子行父雖齒在余先甚款密也余往來於杭有年間歸吳門每承以詩或書尺見寄今猶有存者其過山村翁訣別之詩按胡汲仲先生冢銘迺至大四年也越三十一年為至正改元始見其手跡於廬山甫家感悼之餘為作七言一首以附於後亦挽之意云時余六十又四

無家人擬地行仙自號青霞小洞天愛竹每留緣郭寺

欽定四庫全書

元詩選三集

卷八

吹簫時泛過湖船詩魂渺渺波搖月篆脚垂垂雨在川老我猶能見遺墨可堪回首斷橋邊

題趙子固蘭蕙圖二首

生意若不繁託根那計畹只憐君子花西風亦相偃百畝不同調數花常自春風流高韻在優孟是何人

題趙子固四香畫卷

名卉交加迴絕塵芳香秀色映清真歲華相對空山晚不羨長安桃李春

題所南老子推蓬竹圖

南翁高卧似淵明不種黃花種竹君挂起一作北牕長起挂

見此蒼烟一抹帶斜暉

題趙榮祿水村圖

每憐北苑風流遠筆底精神此日同春水孤村無限意

題詩輸與杜陵翁

錢逵詩附

遠字伯行良右子詞翰有父風丙申歲為江浙行

欽定四庫全書

元詩選三集 卷八

三

省管勾架閣歷淮南行省員外郎明初選赴太常

議禮發鳳陽居住尋放歸洪武十六年以事起遣

入京明年卒

寄樂耕傅子雨

聞君素志樂耕耘況是能詩趣不羣覓句想吟西嶺雪

把鋤長帶北山雲秋來散髮乘涼吹草閣分題倚夕曛

拄杖幾時來看竹落花飛絮正紛紛

次韻陳敬初答虞清二子雨中見寄絕句六首

白籙裁牋帶玉紋烏絲題字寄衡門風牀展玩論書法

何似顏公屋漏痕

積雨孤村水滿堤杏花零亂落春泥草堂近在橋東路

只借丹丘處士棲

喧喧春鳥報新晴不遣春愁眼底生擬約芙蓉洲上坐

暫分私地聽蛙鳴

獨立春江古岸基風帆沙鳥總忘機今朝聞有巢湖信

南陌東阡遲子歸

欽定四庫全書

元詩選三集 卷八

三

村塢深如華子岡東風花落澗泉香故山猿鶴相望久

莫遣濡須草樹荒

闕河猶未息風塵孤負春來綠草茵莫報淮南近消息

題詩且慰白頭人

趙子固蕙蘭卷

王孫書畫出天姿痛憶承平鬢欲絲長借墨花寄幽興

至今葉葉向南吹

彭炳元亮集

炳字元亮崇安人留心經學詩做陶柳喜與海內
豪傑遊歷齊秦至都下聞昌平隱者何得之名遂
往謁焉由是知名駙馬烏谷孫事以師禮至正中
徵為端本堂說書不就有集一卷如明河夜無聲
茅亭四檐月壁樹落秋子風吹白雲起之句真不
減柴桑愚溪品致也

蘭在二首

蘭在在楚澤蘭在在楚山古人見心易今人見心難
蘭在在幽谷行子在岐路蓼蟲居蓼中人生不知苦

明簪

明簪倚修筠撫摩自清絕明河夜無聲茅亭四檐月露
寒鶴夢醒山花落香雪白雲雖無心今宵儻怡悅持杯
欲問之忘言楚天碧渺然思美人芙蓉似顏色乘鸞月
明中青霞擁鸞翼冉冉別離時吹簫苦幽咽

冲冲

日月行天高日月行天深高深億萬古斂之一寸心冲
冲坐盤石壁樹落秋子欲涉九疑山風吹白雲起玉壺
滿清露可以沐九州縹緲桂林西霓裳歌未休

渺然

明月照修竹繁露驪龍珠風起青松枝白雲行太虛人
心海一粟獨涵千古餘乾坤不敢先渺然萬化初安得
挽銀河從今洗天樞

南溪

南溪種修竹千畝青娟娟開門看流水心在崑崙山年
來如病鶴感感垂凍翰瘦筇懶扶策世路空漫漫東臯
幸有地可廬亦可田聊且飲美酒濯我心上煩醉歌淵
明詩山月照面寒我病何時瘳持杯問青天

商州道中懷仲微

初日照風林扶疎動清影磔磔好鳥鳴微雲度修嶺排
徊望藍田青山見錐穎下有如玉人思之暗愁耿松竹
在窻戶馴鶴舞柔頸兀兀茅亭中焚香淪春茗長詠芙

蕞詩澄波願千頃

愧淺

漢宣在冲幼危食劔刃間壯大履宸極罔知丙氏恩大
夫在帝佐侃侃不自言光武草昧時嚴陵相與友乾坤
洗瘡痍文叔乃天子子陵披羊裘逃往釣江水兩公絕
世賢愧死淺丈夫何敢擬高風尚不漂母知

無為人所憐

前有億萬年後有億萬年寓形此穹壤百歲指一彈古
來多少人滅沒已不聞草木與同腐可憐生世間獨有
聖與賢明名長久存聖賢在世時小心常畏天終始履
周道沒身無過言所居至廣大靡物可與權萬乘不為
泰一瓢亦自尊我當師聖賢無為人所憐

楚山

楚山琢青玉斗酒浮漢江叩舷歌明月慷慨過楚邦亡
國非所邱鹿門思老龐此心出萬物富貴焉可降卧龍
拜牀下高風古無雙

欽定四庫全書

元詩選三集
卷八

三

相重

申韓掃淳風秦呂有天下九圍無建侯經國棄王霸相
權重丘山四海自陶冶李斯至不仁驅民納機獲忽如
楚火炎咸陽半天赭漢朝相有功蕭魏古人亞王陵聊
可師平也騁奇詐元后資大奸操威變劉社董兇誰名
之東京解如瓦大盜工竊攘神器陷曹馬下民何命窮
皇天武侯捨六朝吾厭之無屑論王謝李唐雖寡珍房
杜鳳凰炙彼勸成武殃誅夷豈天假向非狄張才廬陵
恐蘆鮓開元藉姚宗天宇耿光射林甫披劔腹清陽竟
長夜後來鍊赤心何由補天罅宋田膏雨深鋤耘長靈
稼李韓諸大臣聲光泝風雅氣機春樹花風雨易瀟洒
天津愁杜鵑安石亂王化沉疴蘇未蘇妖狐舞秦賈有
元元氣舒京國鳳麟舍昂昂天馬來長風九州跨金根
承五雲矯矯六龍駕弭弓休虎豹弦歌滿華夏比年天
寡情兵塵湧岷華大風掀海空烈日悴中野股肱非不
良干戈幾時罷青山雖晏如憂心靡紓寫安得起變龍

欽定四庫全書

元詩選三集
卷八

三

與之為御者

湘中曲

龍挾天河墮江階天子騎龍上天去轟轟藏劍鑿黃雲
日落蒼梧一杯土兩鳳追天住湘浦紅淚湘筠滿秋雨
青山九點又春歸花落無人見韶舞

長絲曲

青池秋高霜露繁蘆葉侵水長闌干風吹枯荷雙白鷺
池上木落雲漫漫蕭蕭馬鳴燕草殘小窻清砧山夜寒

欽定四庫全書

元詩選三集
卷八

三五

乾坤如繭繅未了古今長絲千萬盤

珊瑚

珊瑚生樹碧海底安得騎鯨斫大枝獨下崑崙倚風露
瓊花吹落酒醒時萬山雲盡水百折中夜月高天四垂
不信此心如雪白漢江同去照連漪

溪亭

溪亭春草綠白鳥下初晴柳鎖長堤暗花搖深水明
惜隔簾影嫋嫋聽簫聲自酌壺中酒無窮天地情

草亭

窻戶連清泚草亭如小舟都來一壺酒消得百年憂
燕拂輕花過雲隨曲水流綠楊沉影處清殺兩鷗浮

薄酒

薄酒歌明月清髯不解愁此心無險薄何處有恩讎
春水洄青澗桃花繞白鷗乾坤如小艇罷釣足優游

青藜

青藜扶倦足芳草上坡陀雨過梨花盡鶯啼柳樹多人

欽定四庫全書

元詩選三集
卷八

三五

心如海水世路有風波草莽非無酒傷春可奈何

武夷宮

仙人縹緲踏春鴻月落青峰第幾重琪樹雪中巢一鶴
石壇秋後蟄雙龍古時有塚埋黃帝今日無人見赤松
獨愧曾孫幔亭上翠華同醉玉芙蓉

絕句四首

磯頭繫漁艇林下訪樵牧炯然一白鷗獨有滿潭綠
獨酌玩溪水溪水清且漪山月忽飛來皎然誰與期

酒醒恍山桂流泉夜彈箏獨上青峰去中天見月明
坦坦黃金道蛾眉七寶車莫隨雙燕子容易落人家

淵明辭

醉倚蒼江看落花阿舒扶上短轅車河山萬里皆劉裕
五柳春風自一家

商山辭

紫田雲細玉芝香龍蟄山潭草樹光清夜鳴鳴弄明月
一簪華髮釣秋霜

欽定四庫全書

元詩選三集
卷八

早

懷關中故人

長安三月酒如酥花落平堤水滿初楊柳簇門齊下馬
九龍池上看叉魚

懷彥肅二首

山亭濁酒思崔煦天渴無人獻露瓢偶見癯僧採方竹
雪溪扶過木長橋

三年不見瓊花樹修竹長松獨倚樓一片白雲東海上
又隨春雨過揚州

寄兼善

月在天遊恰半痕手斟河漢上金盆如今洗得都明徹
照見南山萬樹根

月明歸路

常時花柳暗春風紅袖鉤心嚙小鍾昨夜珠簾罷歌舞
月明歸路馬如龍

長笛

長笛嗚嗚楊柳枝捲簾清夜酒醒時光風亭外春無影

欽定四庫全書

元詩選三集
卷八

早

明月中天水滿池

曲溪

曲溪山崦白雲多歷歷梧桐紫鳳窠釀得冷泉成琥珀
月明吹笛看天河

小橋

落花如雪馬蹄香幾樹黃鸝欲斷腸行到小橋春影碧
一溝晴水浸垂楊

清池

春風留夢碧桃枝雙鳳吹簫月上時誰與秋蓮共秋色
白鷗如雪落清池

釣魚圖

酒醒船在子陵臺萬壑千巖玉琢開拋却釣魚看雪落
一雙青鴈恰飛來

野鶴

野鶴高風雙羽寒重雲吹盡過潼關行人指點晴天角
一簇三峰是華山

欽定四庫全書

元詩選三集

望

樓上

轆轤鳴曉夢初醒樓上南山暗又明一片傷心無處著
渭川流過漢家城

楚雲曲

花梢溜雨濕春泥花底縈愁兩燕低小院玉箏檀柱冷
楚雲凝夢上安西

人心

杯酒干戈相死生人心窄路馬蹄驚太行若把填東海

展得中原萬里平

欽定四庫全書

元詩選三集

望

倪道原太初集

道原字太初安仁人以明經就試弗利于有司工
詩文好遊覽山川所至吟咏弗輟後沒於都下朝
廷貴重而莖之題曰江南吟士之墓

寄簡吳宗師

桂旗蘭蓋肅駢駢暫領仙官出禁闈泰時神光修夜祀
函闕紫氣望東歸蛟龍宛尾承香案鸞鶴分翎織縞衣
列岳徧祠迴祝冊五雲高拱近天威

欽定四庫全書

元詩選三集

置

奉呈虞侍講三首

文帝中興戢武威元臣高步列彤闈玉鞭調馬陪春宴
銀扇迴鸞從夜歸立仗官曹移講席捧香侍女拂朝衣
龍輿一去橋山遠獨抱孤雲萬里飛

五載抽毫侍禁中上賓虞舜協時雍頻裁密誥頌三省
旋寫新詞降六宮金井蟾蜍分碧露玉杯鸚鵡醉香風
詔歸特賜金蓮炬迢遞蒼龍闕角東

萬里驅馳別帝鄉蜀江南下楚山長宮衣滿篋雲霞爛

御酒分杯雨露香恩湛鏡湖新賜水夢隨玉殿舊班行
杏花疎雨催春色人在吳中聽樂章

題張真人覲回行卷後

龍蟠虎踞漢仙家碧玉樓臺護紫霞春在猗蘭開奕葉
風暄珠樹吐三花霓旌翼駕朝元早雲笈傳書卜世遐
忝是蓬萊山畔客星河慣識上天槎

送道者歸閩省親

採藥求仙碧海東客行重入故鄉中銅盤露滴三秋月
玉杵霜飛五夜風榕葉盡從來後老桃花只是去時紅
南真奕世多仙氣衡岳峰頭幾歲逢

送人入京二首

十載秦城夢寐間客衣重著思漫漫江河衆水分流出
濟岱諸山對海安茅屋聽鷄霜月白柳橋飲馬曉風寒
舊藏篋內陰符在贏得蘇郎對雪看

牢落乾坤見二毛登丘却望鳳城高城頭擊柝橋烏起
塞上吹笳樞馬號壯士語深留寶劍故人情重贈綈袍

欽定四庫全書

元詩選三集

置

廟堂進用多才傑青眼高歌看爾曹

贈人遠遊

遠辭雲月謝松蘿頻倚郵亭拂太阿裘解鷓鴣春卧穩
杯乾鸚鵡夜吟多三韓方丈連滄海華岳終南隔大河
此地經過重回首天門佳氣正嵯峨

題壽春堂

兵衛森門列綵戲使君堂上足歡娛醉攀北斗斟元氣
坐領東風動九衢千歲崖松收琥珀三秋海樹長珊瑚

欽定四庫全書

元詩選三集
卷八

四

故家舊德猶遺澤奕葉蘭芳衍慶符

題成趣亭

吳氏亭臺水竹間百年幽興滿松關飽尊雪後移當徑
石榻晴來卧看山晝日鳴鷄花下散春風飛燕柳邊還
揚雄五畝城西宅草就玄經未得閒

送傅與礪廣州教授

秋盡黃茅瘴霧收計程君合到交州天垂北極星文燦
地盡南圖海氣浮靈藥謾從方士采明珠豈效賈胡留


臨岐不作經年別有約看花上苑遊

欽定四庫全書

元詩選三集
卷八

四

元詩選三集卷八



總校官候補中書臣吳紹潔
校對官庶吉士臣徐立綱
謄錄監生臣徐焯

欽定四庫全書薈要

集部
元詩選三集卷九

欽定四庫全書薈要卷二萬四百六十三

集部

元詩選三集卷九

長洲

顧嗣立

編

伊埒布哈芝軒集

伊埒布哈字彥明號芝軒蒙古遜都斯氏登元統元年進士第時龍仁夫為主文先一夕夢月中有

花及榜發魁右榜者為伊埒布哈果與夢合歷任

吏部尚書大都路達嚕噶齊拜江南行臺中丞除

山西廉訪浮海遇倭賊不屈遇害贈遼陽等處行

欽定四庫全書

元詩選三集
卷九

中書省平章政事上柱國諡忠肅詩見蒲菴禪師

來復澹遊集中若干篇

次韻答見心上人二首

每見詩文湖海上前年相識北來初客邊邂逅情何密

方外交遊跡似疎師喜已通三藏法我慚未讀五車書

秋風欲赴雲泉約一榻清風萬慮除

玉立雙峯古寺深團團桂樹結清陰編蒲盡孝追尊宿

製錦成文重士林常日談經山鬼聽有時持鉢洞龍吟

詳校官編修臣王天祿

遠公曾許淵明醉又寄詩來動客心

謝見心上人 并序

至正乙巳秋八月訪見心禪師于定水出翰林歐
虞諸公往來詩文皆當代傑作也歎賞久之因語
及同年鼎寶監州將挈家赴任客死于郵貧不能
喪見心買山以葬使其存歿皆有所託感其高義
因成一律以謝

名山登覽意舒徐不覺留連七日餘童僕飽餐香積飯

欽定四庫全書

元詩選三集
卷九

三

主賓閒閱翰林書買山墓友開神道度子為僧奉母居
方外高風敦薄俗同年感激更何如

余來四明見心禪師以詩見招既至山中使人
應接不暇見心相與數日抵掌談笑情好益洽
故再倡秋風之句為他日雙峯佳話云

相過有約待秋風今到招提八月中已遂登臨陪杖錫
不煩來往寄詩簫雙峰對立開金粟兩澗交流貫玉虹
政好雲泉共清賞江頭歸櫂又悠悠

泛鳴鶴湖次見心上人韻

杜若湖中試綵舟波光千頃鏡奩浮芙蓉露冷滄洲上
楊柳風清古渡頭鳴鶴數聲秋澹澹閒溫幾點思悠悠
相過未盡登臨興更把琴書且暫留

遊天童山

山盤九隴翠峯堯太白星高手可招路入松闌雲氣合
天連寶閣雨花飄承恩賜額開名刹奉勅文碑荷聖朝
晨鼓暮鐘思補報行看四海甲兵消

欽定四庫全書

元詩選三集
卷九

三

夜宿大慈山次金左丞韻

大慈名勝舊曾遊路轉平湖景最幽巖下珠璣時散彩
林間石馬尚鳴秋昔扶紅日勲勞遠今見青山草木稠
把酒不須評往事海風吹月上西樓

遊育玉山

育王名利古流傳燈火于今幾百年舍利有光垂半榻
雨花無數散諸天鐵輪高揭晴軒外玉几端臨寶閣前
最憶能吟澹遊叟東湖先渡月波船

余嘗遣僕奉商學士山水圖一幅為見心禪師
壽又嘗與師同宿大慈山和金左丞壁間所題
詩韻而師有白河影落千峰曉碧海寒生萬壑
秋之句故末章及之

慈雲高閣起層陰中有蒲菴老見心海內才名通翰苑
江南聲譽冠叢林寄詩常愧刊文集送畫何煩贈履金
前月清遊得三友寒生萬壑最能吟

簡見心上人

避地東鄆郭外居坐無齋閣出無輿雲山滿眼常觀畫
烽火連年近得書坐久頗能評海錯交深多感餽鱸魚

近得家書是日羽庭餽鱸論文正欲頻相過門掩清風客到疎

題高節書院

遠聘羊裘到漢庭竟忘龍袞略儀刑先生不為千人爵
太史何勞奏客星潮上嚴灘浮海白山連禹穴入雲青
高風千古成陳迹唯有荒祠繞翠屏

汪澤民宛陵遺棠

澤民字叔志婺源人以春秋登延祐戊午進士第
授承事郎同知岳州路平江州事歷南安信州兩
總管府推官丁母憂服除授平江路總管府推官
垂代自題春帖云及瓜當此日行李似來時其清
操可想也調濟寧路兗州知州至正三年召為國
子司業與修史書成遷集賢直學士尋以禮部尚
書致仕居宣城自號堪老真逸與門生故人相往

返嬉遊若忘世者十五年長槍賊起攻寧國城陷
被執大罵不屈為詩云江城欲破竟何為獨有孤
臣謹自持罵賊肯教雙膝屈忠臣不顧一身危遂
遇害年七十事聞贈江浙行中書省左丞追封譙
國郡公謚文節所著有春秋纂疏行世文節詩有
巢深燕山宛陵三棠今已散亡存者僅見於宛陵
羣英集宛雅二書佳句如送谷仲臯云天開墨嶂
孤雲白海湧春潮夜雪明次顧仁甫云花雨翻晴

催社燕柳烟籠曉待春鶯挽師炳仲云初說銜觴
蛇作祟忽聞占讖鵬為妖王敬叔云摩詰平生詩
可畫無功晚節醉為鄉造語俱極工穩惜全篇不
傳

古詩二首

美人青雲端望之不得親贈我一端綺珍重同南金上
有連理枝間以雙飛禽裁衣以被服報之綠綺琴衣以
結綢繆琴以酬知音文采豈不貴尚絅思自珍雖敝不

欽定四庫全書

元詩選三集
卷九

六

恐棄感子同一心

南山何崔嵬丁丁伐嘉木伐木將安施飾此輪與轂良
材莫自致棄置河水曲黨人偷且閒不獲有餘粟况無
獵較功大庖有餘肉彼美蓬廬士薇蕢不滿腹飢渴豈
弗懷徒食乃所惡

首夏讀康樂詩有感

改序忻幽景夏綠蔭閒軒慕謝閱篇翰清心絕囂煩中
有帆海作采真遂孤騫既感魯連志亦著任公言明哲

古所尚用舍道俱存臨川乃逃逸惻愴不可論

敬題范文正公所書伯夷頌卷尾

青青首陽薇皎皎孤竹子求仁亦何怨清風千萬祀昌
黎述玄聖雄文劇頌美偉哉青社書感激有深旨列宿
麗寒旻羣鴻戲秋水李侯信卓犖不惜百金市分符守
吳會開緘授雲耳故物傳衛公遺璧歸孔氏一玩三歎
息當思繼前軌

翠微寺

欲雨不雨天墨色將崩未崩石偈側溪谷綠雲已萬盤
風雨欺人作三厄客遊已慳天不慳雷電翕歛噓晴暎
諸峰倒景互明滅照耀金碧開山門清都紫微逼象緯
旃林貝樹羅山樊十方下視沙界迴佛骨不受炎敲祥
麻衣老師寂滅久問法羞與山僧論但餘卓錫古泉水
念念欲洗塵眼昏嗟予世網久躑躅坐覽古迹空盤桓
莫歸却滅山下路杳杳飛鳥投芳村

秋日同遊敬亭得並字

欽定四庫全書

元詩選三集
卷九

七

湘中三年夢鄉井敬亭重遊心目醒雙流夾鏡一溪來
千仞齊雲兩峰並叢祠秋報同奠桂蘭若晚酣催煮茗
晴嵐煖翠約花時往覓丹梯登絕頂

遊黃山汪南山先生惠詩以病為辭次韻答謝

軒轅輕舉同浮丘黃山到今仙境留攢峰排雲三十六
勢厭地軸雄南州玄鄉倒景接虛曠太空清氣憑蕭颯
恍疑萬里運鵬翼政似五月思貂裘嘗聞丹爐靈藥在
寶光夜靜干斗牛我行雖云愜素尚黃鶴不返令人愁

欽定四庫全書

元詩選三集
卷九

憶年弱冠披圖經白髮荏苒四十秋遐觀奇絕勿輕去

山靈特為驅烟霧吾宗詩翁期不來天風吹落驚人語
何時同此采真遊塵緣誓將脫羈囚人間萬事一杯酒
鼠肝蟲臂徒包羞

紫山寺晚望山門

勝絕瞿矧地中藏六洞天山門雲引路石室月通泉鳥
逕莓苔澀僧房紫翠連曾聞地主說悵望夕陽邊

題翠微寺

堂上麻衣坐堦前錫杖泉人依碧霄近寺與翠微連山
擁無塵地雲開宿雨天明當臨絕頂禪榻借高眠

寄浙西張廉訪二首

今代皇華使張綱德業優弓刀間上將旌節按諸侯強
禦成擒虎高才善解牛遙憐浙江水不向宛溪流
昔獻明經策因知侍御賢陳蕃能解榻文舉乃忘年花
柳春城外湖山玉節前觀風應有作莫惜野人傳

送陳公輔采石山長

磯伏金牛異峰攢翠黛雙同遊懷絕景相望只鄰邦春
黃宜供酒靈犀莫照江此行應最樂山水在書窓

登黃山

屹立四千仞緣回八百盤藤蘿孤寺合苔蘚一碑殘風
急龍騎斷雲深鶴睡寒茲山可招隱吾亦掛吾冠

祥符寺追和文敬所壁間韻

蒼山寒日近禺中揭淺緣深足爾重仙子未歸遼海鶴
軒皇曾馭鼎湖龍詩題古壁無人續夢斷鈞天何處逢

欽定四庫全書

元詩選三集
卷九

九

欲問古侯應不識空遺蕭寺鎖雲峰

雙頭同心芍藥出西城居民家 至元甲午

雙花窈窕照春深盡日凭闌費苦吟背面紫雲分寶髻
合歡金縷結同心歌殘溱洧休相贈瑞出揚州可重尋
共向東風承雨露不辭玉砌與山林

四月九日新霽景氣清淑偕宗英公仲自天都
峰側游湯泉道中偶成

天都負出諸峰上曙色嵐開逸興催半壁暗泉催冷雨

欽定四庫全書

元詩選三集

十一

懸崖飛瀑吼晴雷白雲縹緲仙鄉遠碧落高寒俗駕迴
自笑生平愛清境冥搜不厭歷崔嵬

次楊侍郎輦下書事韻

曾看長安陌上花萬方人物仰皇家龍門變化風雷夕
鳳闕瞻依日月華曉色宮槐連御柳春聲疊鼓帶凝笳
聞君高詠燕山雪細誦新章絢綵霞

挽楊桂崑

門外空迴長者車草玄論字總何如秋賓鴻鴈傳書後

歲在龍蛇入夢初萱室東風留絲服瓜廬夜雨憶春鋤
山陽地下無窮恨滿目寒雲淚灑裾

金陵別友

烟草六朝夢鶯花三月游秦淮風雨夜楚客別離愁
齋中見杏花殘枝有感

杏花憔悴減胭脂閉戶春深笑不知芳豔半開爭共賞
何人還愛雨餘枝

次友人春日見寄韻二首

欽定四庫全書

元詩選三集

十一

簇簇霏霏委地紅闌干不解隔狂風時人莫道尋芳晚
留得餘春綠樹中

清景行行一徑苔蘭樽特為晚春開綠陰青紫猶堪賞
昨日遊人自不來

題崇古寺

十八巖前羅漢竹百千洞裏老龍泉山僧約我重來日
花落花開五百年

汪用敬詩附

用敬字彥恭澤民長子

送楊好古浙東憲掾

逸思飄飄迴不羈
青年高步際明時
黃堂雅望推三語
烏府先聲重四知
石室嵐烟凝紫翠
蘭谿梅雨漲漣漪
公餘定遂登臨興
好寄新吟慰所思

欽定四庫全書

元詩選三集
卷九

十三

陳肅伯將集

肅字伯將無錫州人舉博學宏才為蘭溪州判官
累官翰林學士兵部尚書河南行省左丞至正末
沒于兵

雜興五首

黃帝作弓劍一戰擒蚩尤
張樂洞庭野煉玉崑崙丘
白日乘紫雲飄飄謝諸侯
如何橋山下高冢悲千秋

長安有高第云是金張家
朱門映綠水弱柳啼春鴉
曉

合列侯馬暮多名主車
可憐歌舞月空照玉梁斜

驅車洛東北遙望首陽山
昔有兩兄弟采薇于其間
我

願從子遊孰云不可攀
躊躇日將暮感此空志還

生長宛葉間廓落不事家
結托劉文叔調笑陰麗華
還沾

春陵酒更賞河陽花
興闌聊騁望紛紛龍虎霞

妾住雕陰東君去漁陽北
唯有別時草依依滿行迹
不

忍行迹沒掃盡還更碧
君情如妾意纏綿無終極

題鄒忠公墓

欽定四庫全書

元詩選三集
卷九

十三

鳳凰戾朝陽和鳴太平瑞百鳥從喧啾歲徒赤霄逝昔
者鄒忠公天質蘊純粹苔華玉樹春秀映層城麗融貫
河南學會要慎獨際出身職俎豆淮頴風流思臧否諡
法解謇諤補衮議君王正年少恩愛競陳衛長門生秋
草寂寞金屋閉時聞昭陽間車音雜歌吹朝方降鴻冊
莫已奏封事宛轉陳正始社稷宗廟計權臣肆讒毒抵
罪竄荒裔蘆簫送銅鼓笑語見魑魅秦陵嘶石馬明堂
更寶位徘徊超魏闕感激俯宸陛至尊重歎獎再俾司

欽定四庫全書

元詩選三集
卷九

十四

獻替簡嚴起居作弘雅絲綸製戎曹羽書靜銓部瓌材
萃嵯峨蓬萊閣日月近清秋一麾出江左慷慨懷古意
長嘯新亭賞爽悒龍虎氣菱香藕花淨畫舫西湖艤遂
為禹穴遊復上越臺憩安知鼎焚橐茲乃致姦偽湘流
湛凝碧衡嶽鬱積翠豈無鄴酒美憂國不成醉南過蒼
梧野陳祠有虞帝回首九疑雲潸然為悲涕及承內遷
命沉痾因炎癘首丘竟落落褒贈中興惠唯餘孤墳在
歲久盡頽廢黃棘何榛榛白楊亦翳翳卓哉謝君子衰

俗振高誼言諸兩郡守率衆共營置周垣龜甲齊修表
螭頭偉銀榜倒薤題琰刻逸藻記庶幾永終古作則于
後世

輕薄篇

華駒細犢小香車城南陌上問倡家倡家窈窕可憐妾
石榴裙裾飛蛺蝶零陵酒熟正宜嘗嬌歌一曲雙斷腸
歛笑含顰背花燭眼意拂君君暫宿

相逢行

吳王城上啼春鴉吳王宮前多落花粉翠三千掩佳麗
珠貂十萬歇豪奢昔余好遊錢唐里亦復結客來吳市
炙魚插匕嗟盜雄下馬投金想公子浩歌長嘯出閭門
逢君意氣在一言解余芙蓉之寶劍勸君葡萄之玉尊
余從山東入燕趙身歷河陽抵豐鎬當時然諾激肺肝
今日還過盡懷抱風塵瀕洞生干戈世上英雄本不多
男兒慎勿憂富貴富貴逼人將奈何

東華門觀百僚待朝

欽定四庫全書

元詩選三集
卷九

十五

重城流月影飛闕動霞光度柳分龍隊穿花列鴈行珮
連都尉粉衣染令君香忽聽傳呼永催班入建章

恩制寒食賜百僚宴罷遂幸長公主宅

桃花明玉潤柳葉暗金堤綠錦呈調馬朱絲表鬪鷄筵
開同日永樂奏與雲齊更問平陽第還過小苑西

答張翰林扈駕還京

羽林環紫蓋玄武颯黃旗大校長楊獵重修好時祠雲
生三秀草風動萬年枝想得張供奉還多應詔詩

欽定四庫全書

元詩選三集
卷九

七

聞康給事禁中寓直因寄

重慚長樂注曲館建章通戶裏金仙露窻含玉女風濃
香千緒蠟華燭五文虹顧此清宵興遙憐誰與同

送浦御史往荆南

悵望荆南道飄然忽去羣雲隨驄馬色花學繡衣紋過
峽思神女逢灘問使君王程歸有限應未落春分

寄上元韓少府

借問為仙吏幽懷定若何江聲雲外急山色雨餘多小

市金陵酒遺宮玉樹歌好乘巴馬子閒踏落花過

和許集賢春夜寓直

通籍趨香署分曹隸鎖闈金泥疏奏簡珠檢蘊朝衣竹
靜憐鐘迴花深覺漏微絳河低綺綴紺斗入羅幃薄夢
先鷄發閒情信馬歸幸因披豔藻謬用接清輝

送董副樞鎮益都

推轂選才雄分符寄總戎鏡簫驚海上旌節耀山東百
將乘黃道三軍出絳宮營開知偃月陣轉識偏風龍躍

欽定四庫全書

元詩選三集
卷九

七

蓮花劍烏號棘竹弓旄頭天苑弊鑿齒地隅空奏凱青
春外飛書白晝中誰當采金石願紀太平功

吳訥萬戶集

訥字克敏休寧人少學兵法習騎射從父總管禮於靖江收復五溪蠻峒至正末蕪黃盜破徽州待制鄭玉師山前進士楊維禎鐵崖薦其才于湖省授建德路判官兼義兵萬戶與元帥埒克魯會軍昱嶺關同復徽州丁酉歲明兵臨郡隨元帥阿勒呼木退屯湖西札溪源巡邏至界首白際嶺戰敗不屈引刀自刎死年二十七有吳萬戶詩集五卷克

欽定四庫全書

元詩選三集

六

敏詩豪邁為鐵崖所稱嘗曰克敏謁予七者寮出所為詩予奇其人適垣府相臣招致名士講及三關之事克敏慨然有擊楫中流之志無幾遂統士會諸軍於昱關予聞而益奇之其才勇忠義實得諸於天性則知向所為詩皆筆橫之餘耳

破紅巾

君不見蕪黃兒紛紛白馬張紅旗去年陷湖北今年陷淮西遂令深山之民皆帶甲四海瀕洞含瘡痍堆金積

玉亦何有略地攻城徒爾為又不見黃連寨左帶溪山右淮海天兵如日照雪霜百萬紅巾一朝敗親王按劍定中原丞相分兵救吳會邊人不識韓將軍極口爭誇鐵元帥八座東開昱嶺關羣偷欲度愁躋攀奇兵間道絕歸路可憐白骨高如山桂林老臣再徵起坐鎮西垣幾千里昨聞餘黨犯其鋒血作龍沙半江水南方獠獠勇莫當自謂効義收蕪黃賊徒一見驚喪胆堅壁不出知天亡諸君盡力在此舉巢穴不平鼠為虎相期麟閣

欽定四庫全書

元詩選三集

十九

畫丹青却憶虞廷舞干羽

李將軍歌

太倉積粟皆紅腐羣猫晝眠鼠變虎前鋒不見李將軍何人為發千鈞弩去年我從昱嶺來匹馬馳突三關開北平未入衛青幙郭隗獨上燕昭臺近聞西府羅俊彥人人自謂能酣戰誰似當年背水軍赤幟纔臨趙城變英雄報國如等閒馬革裹屍銅柱間明朝按劍收中山謗書慎勿回天顏

昱闕行

昱闕鐵騎爭馳突白羽紅翎送金鎬可憐五嶺之中間
朽骨茫茫照寒日賊徒散走東南回却倚黃連足堅壁
四面長圍築已成礮架崔巍向城立自知九死不一生
猶捲朱旗戰原隰君不見韓將軍陷陣常呼萬人敵我
當從之斬妖賊

登吳山留題承天觀

滿目盡樓臺路從山頂來潮生沙岸沒雲破海門開官

欽定四庫全書

元詩選三集
卷九

五

舍籠鵝去道人騎鶴回題詩向何處石壁掃蒼苔

雲巖

雲破石門開青青烟樹來江東好山水天上出樓臺日
月開丹竈風塵罷酒杯回看爭戰地不似住蓬萊

遊峯峯山

騎馬野橋西殘梅雪滿溪興來詩謾寫行處劍長攜烽
火邊闌近樓船水塞低應逢楊鐵笛笑我尚羈栖

東軒

孤客憑危正惘然江南春盡落花天海門黑送千艘雨
城郭青炊萬竈烟燒藥金爐猶伏火射潮鐵箭久離絃
伍員白馬今何在幾處荒臺野鹿眠

宿承天觀用楊庶夫韻

承天觀裏開圖畫吳越山河一覽中半夜月明湖水白
五更日出海門紅綠船春晚笙歌歇粉蝶風高鼓角雄
十二闌干都倚遍歸心飛過大江東

戰昱嶺關

鼓角聲雄隊伍齊揚兵曉戰昱闕西黃金匣動雙龍出
赤羽旗開萬馬嘶露布不煩諸將草詩篇還效古人題
沙溪春酒甜如蜜醉卧花陰聽鳥啼

東歸

躍馬東歸古歙州鐵衣如雪照清秋半生叨食君王祿
百戰深遺母氏憂城上綵旗翻白虎帳前金絡控黃騮
英雄出處緣忠孝豈為人間萬戶侯

欽定四庫全書

元詩選三集
卷九

五

黃復圭君瑞集

復圭字君均一作瑞安仁人與張仲舉危太朴以詩

鳴於江右至正兵起被陷賊庭作詩大罵賊怒以

刀剖其腹復罵曰腹可剖赤心不可剖也遂死之

君瑞詩如題詹雙崖云隱士高閒卧雲處故家軒

豁讀書齋題唐氏遊子遠歸圖云冉冉霜顏倚門

處飄飄風袂及家時題古厓上人云菡萏泉香金

錯落苾芻風煖翠婆婆鐵心石腸人徧解吐婉媚

欽定四庫全書

元詩選三集

卷九

辭也

雙燕吟

雙燕雙雙飛更復雙雙棲穿花探水雙銜泥簷前葺壘

雙哺兒春風一雙至秋風一雙歸念爾雙不得故巢須

獨依莫學人妻朝亡其夫莫嫁之莫學人夫莫亡其妻

朝納妃

蕨萁歎一作歌

信州州官萬鍾粟殺牛起馬日絲竹信州鄉民蕨作糧

三月懷饑聚頭哭蕨萁開葉不可餐蕨根有粉聊鉏鏡

偏攻性冷損胃氣民面生黃苦憔悴縣不申聞郡不知

官倉有米重封閉重封閉將若何衆人歌我蕨萁嘆九

莖莫唱靈芝歌

華處士別業

迢迢去郭賒渺渺入雲斜桑採三番葉桃開二色花割

溪鷗作主分塢鹿為家時有巢居子相逢道喫茶

次韻塞上

欽定四庫全書

元詩選三集

卷九

李廣稱猿臂班超號虎頭三邊殺降卒萬里去封侯砂

磧胡雲暗郵營漢月秋曾經飲馬窟半是血骷髏

題疎齋吳氏深靜齋

避地閒心遠入山塵事稀書棚幽落蛀一作賓祀密生

衣野竹秋光薄谷禽春韻微殘經注未就頻歲掩重扉

送友人北上次韻

玉闕金門紫氣寒干戈虎士列桓桓鑿坡日永移天仗

仙掌雲深捧露盤犀角不頒朝士帶鹿皮思製野人冠

江南何處秋風岸綠水芙蓉許獨看

送于鍊師之京

九重天上帝王宮入覲仙人駕海風宵仗引從黃道外
曉班環在紫垣中駝鳴羶帳沙光白龍挾金輿寶氣紅
萬里冬寒須自衛酪杯酥椀莫令空

次韻虞侍講遊何尚書山莊

尚書致政卧青山笑傲中林竟不還野叟徒能談舊事
孤雲何處覓蒼顏哀湍振壑龍移久曲崦藏風鶴夢閒

欽定四庫全書

元詩選三集
卷九

五

喜逐三朝黃閣老昔賢陳迹共追攀

題金碧山水圖

狂風捲盡夜來雲萬壑千崖錦繡紋占日樓臺平樹見
吼雷春瀑入溪聞豈無花洞留鶯語應有芝田下鶴羣
清絕松陰二三子不知誰是紫陽君

餞別楊友直總管

雙鳧飛躡歷金天五馬閒遊款玉鞭隸篆共參邦伯印
制書曾拜祖皇宣嚴城鼓角連雲度護水魚龍枕月眠

無限舞衫歌扇意路人遙識使君船

送潘希隱歸閩省親

道人騎鶴入閩邦夢繞慈闈一念長紅壓錦雲收荔子
綠攢香樹摘檳榔晚侵霧露黃冠重春透山林綵服光
賸有大丹并妙藥三光凋後鬢應霜

壽饒大有

驪駒塘上玉生烟麟角峰前樂事偏花裏橋亭春每早
竹間書度日如年雕龍細雨金壺墨寶鴈輕調錦瑟弦

欽定四庫全書

元詩選三集
卷九

五

椿樹綠時誇五伯桃花紅處祝三千

變御史

紅杏碧桃鼇頂開青年白哲馬蹄回本隨鸞鳳冲霄去
却為豺狼按轡來鐵鑄冠梁臨畫省繡裁衫表照霜臺
使驄往復東西道欲候旌旄愧不才

喜薛外史春日自京師寄經至

蓬萊坊畔五雲邊七尺長身漢薛宣花壓銅街馳殿馬
水生瑤海放樓船仙曹共作憲間戲吏部相邀甕裏眠

果老山頭逢野鶴雪箋時奉寄來篇

白雲山劉道士

紫華陽巾白羽衣幼辭家舍入岩扉靈書注就參同契
絕字修成杜德機著履看松逢伴少荷鉏栽果到城稀
蕭蕭落葉空山夜獨禮寒星待鶴歸

尊菜

鮫人繡滿水仙裳地軸天機不敢藏水穀冷纏瓊縷滑
翠鈿清綴玉絲香江湖有味牽情久京洛思歸引興長

欽定四庫全書

元詩選三集
卷九

五

欲剪吳松縫不得謾拖秋思繞詩腸

破帽

破帽多情却戀頭草殘絲斷素塵浮烟籠長是煎茶日
風落多逾把菊秋頂漏疎星窺短髮蒼垂缺月露雙眸
桃尖樓子青羅辨相對寧知故舊愁

酒

麴蘖生香出小槽幾人耽醕日陶陶笑吞鸚鵡杯中月
貧與鷓鴣花下袍內府臈傳紅琥珀西京秋壓紫葡萄

杜康儀狄今安在回首丘陵半是糟

倪知州致事歸

洒掃林廬理舊書某山某水足嬉娛尚應饋醕虞庠禮
謾入耆英洛社圖花裏醉眠從客去竹間移步遣孫扶
後人自有田園趣無媿疏家兩丈夫

奉贈吳宗師

使節光華禮樂崇皇華原隰響玲瓏五風十雨祠三島
萬歲千秋祝兩宮醮起碧鷄山月白仗移黃鵠禁雲紅

欽定四庫全書

元詩選三集
卷九

五

名南庶類深仁澤行見騶虞發五豸

壽上官夫人

水沉烟煖翠雲低婺女星高斗轉移百子帳中青玉案
羣仙會上紫金卮樂成彩鳳將雛曲禮尚嘉魚式燕詩
基構有堂高數尺綠衣白髮兩相宜

春明樓

公子樓居剩得春四時花氣敵濃薰書聲高下聞長日
舞袖婆娑拂彩雲蛺蝶新圖開鴈爪狡狴古鼎隔龍紋

近來每愛東風賞折簡常邀越鄂君

贈舍農叟春耕者

六角黃牛二頃田
曉簷星月晚犁烟
治墉布穀清明後
伐鼓燒錢社日邊
急雨放寬科斗水
亂雲遮斷鷺鷥天
太平四海無征役
念此安居不偶然

遊崇禧寺

好山藏在白雲隈
天厯君王手自開
木魅盡驚金鑊震
地靈潛獻寶瓶來
林香萬葉垂甘露
峰霽諸花散石臺

莫道神遊事綿邈
六龍應解此徘徊

題草堂寺

草堂禪寺北山陔
想見鳴騶入谷時
猿鶴如懷海鹽令
魚龍猶護紹興碑
排岩樹老秋來早
上殿僧稀曉散遲
我亦於今抗塵土
臨風慙讀孔璋移

威顯廟

南唐忠烈桂司空
三百餘年氣貫虹
上國勛勞明大節
故家文獻挹遺風
雲中結構孫修廟
石上褒崇史論功

詞客異窺松柏路
弋陽西畔貴溪東

莫春雜咏寄友人

綠漪池沼燕交飛
深院重門客到稀
柳絮不知春去盡
尚隨風起點人衣

送友

雲錦江邊送玉郎
江邊折柳柳絲長
柳絲若挽行人住
更向東風種幾行

亭前茶蘼

杏園芳草雨霏霏
巫折千秋卷畫旗
自過清明多病酒
不知花落到茶蘼

奉題李學士幽篁古木圖

歲歷居庸萬仞山
詞臣供奉有餘閒
試看翠竹丹楓畫
猶似金風玉露間

宮花二首

連理枝頭並蒂紅
中官采獻未央宮
可憐春色非人世
天上風光似酒濃

金闈芍藥紫重胎上苑移來遍殿裁正頂繡苞三十朵
羊車停處一齊開

送人入上京

覓得清風謁紫微臨川脫却故山衣似知雲錦江頭水
專照邦人畫錦歸

寄高元博

故人招我出山來一去城闈更不回無數青松滿池月
可憐深夜獨徘徊

題襄陽拍手圖

愛酒山翁倒接羅花間日日醉如泥只今池館風流在
不見攔街拍手兒

讚龍

一鼓春雷起九淵風雲萬里會中天墨池付與無多水
去作人間大有年

送琴士歸杭

雲中歌斷紫芝歌不奈周君欲去何十里湖山好明月

却憐隨處故人多

陳謙子平遺藁

謙字子平吳郡人父疾草思食鰕魚進鰕而沒遂
終身不食鰕兄訓字師敬為吏謙事之甚謹嘗從
林處士寬龔教授璠學以所業就試場屋吏卒搜
檢懷挾者甚無狀因歎曰待士如此尚何以僥倖
得失為哉即盡棄舉子業折節讀書虞集黃潛張
翥諸公交口論薦欲任著作郎皆力謝之至正間
行省用兵訓以照磨佐軍事會淮張兵感謂謙曰

欽定四庫全書

元詩選三集
卷九

三

吾分必死矣汝無官守宜自為計謙曰兄在吾何
所之有頃兵突至謙以身翼蔽訓兵怒斥引出復
求入見訓已殪即匍匐伏尸哭甚哀遂并遇害門
人范文炯求尸得之水中猶兄弟相倚立也子平
為文章馳騁上下尤善古賦及古今體詩詭麗春
容詞辯鋒出不少讓黃晉卿見其文必咨嗟以為
不易逮嘗悼時流文氣不古手編西漢文類若干
卷生平著述甚富兵火後僅存周易解詁二卷別

為河圖說一卷占法一卷古今雜體詩二十四首
得之灰燼中

虎丘三首鄭君明德偕廉夫伯雨諸公同賦次

東坡先生韻

篙師郭西門矯首霞外嶺森秀未及探荒苔弔秋井劔
精沉夜白漆炬翳餘耿嗟哉龍虎威零落等蟲鼃一峰
直海湧破地出魁嶺流觀劈圻狀駘騁神工猛授此窟
室雄能無霸圖騁讓王東采藥為態本栖噀馬知牧野

欽定四庫全書

元詩選三集
卷九

三

捷吳業就已頃風塵閱成敗宗社屬衰冷不遣忠勇臣
相符帶河永詞場亦何為發慨當晚景高賢惜地靈倦
鶴顧山影願買陽羨田早從居吳請

客遊九龍岡道出白虎嶺拄杖諳獨登煎茶汲僧井歌
客寡儔匹歷覽思彌耿岷磎抵烏鵲燕金擲蛙鼃差將
第一義喻彼山下礪坡公詩家豪性具佛勇猛山川與
筆力神鬼助奔騁搜冥百怪窮弔豕孤鶴噉寧容溝澮
雨汪洋敵千頃情深事偶從魂在骨未冷寒泉兼古木

籠絡歸雋永盤陀延小酌反照藉餘景誓須浮海航回
望孤塔影名不系除書山林恣叅請

昔遊第一峰徧數東南嶺傳聞吳闔閭曾照山上井誰
期此一杯玉鴈悶孤耿夫差小兒態踴躍類蛙龜眼看
雙龍劍跡寄山石礪再鼓氣已衰功虧前王猛成名乞
敵豎車轍斷遐騁青青土中血似托仙題哽中原泣諸
姬大業棄俄項青熒溪泉動蔽翳山木冷往事何足談
飄花日初永湛盧有餘輝中夜凌倒景好奇誰往候微
月照人影正恐化蜿蜒飛揚詎容請

欽定四庫全書

元詩選三集
卷九

孟

學士山懷古

枕湖列層岑蔥鬱聚雲族出郭纔三里方舟漸通麓曾
邀昔賢賞名勝皆可錄雙峰夾亭榭崇阜富杉竹我家
世結鄰數椽依古木懷欽索遺址半與松根伏碑缺篆
無存揣文須穆卜坡仙豈遂往或寓幽人屋據梧緬高
風秋陰吹肅肅

遊子吟

并序

按古樂府有遊子吟遊子移貞曜蓋擬古而作彥

清要予賦春草軒詩以實前叙引中語輒為題此
而不敢易舊題云作序後三年七月二十日謙書

母愛兒比瑤草百花闕頭春浩浩結綠懸黎總非寶朝
居目前暮懷抱頃刻相違作憂惱兒兮勸爾無出遊忍令
母心日夜憂紉衣一針一度鈎針線不比心綢繆兒嬉
鬪草拈春縷綠緝青蔥不堪數楚人只解歌王孫萋萋
乃有子母恩徂徠松淇園竹人生長生勝他木千年萬
年春草綠

欽定四庫全書

元詩選三集
卷九

孟

過吳江

第四橋下風水惡千斛舟中心骨驚蛟龍有時就廟食
鴻鴈每歲不南征松江太湖會合地暮雨寒濤交戰聲
獨客倚篷歸歎息歛區世路何由平

遊虎丘次仲舉韻

虎丘虎踞仍龍蟠出郭先見翠噴岫金玉黃爐灰劫遠
旃檀古林風雨寒僧來引綆動春澗人醉拂花眠石壇

為語金坡王學士巨然曾畫此山看

梧桐月

琪樹西風露井傍鏡寒移影度銀牀鳳枝清切元疑畫
鶴夢淒涼不待霜點筆詩人題夜綠知更宮女怨秋黃
莫教一葉輕搖落珍重千門被耿光

黃元實廷美集

元實字廷美泰寧人幼孤貧嗜學天歷間為郡文
學學者多所造就當道嘗刻薦于朝不就而歸至
正癸巳邑有妖民為亂令延元實議討賊計賊奄
至遂遇害女貞披髮跣足奔父所抱屍哭踊賊欲
污之女罵曰恨不生啖汝肉爾尚更敢為不道耶
罵不絕口亦被害

杏壇

相羊道德園愛此杏壇春碧溪落青嶂綠樹空紅塵緬
懷洙泗樂千載意如新從容二三子援琴詠天真

睢陽八景

洋背春煙

平蕪百畝敞南郭四散人家隱籬落翳翳桑麻曉色濃
霏霏竹樹晴光薄大厦微茫垂柳邊殘燒香靄蒼山前
侍郎故園渺何許玉澗日煖流寒泉

河潭秋月

蒼涯倒浸太陰黑，傾動變化在倏忽。玉盤一夜出龍宮，金波萬頃涵蟾窟。木犀香濕露滿山，斗角光動風生澗。何人拔劍插橋柱，直通銀河上廣寒。

東川梵宇

碧空直聳石橋杪，一逕林間幾縈繞。不窺城市入境中，上梯宮殿出塵表。潮師咸道鴈塔高，三分留記龜石牢。此地令人憶謝傅，何當携手同遊遨。

鏡山晴雪

鬼鬼聖石倚霄漢，障斷淮南山。一半荒郊冰柱盡，消融霽日瓊崖尚。璀璨鶴仙剪木飛，雲端玉女弄月坐石盤。可憐射獵人物遠，瀑凌萬壑弓旌寒。

湖障夕陽

溪西諸峰萃且壯，一峰秀出橫屏障。晴川落日漾餘波，碧樹紅霞閃清漲。青山咫尺常相望，暘谷萬里昭回光。誰能乘風度絕頂，空凌倒影觀扶桑。

南郭渡船

宏博坊前望溪曲，沙平岸澗水深綠。孤舟安帖若乘槎，短棹吶啞如轉轂。行人憧憧風雨忙，濟川滾滾流澤長。誰謂江河渺空闊，半篙一葦俱可航。

長吉晚鐘

沉沉紺宇據城阜，屹屹雲樓挹星斗。畫廊風靜木魚閒，青山日出華鯨吼。蒲山蒲谷俱聞聲，隨叩隨應何容情。喚回迷途有歸客，一灘月色浮空明。

迎釐午磬

鳳山勝絕三不見，竹木蒼蒼隔臺殿。仙宮雲構接丹梯，清晝璆聲裊香篆。步虛諷徹瑤草涼，朝真齋罷紫芝香。侍宸白日騎鶴去，雷符繞壁餘神光。

春江十詠 錄六

午窻山色

門外青溪溪外山，山光長在有無間。白雲飛盡晴窻午，喜見遙峰露一斑。

晚撓鳴月

春江雨過水溶溶
短檝孤篷有釣翁
釣罷歸來天向晚
一橈呶嘍月明中

晚渡撐煙

漠漠江烟曉未開
行人喚渡過江來
一篙不見水清淺
撐散眠鷗石畔苔

沙晴睡鴨

熟睡晴沙愛暖曦
鷗鷺鷓鴣莫相疑
江花江草春將遍
我亦忘機總不知

欽定四庫全書

元詩選三集
卷九

早

夾岸楊柳

楊柳青青夾岸垂
含烟帶雨總相宜
蘇公十里湖邊樹
誰遣東風一夜移

斜陽牧笛

芳草平原日帶曛
數聲牧笛隔江聞
江空餘響隨風起
剡剡歸鴉落暮雲

武夷山二首

賓雲奏徹控青鸞
綵幔香銷生翠寒
三十六峰秋色裏

月明人倚玉闌干
九重雲外步虛聲
十二時中太古情
為問當年赤松子
人生何處是功成

欽定四庫全書

元詩選三集
卷九

早

宇文公諒純節集

公諒字子貞京兆人占籍歸安年少時嘗館授巨室其閨愛中夜來奔堅拒不納明日託以他故斂書告別初領鄉貢入浙省試院頭場占一席舍其案上有宇文同知四字後試官考卷以文不中式將黜之時坐主龍麟洲江西老儒也年八十餘始過江浙力主此卷卒置榜中及會試果登李齊榜第授徽州路同知婺源州事改餘姚遷高郵府推官除國子助教調應奉翰林文字同知制誥兼國史院編修官以疾歸後召為國子監丞除江浙儒學提舉改僉嶺南廉訪司事以疾請老卒門人私謚曰純節先生公諒詩文典雅所著述有折桂集觀光集辟水集以齋詩稿玉堂漫稿越中行槩凡若干卷

題黃鶴山人芝蘭室圖

紫芝採為食幽蘭紉作佩聊復助熏修庶幾堪傲世一

室靜生香諸塵自融會蒲團禪燕餘經卷了空外塔然吾我忘誰云有三際

春草軒詩

春陽播淑氣百卉生華滋光風一披拂藹藹浮雲暉幽芳澹露曉秀色含烟霏迺知造化心玄澤無停機伊人早失怙撫育仰母慈高門賴扶植况復蕃孫枝清時表宅里巨扁揭華椽門軒俯平綠每懷貞曜詩念慈恩罔極欲報心無涯堂前樹萱草堂下羅斑衣願言勤愛日

永與莊椿期

菊山詩

秋菊芳青青叢生兮山下綠葉兮欣榮紛金英兮楚楚白露降兮百草盡寒孤芳兮孰伍若有人兮若東企元亮兮高風苟中情兮永契曠百世兮相從琴無絃兮尊有醕南山為賓兮花為侶歸來兮歸來微斯人兮誰與

題王叔明破牕風雨圖

此詩一見王立中破牕風雨圖卷題名韓元璧

詩亦小異

劉郎讀書如學仙朝不出戶夜不眠時開破牕風雨夜
正是澁心對聖賢苔溪王子圖景象敬亭山色青連天
執經念子最清苦疊疊論道心相傳雞鳴喈喈天欲曙
疎檣蕭颯寒聲度庭前漂麥總不知屋上捲茅寧復顧
人生窮達那可知玉堂金馬自有期青藜他日夜相訪
却憶破牕風雨時

送復見心住定水

定水招提鳴鶴東鑑湖歸去泛孤篷鉢衣不濕荷花露

欽定四庫全書

元詩選三集

卷九

玉塵遙生桂子風山靜祇看雲自動江澄莫訝水如空
沃州有約尋支遁還許清談共野翁

題趙承旨玄真觀圖次易道韻

天慶重歸白髮年儒冠便脫卷吟瓊蒼龍復佩游三島
元鶴還期朝九天靈運誰云先作佛稚川自信後來仙
逍遙今出塵寰外應笑楊雄尚草玄

題小米戲墨卷并序

予幼嘗記蜀僧北碕題元暉墨戲有曰毫素傳衣

脩然名家髣髴樹杪冥濛水涯吾不知山藏雲耶
雲藏山耶至正丁酉十二月廿日夜宿慧明精舍
為楚山題此因記北碕之語山耶雲耶遠莫知烟
空雲散山依然楚山以為何如為我下一轉語
山氣鬱籠從流雲漲林谷乞我茆三間讀書貧亦足

題仲穆看雲圖

橫杖坐松下看雲起遙岑惟應陶靖節會得此時心

西湖竹枝詞六首

欽定四庫全書

元詩選三集

卷九

赤欄橋低官柳斜粉墻短短阿誰家女郎恰抱琵琶出
早有小船來賣花

奴唱吳歌郎扣舷明朝郎去有誰憐恨殺吳山遮望眼

不見江頭郎去船

斷霞灑灑魚尾紅清唱一聲吳山東阿奴只在繡簾裏

隔著荷花無路通

湖裏菱青日日多蘇小門前無客過今來古往只如此

休說當年賈八哥

楊鐵崖西湖竹枝詞中止載此一首云蘇小門前騎馬過相逢白髮老官

娥自言記得前朝事只說當年賈八哥與此詩語小異

湖上交秋風露涼湖中蓮藕試新嘗蓮心却似妾心苦
郎意爭似藕絲長

菱花菱葉間水藻采蓮入港與郎逢勸君挾彈休打鴨
鴛鴦飛起杳無蹤

題海岳後人烟巒曉景圖二首

過雲含雨濕層巒江樹和烟曉色寒何似清秋凌絕頂

山青雲白望長安

欽定四庫全書

元詩選三集

四十六

米家父子擅名流一紙千金未足酬本與蘇黃為後進

豈知章蔡是同遊

題趙魏公幼輿丘壑圖二首

濁世公子何翩翩風流丘壑妙當年無端却被鄰娃惱

不廢嘯歌猶自賢

小齋松雪對青山波上閒鷗自往還文采風流今不見

空餘粉墨落人間

劉汶師魯集

汶字師魯鄆州人宋鄆王琦六世孫也父月心為
鄆後占籍錢唐汶自胄學以文藝擢高科由端本
堂司經拜西臺監察御史糾劾不避忤時貴左遷
累官戶部尚書至正二十三年命以東南漕事浮
海而出師魯以詩鳴豪邁激昂極為松鄉任士林
所賞識嘗曰自余得楊仲弘人方翕然從余後得
師魯而人益信余將以二子自勗也

欽定四庫全書

元詩選三集

四十七

贈劉禹玉

劉郎方朔徒游戲紫泥海千年華表非唯有寸心在向
來浙河西雄辯吞虹霓手攜九節杖東入蓬萊栖我時
探禹穴同看山陰雪千人萬人中怪子獨超越朝騎白
鼻騮暮逐油壁車得錢即付酒攜妓顏如花踏翻豪俠
窟醉狎山人家或嘲狂處士或謂報恩子從渠立名多
詎識子奇偉一朝去鄉國北上爭吹噓家無十金產袖
有萬言書所陳果何事為國非自計寧遭丞相嗔肯負

丈夫志蹉跎十數秋甘與黃冠傳善藏倚天劍未暇磨
斗牛幡然走山東隱迹隨壺公還尋岱宗去絕壑凌天
風雞鳴上日觀眼亂扶桑紅窺臨事未已逸氣橫萬里
行歌齊魯間興為廬山起廬山秀可餐怡此冰霜顏揮
毫灑瀑布五老開雲闕遠公拍手笑喜見遺民還乃知
士不偶正可遊名山去年臥衡岳聊憩四海脚厭垂君
平簾懶賣伯休藥却呼魏夫人共把流霞酌今年與山
辭下走湘水滔臨風弔賈傅酌月招湘纍文章本疎蕩
強忍終技癢光怪不可收倏忽又千丈有時遇知音朗
咏山中吟復恐兇革覺不得容山林茲辰忽聚首慰我
別來久辛勤四十霜所獲竟何有却懷居東時勇以功
名期焉知尚漂泊筋力供路歧舉杯置往念此去安所
之南窺古雲陽更了山川奇山川固娛目慎勿過憂獨
奈何白雲歌再送劉十六乾坤渺蒼茫回首眷空谷我
將秣其駒乃不受羈束願子無遐心歸哉返初服

癸酉除夕

此夕何多感明朝過六旬乾坤又元統人物少咸淳酒
厭山杯淶梅傷水國春燈前曾戲綵馬首一沾巾

早春述懷

春與年年別窮隨日日增眼明貪夜讀事少忘晨興倦
鳥猶遷木潛魚已陟冰栖遲唯故轍無夢到飛騰

次韻張伯雨蕉池積雪詩二首

銅駝陌上得銅洗曾見漢朝風露零寒光未變劫灰黑
古色猶帶宮苔青金人墮淚漫懷古玉女洗頭真寓形

與君作池娟蕉雪何人報之雙玉珩

仙掌金盤列風露人間琛寶多飄零忽看銅洗土花碧
側想玉女雲鬟青千年偶在聊寓意萬物終毀無逃形
吾徒汲古寧玩物願子及泉資綆緝

寄贈華陽洞隱者

一日書成四海傳華陽始信有儒仙神交弘景吹笙夜
心在留侯辟穀年重碧拈春瓢貯月硬黃臨帖研分泉
山中物色清無限便擬凌雲到洞天

言志叙交四十韻答歐陽元翁

袞袞滄江去茫茫暗谷移黑頭那敢恃華髮會相欺遂
起紛如歎能忘逝者悲著書誰發憤追古獨忘疲講授
嘗佔畢研窮幾下帷羣經元奧妙百氏苦支離索隱妨
修業談經失秉彜反身惟一理遵道豈多岐新意方來
際陳言盡去時夏蟲冰莫訝越天雪休疑浮世春榮過
幽園夕秀遲後凋終有待直養可容虧向使常汙混寧
逃具眼嗤投閒欣事省掃跡畏人知環堵差堪戀長沙

欽定四庫全書

元詩選三集
卷九

五

去若為趨庭因泮藻贈客且江離回顧舉比冷還思寶
玦遺羈愁生雨外鄉夢落天涯每慨淵明菊將尋綺季
芝未諧萊氏隱頻念鹿門期友誼今踰薄儒流子尚奇
剛腸俱比石末俗竟如脂綴曲唯同病論詩固解頤率
更仍翰墨六一再文辭解接家聲遠兼扶士氣衰墳麓
參雅奏椿桂亞高枝正始音能續元和脚肯隨渾雄親
漢魏綺靡却陳隋浪許鯢魚舞雲看駿馬馳駑駘羞抗
臆鱗鱗愧揚鬢不盡沙金揀猶餘璞玉治受辛驚絕倡

勝已辱先施歐冶加鋒鏑劉墻力墜茨吾儕非敢傲兒
輩自宜麾學要千年蘊名須萬古垂匪徒攀屈宋深望
沂漁伊天運流無息人生志勿卑操憐松鬱鬱節撫竹
猗猗盡擬冷風脚何曾俗骨醫煎膠得麟鳳歲晚願深
資

欽定四庫全書

元詩選三集
卷九

五

劉閒容窻集

閒字文廷安成人父蒙正八歲能舉子業號曰奇童閒習春秋受知于歐陽文公立登至順庚午王文華榜進士第安成登第自此始調臨江錄事有善政遷國子助教進太常博士順帝祀南郊告祭太廟至寧宗室曰朕寧宗兄也當拜否閒對曰春秋魯閔公弟也僖公兄也祖廟之祭未聞僖公不拜順帝乃拜至正元年丁母憂就任吉安州儒學

欽定四庫全書

元詩選三集

卷九

提舉二年起復翰林編修詔修宋史四年史成進修撰出知沔陽府著有春秋通旨容窻集十卷

賦得石鍾二首送宋顯夫僉事之山南

雲垂蒼崖深月出湖水動旅思方眇然噌吰發空洞悠悠湘靈感殷鈞天夢人在九江船餘音遠相送
蒼茫楚澤秋巖谷隱宮徵魚龍守軒轅獨鳥識追蠡酒醒江南客月在船窻裏佳期不可尋相思滿湖水

梁仲文行卷

青青江上柳遠行曾送君自從君歸來幾見柳條春行役如昨日行卷展猶新如何卷中字半是古時人

挽宋顯夫

廣陽帝王都生才總豪傑宋氏產鳳毛頡頏丹山穴大宋撥倫魁千里誇汗血挺挺廟堂具自方稷與高小宋踵而生抱才不屑屑錦腸浣塵土出語必清絕長公早厭世士類增哽咽賴有夫子賢詞林紹風烈吹篴發高響掉鞅退往哲持起步生雲屢空心如鐵岌岌柱下冠

欽定四庫全書

元詩選三集

卷九

皇皇使者節歸弘虎闌講進造玉堂列自我初識君交情何茂悅往來幾廿載相視無冷熱昨者纂三史君名班馬揭走也徵自南斐馬承乏缺停觴話宿昔握手驚老拙知君衆人中于我常念切過江宋史繁綱領君自挈是非有不齊資君一言決可憐朱墨煩易致精力竭蹉跎齒未暮浩蕩顛已雪偶成三日潤忽報二豎孽問安榻頻造伏枕氣就茶朝看戲彩郎日夕擁衰經哀哀浮世夢奚翅劍首吹人生無萬全賦子有更迭古來賢

達士幾人享期耆想君乘雲氣英爽不變滅往開見九
泉誰能久離別

送傅與礪交州教授

君不見丹穴產鳳雛五色不是凡禽狀廣文年少薄遊
吳一旦詩名動天上前年開詔赴交州今年載書東海
頭仙人騎羊渺何許歸夢先落江南州樹枝當牕靈鵲
喜綵服趨拜庭闈裏別有佳期隔片雲洞庭月照瀟湘
水君歌有所思我歌遠別離落花飛絮春去盡杯酒相
送都門時一官冷熱何足取文章自可名不朽滄波早
掣釣鼈鉤莫遣玉堂人倚久

別弟

一棹烟和水寒燈弟與兄殘年同別母中道復分程動
有山河隔難為去住情如何沙上鴈偏向夜中鳴

顏子中池亭二首

池淨天容湛窻虛水氣通遠山來戶外飛雨灑亭中辟
荔含朝景蕙葭集晚風平生江海念相對興無窮


種樹年年長開牕面面涼雨苔生砌綠秋葉墮池黃得
句閒拈筆拋書懶近牀旅懷隨所至誰復計行藏



謹案第一頁前四行遜都斯氏舊作遜都思氏今

改 十八頁前五行埒克魯舊作李克魯今改

十八頁前六行阿勒呼木舊作阿魯輝今改



總校官候補中書臣 吳紹潔

校對官庶吉士臣 徐立綱

謄錄監生臣 徐焯

欽定四庫全書薈要

集部
元詩選三集卷十

欽定四庫全書薈要卷二萬四百六十四集部

元詩選三集卷十

長洲 顧嗣立 編

胡助純白類彙

助字古愚一字履信婺州東陽人好讀書蔚有文采身形瘦弱若不勝衣舉茂才授建康路儒學錄臨川吳澄伯清過金陵見其詩文大加稱賞用薦改翰林國史院編修官陞修撰後以太常博士致仕卒遺言勿巧人狀其行銘其墓自著純白先生

欽定四庫全書

元詩選三集
卷十

傳有純白類彙三十卷伯清評其詩如春蘭茁芽

夏竹含籜露滋雨洗之餘馥馥幽媚娟淨好五

七言古近體皆然子瑜字季城官杭州路架閣亦

能詩文有甌山存彙

灤陽十詠

帝業龍興復古初穹隆帳幄倚空虛年年清暑大安閣

巡幸山川太史書

綠蘭青草玉花驄馴鹿眠遊殿閣東西梵祝釐環地坐

詳校官編修臣王天祿

瞳矐日色綵旗風

西清學士草黃麻閣老承恩扈翠華昨夜司天臺上望

文奎光燄照龍沙

小西門外草漫漫白露垂珠午未乾沙漠崢嶸車馬道

半空秋影鐵幡竿

板屋松烟染素衣天街暑雨沒青泥夜來沙磧秋風起

鳴鏑雲間白鴈低

御天門前開詔書驛馬如飛到大都九州四海服訓誥

欽定四庫全書

元詩選三集

二

萬年天子固皇圖

斗北高寒無點暑舉頭止見七星文玉堂近與琳宮接

清夜步虛聲盡聞

朝來雨過黑山雲百眼泉生水草新長夏蚊蠅俱掃迹

蒲萄馬漣醉南人

萬騎橐鞬列旆旌凋廬嚴肅駕將興帳前月色如霜白

曉汲灤河窟裏水

玉堂視草屋三間盡日鼇峰相對閒身遇太平鈴索靜

題名篆畢又南還

龍門行

龍門山險馬難越龍門水深馬難涉矧當六月雷雨威

洪流浩蕩漂車轍我行不敢過其下引睇雄竒心悸懾

歸途却喜秋泥乾颯颯山風吹帽寒溪流曲折清可鑑

萬丈蒼崖立馬看

虞翰林題古愚上京紀行集云集仕於朝三十年以職事至上京者凡十數驅馳之次亦時有吟詠不能如吾古愚往復次舍所遇輒賦若是其周悉者也集老且病將乞身歸田竹簟風輕茅簷日暖得此卷誦

欽定四庫全書

元詩選三集

三

之能無天上之思邪卷中龍門後詩尤佳歐陽元功亦云至順庚午十月廿八日虞集題

送趙季文之湖州知事二首

苕溪洲渚上青黛開烟鬟石色何秀潤有壁生其間四

圍阻巨浸世稱浮玉山狂潦不能沒高低依碧瀾蓮幕

趙從事昔年此盤桓重來汎秋水見之發長歎美璞貴

內韞叔降從時觀渺渺水晶國虹光山月寒

駿馬行翩翩青絲絡錦鞵美人向何處言往苕之壩苕

溪繞城春水發樓閣重重花漠漠醞酒哦詩掀紫髯水

精宮裏芙蓉幕弁山如龍天際來七十二朶青蓮開小
娃雙歌蕩舟劇漚波滉漾青於苔君不見王孫宅百年
喬木高千尺願君種德及湖民會見高文勒貞石

自靈巖登天平山次柳道傳韻

維昔渡江蹕近在千里甸吳門治清靜西浙稱道院興
懷慶歷初百歲如過電孰有范公賢臯夔素同傳天平
表先塋泉臺封土竊巍巍忠烈祠鄉社春秋薦伊余從
北歸老色日上面萬象供冥搜四維喜安莫重遊會主

欽定四庫全書

元詩選三集
卷十

四

人奉嘗益繁衍席珍柳太常險語情眷戀我語上瀨船
苦思勞挽牽征途春事殘僧牕夏陰轉古木蟠天橋新
篁剝蔥蒨水影澄心空山色照眼絢馮高見黃雲殘秋
行飽麩少飲有餘歡遐覽竟忘倦時驚蒼石聳閒悅晴
禽轉共惟吏部公台斗不甯踐頗好偕文士幽討窮林
巘嵌崖白雲泉掬手玩清泫煮茗味獨奇醉來和月嘯
涼風吹客衣激激散水霰亦有星源尹怡顏時自眎琢
句近大雅放懷即私燕文學吳越裔書工篆隸變戴道

靈巖遊山路亦云便鴟夷去已久西子寧復見徘徊響
屨廊尚想吳王殿姑蘇走麋鹿會稽貢竹箭高唱白苧
詞瀉風日以扇邈哉季子心陰述唐虞禪興亡屬時運
成敗談俚諺吳中美浮圖題榜率輕狷正爾澗谷慚敢
傾襲京卞

自天平遊靈巖復成古詩

吳會厭華靡興懷在林丘好事延過客繡衣得名流勝
地諧雅集清風企前修天平遍登覽復作靈巖遊蟠松

欽定四庫全書

元詩選三集
卷十

五

臥雲冷枯枝但蒼虬佳陰古樹密危磴空山幽攀蘿上
絕頂步屨凝遠眸高閣涵空闊太湖烟靄浮吳王昔居
此千年館娃愁家國一興廢山林幾春秋遺跡謾傳說
訪古成遲留歲月枯易邁重來嗟白頭姑蘇臺下水落
日明歸舟

春草曲

余為太常博士歸田道
出梁溪為華彥清賦此

春風如水流春草生芳洲遊子有遠志居人無別愁居
人伊誰華氏子不出庭闈奉甘旨可憐遊子萍相似春

愁草綠千萬里兒衣母線春風吹春暉滿堂草菲菲遊
子歸來慈母喜階前鬪草爭兒戲

菊山詩

世有隱君子種菊巢空山心同白雲遠身與黃花閒朝
饑餐落英采擷露未乾幽香被三徑晚節當歲寒林下
非無人獨在柴桑間風味略相似窮年以盤桓

敬題范文正公所書伯夷頌卷尾

翰墨嘗託文章傳文章益重節義全使無節義照今古

欽定四庫全書

元詩選三集
卷十

六

文章翰墨空嬋娟特立獨行不顧衆萬世標準權亦用
吏部雄文破鬼膽為渠喚醒西山夢范公相望餘千齡
人物自與臯夔并黃素細書伯夷頌白頭不草太玄經
一字千金價無讓虹光夜徹星斗上夷清韓頌高平書
再拜莫作文翰想奸臣襲藏猶畏仰面無生色泚流顙
珠還趨復子孫賢我信斯文天未喪佳辭善書常有餘
嗚呼節義不可一日無

送陳玉林南還

黃衣道士識重瞳冠劔芒寒星斗胸赤壁月明驚夢鶴
蓬萊雲起護飛龍新宮突兀三清殿故國蒼茫六代松
忽憶舊遊今白髮何期共聽蔣山鐘

玉山佳處

花滿春城錦繡林可耕可釣足登臨紫芝日靜隱居樂
白壁雲和養德深倚樹或聽流水韻看書時坐古松陰
玉山佳處因人勝能賦揚雄為賞心

至順四年四月九日陪尚書王公叔能常博柳

欽定四庫全書

元詩選三集
卷十

七

公道傳州尹千君壽道錢翼之文學同遊天平
賦近體詩二首時范氏諸孫在焉

上方古刻列森森勝地重遊憶舊臨但覺天平蒼石潤
不知世遠白雲深崖泉寒冽遺韶韻山木清華結夏陰
厚德固宜孫子盛修祠長此會簪纓

石鼓嶺

經過石鼓嶺不見石鼓文兩澗流黃葉半山生白雲

東湖秋月

明月高懸萬古愁東湖碧水一天秋倦遊老子歸來後
夜夜清光照白頭

南浦春流

沙邊遙見木蘭舟淺渚清波漾白鷗三月盆江春水發
滔天雪浪大江流

西丘夕照

禾黍雞豚不厭貧耕桑世業古風存夕陽掛樹秋光老
樵擔參差下白雲

欽定四庫全書

元詩選三集
卷十

五度朝暉

大小菟峩五度峰朝暉暮靄變無窮山紅澗碧人家好
簫鼓叢祠歲屢豐

定善寺

南塔前頭高閣上山光渾似沃洲青夜來飛雨穿牕入
翠濕華嚴一卷經

僕玉立世玉集

玉立字世玉其先本回紇人即今輝和爾輝和爾稱高
昌地則高昌人則回鶻也居僕輦河上因以僕為
氏焉祖哈喇布哈至元間歷官廣東轉運鹽使兼
領諸番市舶護餉遇劇賊歐鐘等戰死封高昌郡
公謚忠愍改葬溧陽父文質官正議大夫吉安路
達魯噶齊玉立以儒業起家登延祐戊午進士第
授翰林院待制兼國史院編修官至正中為泉州

欽定四庫全書

元詩選三集
卷十

九

路達魯噶齊考求圖志搜訪舊聞聘寓公三山吳
鑒成清源續志二十卷後遷湖廣僉事海北海南
道肅政廉訪使玉立兄弟五人弟僕直堅登泰定
甲子第僕哲篤登延祐乙卯第僕朝吾登至治辛
酉第僕列麓登至順庚午第俱以江西龍興籍同
登進士榜時論榮之

絳守居園池

并序

乙酉之秋七月既望余自河中讞獄還司過絳登

守居園池昔日亭墅悉已埋沒獨洄連亭花萼堂
復構以還舊觀流泉蓮沼猶仍故焉堤柳陰翳逕
花鮮妍庭竹數竿清風泠然有塵外之思即事賦

詩曰

絳邑舊名藩牧守優鴻儒逶迤山水中曠達園池居雄
并歷晉魏揖讓隆唐虞世遠民俗漓訟劇古道疎環列
多館墅莽蒼變丘墟慘惻歲年深牢落兵燼餘泗連復
亭構花萼懸堂虛板楔引流觴賓筵聞鼓芋錦香綴逕

欽定四庫全書

元詩選三集
卷十

十

溪琅玕繞庭除公暇寡接交遊觀足清娛緬懷前哲人
冠蓋秉鈞樞遺愛勒琬琰清風生坐隅卉木均雨露藪
澤樂禽魚端來濯塵纓詠歌登舞雩夕陽明翠嶽秋色
淡紅蕖鄉闕動離思雲烟隔荒蕪繡斧倦行羈霜日烈
修途故園有松菊盍用還菑畬

登德風亭詩

潞郡古黎國歷韓分晉陽右顧帶河汾左揖聳太行高
阜俯四下風氣殊勁剛道路閱脩阻山嶽互低昂州治

列方中有亭跨崇岡翬飛炫華構迤遞矚大荒猶如滄
海珠羣龍護其傍雲烟恣吞吐巖谷發幽光城堞峩前
陳冠蓋來相望匪唯壯遊觀庶保斯民康孰奏南薰琴
于彼君子堂春風偃露草夜月照屋梁持節眺所臨酷
暑生清涼俛仰陳迹異對景多慨慷

遊晉溪

訪古晉祠山曉集汾水橋星河沒慘淡野色見平遙樹
鳥啼冥冥塗馬鳴蕭蕭游車接飛蓋駕言修楔朝荒城

欽定四庫全書

元詩選三集
卷十

十二

忽已迥遠嶠如相招振衣投林丘浥露塵囂澗壑聳
綠檜原隰散紅桃敞殿羅幢旛虛庭雜牲醪逶迤廣寒
宮獻酬瑤池臯境勝地亦靈心悅神自超法鼓青山巔
仙家白雲標極留不可暫鶴唳天風高

敬題范文正公所書伯夷頌卷尾

文正千年士精忠凜不亡勲名山岳重翰墨日星光喬
木參天古幽蘭疊砌芳我來拜祠下端欲濯滄浪

清源洞

洞府神仙去不還清源紫帽聳高寒泉南佛國幾千界
閩海蓬萊第一山夜月鳳蕭聲隱隱秋風鶴珮聽珊珊
瑤池豈隔塵寰路更扣危岑最上關

潞公軒

極目朔原晉代秋剪桐封弟自成周興亡不鎮山河固
今古惟搬歲月流遠樹似招行客至高風猶記昔賢遊
徘徊對坐松林晚萬壑奔泉響碧秋

謁天聖宮

玉騎朱旄降翠巒神光紫氣應函闕真仙出沒時無有
客使憂勤自往還古殿烟橫十歲柏靈池雲遶萬重山
瓊枝珠蕊垂甘露願轉豐年瑞雪頌

石鼓書院

石鼓崇巒館朱陵起洞房逶迤環二水錯落翳羣芳
佩來遊藝川原慨戰場遺祠垂闕葛流演發朱張風墮
松花老秋餘桂子香飛甍瓊玉島巍殿水晶鄉霧歛東
巖旭寒侵曲棧霜丹楓暈蜃閣青草跨虹梁綠水浮文

欽定四庫全書

元詩選三集

卷十

鯉高岡集彩凰禹門翻錦浪虞陛覽朝陽竊藥窺蟾迹
攀蘿散鷲行題詩鏡石翠把釣薦橙黃杯飲汗樽古巢
居樹幄涼湘波澄碧鏡嶽黛出新妝採菊堪充茹紉蘭
欲佩裳嶺雲招隱約灘瀨自宮商按節休清曠征帆度
渺茫驚鳥非匝繞回鴈謾翔翔城郭凌烟紫林巒帶晚
蒼歸與市橋月漁唱起滄浪

吉州道中三首

雪嶺雲岡望吉州霜飛玉潔炫凝眸黃堂屢聽鳴琴者
萬斛水泉瀉碧秋

行盡高山涉水涯仙家縹渺隔明霞揚鞭笑指桃源路
不用扁舟遡落花

澗壑昂藏鬱翠松半空清響伯夷風頑廉懦立知誰聽
夜雪深關驟玉驄

羅漢峯

羅漢山攢翠作堆半空天柱擁如來九霄人立青雲上
笑指曇花玉樹開

欽定四庫全書

元詩選三集

卷十

天風海雲樓

極目雲山道阻脩
勲名久速為誰收
海天秋色無邊景
且上遐陬第一樓

契哲篤詩附

哲篤字世南
玉立弟登延祐二年進士第
知高郵州
以中順大夫僉廣東道肅政廉訪司事
被劾寓居溧陽買田宅延師教子
有法為色日本族之首
歷官至工部尚書參知政事

欽定四庫全書

元詩選三集
卷十

十五

題趙千里夜潮圖

風濤洶湧千堆雪
拍岸翻空倒銀闕
鴈聲驚起一江秋
萬里無雲挂明月

贈墨士

魚胞萬杵成玄玉
應是柯仙得妙傳
鐵硯毛錐為密友
何時海上別回仙

題商德符李遵道合作竹樹圖

槎牙老樹根盤石
楚楚霜筠護碧苔
古怪清竒俱絕筆

顏頡好手為誰開

欽定四庫全書

元詩選三集
卷十

十五

張天英石渠居士集

天英字義上一字楠渠永嘉人酷志讀書二十年
穿貫經史徵為國子助教性剛嚴雅不好趨謁再
調不就遊浙西多居吳下與玉山主人相友善凡
有所作必郵寄草堂玉山稱其放肆為詩章尤善
古樂府皆馳驟二李間自號石渠居士

題萬竹堂

芙蓉城中開紫府華蓋飛飛翠娥舞仙人宴坐碧雲堂

欽定四庫全書

元詩選三集
卷十

十六

朝發蓬瀛莫玄圃昔將簫管御風吹散落人間鳳凰羽
冰夷夜失珊瑚枝白日滄江嘯黑雨龍賓十二行玉驄
青士三千射金虎我欲從之遊脫冠挂神武來彼雙颺
輪攀天叩天戶願持萬丈竿為天埽塵土亭亭此君節
何由獻明主紛紛鷹犬人徒費銀黃繫三組君不見古
之仙千歲一歸華表柱下視世人何足數

題趙子固三香圖

昔時我在桃花原羣仙呼我遊崑崙崑崙飛佩凌波出湘浦

月明同醉羅浮邨江頭小白效贖者瓊蕤暗結心嬋媛

紫皇名還蕊珠闕十年謫隱蒼龍門道人神遊碧雲裏
染霞能返三香魂玉骨干霜蛻幽影輕烟半溼鮫鮓痕
翠羽紛披向人舞金杯勸我開芳尊閨風迢迢隔銀漢
安得下土同靈根海國天寒忽相見瑤瑟載鼓花能言

思陵石詩

黃帝騎龍去不還玉笙鶴上北風寒孤臣獨有心如鐵
斲玉鐫詩泣露盤

欽定四庫全書

元詩選三集
卷十

十七

王宇玉手帖

西漢文章二百年龍盤親賜蕊珠仙巫雲夢冷金壺墨
誰補東南一柱天

武陵春曉曲書于玉山佳處

武陵春曉花冥冥漁歌蘭柁搖殘星溪涵山氣綠如酒
幽禽嘯破松烟青天上時聞鳳凰曲金門飛夢人初醒
長嘯銀臺月將一作落空翠著衣香霧薄勿見安期蓬
海東劍佩從風降元鶴陽烏銜火縣扶桑袖卷紅雲朝

帝苟手攬龍車觀天光下視蟻國空千霜

題趙翰林畫蘭

吳雲楚樹碧離離手折瑤花半醉時秋佩影搖湘浦月
鳳皇翅冷玉參差

題蒲萄竹筍圖

王母初來漢殿時青鸞蹋折埽壇枝天風吹老龍珠帳
挂墜瑤簪醉不知

題五王對奕圖

千官朝退下昭陽花萼樓高碧樹香一擲乾坤呼五白
玉人催進紫霞觴

題李遵道畫頂松

蒼髯鐵爪欲飛揚肯與人家作棟梁記得石橋明月夜
一溪龍影茯苓香

夏日寄王山人

赤日行天氣欲焚樹根羣蟻正紛紛道人心在羲皇上
睡殺青松一枕雲

欽定四庫全書

元詩選三集

卷十

遠別離

桓山禽遠別離養女羽翼長歲莫將安之路難不顧返
橫絕四海渚昔年鳳死百鳥集白日哭弔聲淒悲賢聖
聞之淚亦墮古人胡顏掩藁裡別離苦天夢夢孤墳萬
里冠帶蒿蓬一劍挂樹哀鳴求雄寧辭父母體化為西
飛鴻呼天泣以血月墜青城空山頭還見月東出何時
見我泉下翁吁嗟乎蒼穹

題石湖手帖

五湖水遶城南邊愛湖老翁船上眠桃花出隴如火燃
煉石去補東南天壽標春風五雲煖薛濤奉硯中書前
翠蛟白鳳相蜿蜒瑤海細浪飛青烟見者如登羣玉府
世人寶之賢十部翁攬龍髯天上下帝遣主司修月戶
笑殺猴冠餌秦虎朝拜金門莫黄土

題釣月軒

武陵溪上釣魚磯白雲青樹秋暉暉長竿倚石月初上
新雨滿池魚欲飛清郎笑奉長生錄壽客看舞斑斕衣

欽定四庫全書

元詩選三集

卷十

風流一散何時見夢繞竹林行翠微

畫山水歌題米元暉卷

我有山水癖由來好幽棲十年遊雁蕩一作年遊會

稽或言秦王昔時愛仙術驅石下海如鳧鷖洞口誰來

斲龍耳驪珠夜照天雞啼三峰參差九華老蛟龍鼓浪

方壺低醉墨淋漓落吾手咫尺萬里雲淒淒初疑巨靈

闢開翠巖濕馮夷擊碎一作青玻璃又疑劉阮雙一作

行赤城下漁舟擢入桃源一作溪對此長歌發幽思便

欽定四庫全書

元詩選三集

卷十

欲著屐來攀躋我家碧山最奇絕綠蘿萬丈緣丹梯憶

昨金門拂衣去自種青松與人齊幾人欲畫畫不到惟

有四時雲月可以相招攜吾負碧山此為客何異乎巢

由軒冕行塵一作泥從吾好歸來兮

題趙子固墨水仙

青竹珠簾人似玉霧鬢風鬟綴靈粟一笑誤翻金叵羅

香濕羣仙翠桂獨龍國朝回八風舞鳳池醉度凌波曲

瑤瑟雙歌李白詞馮夷捧出蘭縑綠

題凌波飛蓋圖

蕊珠宮人駕雲駢山中翠蓋何亭亭老龍飛蓋作風雨

八仙池上爭娉婷金環瓊佩裛露雙成躡青鸞

酒星入水化為石寒玉夜語天泠泠白瑤城闕三萬里

月照湘娥行洞庭

題高尚書青山白雲圖

仙人中一作有琅玕樹吐作千峰落毫素峰上蒼蒼一

尺天峰下雲行亦無數因憶曾為天帝客一作家在白

欽定四庫全書

元詩選三集

卷十

雲深處住白雲隨一作龍飛出山我亦攀龍躡雲路青

山笑人不早歸大笑龍為雲一作所誤變化無定端

一作飛揚為誰故試問古共工何勞不周怒飄飄巢止

一作翁自受風塵污安得兩齒屐載我逍遙步醉臥青

山看白雲莫一作嗔老子來遲莫

浣紗曲

溪頭浣紗女素足弄清波綠窗費纖手鳴機不停梭織

成締與綌貴之如綺羅持此寄遠客思君心緒多

莫折花

莫折花折花損新枝結根同美好恐此生別離不如坐
花下長醉春風時

玉泉山

玉泉之水金為扉北風卷葉山無衣白馬雙行綠雲路
渺渺秋蕪起烟霧姮娥有時騎白鸞弄水滿手驪珠寒
老蟾泣中夜露滴飛蓋鳴琅玕姮娥上天去一碧光搖
鏡中樹石潭風雨忽驚人乃是神魚化龍處

靈巖寺

千峰秀出青蓮宇下界神龍走風雨帝遣靈鼈戴此峰
來作中吳天一柱吳王宮雉結浮雲日日西施醉歌舞
春闕館娃樂未終敵人隔江嘗膽苦夜半越師溪上來
翻手繁華化為土硯池烏下詠青蘋樵路幽香來秋塢
昔時寶屨響瑤階誰信荆榛上修廡惟有琴臺石峩峩
似蒼虎吾將煉成金天高不可補飛閣當天開五湖三
江入窗戶君不見鴟夷子浮沈兩國烟波裏屬鏤鏡鋒

欽定四庫全書

元詩選三集
卷十

三

固莫辭恥雪夫差一作冑知止冑知止今人寧無鼎鑄
耳奈何古之人九泉呼不起酒盡華蕪三萬里

金陵行

金陵城頭生紫烟金陵水立東風前神山蜿蜒行入海
白日化龍飛上天十年不見吹簫侶丹鳳深巢惜毛羽
仙子天端騎鳳來衣上斑斑碧桃兩碧桃如霞浮壽觴
秦淮之鯉數尺長林鳥回翔集庭樹華峰特立天中央
君行出門無百里中道嗷嗷塞人耳霜風灑筆山岳搖

夜半飛章奏天子

八月望與項可立約遊石湖是夜月蝕又兩次
韻就約玉山人明日同遊

黑雲出山兩交加太虛倏忽生疵瑕瓊樓瑤鏡不可見
但覺銀海浮玄華長思昔年玉川子作歌發憤劓妖墓
不知三萬八千戶此時何處相邀遮我欲攀天躡天柱
御風飛步蓬萊家蓬萊揚塵水如墨凍蛟化魚噉喊呀
獬廌從來不識字努力自言能觸邪遺我白兔所擣藥

欽定四庫全書

元詩選三集
卷十

三

酌以金尊之紫霞萬古清光終莫掩二國自戰空牆蝸
酒醒忽憶五湖寺亦有中頂仙人茶明朝與君買船去
上山采桂窮幽遐

仲容謫阮圖

林中長憶仲容賢水底龍吟阮上絃彈破白雲飛不去
化為盤石已千年

錢塘懷古次高則誠韻

錢塘潮上海門滾千古靈昏恨未平北斗文星長黯黯

欽定四庫全書

元詩選三集
卷十

三五

內園官樹尚陰陰承華殿冷西人語太乙壇空上帝臨
月黑鄂王祠下路風吹青火出山林

送陶教授還台州

廣文先生賦歸去天台此時花正開月行舟上山水白
人散江頭風雨來燕雀爭鳴碧玉樹麒麟不上黃金臺
何如門前五楊柳日日青絲吹酒杯

鼇峰寺

石道青蓮入翠微金鼇海上數峰奇樓前風滿朝來急

檐外山高月到遲僧語夜深松子落客吟春盡闕花知
日西又立谿橋馬呼酒長亭唱柳枝

烏夜啼

城頭烏夜啼月白薊門時朝陽借光彩翱翔鳳凰池春
風黃金樹結巢在高枝中心懷反哺還向故人一作飛

真女吟

嘗聞漢宮人思淡如還重自憐冰雪姿眉戀金屏寵春
風吹倒山妾心終不動羞死王昭君玉顏沒青塚

欽定四庫全書

元詩選三集
卷十

三五

郎上金

郎上金持者誰十年同舍難相知不疑肝膽似冰雪仰
天吐氣摧雙眉古人重黃金交情弃如土柰何今之人
身為黃金死結交心不同須防未然絕何時郎得金白
珪之玷乃可滅

白門柳

白門女郎若揚柳舞衣淡勸金陵酒青絲素手結同心
沈醉東風回馬首紅袖掩嗁痕請君聽妾言柳色年年

好玉顏豈長存柔條不忍折妾意與君思紛紛花落青
春莫雨暗長亭空斷魂

歸燕曲

春寒吹北風吹送青雲燕歸心與去舟乘風似飛箭愁
殺倚樓人淚滴如花面烏衣自有家夢斷昭陽殿

柳枝詞

江頭好風日楊柳參差青柔條為君折行歌出西城江
流二月碧如酒木蘭之舟天上行欲別不醉難為情

欽定四庫全書

元詩選三集

卷十

久別離送柳韶之西安

久別離長相思溪頭楊柳樹十見黃金枝枝長花飛如
白雪心期暗結束東風知東風吹花化為萍一夜浮游滿
溪水滿溪水到天池萍亦因之幾千里何時萍實成與
子乘舟汎蓬瀛

題玉山中所藏趙千里畫金碧山水圖

天上白雲滿空谷樹下三間兩間屋玄晏先生不出門
自檢殘書手關讀醉翁斜帶紫綸巾過水呼童御黃犢

犢之背樂不可言王孫寫入冰綃幅君不見戎車關戰
場秦王失其鹿笑殺當時園綺翁白頭去謁隆準公

題玉山中錢舜舉畫五柳莊圖

飛泉屋後銀河縣孤松屋上蒼龍眠四山無數白雲出
好柳五株當門前葛巾丈人步其下悠然別有山中天

題三笑圖

我思廬山三十載喜見虎溪三笑圖遠公愛客不愛酒
陶令愛酒無錢沽黃冠道人愛譚道握手顧我成胡盧
乃知古來賢達士出處自與常人殊君不聞東晉英雄
數周顛對語新亭泣新鬼

題二喬圖

喬公二女如花顏玉宮仙樹參差間鳳裾鸞書明月環
寶釵壓墮青雲鬢手撚丹霞染天章繡屏曉臥珊瑚牀
石鏡山前瓊草香春風蕩漾紫鴛鴦嬌歌雙笑蘭烟蒼
中軍畱醉牙帳光回頭兩鬢飛秋霜

遊蕭臺寄李五峯

欽定四庫全書

元詩選三集

卷十

蕭臺天高山氣寒瓊樓倒景金沙灘露洗長松翠蛟泣
曉風吹瘦青琅玕仙遊王子今千載蕭去臺空山不改
石梯竒峭石蘿溪東望蓬萊隔滄海華表棲塵鶴未歸
燒丹竈溼蒼苔衣木落鏦鏦下鐵壁紫巖桂落香風飛
雲門道士相迎送五色芙蓉滿溪洞生平履齒能幾來
回首十年如一夢客鄉遲莫秋復秋故園淚闕 黃花愁
長繩難繫西飛日彭殤蟻闕 營荒丘雪瀑灑巾清入骨
烟霞杳靄孤鴻沒世人倏忽不可期獨酌芳林勸明月

欽定四庫全書

元詩選三集
卷十

元

船上燕姬

燕姬倚嬌色珠帽絡金花半醉玉盤面雙鬟雲影斜水
邊忽自笑着目豔春華芳心為誰發翠袖拂琵琶
宴鄭明德與袁子方張伯雨得落字

東家白雲翁載酒青山郭相招竹林彥坐對春風酌一
花飛入樓汎我銀鑿落醉步松月歸令人夢孤雀

桃塢吟與項可立寒食同遊

客鄉見寒食因作桃塢遊桃塢年年發春色館娃香逕

隨風一作東 流羅敷采桑隔綠水漁童小海歌蹋舟三五
了鬟不知醜紫花紅花簪滿頭欲開未開竹旁戶見我
白髭伴作羞羞顏微破背人笑自言此客曾來否側聞
索一作郭 駝語此客寧爾留太白老元丹丘玉尊錦瑟春
風樓

題張叔厚描壽陽公主梅妝圖

正月七日含章殿落梅吹花香撲面玉人睡起猶未知
重理新妝鏡中見花如玉貌多嬋娟三十六宮多學徧

欽定四庫全書

元詩選三集
卷十

元

城中醜婦不解羞采花自點雙眉頭

芭蕉士女

為愛芭蕉步玉除雲根飛翠溼霞裾蕊珠宮裏歸期近
懶把芳心葉上書

酬峻子山秘監三首

青烟竹外煮金芽更對山人酌紫霞半醉東風催上馬
一身香雨溼宮花

金谷花香弄綵毬羶鄉雲暖更溫柔客懷不記春深淺

臥看桃花溪上流

太液春深綠水濱後宮爭唱柳枝新黃金不買長門賦
醉酒花陰睡殺人

松門玩月

徘徊青松門鑿我古明月露零沐青鬢玄珠燭寒髮願
言駕雲螭飛步上天闕微雨中夜來北風卷成雪

春夜酬李五峰

酣歌惜春夜起向月中立北斗挂長松風摧翠蛟泣山
花如美人飛香染衣溼青天落吾手大白不滿吸推山
出門去秀氣還復入

題溪山釣雪圖

隆冬西北雲羣物共衰槁萬雪闕陰崖青松一何好小
竹不受風低回向人掃茅檐化穹廬樹壓珊瑚倒誰將
渭水竿移舟入瑤島此時沙漠天齧旃命如艸復有轅
下車夜蹶藍關道哀哀節義軀何如此溪老溪老謂余
言貞心當自保詎知三尺蓑功成在華顛

送張學錄歸柯山

幽人若明月皎皎天壤間忽醒西堂夢隨舟入柯山
中古樹影照見鬢毛斑白兔搗靈藥何時得休閒兩
乘鸞女笑舞如花顏長歌紫雲上仙風安可攀因之下
江浦遺以雙玉環

松雪上人以墨君見似遂託興而歌之

海水變為酒盡醉蓬萊客驪龍與翠蛟各飲三千石衆
影行月光雲氣浮天白仙人久不歸瑤艸年年碧

病起

出戶見青艸始知春意深行行倦復止至此庭樹陰層
雲掩朝日歸鳥思故林節序忽已易徒勞霜鬢侵幸有
尊中物為吾解愁襟

送黃仲珍歸松江

幽蘭抱貞姿結根巖谷中光風汎爽葉及此春露濃君
子既不異衆艸難與同尚為王者香含華待清風撫琴
起長歎曲盡情未終

秋浦送吳錄事之吳中

長思秋浦月今見秋浦人山中讀書屋乃與九華鄰當
山弄明月垂彼清溪綸得魚赤金尾騎上龍門津吳頭
坐烟艇放魚歌白蘋多君如李白且盡尊中醇

白雲歌

白雲出千峰飛渡滄海去白下揚花春滿江一夜隨雲
化為絮黃鶴乘之上青天下視蓬萊落何處我作白雲
歌勸君一杯酒不見從龍雲風雨飄零作蒼狗碧山堪

栖君好歸富貴於吾亦何有

醉時歌

挹翠樓前秋日清挹翠樓下秋水明海色屏開九峰曉
玉樹時作蛟龍鳴主人愛客勸客醉鳳絃欲語杯先行
杯上菊花黃似酒碧袖雙歌若楊柳白日飛去紅燭來
兩兩玉童爭拍手拍手笑風颺颺初疑蓬島何異瑤池
人生百歲不樂何為不願髮再黑但願長醉如今時

和陳伯良韻代蕩子婦作

玉山佳處

美人如花隔秋水翠髮新蟠鳳凰尾年年花底醉秦宮
不是盈盈花上鬼舞衫血色迎風揮南風北風吹折枝
誰憐蕩子婦含曠坐荆扉夜夜望明月睡時山月低男
兒未富貴徒勞歌虞彥君心叩月不自見願照若蘭錦
中詩妾身如蠶不食葉自然吐出五色絲字字結同心
無人為持去夜夢化為蛾尋君不識處隨雲飛遍十二
峰夢回日出滄江東中使傳書呼塞鴻少年仙客成老
翁請君歸勸君酒酒如泉杓如斗庭中桂樹青鸞小

玉山有佳處迺在崑崙西蓬萊數峰小上與浮雲齊雲
中飄飄五色鳳只愛碧梧枝上棲芝草琅玕滿玄圃羣
僊共躡青雲梯太湖三萬六千頃水流入桃花溪溪
頭浣花如濯錦百花潭邊浮紫泥紫皇拜爾山中相閒
把絲綸草堂上漁莊一釣得龍拔龍女吹簫書畫舫西
風玉樹金粟飛東風柳浪金波漾歲歲年年樂事多綠
野平泉何足尚十二樓頭看明月太乙明星夜相訪酌

霞觴瑤臺露濕芙蓉裳我亦桃源隱居者握手一笑三千霜

松屋

四壁青蘿月長松白鷺巢山風吹葉下添覆一重茆

蘭亭

酒醒風雨溼衣巾曲水荒涼幾莫春檐外蕭蕭脩竹在相逢如見永和人

酬于思容御史

春風三月酒如泉短屐青衫不厭穿明日吳門驄馬過休驚林下白雲眠

欽定四庫全書

元詩選三集
卷十

三五

熊夢祥松雲道人稟

夢祥字自得南昌進賢人聰敏曠達作詩為文思若湧泉旁曉音律能作數家書寫山水尤清古以茂才異等薦為白鹿書院山長授大都路儒學提舉崇文監丞以老疾歸游淮淝間放意詩酒脫略不拘有晉人風度卜居婁江上扁得月樓自號松雲道人與玉山主人為忘年交年九十餘卒其所著述有釋樂書行於世

答女臺歌

并引

在京南城放生池東高三丈蒿草芄芄鄉老俱稱金蕭后答女於上

荒草堆燕人號為答女臺金源蕭后飭宮女表正壺範出聖裁此事庸或有史筆獨不該繁華若流水去者不復回後人見遺跡孰不興遠懷閒花野草今猶昔當時美人安在哉

春暉樓分韻得仰字

欽定四庫全書

元詩選三集
卷十

三五

行行別楚州秋蕪半蒼莽關河颺旌旗令人心怏怏禮
樂百年間於焉日悽愴歷此艱危中別郡政勞攘何由
得清夷復見桑麻長故人居桃源買舟得獨往坐我廣
廈間薄言慰遐想維此秋方中桂月延清賞連甍接層
臺夜色亦蕭爽主人情更真頓覺脫塵鞅吳歛侑金尊
謳歌共抵掌歡會亦可期樂事非勉強醉後下一作登高
樓涼月猶在仰

丁督護 并序

欽定四庫全書

元詩選三集
卷十

三十六

樞密三知院達爾瑪監總戎曹州進兵陷陣諸將

卒士棄其主將而潰於是被害甚慘後以十月末

旬獲其骨而歸招魂於順承門外

丁督護郎上馬將星煌煌干戈威揚貔貅百萬羽林郎

旌旗所指孰敢當丁督護郎下馬穹廬滿野笑言啞啞

良家女兒擊玉葦夜來葉落消長夜丁督護郎進兵旗

電鼓霆澤劍流星指麾衛軍歌楚聲主將傾危血刃腥

丁督護魂來歸少妻嬌兒涕泗漣而去時鞍馬何人騎

肘後玉印今歸誰嗚呼猗戲國之梁棟哲人萎兮

題栢子庭枯木

鐵珊瑚樹飛鬼蜮王子敝烏不許躡乞與海神神不收
湧樹雪晴光擘擘何人潑墨澹復濃使我一見成心獵
便令退從未畫前無孔笛中宮徵叶

湖光山色樓

移舟界溪上忽見海虞山山接空青外湖當慘澹間松
聲聽欲近颿影坐看還何處西風起漁歌下別灣

欽定四庫全書

元詩選三集
卷十

三十七

客懷奉簡玉山

我昔離家七月強只今十月隕清霜可慚濁酒黃花興
應悔青鐙白髮長翠袖天寒脩竹暗綺窓日煥唾茸香
夜長枕上揚州夢江北江南是故鄉

題王元章畫梅花

水影晴光為寫神當時已是失天真一從殘角吹新曲
幾向寒谿覓故人縞袂歸來猶有月珮環飛去更無塵
莫言醉魄空離落信把和羹屬大臣

題管夫人竹

夫人寫竹何縱橫錯刀離離光怪生安得月明招白鳳
玉闌西畔聽秋聲

題二色芙蓉便面

曾障西風十二闌亭亭醉醒碧波寒月邊青鳥無消息
流落人間作畫看

題李息齋竹

薊丘道人寫瀟灑煙寒兔齒石蒼蒼素娥剪翠雲葉亂

欽定四庫全書

元詩選三集
卷十

三六

三十六陂春水香

題畫山巒

傍路依山到處生只因樵牧慣相輕若教塵俗如桃李
未必梅花肯作兄

題王元章梅

紫禁春醲雪未消年年香冷只飄颻許身入畫酬清賞
不嫁東風過小橋

和西湖竹枝詞

船頭新月恰如者折得雙頭蓮子歸荷花菱葉不同種
蝴蝶蜻蜓各自飛

題叢山題扇圖

叢山老媪本無知恰值將軍乘興時竹扇一時光怪動
莫教低價與元規

欽定四庫全書

元詩選三集
卷十

三九

宋沂春詠亭橐

沂字子與清江人由成均諸生擢藝文監掾遷贛州從事復除常山縣尹所著有春詠亭橐

題燕士李叔成靜怡精舍

叔成故淮安郡侯子也

守道豈忘世脈脈重端居曠懷不可極清風生太虛寂寂獨無營欣欣常有餘童子啓窗戶晝讀孔氏書窅然在隘巷時來長者車問我何棲遲東陵未丘墟矧伊幽州士胡為臥空廬蒼云各有志素絲尚匪汙相從賦黃鳥駕言歌白駒鳳兮或來下愧彼狂接輿

欽定四庫全書

元詩選三集

卷十

題澹齋

泠泠山下泉謾謾松上風松風吹我心置彼山泉中清深聊洗耳汪洋因盪曾時時酌玄酒孰與甘醴同張侯坐齋閣尺宅如虛空泊然濯塵慮明德庶彌崇

題聽秋軒

悽慄夫何如幽齋致虛極相者數竿竹更覺萬籟寂顯景逾清曠天宇彌寥泬涼颼發金奏繁露溥玉滴高梧

庭鶴唳哀蕙候蟲唧願言疑耳韻端居以游息

東海謠奉送宋太監降香海上天妃廟

東海鯉魚搖赤尾舳艫盡發江南來帆檣出沒蛟鼉窟靈雨神風勞帝子紫衣使者麾金幢麒麟煖玉隱天香元君晝下翠旗溼百靈冉冉天吳立使君騎馬歷東吳吳中父老爭迎趨自言春濤漂白骨官家下詔復征役今年隴畝抗稻空縣官索租到疲瘵丁男登山拾橡粟妻孥含酸向人泣使君北來候神人應憐赤子百憂集

欽定四庫全書

元詩選三集

卷十

明年海若不揚波君歸宣室當如何

送運都水赴海運萬戶

都水使者日邊來黃金虎符照漕臺笑持英蕩入滄海不比徐福求蓬萊將軍昔騎青驄馬風采桓桓丹闕下紫髯如戟半成霜議論精神更瀟灑今年運米發東吳三百萬石皆明珠揚旗列戟耀雲漢伐鼓鳴金轉舳艫將軍尚文今尚武何物鯨鯢敢予侮撓搶蕩滅凋瘵平報政歸來奏明主

贈別黃德廣赴都

江上相逢渾未久，忽對芳尊傾別酒。君向燕臺萬里關，我留吳會三春後。當年曾入承明廬，千官委佩侍金輿。此行刺擬長楊賦，何用頻封光範書。

白鶴觀次韻鄭蒙泉呈朱仲文陳庶子

誰寫黃庭一兩章，碧桃花發日初長。欲求大藥黃金鼎，先解明珠白玉璫。漠漠春陰連海氣，遲遲雲影度天光。羣公共愛幽棲好，芝草瑤花雜衆芳。

欽定四庫全書

元詩選三集

卷十

次韻荅蘇昌齡

二十四橋春雨晴，高齋日日讀書聲。寄來滿紙關，溼想見吹簫弄月明。傾蓋清尊相為醉，盍簪白髮可憐生。東風三月淮陰郡，寫寄綢繆故舊情。

送傅與礪佐使安南

皇帝三年頒正朔，使君萬里向交州。瑤池天闊龍光漏，銅柱雲低蜃氣收。陸賈獨能持節往，終軍因得棄繻留。幕中為惜懸河辯，毛遂歸來坐上頭。

送趙御史仲禮之任南臺併簡兼善達公經歷

元載王公用道孔公二御史

天子龍沙拜法官，議郎新戴辟邪冠。曉辭漠北冰霜重，秋到江南草樹寒。諫疏頻煩明主聽，題詩長共故人看。應憐閭里誅求急，尚布朝廷禮意寬。幕下風清鳴一鷄，臺端雪霽見雙鸞。寥寥渡海三冬燼，燼凌空五色翰。晉代新亭蒼蘚合，梁朝舊寺土花殘。石城慷慨悲袁粲，別墅風流憶謝安。千里憑高麾繡斧，幾回攬轡並銀鞍。

欽定四庫全書

元詩選三集

卷十

諍臣事業須公等，努力明時匪素餐

奉饒御史中丞汪公大司徒致仕歸隴右

仗引絳騶中執法，鏡懸清覽大司徒。當今天子尊元老，自昔諸侯祖二疏。臘盡挂冠辭北闕，春來供帳出東都。魏舒就第施行馬，薛廣傳家保賜車。德教萬民蒙帝賚，王封四世贊皇圖。翰蕃方國歌周雅，帶礪河山著漢書。燕塞驂騑知故道，隴雲鸚鵡識前驅。平泉草木芳華裏，終日垂紳擁玉魚。

寄馬易之

近日淮南見馬卿新詩句句掇瓊英畫船不肯留三日
先載東風過四明
自是風流愛鑑湖木蘭舟上倒金壺鱸魚蓴菜戀鄉國
馬湏蒲萄憶帝都

卞思義宜之集

思義字宜之楚州人氣宇疎曠早年有詩名能苦
吟對客談詩終日不絕淞西憲府以其才賢辟為
屬掾任滿轉達德錄判未任庸田制司又以其通
敏再辟為掾史嘗寓陵陽與劉有之吳起李王子
山吳子彥胡成之輩相倡和上元楊翮稱其詞宏
麗華妙可以追配古之作者惜詩多失傳僅存玉
山雅集十之一二云

溪山春雨圖

野人結屋臨溪上溪上白雲生疊嶂城中車馬自紛紜
朝聽樵歌暮漁唱雲林變隸春日低小橋流水行人稀
桃花落盡春何處風雨滿山啼竹鷄

上元日侍宴疊嶂樓

上使開華宴高樓倚碧霄山如屏嶂列風逐管弦飄事
簡春偏永歌長酒易消月明人散後驄馬不勝驕

鐵笛詩寄楊廉夫

一段清冰百鍊鋼曾翻宮徵侍虛皇裂開黃鶴一作磯
頭石驚落青鸞鏡裏霜仙子珮環新樂府翰林風月舊
文章道人清節磨礱久却笑桓伊獨據床

和楊廉夫新居韻

樓居最喜傍西河春水溶溶生綠波近市小橋雲影亂
隔簾疎雨竹聲多執經弟子登金馬換帖山人贄白鵝
欲向尊前吹鐵笛且聽牙板翠兒歌

贈清隱楊鍊師

野鶴昂藏自不羣往來瀛海絕囂氛碧瞳老去照秋水
石室曉來生白雲採藥每於松下見步虛時向月中聞
太玄親授神仙祕霜繭淋漓舊墨紋

大瀛海道院為呂晉齋作

人間咫尺大瀛海方丈蓬萊信杳然若木三更先吐日
弱流萬里不通船未同徐福來求藥好訪安期且問仙
聞說呂公高隱處蛟龍常護石床眠

巢雲為吳義卿作

元氣氤氳天四垂我來高處足棲遲笑着烏鵲空三匝
肯與鷓鴣共一枝露濕衣裳星斗近暖生毛骨夢魂知
有時借得天風便喚取仙人白鶴騎

侍宴疊嶂樓次蘇資道韻

使君閒暇宴高臺珮玉珊珊得重陪無數好山成疊嶂
一灣流水似天台煙中佛寺藏樓閣火後人家半草萊
不用登臨增感慨春風梁燕又歸來

西津渡

西津渡口望瓜洲候吏懽迎使客舟天塹已無南北限
江流不盡古今愁雲連巨艦來湖口風送殘潮過石頭
驛舍題詩滿東壁重來還憶去年秋

過邳州風雨不能渡宿州治

天下黃河勢欲奔江南游子黯銷魂陰風怒作波濤險
秋雨忽來天地昏下榻可堪塵滿席開懷賴有酒盈尊
曉晴又上征鞍去城下新添漲潦痕

思陵玄妙觀

古柏青衫鏤翠霏
寥陽金闕隱玄扉
幡幢影動羣仙下
星斗壇空獨鶴歸
高閣雲深分樹色
脩廊雨過濕苔衣
壁間若問雙龍迹
化作天池寶劍飛

汗酒

水火誰傳既濟方
滿鐺香汗滴瓊漿
開尊錯認薔薇露
溜齒微沾菡萏香
水泄尾閭知節候
津生華蓋識溫涼
千鍾魯酒空勞勸
一酌端能作醉鄉

馬善長設宴思遠樓湖船

綠野橋邊繫短篷
歸來微雨濕青驄
草堂無夢尋康樂
蓮社何人憶遠公
海上相逢疑昨日
尊前談笑自春風
明朝舊約知誰問
隔岸海棠花正紅

過琴溪徐公釣臺

芳草茸茸襯馬蹄
重陪使者過琴溪
東風又屬梨花月
夜雨新添燕子泥
石室塵空蒼蘚合
釣臺人去暮雲低
跋奚莫厭詩囊重
多少江山未品題

次王安行韻

杖策來尋隱者居
閉門重著絕交書
入城無事不騎馬
臨水有時看釣魚
未羨淵明開菊徑
擬從諸葛住茅廬
清時羽翼知多少
肯散黃金學二疏

次楊廉夫韻贈歌者翡翠屏

揚州曾賞瓊花宴
吳下新傳翡翠屏
湘水月明環珮冷
巫山雲濕鬢鬟青
感金孔雀非為貴
隔屋琵琶正好聽
青鳥無情易飛去
雕籠深鎖重丁寧

題舒秀實鉅隱

賓幕歸來野興濃
卜居還得近城東
繞籬自斲荆榛地
傍屋添栽杞菊叢
一鑿燕泥春雨後
數聲牛笛暮煙中
紅塵軒冕非吾事
老圃如今願已同

愍忠閣

登臨獨上最高層
東北闌干不敢凭
雲近蓬萊連複道
天低星斗挂觚稜
愍忠曾葬征遼骨
破暗空存供佛燈
欲浣京塵振衣袂
冷風蕭瑟灑炎蒸

題溪山煙雨圖

西崦人家枕碧流屋頭高樹近山頭短蓑煙雨歸來晚
滿地落花人倚樓

過維揚

露冷金盤酒價添雲埋瓊樹客愁兼竹西舊曲無人理
謾捲紅樓一半簾

春江逸響圖

黃鶴磯頭一棹還白鷗波上幾人間笛聲吹斷江南曲
不見漁翁祇見山

懷楊鐵笛

琵琶聲斷翠鸞孤鐵笛山人淚眼枯聞道小弦今已絕
竹枝依舊唱西湖

和西湖竹枝詞

小蘇吹笛最高樓吹作大堤楊柳秋只今青冢在湖上
不識黃雲出塞愁

欽定四庫全書

元詩選三集
卷十

五十

屠性彥德集

性字彥德會稽餘姚人明春秋學幼從黃侍講潛
遊故其詩文嚴整有法度領至正鄉薦嘉定儒學
聘為經師

送王季楚侍父入京

江左風流屬過翁賦成入奏大明宮未應却上留文度
還向談邊見阿戎金縷東風歌折柳錦帆遲日帶歸鴻

六龍清暑灤河上扈從應馳白玉驄

館娃宮

棲越歸來此築宮佳人欲與死生同鴟夷始見投江上
烏喙俄聞賜甬東木落秋波環珮冷草生故國綺羅空
幾回香水溪頭望飛雉猶翻夕照紅

山閣

幽居只在碧山阿高閣凌虛帶女蘿門外水生春渚白
窗前雲起夕陰多藏書每許鄰人借釀酒時邀野老過

欽定四庫全書

元詩選三集
卷十

五十二

見說南岡千歲柏倚闌安得眄柔柯

和潘子棄韻

雲林精舍傍巖阿中有行吟十二窩陸羽泉清童汲慣
潘郎詩好客酬多茅山猿鶴驚春曉楚水魚龍落夜波
歸去不成千里別抱琴重約聽樵歌

送趙季文

湖州此去百餘里公子之官是勝遊細雨澹藏城外寺
垂楊齊拂水邊樓妙年未厭官曹劇大府仍聞禮數優

欽定四庫全書

元詩選三集

卷十

日日高堂具甘旨白魚須寄霅溪頭

送智教授兼簡郭思道錄事

先生去作州博士尚憶滄浪水竹居研露自臨修禊帖
閉門欲著絕交書九江城外春颿近五老峰前曉鴈踈
此去談經有餘暇參軍為我問何如

金粟影

桂樹叢生雙澗側玄堂羽蓋擁團團流膏久矣成芝菌
結蔭終當集鳳鸞雨露春深增怵惕溪山秋晚耐高寒

淮南不用歌招隱留與雲仍百世看

竹桃

仙子吹笙處碧桃花正開花邊有竹實留待鳳歸來

竹菊

曾向山中住黃花爛漫栽主人緣愛竹三徑不教開

竹棠梨

石畔竹扶疎棠梨結子初坐來山雨過濕翠欲沾裾

竹梅

美人湘浦去翠袖倚琅玕橫笛吹霜曉遙知不耐寒

欽定四庫全書

元詩選三集

卷十

送人赴彭湖巡檢

三十六島遠彭湖見說泉南天下無花時小隊旌旗出
處處春風啼鷓鴣

題馬二首

渥注神水與天通汗血淋漓帶赤駿明日甘泉祠泰時
和鑿聲在五雲中

曉來疎雨過沙隄振迅先聞柳外嘶不是圍人調未習

臨流怕濕錦障泥

和西湖竹枝詞

二八女兒雙髻了黃金條脫銀條紗清歌一曲放船去
買得新妝茉莉花

昂吉啓文集

昂吉字啓一作起文本唐兀氏世居西夏昂吉留吳

中舉至正七年鄉薦明年登張秦榜進士授紹興

錄事參軍遷池州錄事為人廉謹寡言笑時往來

玉山唱和為多揚鐵厓送啓文會試詩有云西涼

家世東甌學公子才名久擅場其推獎可知也

芝雲堂以藍田日煖玉生煙分韻得日字

涼風起高林秋思在幽室維時宿雨收候蟲語啾唧池

浮荷氣涼鳥鳴樹陰密主人列芳筵況乃嚴酒律客有

二三子題詩滿緜帙雙雙紫雲娘含笑倚瑤瑟清唱迴

春風靚妝照秋日人生再會難此樂亦易失出門未忍

別露坐待月出

聽雪齋分韻得度字

把酒臨前軒積雪滿行路清唱迴春風夜色在高樹主

人雅好客殷勤道情愫歡極座屢更杯深不知數酒闌

看雪行亭亭水中度

樂府二章送吳景良

吳門柳東風歲歲離人手千人萬人於此別長條短條
那忍折送君更折青柳枝莫學柳花如雪飛思君歸來
與君期但願柳色如君衣

採採葉上蓮吳姬蕩漿雲滿船紅妝避人隔花笑一生
自倚如花妍低頭更採葉上蓮錦雲繞指香風傳殷勤
裁縫作蓮幕為君高挂黃堂邊待君日日來周旋

姑蘇臺送友人之京師

送君姑蘇臺臺前日落雲帆開吳王宮殿已塵土且復
飲我黃金壘吳王宴時花滿屋半酣西施倚闌曲越兵
一夜渡江來從此荒臺走麋鹿與君弔古登高臺青天
萬里雲飛回顧君乘雲上天去思君偏倚臺前樹

虎丘山送友人

別君虎丘山歸雲如鴉松樹間山公聚石坐說法白虎
臺前去復還至今臺上金精伏清氣瀟瀟滿林谷城中
之人豈解事但見寒泉繞巖木君行慎勿停吳舫修名

要與山齊高酒酣君去我亦別後夜山頭望明月

題丹山

昔人仙去大蘭山臺殿空遺石壁間崖瀑四時飛白雪
溪雲長日護玄關青樞露冷從猿采仙木風生看虎還
昨夜洞前新雨過主人留客聽潺湲

七月既望日玉山主人與客晚酌於草堂中有
果既陳壺酒將瀉時暑漸退月色出林樹間主
人乃以高秋爽氣相鮮新分韻余得高字

牕外白雲翻素濤座間翠袖妬紅桃風生楊柳暑光薄
月上芙蓉秋氣高喜近山僧吟樹底更隨仙子步林泉
主人才思如元白日日題詩染彩毫

玉山雅集圖者淮海張叔厚為玉山中極其衣
主人當花柳春明之時宴客於玉山中極其衣
冠人物之盛至今林泉有光叔厚即一時景繪
而成圖揚鐵史既序其事又各分韻賦詩於左
俾當時預是會者既足以示不忘而後之覽是

圖與是詩者又能使人心暢神馳如在當時會
中展玩之餘因賦詩以記其後云

玉山草堂花滿煙青春張樂宴羣賢美人蹋舞豔於月
學士賦詩清比泉人物已同禽鳥樂衣冠並入畫圖傳
蘭亭勝事不可見賴有此會如當年

釣月軒以舊雨不來今雨來分韻得來字

經年不見顧徵士長憶花前共舉杯一路涼風吹酒醒

滿船秋雨載詩來一作樓頭楊柳參差見池上芙蓉取

欽定四庫全書

元詩選三集

卷十

次開獨立水光山色裏雙雙白鳥忽飛回一作來

碧梧翠竹堂

愛爾小軒梧竹好雨晴添得草堂幽挂簷涼月作秋色
遠屋清陰如水流莫剪高枝留宿鳳好依勁節聽鳴瓊
醉來幾度凭欄立但覺蕭蕭爽氣浮

湖光山色樓

危樓倚天何壯哉軒牕八面玲瓏開水搖萬丈白虹氣
山橫十二青瑤臺林光朝開宿鳥散帆影暮接歸雲回

坐久身如在泉石神清骨爽無纖埃

芝雲堂

漪綠園中石一拳十金移得置堂前望中雲氣生芝草
春在仙人種玉田

柳塘春

春塘水生搖綠漪塘上垂楊長短絲美人蕩槳唱流水
飛花如雪啼黃鸝

漁莊

待得桃開泛釣艖春光三月到漁家風迴池上凭欄立
一對鯉魚吹浪花

欽定四庫全書

元詩選三集

卷十

陳秀民寄情橐

秀民字庶子温州人一云嘉興人博學善書為武
岡城步巡檢知常熟州張氏時為參軍歷江浙行
中書省參知政事翰林學士未詳所終考周玄初
霍林集載庶子作來霍詩在洪武己巳二十二年
則知其明初尚在也有寄情橐

至京雜詩

秋氣日淒厲百蟲晨夜鳴白露遍野草微霜忽已凝客

欽定四庫全書

元詩選三集

卷十
六十

子衣袂薄結駕遠遊行俯視離獸奔仰睇孤鴻征宇宙

浩茫茫江河杳冥冥念我同胞子懷憂心煩縈

賦得來蘇舞送朶雅齋監憲浙東

妾本良家子玉顏照明都十三學楚舞十八未嫁夫齊
着纏錦段全臂絡真珠春風轉羅袖明月墜瓊琚一舞
舞渾脫再舞舞來蘇為君千萬舞託君以賤軀

灤陽道中雜興

晨出建德門暮宿居庸關風鳴何蕭蕭月出何團團短

轅駐空野悲笳生夕寒我本吳越人二年客幽燕幽燕

非我鄉而復適烏桓前登桑乾嶺西望太行山太行何
盤盤欲往愁險艱寓形天壤內忽如水上船昨日東海
隅今夕西江邊役役何所求吾將返林泉

送強彥栗歸吳

嗟我吳越人惇惇客燕都凡見吳越一作鄉里士依依不忍
踈况子重信義尤與他人殊寧無情縷綵執手與踟躕

薊門秋月白城頭夜啼烏城中良家子半是南征夫或

欽定四庫全書

元詩選三集

卷十
六十一

從張都護或屬李輕車道傍別妻子泣下如迸珠自非

英雄姿一作具孰使禍亂除戎馬暗中國遊子將何趨并

州非故鄉東吳有田廬子一作君歸慰父母繫我獨何如

燕京客舍送友歸天台

鴈鳴沙漠風秋入燕陵樹客子衣裳單寧不畏霜露驅
車國東門迢迢懷往路尺壁橫道周誰能一回顧登山
豺虎雄入海鯨鯢怒天台隔三江丹霞夾玄霧黃精或
可尋胡麻庶當遇明時有遺佚歸哉保貞素我馬病已

久東西厭馳騫逸駕如可攀吾將執其御

謁賈傅廟

昔讀治安策今謁太傅祠骨鯁有如此英靈或在茲弔
原寧無感賦鵬終有疑直士多放斥佞人每高馳漢文
稱令主逆耳猶見遺如逢昏與暴殺人固其宜湘江有
流藻可以薦明棗塞帝拜遺像流涕滿裳衣

題王長史所画天平龍門圖

月黑山鬼號蒼龍鬪折角仙人一掌擎不令墮深壑秋

欽定四庫全書

元詩選三集
卷十

六十二

高勢峻層日暮氣慘錯闌干冰柱懸凌亂雪花落路狹
僅通人峰寒不棲鶴王侯天機峻躋攀故盤礴寫作龍
門圖奇氣低五嶽神魚息天池有待風雷作

壬午九月九日與郭希仲紀叔維馬希遠飲周

景文晚香堂上紀畫墨菊馬鼓琴既而各賦一

首

去年登堂三月三主人置酒澆春衫今年登堂九月九
堂上主人復多酒馬生彈琴紀生畫郭子題詩美如炙

四明狂客醉欲倒菊花插帽秋光好百年節序能幾逢
人生會合何其少人生會少將柰何為君起舞為君歌
歌殘酒盡更須酌莫待他年白髮多

賦得烏夜啼送蘇彥剛奉母歸汴

城頭月白烏夜啼上下擇木不肯棲昔日養雛今已飛
啞啞喚母登好枝烏啼亦有樹子行得無歸車中孃孃
髮素垂絲旌日向東京馳東京土美桑棗肥衣食可以
無寒飢烏夜啼啼何為歲晏矣歸來兮

欽定四庫全書

元詩選三集
卷十

六十三

題幻住菴中峰和尚蓮池野亭小像

亭前池水生蓮花亭中老禪方結跏雙枝作供淨瓶裏
彷彿玉井銜丹霞世上蓮花亦常有玉堂不比丹青手
水底冰蠶已化龍絕世於今故無偶師是蓮花花是師
亭亭淨植澗不溜胸中五色舌上吐爛漫寫出蓮花詞
世間物物皆為幻我托斯圖作真看君不見中峰峰上
十丈蓮吹香夜夜到諸天

題江山萬里圖

曹郎胸中墨數斗筆下煙雲千萬重崑崙積石泰華接
瀟湘雲夢銀河通岷峨翠流三峽水衡嶽青蓮五老峰
清溪九曲處士屋丹霞百丈神仙宮下有臨淵欲墜之
靈石上有參天不老之長松嵐光雨氣迷遠近咫尺萬
里將無窮誰知大地山河境乃在冰縑意匠中我今撫
卷三歎息畫史真能奪化工

鵲喳喳

鵲喳喳烏嘯嘯飛語流言滿城郭日東升月西落今日

欽定四庫全書

元詩選三集
卷十

六四

之日已非昨貴人有病不飲藥女巫降龍神歌雷雷天
漫漫地漠漠氓之蚩蚩罔知覺馬出河龜出洛天下文
明聖人作

送遠曲

誰令車有輪去年載客西入秦誰令馬有蹄今年載客
過遼西車輪雙馬蹄四念君獨行無近侍婦人由來不
下堂側身西望涕沾裳恨不化為雙玉璫終日和鳴在
君旁

至武岡

家居猶旅食兒子復南征婁縣千江隔都梁百日行雁
書天外遠馬角夢中生食祿非吾願何時復舊耕

至岳州宿岳陽樓

蕩槳遡流光登樓望八荒江山出圖畫天地入舟航夜
靜星文動秋高月色涼題詩懷李白搔首鬢滄浪

山居雜咏

好山看不盡遊罷更須登石屋晴猶雨天池夏亦冰尋

欽定四庫全書

元詩選三集
卷十

六五

仙碧霞裏飛步白雲層松花飄滿地歸路喜逢僧

登靈巖

寶殿壓崔嵬華池頂上開山從太白出水自洞庭來閣
樹聯珠塔巖花照石臺吳王清暑地那得有塵埃

懷古和陳惟寅韻三首

范蠡已霸越功成澹若無扁舟五湖上烏喙不敢呼冥
鴻在寒廓燕雀下萊蕪

兔走要離墳狸啼閭閻墓寶劍生土花銀池浴秋露迢

迢郭西門王輦迷金步

海門潮不至昱嶺掩空關龍隨白雁去何時復南還蕭
蕭禁中樹盡為樵牧攀

寄題集上人清暉樓

山水含暉翠欲流上人於此結飛樓高明不比人間住
縹緲渾如天上遊壁月光涵吳苑夜金蓮香引洞庭秋
幾時借得浮丘鶴與爾題詩在上頭

揚州

瓊花觀裏花無比明月樓頭月有光華省不時開飲宴
有司排日送官羊銀牀露冷侵歌扇羅薦風輕襲舞裳
遮莫淮南供給重逢人猶說好維揚

邳州

青山一髮見邳州落日雲迷故國愁父老空傳黃石在
仙人已伴赤松遊乾坤不信無清氣河水胡為尚濁流
野樹昏鴉棲未定數聲哀角起高樓

溧州望古北居庸諸山

古北居庸一望中風沙滿眼亂芙蓉曦車夜轉崑崙脊
華蓋陰移太一峰金口水流終到海玉泉雲起又隨龍
兩京形勝今如此可擬秦關百二重

湘鄉道中

日暮倦趨山市遠解衣聊復憩巖阿雲迷險道藤穿石
水落懸崖草亂坡木客下時人迹少鷓鴣啼處客愁多
向南言語憑誰辯莫問蠻方事若何

五月九日調軍入綏寧是夜宿風門嶺值雨

五月官軍入不毛重岡複嶺接天高小臣報國寧辭死
大將行兵無乃勞漠漠野煙啼魍魎陰陰山木挂猿猱
二更風雨來關峽自喜挑燈看寶刀

西湖竹枝歌

鴛鴦宛在水中央恰似阿儂初嫁郎擲却郎君金彈子
勸郎切莫打鴛鴦

姑蘇竹枝詞

吳門二月柳如眉誰家女兒歌柳枝歌聲娟娟嬌無力

恰如楊柳好膏肢

吳中柳枝七首 錄五

長洲宮苑艸離離中有吳王舊沼池至今二八吳中女

為人歌舞學西施

館娃宮中花似雲館娃宮外酒如春花前把酒花下醉

莫遣春愁惱殺人

姑蘇城邊楊柳絲千絲萬絲垂參差柳絲雖長不禁手

難織迴文錦字詩

欽定四庫全書

元詩選三集

卷十

棠梨花開郎出門宜男草生妾思君如何宜男草上露

不濕棠梨花底雲

白日欲暮入空房手把銀燭照西窗繡幃芙蓉開兩兩

金屏翡翠立雙雙

題竹

蒼林曉落天上雲萬頃瀟湘翠波冷月明葉葉秋無聲

著我扁舟臥清影

煙波晚櫂圖

東林待月月未出長江走煙波著天青山回首不可數
幾點白鷗飛過船

陪同同待制遊南城

城南百花开滿洲城中主人招我遊急喚吳姬歌小曲
莫令花落起春愁

寄紹興呂左丞

後來江左英賢傳又是淮西保相家見說錦袍酣戰罷
不驚越女采荷花

欽定四庫全書

元詩選三集

卷十

按輟耕錄云張氏據有平江部將呂珍守越來軍陳庶子饒介之在左右
一日陳賦此詩饒染翰題扇以寄呂詞翰雙絕呂倩人
誦罷大怒曰我為主入血戰守封疆豈愛一女子不忍
驚乎見則必殺之

周玄初來宦詩

洪武己己

天外誰呼衆宦來壇前道士本仙才月明遼海通三島
能載飛瓊數往迴

陳雷窳菴集

雷字公聲秀民之子有窳菴集公聲詩尤工近體
如寄王近智云煙邨白屋留孤樹楚水危橋踞臥
槎奉雲門張布政云月轉桐陰書帙靜幕深花影
吏人稀皆佳句也

春日懷周葵窗助教

紫燕黃鶯來去飛綠楊煙暖午風微先生倚杖花邊立
童子舞雩川上歸景物自隨幽意得世情渾與此心違
緣知野馬多如許不染春雲白練衣

欽定四庫全書

元詩選三集

七十

題方氏澄心亭

澄心亭子水之渚結構空涼也自竒已映渚蒲青間出
更涵沙竹翠相宜寒漿玉露銀牀凍碧甃銅瓶紫綆垂
到此不因同靜者湛然方寸與誰知

題楊氏問月軒次周葵窗韻

我欲停杯問廣寒中間宮闕幾時安丹梯有影非難上
玉斧無痕許借看不信藥成煩老兔誰憐挂冷濕青鸞

相逢今夕知何夕莫笑清狂興未闌

寄劉仲原經歷

鴛鴦湖水漾晴暉鏡裏遙峰入望微槐蔭午衙書帙靜
蓮香秋幕吏人稀青雲步穩名逾重白石歌長願已違
他日相逢話疇昔應憐憔悴不勝衣

自城東復向感化舊居留別徐德厚

孤雲無定水悠悠又復攜書返舊丘橡栗樹空猿叫夜
蒹葭霜冷鴈知秋嬾梳白髮頻搔首笑對青山獨倚樓
暇日清遊可乘興到門題鳳亦風流

欽定四庫全書

元詩選三集

七十

題徐思敬瑤池小景

縈泉疊石帶煙霞此景人間有幾家錦字書傳青鳥使
玉簫聲繞碧桃花雲容窈窕誰能寫月色嬋娟我欲賒
不待扁舟乘興去珊瑚長拂釣竿斜

早春寄周致堯

百年身世渾如寄何處他鄉是故鄉柳態正須春弄色
梅花自與雪生香揚雄寂寞莫玄猶白賀監風流醉亦狂

倘許勝緣同晚歲梨林風致即柴桑

梨林致堯所居之地

竹所次盛孔昭韻

萬玉森森護草堂八窗虛敞夏生涼清脩迴出風塵表
瀟灑駢生水石傍淨掃莓苔聽翠雨閒題詩句洗鉛霜
箨龍更放新梢出相並梧桐宿鳳凰

秋望

西風涼冷氣蕭疎對景誰能寫畫圖紅樹離離變霜色
黃沙渺渺帶煙蕪嵐消斷壁山容瘦水盡遙天雁影孤

欽定四庫全書

元詩選三集

卷十

乞我五湖舟一葉也應託興為尊鱸

寄隱者

地隔煙霞絕垢氛悠悠世事了無聞漁樵來往頻分席
麋鹿尋常不離羣花下一尊黃菊露松間千頃紫芝雲
箕山潁水風流遠誰謂高情屬隱君

霜

悲角奏梅花江雲冷萬家不知青女妬却道棄鉛華

題秋江待渡

遠岸白沙渺渺疎林黃葉離離莫怪行人爭渡却深躅

月歸遲

題畫馬

赭袍烏帽立奚官牽出春風十二閑不屬丹青傳寫妙
龍媒何得至人間

紅梅

姑射仙人下杳冥綃裳環珮玉泠泠香魂誤入羅浮夢
幾度微吟喚得醒

欽定四庫全書

元詩選三集

卷十

方行東軒集

行字明敏黃巖人國珍子至正間授江浙行中書省參知政事調江西未詳所終所著東軒集其弟明則繕寫成帙宋學士濂評之曰古詩俊逸超羣如王子晉鶴背吹笙隨風抑揚聲在雲外律詩清麗婉切譬猶長安少年飲酒百華場中鶯歌蝶拍春風煦然撲人終日傳杯而醉色不起詩人之趣至是亦可謂之不凡矣按孔從善續龍爪石壁題

欽定四庫全書

元詩選三集

卷十

句謂行以義兵萬戶守昱關再戰不利退守札溪題詩石壁自剄而方參政行別傳云宋濂序曰明敏仕於元嘗參知政事於江淞行中書按方國珍據慶元姪明善據溫授江淞行省平章又有明鞏明謙者明敏或其羣從也復見心蒲菴集夜宿東軒簡方明敏大參詩云重來濠上得盤桓翦燭東軒坐夜闌國初元臣倒安置濠見心奉詔住鳳陽與明敏數倡酬知明敏亦徙濠也沐景顯滄海遺

珠多載國初成濠之詩而明敏與焉知徙濠後又

謫滇也余之初考如此及觀表忠徹古今識鑒云方明敏國珍子也柳莊相之曰君邊庭赤氣如刀劍紋二九日有陞進隨從父克太倉授分省參政調江西乃知明敏為國珍之子前元之陞授實以國珍奔子之役而余初考為未詳也表記又云洪武戊午國珍已沒明謙受剝膚之刑舉族累禍則明敏或於此時得以從輕典戍滇也洪武實錄載

欽定四庫全書

元詩選三集

卷十

國珍質子曰闕曰元後與其子明完明則俱降完小名亞闕闕即完也宋濂神道碑載子男五人其二則禮與完國珍病亟時授官以慰之者其三曰本則安則未知此五人者孰為明敏者也國珍諸子姪內附前後名字竄改更互不可考覈史家闕誤若此者多矣豈獨杞宋無徵為可歎哉國珍竊據時招延文士薩天錫朱右輩咸往依之劉仁本詹鼎則親近用事潛溪盛稱明敏襟度瀟灑善談

名理於書無所不讀則明敏於國初居然勝流未
可以揚山遺種而誚之也慶元之父子淮張之兄
弟右文好士皆有可書志勝國羣雄者無抑沒焉
別傳之所載如此姑兩存之以俟他日更考云

古意

青松百千尺亭亭蔽浮雲下有螻蟻穴上有烏鵲羣兔
絲附其枝茯苓陰其根盤踞託厚地實維造化神玄冬
霜霰繁積雪埋崑崙萬卉皆凍死此物獨孤存我將比

欽定四庫全書

元詩選三集

卷十

蟠木坐閱三千春

清麗曲

江花繞瓊闕綠水帶朱樓開宴坐清夜飛觴凌素秋美
人明月佩仙容紫雲裘生世真飄忽應當秉燭遊

懷丁鶴年高士

白雲生虛堂滄江夜來雨念子素抱清守道猶處女離
別月幾圓流光歛如許佳期悵芳歲緬懷在知己

和蒲菴禪師查峰夜坐二首

在昔多宿願志藏巖壑間朝看飛鳥出暮逐浮雲還微

雨南澗來涼颭滿空山振衣千仞外逸駕誰能攀

人生固恒理萬化俱同源素抱既不展淹留復何言願

期高世翁談道窮晨昏空林冀有約違已非所論

題邊文進仙山樓觀圖

仙人散髮懸雙瞳能移崑崙開華嵩為我一掃瀛洲趣
中有千年不死青芙蓉飄飄烟霞入君手深林蔽暮桃
源口蒼烟颯颯鸞鷲飛丹崖怳怳龍驚走赤城掩靄天

欽定四庫全書

元詩選三集

卷十

姥迴石梁倒挂雙瓊臺桃花半壁鏡中見古木盡化青

猿哀素娥迴廳下瑤殿明星玉女長相見邀余為作商

山歌坐看桑田幾經變丹霞亂飛桂樹表手翳瓊枝拂

瑤草天風吹入西瑤池王母秋眉颯老瑤池花暖春

未凋三十六宮散瓊瑤青霓錦帔耀雲日上元月下來

吹簫吹鳳簫兮繫霜絲君亦胡為弄參差他年儻惠金

鵝蕊寄聲蓬島長相思

題吳彥嘉所藏張秋蟾龍圖

張公画龍人不識筆法遠自僧繇得挂向高堂神鬼驚
恍忽電光來破壁夜當渤澥開筆力元氣淋漓浸無極
吞吐日月天地昏摩蕩雲雷太陰黑江翻石轉官莫測
一作窮雪濤捲空銅柱側洞庭扶桑非爾誰顛倒滄溟為
窟宅乃知前圖只數尺坐令萬里起一作生古色何當置
我君山湖上之高峰聽此老翁吹鐵笛

觀吳孟周司訓真草書譜

古來書學宗史籀竹簡遺文象科斗鍾張真草更入神

欽定四庫全書

元詩選三集

卷十

片楮至今藏不朽先生下筆絕代無鳴玉綰結青珊瑚
况聞篆隸太倔強百金一字傳東吳墨池浸沒元兔頰
魑魅反走空堂靜金戟交撐日月輪銀鈎倒畫龍蛇影
歐虞褚薛真出羣精妙只數王右軍英姿老氣欲飛動
懸珠快劍相紛紜嗚呼百世誰復識我今作歌重刻石
莫同繭紙舊蘭亭闕入昭陵永難得

東歸謠送貝仲瑀回吳中

天目青逾藍上有危峰橫空插漢高巉巖滄海深莫測

下有六鰲迭負蓬壺方丈於其側山峻極兮水波瀾千

盤萬折行路難愁看混沌開鑿處尚有斧跡留人間父

山仙翁髮如雪曾蟠太和吐日月手中鍊石輕女媧五

色曾將補天裂憶聞羽客從之游青霞光亂雲錦裘金

雞叫海白日慘桂樹四落空山愁昔年寒月照樽俎明

珠百斛輕于土君山鐵笛悲向人羞殺堂前柳枝舞君

歸東吳懷故廬明星古宅非吾居會稽泖泮淞江險誰

探千載太史禹穴之遺書興因東歸發遂作東歸謠他

欽定四庫全書

元詩選三集

卷十

年相憶五情熱應知淚濕雙龍綃

和馬貫五松小龍女歌

五松小姑龍帝女綽綽飛璫夜行雨天吳移海醉不歸

江色十年作誰主漂星輾月流翠滑青霓曳裾玳牕八

同心鏤結寄玉郎復疊氎氎製霞鞵玉罌轉水月獨漉

綵縵香裾感蘭屋閒擲明珠贈宓妃一片長眉寫新綠

罍恩瑤殿罩何年排空鳳管衝九天割鮮不食起鳴絃

水波帖玉無驚烟

復和五松小龍女歌答盧軒

東方龍君降靈女騰颺曳烟軋腥雨撲花掃海神為悲
玉帝封為九河主貝宮銅龍刺雲滑彤臺闔玉蛟柱八
瓊絲絡鳳騎紫霞金帖瓏瓏水晶鞞鰲頭牽波月簌漉
翠幄銀屏沓珠屋倒宰天瓢澆火龍九點齊州一時綠
搗鐘歡飲邀萬年花宮盤盤象青天湘妃獻樂鼓水絃
下窺四海銷氛烟

贈相虛中上人

一室安禪久三生結願頻傳經來帝子送食下天神水
月虛空相山雲自在身慈航如可渡應許姓龐人

過太湖

震澤留遺號行人指太湖封疆連舊壘形勢壓全吳水
落魚龍蟄天寒鴈鷺呼扁舟思范蠡吾亦老樵蘇

過延陵

延陵懷季子遺跡古城東異代丹青在千年祭祀同高
情思挂劍遠識紀觀風欲問吳封處蒼烟落照中

欽定四庫全書

元詩選三集
卷十

全

寄蘇太史

城隅分守地江上斷腸時感此一日舊坐令千里思青
雲當自力白髮不須悲澤國多鴻鴈南來好寄詩

留別選禪師

分經蓮漏下幽徑石苔封却笑此時別更於何日逢敲
門思看竹解榻愛聽松明發孤舟去江雲千萬重

遊槎峰

北極高臨復道低金銀臺殿與雲齊山中日月開新教
海內文章憶舊題西澗水深龍已化東峰樹老鶴同栖
清游更擬陪諸老絕壑天風散杖藜

登秦駐山

此地曾經駐蹕來秦皇遺跡尚崔嵬採窮滄海無靈藥
歸到驪山有劫灰萬里黑風迷鬼國一杯弱水隔蓬萊
詩人弔古應多思落日高丘首重回

登子胥廟因觀錢塘江湖

吳越中分兩岸開怒濤千古響奔雷子胥不作忠臣死

欽定四庫全書

元詩選三集
卷十

全

勾踐終非霸王材
歲月消磨人自老
江山壯麗我重來
鴟夷鐵箭俱安在
目斷洪波萬里回

送賈彥臨訓導霍丘

中都會面得從容
兩載同聽長樂鐘
天近君門嚴虎豹
地寬人海混魚龍
承恩自合歸宣室
論道安能老辟雍
江柳春花增別恨
白頭何日更相逢

送僧遊浙西

可歎浮雲無定棲
錫飛還向浙河西
杯從揚子江前渡
詩到生公石上題
說法蓮臺花雨墜
安禪芝室夜星低
他年元亮如同社
相送無勞限虎溪

送殷文學之關中

博士才名成老翁
又隨聲教向關中
百年禮樂今重見
萬國車書喜會同
泰華雲開仙掌出
昆明水冷劫灰空
他時太史瞻星地
應說奎光聚井東

謝山中惠灰

山木燒餘遠寄將
色如玄玉淺含霜
光浮上室三冬煖

氣逼寒爐五夜長
吐出葛洪驚滿口
吞來豫讓豈充腸
從今煨芋巖前客
笑指東風石鼎香

陳虛中外史煮石窩

仙人高隱五雲邊
煮石曾令夜不眠
世上已聞餐玉法
山中休種采芝田
丹爐藥與青猿守
瀛海書從白鶴傳
歌罷洞庭明月裏
祇應微響落中天

山牕獨坐

日落大江黑
月上萬山靜
獨客坐寒牕
孤雲起前嶺

欽定四庫全書

元詩選三集

卷十

楊柳詞二首

韶華無限暗中消
搖蕩春光幾萬條
却怪晚來風定後
雪花飛滿赤欄橋

曲江南陌亂垂烟
勾引春風入管絃
惆悵幾枝憔悴盡
與人長繫別離船

題美人圖

白玉簾開露氣浮
芙蓉花近紫金鈎
陽春一曲無人識
空拂銀箏下翠樓

閒居

絃管春深繞画樓微風吹動玉簾鈎
倡條冶葉俱無恙相伴丁香結暮愁

山中絕句

滿溪流水碧於苔無客重登舊釣臺
惟有多情沙上鳥向人飛去又飛來

江南詞

暖氣晴嬌杜若洲沙頭狂客繫蘭舟
采蘋多少江南女

欽定四庫全書

元詩選三集

卷十

搖蕩春光不自由

夜坐

蘭缸滅盡換寒更一枕餘香玉雪清
怪殺無情樓上笛攪人春夢到天明

孔從善足成詩一首附

從善字口口永嘉人方行以元義兵萬戶守昱關
與明兵再戰不利退守扎溪題怪石落花一聯於
石壁遂自剄從善為足成之

續龍爪石壁題句

萬里西風起馬蹄金戈回日塞雲低
未為豫讓先七趙欲効田單獨報齊
怪石有痕龍已去落花無主鳥空啼
至今天與英雄恨嗚咽泉聲下扎溪

欽定四庫全書

元詩選三集


卷十

元詩選三集卷十

謹案第九頁前四行哈喇布哈舊作合刺普華今

改

欽定四庫全書



總校官候補中書臣吳紹潔

校對官庶吉士臣曹錫齡

謄錄監生臣楊愈柳

欽定四庫全書薈要

集部
元詩選三集卷十一

欽定四庫全書薈要卷二萬四百六十五集部

元詩選三集卷十一 長洲 顧嗣立 編

高明柔克齋集

明字則誠永嘉平陽人至正五年張士堅榜中第
長才碩學為時名流授處州錄事辟丞相掾方國
珍叛省臣以溫人知海濱事擇以自從與幕府論
事不合國珍就撫欲留置幕下即日解官旅寓鄞
之櫟社沈氏樓居因作琵琶記記成時清夜按拍
歌舞几上蠟炬二枝光忽交合因名曰瑞光樓明
太祖聞其名召之以老疾辭還卒於家所著有柔
克齋集詞章斐然東海趙汭稱其學博而深才高
而瞻云

宿先公房曉起偶成

曉雨池上來微風動寒綠幽人睡初起開窻見脩竹西
山帶曾雲隱隱出林木境寂塵自空慮澹趣常足獨坐
無晤言流泉下深谷

詳校官編修臣王天祿



欽定四庫全書

元詩選三集
卷十一

夏夜獨坐簡胡無逸二首

夜靜坐前軒明月方皎皎大火既西行涼風在木杪庭際促織鳴涼露下芳草緬懷羈旅人重感歲時老安得躋空同一問廣成道

夜久羣動息境寂無炎蒸涼飈散浮雲惟見河漢明緬懷塵紛勞喜際夜氣清安得舍所趨白日澹無營仰看斗柄移耿耿低玉繩天運亦有常吾生何時寧

楊季常約至山中既而不果因以詩寄三首

仙人海上來駕言遊蒼冥乃逢浮丘伯駐之紫霞城鳳凰不可招梧桐何青青焉知碧山月期子待吹笙

天寒木葉下短景淒其清幽居有所思振衣臨黃庭仰觀冥鴻飛竟與浮雲迎悵望不可見空山暮雨生

秋菊有餘色可以慰幽情豈無一樽酒泛此黃金英美人久不來歲晏霜露零坐感芳草歇佳期悵未能

題蘭

美人在空谷娟娟抱幽芳長林自荆棘安能蔽馨薌借

君水蒼玉與我紉佩纁願結善人交歲晚無相忘

賦幽慵齋

閉門春草長荒庭積雨餘青苔無人掃永日謝軒車清風忽南來吹墮几上書夢覺聞啼鳥雲山滿吾廬安得嵇中散尊酒相與娛

王節婦詩

清清慈谿水蘋藻被涯涘昔年脩婦職采蘋薦明祀殷勤執豆籩齋肅事君子一朝雙鴛鴦別離隔生死死者

無還期生者當同歸奈何姑嫜老重以膝下兒升堂奉

甘脆篝鐙訓詩書庶以未亡人慰彼泉下思谿水彼可竭妾身不改節谿水有停汙妾心但明潔熒熒瑤臺鏡

玄髮今已雪孤鸞雖不舞寒影自澄澈谿水常流東餘波總相從結髮為夫婦永別何由逢青山有玄寂百歲須當同願言合歡樹化作壠上松蔦蘿更纏綿相依無

終窮

昭君出塞圖

竟寧關氏出塞城聲婆聲斷淒龍庭邊雲竟與漢月隔
野草空作春風青漢廷公卿無遠舉忍遣嬌姿去華土
豈知劉白與楊樊復把丹青罔人主當時國計不足論
佳人失節尤可歎一從雕陶莫舉立回首不念稽侯獮
網常紊亂迺至此千載玉顏猶可恥蛾眉儻不嫁單于
滅火安知非此水良工妙畫不必觀勿因一女譏漢元
官闈制馭苟失道肘腋變起非一端君不見玉環自被
祿兒污豈是丹青解相誤

欽定四庫全書

元詩選三集
卷十一

題支離叟

錢塘門裏支離叟短髮蕭疎色鰲垢雪霜歲晚結輪囷
風雨年深增老醜挫鍼治繻總無能欲與冥靈齊上壽
天公怒此怪且孺勅遣靈官下搜取勾婁吉利忽飛來
虎倒龍顛盡灰朽女蘿飄騰白鶴去琥珀迸流青羊走
繁陰已逐謝仙車枯榦徒存韋偃手邇來好事猶痛惜
歎息形模無復有寧知百年皆夢幻靜看萬變互紛揉
榮枯相尋無已時成壞有數原非偶南山誰信梓化特

昆侖俄驚柳生肘朝菌何曾閱晦朔棧樸那知避薪樵
全軀孰似櫟杜樹絜之百圍今在否人生根蒂不可牢
况為草木計近久野客空歎倚江柵老奴謾泣琅琊柳
寒煙落日西湖邊衰草荒廬園數畝不見當時鐵門限
春蚓秋蛇徒蚴蟻玄雲飛盡墨池空直寄亭前誰酌酒
西湖葛嶺瑪瑙寺僧芳洲有古琴二一名石上
枯一名蕤賓鐵為賦詩二首

欽定四庫全書

元詩選三集
卷十一

葛仙嶺上瞿曇宮老僧雪眉覆雙瞳奇琴久蓄款識古

云是零陵水邊石上之枯桐憶昔蛟龍宅其淚霹靂斬
龍樹亦死道人作琴傍水彈幾夜湘江泣帝子邇來居
我瑪瑙坡聲價壓倒伽陀羅嵇心羊體妙相得有耳不
聽西湖歌松窗茶屋夢初醒別鶴淒淒怨煙嶺隔水通
仙夜不眠聽盡梅花山月影

師琴名以蕤賓鐵豈是七絲專一律古來聲律商與宮
一百四十四調終於一又聞古鐵能解音何況聖人所
作之雅琴琵琶纔聞鐵自躍萬物豈不通琴心憶昔重

華為民鼓拂拂薰風吹下土九官佩玉和鏗鏘鳳皇來
儀百獸舞無情相感若有情蜀山欲破銅先鳴從今却
笑陶淵明胡為不取弦中聲禪關萬竹淨塵垢月出西
湖照窗牖此時請師為鼓一再行試聽還有鐵聲否

題畫

秋山積雨清浮埃曉日照耀金銀開草堂陰深冷竹樹
石梁滑遶欹莓苔千峰蒼翠淨如拭白雲不放楓葉赤
何人艇子出清江水落山高如赤壁昨夜天寒霜露零

欽定四庫全書

元詩選三集
卷十一

六

山人不歸猿鶴驚孤松三逕依舊在僮僕正遲陶淵明

題畫龍

何人咒縮昆明水一夜溪邊紅葉起銀河捲上洞庭峰
橘樹寒煙秋色裏恍如陵陽竇子明又疑句曲茅初成
淋漓元氣無青冥馬鬣搖動天瓢傾乾坤萬里蘇旱暵
草木無言生意悅歸來高卧碧潭雲獨抱神珠弄明月

題畫虎

秦宮紫玉忽變神似來潯陽訪石人黃公赤刀制不得

吼怒驚倒衰將軍固知兩脅橫乙骨莫令雙耳多生缺
黃蘆風緊殺氣寒嘯聲撼動秋山月山空月冷不可留
人間苛政皆爾倚踟躕亦欲渡河去劉昆宋均今有否

題蕭翼賺蘭亭圖

客舟夜渡中冷水空山不見羲之鬼驪珠飛去龍亦驚
月落空梁僧獨起銀鈎繭紙歸長安蓬萊宮裏人爭看
一朝風雨暗園寢玉柙槌碎昭陵寒龍眠畫手元暉筆
當時曾笑蕭郎失至今二子亦何在久與蘭亭共蕪沒

欽定四庫全書

元詩選三集
卷十一

七

人生萬事空浮漚走舸復壁皆堪羞不如煮茗卧禪榻
笑看門外長江流

白紵篇送顧仲明

吳中二八深閨女生來不學唱金縷纖纖素手青燈前
織得寒機成白紵裁縫熨貼為君衣春天衣著生光輝
明珠為璫璧為佩同此素色無相違一朝送君江上別
歲晚關河積風雪生知白紵不勝寒但喜君身常皎潔
君不見東鄰少婦織錦工織作步障圍春風春風一去

花草歇金谷寒蛩怨秋月何如潔白長相守尊中有酒
為君壽人生温飽不足多莫羨東家著綺羅

采蓮曲送越中吳本中

越江芙蓉開若雲越中兒女紅襦新年年采蓮江浦口
扁舟遙唱江南春凝情倚棹送行客折得芙蓉贈行色
南風吹作滿袖香令人別後長相憶君心如花不汚泥
亭亭潔立當清漪花容不逐秋風老知君交態無榮衰
人生百年幾回別莫惜芳菲為君折芙蓉落盡秋江空

欽定四庫全書

元詩選三集
卷十一

千里相思共明月

次韻酬高應文

曾向天涯釣六鰲引帆風緊隔銀濤江山有恨英雄老
天地無情雨露高七國遊談厭犀首十年奔走歎孤毛
爭如蓑笠秋江上自鱸鱸魚買濁醪

和李別駕賞牡丹

絳羅密幄護風沙莫遣牛酥汚落花蝶夢不知春已莫
鶴翎還似暖生霞詩成金字懷仙客手印紅脂出內家

獨羨沉香李供奉清平一曲度韶華

吳中會宋行之庫使時貢金北土

樓船曉泊蘇臺下官舍梅花暖欲開千里關河同客思
一川風雨送離杯黃金壓馬日邊去綠樹迎人天際來
後夜思君望天北使星應合近三台

同裕勒雅克明省郎

搖落關河萬木空征途日莫感飄蓬天寒為客吳江上
夜雨讀書山寺中伯樂何時過冀北揚雄謾自賦河東

欽定四庫全書

元詩選三集
卷十一

黃塵冉冉貂裘老殊愧南鄰桑苧翁

送朱子昭赴都

西陵潮落船初發念子辭家去覓官直欲持書上光範
不妨賣藥過邯鄲黃河雪消水亂走紫禁花濃春尚寒
如此江山足行樂莫將塵土汚儒冠

寄屠彥德并簡倪元鎮二首

水驛燈明漸掩扉雨中何處暮山微蕭蕭落木征帆過
漠漠長河一雁歸歲晚仲宣猶在旅年來伯玉自知非

久拚華髮添青鏡未許淄塵上素衣

故人今作祇陀客想見天寒尚倚樓江海暮雲多舊友

關河夜雨有孤舟桓榮學業仍稽古李廣才名未得侯

何似雲林倪處士焚香清坐澹忘憂

送蘇伯脩參政之京兆尹任三首

日月垂光照海濱東南聲教一作屬儒臣九天雨露金

甌重萬里山河玉燭新田疇年豐多一作貢賦江湖秋

靜息風塵此行宣室須前席賸有嘉謨為上陳

欽定四庫全書

元詩選三集

十一

上苑東風珂珮鳴宮鶯初囀隔花聲天清北口煙塵淨

雲去西山雨雪晴畿甸居民瞻奉使衣冠國子拜先生

漢家張趙何須數待看臯夔致太平

天上神仙白玉京煙花繚繞鳳皇城端門日上紅雲動

太液春寒綠水生封事曉當香案奏奎星夜接泰階明

更看鼎鼐功成後綠夜堂深遂素情

和趙承旨題岳王墓韻

莫向宗周一作中原歎黍離英雄生死係安危內廷不一作忽

下班師詔朔漠全歸大將旗父子一門甘仗節山河萬
里竟分支孤臣猶有埋身地二帝遊魂更可悲

積雨書懷

曉來深院生寒思五月江城尚袂衣新水池塘魚暗長

溼雲樓閣燕低飛飄零王粲辭家久牢落潘郎感髮稀

却笑炎威都洗盡夜涼疎雨亂螢微

送徐方舟之岳陽

布帆高挂發吳歌巴陵到時秋思多涼風漸落君山木

欽定四庫全書

元詩選三集

十二

明月正滿洞庭湖丈夫壯遊有如此人生清事能幾何

想見題詩搜景物夜深風雨泣湘娥

丁酉二月二日訪仲仁仲遠仲剛賢昆季別後

賦詩以謝

隱君家在越江邊煙雨江邨繞舜田玉樹郎君宜采服

紫荊兄弟正青年山雲曉閣讀書屋湖水春明載酒船

何日重來伏龍下參同契裏問神仙

子素先生客夏蓋湖上欲往見而未能因賦詩

用簡仲遠徵君同發一笑

夏蓋山前湖水平楊梅欲熟雨冥冥吳門亂後逢梅福
遠海來時識管寧野霧連邨迷豹隱江風吹浪送魚腥
伯陽舊有參同契好共雲孫講易經

寄裕勒雅克明省郎二首

十五明星近紫宮熏爐香裏珮玲瓏省郎趨幕皆時彥
元帥臨邊斲總戎黃閣風雲蓋盛世蒼生霖雨望羣公
當年禮樂三千字今日須看及物功

欽定四庫全書

元詩選三集

卷十一

處士祠一作湖邊梅已放遙知載酒到巖阿西山煙靄連

朝好南省官曹暇日多詞客錦箋題水調佳人翠袖拂
雲和馬蹄蹄踏黃昏月一路清香送玉珂

開元人物圖

憶昔開元有道時官僚濟濟盛威儀樓通華萼諸王過
仗入芙蓉百辟隨回首漁陽急擊鼓傷心劔閣駐旌旗
曲江廢苑重歸日舊日宮奴鬢亦絲

過達天山別駕所居

暨陽別駕真清官彈琴誦書民自安幽居恰一作近范
蠡宅官舍政俯西施灘水聲入林竹根冷山雲落几香
爐寒有客打門求妙墨家僮莫放硯池乾

送張從善

四海張公子才華重縉紳蚤從樞府辟已踐屬車塵通
籍聯清禁嚴更列近臣周廬金帳曉巖室玉墀春馬潼
桐官酒熊脯少府珍青冥多雨露黃道煥星辰往事疑
皆夢浮名笑此身馮唐雖磊落顏駟竟逡巡歲月黃塵

欽定四庫全書

元詩選三集

卷十一

老關河白髮新還家見江總舉事誠陳遵春水桃花鯁
西風笠澤尊扁舟五湖客陽羨一歸人我惜交遊晚相
期意氣真冥鴻何杳杳斥鷃自跋跋斜日橫江路寒雲
隔水濱何時謀一壑卜築願相親

石門山

艤舟懸碇入蒼扉滿地秋雲冷溼衣萬古石門局不合
半空瀑布雪常飛猿收松子和煙落鶴伴琴童帶月歸
獨有謝公詩句好至今山色紀餘輝

題孟宗振惠麓小隱

宗振孟后之裔

汴水東邊楊柳花春風散入五侯家繁華一去江南遠
閒汲山泉自煮茶

題柯敬仲竹石

珊瑚樹倚碧琅玕曾入西清畫裏看今日五雲仙閣遠
夢回煙雨楚江寒

莫春即事

楊柳樓前白鼻騮金鞍被了喚名娃重簾深處無風雨

欽定四庫全書

元詩選三集
卷十一

十四

肯信春寒瘦杏花

喜晴

刺桐花開山雨晴綠樹上有黃鸝鳴杖藜出門看山色
恰見小池新水生

題青山白雲圖

昨夜山中宿雨晴白雲綠樹最分明茅堂早起無他事
去看谿南新水生

此余往日在越中錄寄倪仲權之詩今十餘年矣意其不投之苦海則亦當供萱蒙矣仲權乃裝潢為卷

快列之於諸名勝間矧當時事鞅鞅世方以斯文束
高閣而仲權於朋友之片言隻字亦無遺棄亦可見
其好尚之清交道之厚而不為世變所移者也惜也
予之學問名位視往日不少加進徒負故人期待之
意耳展卷一覽慨歎不已因書
於左方以自警云永嘉高明

欽定四庫全書

元詩選三集
卷十一

十五

吳克恭寅夫集

克恭字寅夫毘陵人好讀書以舉子業無益於學
遂力意古文其為詩體格古淡為時所稱翰林老
成皆與之交多游雲林及玉山至正壬辰斬黃寇
陷常州守吏望風奔潰未幾江浙平章定定來尅
復寅夫與趙君謨等俱以從逆伏誅嘉興張翼翔
南作忠徐倡詩有顧守臣鉅儒汗慙銜愧死莫懲
蓋指寅夫等而言也

欽定四庫全書

元詩選三集

卷十一

道傍古墳

孤墳兩松樹風起秋陰暮日出沙草黃野煙白於霧斯
人蓋棺定長夜無由寤浮生竟何為陡覺傷馳驚二氣
積慘悽山川莽迴互何不學神僊翰飛飲朝露悲哉茂
陵骨曾為學仙誤

賦翟志道家三琴翟年五十九以青陽縣令引

年蓋高士也

翟公家三琴粲粲金玉微觀其記中語熟讀令人唏玉

微落將家蹴踏當林闌齟齬蛇蚶紋手澤自淮淝金徽

差小闕王生舊所遺生居湖山居襜襜者深衣憶別三

十年老大減腰圍又有墓中者才德婉而微其初來薛

氏斲者識雷威薛亦亂離得最後歸林扉公云皆我友

愛比玉與璣昔公為縣令寧棄笏與緋胡此獨不釋謂

是古音希我嘗聽公彈空齋坐忘飢松飈度落雪竹日

流清霏或時作龍吟華玉吼朝曦或時嶺猿叫夜磬空

霜飛或時呈瀏亮露鶴鳴江磯高情寄絕代妙在神氣

欽定四庫全書

元詩選三集

卷十一

機感深動惻惻望洋見頽頽浮雲琵琶箏俗耳濁是非

藉此羅酒肉識者恒諷譏儻生盜跖粟寧死首陽薇周

公不可作孔子將安歸猗猗林下蘭庶草聯芬菲春天

不得佩歲晚還闕噦請公操此曲古道資憑依公坐默

不應面牆看蜘蛛

題白雲窗

白雲本無心迺生窗牖間崇朝寄所託日晏澹忘還竝

秀綠蘿雨餘潤紫芝田悠悠將無同翳翳還自然欲得

此中趣惟觀天際山獨想陶弘景令人心意閒

倚雲樓為至上人賦

至公好樓居揭以倚雲名雲虛不可倚直欲觀崢嶸
爾山中起油然石上生溼衣沾弱絮過角弄輕英最覺
凌霄迴還看映日明透迤成故事憑藉足高情懷哉虞
太史題詩為刻楹

見山亭為洞神宮主江濟川賦

本是江總宅晚為老氏宮軒豁此亭子樂哉同姓翁盤
礴青溪上睥睨白門東雲林肅仙氣道德揚清風見山
便自好何必居山中悠然今古意此事將無同

早行

溥雲斂徂暑陰火鍊金精瞻彼河漢白林園風亦清肅
肅郊鴈翔嘒嘒山蛩鳴吹笳者誰子三五柳邊城城門
一何高岐路百從衡諒無楊朱泣悠然白首情

谷口歌采榮

谷口歌采榮松閒吹玉笙如無此時興何處有高情唐

欽定四庫全書

元詩選三集
卷十一

六

虞讓天下巢許擅其名哀哉和氏璞獻者楚王城

草生可攬結

草生可攬結衣敝香不滅風吹古別離換我青青髮去
年往燕趙今年來吳越各自有情人驚膏化為血

送黃秘書歸金華

作於張貞
居靈石鵑

秘書古壘洗金玉閒追琢真之宗廟間乃復敦素樸科
詔昔求賢明經以為學君雖第三甲文氣已磅礴鳳毛
聯五色麟定峙一角于時日正中青冥翔寥廓迄今半

欽定四庫全書

元詩選三集
卷十一

九

臺省往者俱館閣枚數盡英雄隱顯闕述作偉哉尚書
宋繼起秋天鶚一魁四海望旋復淒夜壑盛衰互絕續
天意豈厚薄吾子幸老翁掛冠彌矍鑠安車大江左杖
藜名山郭清言窮理窟私淑仰先覺况及大夫公生世
縻好爵述德紀豐碑山木工則度宛宛白下虹剡剡翠
螭爆無雙江夏姿豫章元祐脚清標溢素羽皦若離羣
鶴翕然萬里思芝草焉用啄不食固不飢風清九臯樂
回首漢廷偃倒行竟前卻疏廣非甚賢知止自寬綽僕

也猷畝中謳歌以耕鑿聞名三十載交誼欣所託鵬鷁
各棲飛萍蓬殊依泊天寒望古柏孤翠幾嶢錯深期帝
子都仿像洞庭樂餘音今在無大雅其寂寞緬懷虞閣
老安問頗悠邈空花結翳業不療金篦膜滄江落日遠
一葦中流弱外史論文章譚君口誇誇語我盡賦詩持
贈勤有恪君家金華鄰冉冉僊意作神光運草木白石
俱起躍攤書石間帙洗觥松下酌生榮畢志願俯仰何
愧忤六經聖道微沿流到伊洛其文有蘊奧其義則博
約後生待來茲前輩已零落往往輕師說授受工標掠虛
辭相矜誇體認迷執捉君歸善自謀何以同槩矧詩教
本人心煩君曉粗略

東城行

東城俯春流余昔釣游地憶嘗拈落蘂相偎倚桃樹葉
底避游絲叢深納飛絮同時四五輩被服俱美麗千金
各自攜日暮恣遊戲但道長如此焉知老將至昨日尋
舊遊光景徒自媚日肆江海蹤漂零復誰記非無桃與

欽定四庫全書

元詩選三集
卷十一

子

李寂寞千萬億

策馬出郭門

策馬出郭門杖劔歌載馳河水北洋洋太行東巍巍風
吹白日暝死者橫路岐傳聞多殺傷悲愴神魂飛心懷
丈夫諾手握千金資直前且不顧詎以禍福移人生貴
同類所哀獨流離迫此苦寒節悠悠僕夫飢下馬知馬
勞上馬憂馬遲雖不通馬語情事諒庶幾落日古戰場
往往令人悲豈意霄壤間我行今踐斯

欽定四庫全書

元詩選三集
卷十一

子

丈人行

城門有丈人種瓜綠盈園瓜熟許鄰喫偷之竟不言歲
久都感激相期瓜蔓繁雖有困窮闕抱瓜瓜不寃近者
天稍早羣兒走塞門請為救瓜活不憂井水渾深知丈
人德豈感使君恩忠信苟不偷風俗誠所敦嗟嗟復嗟
嗟敢為鄙夫論

寄陳衆仲供奉

騎馬都下歸放船湖中賞恩沾翰林制樂奏鳳池響十

年雨露間一日青冥上虞陳本同姓詞源浩沆漭他山
翠琰刻別殿黃金榜諸公誦合作觀者必抵掌昨聞已
超然近見益高爽宜乎盛名下傳寫日以廣漢史奏德
星君家太丘長餘音撫廟瑟致禮張賢網吾衰竟五十
所去輒尋丈雲瀑代春弦女蘿為夕幌誓挂牛角書妻
子鹿門往薄忝君子交幽期起遐想

客廣陵答天錫見貽韻

汎舟春風生江光颺雲藻人生杜牧遊柳色淮南道幸

欽定四庫全書

元詩選三集

卷十一

欣韶芳媚孰云春事杪速思極絲絲無綠是芳草

短衣

短衣荷長鏡晨起劇黃獨歸來讀道書日晏飢我腹羽
人丹砂牀遙知在澗谷松膏滴雲腴山房酒應熟

友人仕掾曹為上官所迫從賦此送歸

采蘭復采蘭綠葉何參差馨香滿懷袖持以遺所思恩
情中道絕此心當告誰願結青林佩悠哉白雲期石間
攬三秀學道倘因之

鶴皋辭贈張鍊師

吹笙王子晉鍊鼎茅初成清秋金穴遊白羽雲中行五
煙隨露掌太霞乘火精高歌落渺茫逸氣凌紫清時飲
玉池水朝餐珠樹英追隨神雀舞低昂威鳳鳴如何九
皋上託子以修名

君子亭

二月姑蘇城繁花壓城樓車騎相娛樂鼓吹間歌謳王
山軒中意綠竹美且脩澹然君子交夏擊應鳴球風迴

欽定四庫全書

元詩選三集

卷十一

雨光亂日薄雲氣浮頓令塵緣息竟與野性投當今顧
辟疆伊人王子猷撫膺諒云合散帙保遲留伐竿損漁
性接筒悲下流仰止清淨觀俯慙筋骨秋早哉澗間雀
暮色隱啾啾

碧梧翠竹堂分韻得帶字

長夏梧竹陰偃薄適所愛良朋四方至敘此承嘉會雅
意幾宿昔神交一傾蓋蓮芳玉山酒芹碧松湖菜風流
五侯鯖關水郎官膾高郎雅者宇郊生富清裁短李善

長談醫緩輒雅拜張顛矜道妙僧傲持醒戒歌喉間寶
瑟舞影迴蘭旆題扇瓊英忽張筵翠屏對雜亂雖無次
妍醜各有態良遊信所愜佳賞心亦快茲會安可期明
當返予載回望玉山雲川長水如帶

題良常居士山居

良常標名山句曲主仙洞茅君倚翠麓白雲滿高棟上
有巖棲士入山與雲共芝草鳥為耘桃紅鹿銜送茅君
老兄弟夙昔勤學夢子獨擅為鄰幽深補其空風瓢懸
雅樂靈木分仙供息我山木陰懷人玉簫弄暫時苦勞
事非必能抱甕洗樂愛源泉擬英比朝養歸靜其抱一
知尚亦殊衆鶴馭來何方尋君引余鞚

題虞幼悅西郊草堂

因憶浣花杜陵老使我不樂懷成都張儀城外雪山立
玉女井邊春露濡邵菴先生家本蜀悅也草堂宜有圖
圖成奉公以為樂藉此名世何時無想公堂前風日腴
野梅官柳一株株縣官來問禮數熟閣老出游孫子扶

圖書琴瑟在左右游意澹天為徒新詩兼見公手蹟
讀者愛比驪龍珠公在西郊草堂裏神交自是才情美
江水娛人秋日暉雅音蕭條公老矣

秘書行送達秘監

天下學士聚鴻都老氏藏室仙為徒漢有石渠更天祿
貞觀人才顏與虞故事星躔木天壯東壁神光如寶珠
閣前芝草列五色慶雲湛露垂金鋪三皇五帝在時事
蓬萊道家之所無近者委蛇行秘書蜀人邵菴目力枯

迄今一代論制作先生合上明光趨二十龍頭還最貴
三十身冠名不孤敷歷中外復多載使預朝政恐所須
竊當留中贊帝謨奏列學者陳區區送酒况承光祿寺
進食何止步兵厨還思晝夜延青瑣莫問君王乞鑑湖
送牛彥伊湖南憲副

數歲情親託鄰里飲酒自放寧拘禮城中故舊四五人
與子不識何為喜前者較藝列春官今者薦名登御史
蒹葭蒼蒼白露盈鳳皇飄飄赤霄起衡山諸峰雲氣高

上有朱鳥飛嗷嗷洞庭揚波瀟湘接送子百丈江中艘
芙蓉此時開滿郊繡衣握節巡江皋荆潭倡和得從事
長沙幕府待俊髦豈無他人我獨勞自古陳力還吾曹

送曹德昭入掾中臺

孟秋高颺蕩焱熱太白當頭映佳月天地始肅未乃登
長歌送君思激烈青驄馬肥青島秣公子為郎亦材傑
臺端象賢重耳目天邊北斗司喉舌大夫抗禮丞相前
掾曹執法俱才賢栖烏在庭栢樹古元氣磅礴雲蒼然
魯公葛藟方縣縣金鐘玉磬兩在縣快哉此行視京秩
清廟之瑟朱絲絃故人淪落江海邊為君一誦秋水篇
請君直上窮河源

寄曹德昭臺郎

昔子驅車往河甸河水迢迢不相見侍御驄馬昔揚鑣
郎君今年復為掾乍冬苦寒不可當子乃衰經請太常
禮官封謚有褒卹賜碑撰刻皆文章名駒翩翩日千里
自是驂駟與駉駉范滂攬轡望澄清愛爾傳家尤更美

我宗門戶真淒涼四十五年相將數奇命薄多軼軻
但恐失所纏風霜馮唐已老何由起駸蔑不言幾失子
雄飛雌伏何足論目斷秋江送雙鯉

二月十九日登大茅峰夜宿元符宗壇因呈集

虛真人并閒遠潘尊師

大茅峰棲雲絕頂祠官石壇秋日冷杖藜蕭條一老翁
仲冬焚香謁司命日間流水俯潺湲妙意所得何能言
昔聞茲山直通蜀避世何必求桃源清晨躋攀歷深窈
下視諸宮樓觀小亂葉打頭風倒吹是日苦寒絕飛鳥
三君弟子老奉祠清淨寡欲真吾師清酒綠液半凝脂
慰我遠來還渴飢閒遠先生更奇古壁間示我虞翁詩
詩中愛道李太白結巢雲松復此客九江秀色雖可餐
高隱何如煉精魄吾聞茲山到處有神仙楊許遺書儻
可傳泥丸絳官朝內景玉經玄文味至言如此亦足昌
吾年

送龍翔俊用章住吳白馬寺

白馬吳中寺架梁建業船黃花季秋月錦樹大江煙洗
鉢胡僧飯馱經漢帝年何時虎丘石共論永明禪

送鄉人錢明之赴閩闈掾

仗節開閩闈分曹傍省闈用人那有外觀海更無涯白
露收柑子南風食荔枝未須頻會面多寄府中詩

送卓御史移西臺

漢節楚江東堂堂御史公秦山指太白胡馬驟青驄光
映長安月涼生建業風冥鴻有高羽多在柏臺中

欽定四庫全書

元詩選三集
卷十一

三

送湯生茂才歸宛陵

春舟度鶴背晨鼓發龍灣軟語勞相接幽期任獨還風
清建業渚雲白敬亭山自有府公薦慙無遊子顏

春夏承湖南僉憲兀顏子中問訊敬用酬上

有客湖南去聞公憲節新坐露梅子雨憶別柳條春衡
岳瞻朱鳥湘江詠綠蘋升車訪遺逸問俗願清淳

寄柯博士

柯侯五雲吏自號丹丘生先皇御宸極高閣詠文明羽

蓋橋山集彩舟江上行蘇州韋刺史那獨擅才名

三月十日與薩天錫錄事遊京口城南小寺忽

虞伯生秘監寄薩詩用韻呈席上

不見秘書久憶公清且閒看詩野殿側把酒春林間因
送碧鵝使相過黃鶴山遙憐西閣侍文采映珊珊

寄薩天錫時居福建憲幕

春日江南郡懷人杜若生烏啼建業樹客在福州城桂
酒銀壺重華裾玉佩清題詩幕中罷應得動高情

欽定四庫全書

元詩選三集
卷十一

三

寄題剪韭亭

園有幽亭趣題之剪韭名老夫無長物止客總高情脆
碧含風斷輕黃帶雨烹相過乳餅白還愛酒壺清

湖光山色樓

智仁子所樂平湖仍對山神交魚鳥外興移蒲柳間閒
雲捲幔入落日權歌還望海躡星影秋槎來碧灣

送沙子中經歷建寧

武夷蒼蒼春日黃山行兜子陟炎荒故人右榜多通顯

清廟遺音獨渺茫官堠綠林穿荔子人家餉客食檳榔
兼之此地多書籍公退牙籤日幾行

送友生一作唐漢卿

春風顛狂復細微吹波蕩槳動人衣野桃葉小流鶯至
官柳條長江鱗一作紫肥稍別未嫌頻作惡相逢自識固
應稀腐儒竊祿真何補望望一作同首滄洲白石磯

城邊柳條

城邊柳條春意動近者力至復低垂須令傍水留披拂

欽定四庫全書

元詩選三集
卷十一

三

不獨撩人管別離過月即看鄰綺樹卜巢還許借黃鸝
荒州物色猶如此若在御溝應更奇

達兼善除秘書監未上而有侍郎之命賦詩奉

送

雞年海內龍頭客蚤負詞場一世豪秘監稍遷為學士
侍郎即去重儀曹到京騎從看花藥過閣朝迴拾鳳毛

關
憶玉堂何處所青春白日見揮毫

陽羨茶

南岳高僧開道場陽羨貢茶傳四方蛇銜事載風土記
客寄手題春雨香故人惠泉龍虎感吾兄紫筍鴻鴈行
安得茅齋傍青壁松風石鼎夜聯牀

簡陳漢卿郎官

荒土城邊草樹鄰荷君詩語數相親交游豈謂尋常輩
耆舊都無四五人才比阮生誰放曠賦傳庾信最清新
愁深江燕銜泥急偶汚牀書不忍嗔

過義興周將軍廟

欽定四庫全書

元詩選三集
卷十一

三

陽羨溪邊孝侯廟陸機一作平原文字右軍書借一作憶從名

士傳家後誰謂將軍亡國餘蛟虎于今正狼籍一作滿道

鳳麟不見謾歎歎一作山川白昔好丘墟陰陰棟一作長松祠宇多松

檜一作清風在擬欲臨流卜隱一作卜比鄰居

懷杭州李二尹

蘭省故人何寂寞柴門今雨獨徘徊老夫老向愁邊去
春日春從病裏來王粲空傳鄴下詠山公不復習池回
篋中書疏愁俱積忽到思君一屢開

贈曹仲普

學省花陰覆苑牆
鷲啼曙色映蒼蒼
翁令拜秩少宗伯
樂奏春官新太常
通陞起居同典禮
侍臣子弟合為郎
扁舟道別江城暮
琴瑟朱絃思渺茫

問郭君錫病

向宿丹陽舊草堂
暎人嘉樹憶相將
階前蕙葉幾多碧
江上柳條無數長
不礙得書成卧病
遙知裹藥自聞香
來時許我青松障
莫遣雲山墮渺茫

欽定四庫全書

元詩選三集
卷十一

惠山泉

九龍之峰秀蜿蜒
玉漿迸出為寒泉
來歸石井僧分汲
流入草堂吾獨憐
暗滴洞中雲細細
冷穿池上月娟娟
關乞茶經與水記
俟余歲晚奉周旋

送達天山應奉北上

國中太史浙河遊
碧樹風生紫綺裘
蜀郡奉祠揚子老
漢廷召對賈生優
金盤芍藥還相詠
翠籠櫻桃亦易求
幸得草堂同晚飯
少陪高論借遲留

懷陳漢卿從事

兩江故人蹤跡疎
汾水牛郎能遺書
青鏡時時傷往事
素絲日日看新梳
簾穿迸樹攢雲氣
扇接飛花下雨餘
爾亦官居古道院
一春情思竟何如

薛常州端午雅製

端午宮詞進閣門
侍臣應得忝芳樽
御羅畫扇金花細
筓繭朱絲玉臂溫
太子題詩成故事
前朝報國荷殘恩
更求醫士三年艾
攜向壺冰炷月魂

欽定四庫全書

元詩選三集
卷十一

送陳衆仲

西閣梧桐安鳳巢
羽儀五色異凡毛
往時學省文名重
今代詞林王氣高
春到御溝生綠水
地連官柳間紅桃
老去相如少詞賦
頌聲轉擬屬王褒

至正九年四月二十日元璞舟過江郊枉勞衰
疾承近懷多慰元璞言歸賦七言近體一通問
訊遙寄玉山主人

玉山長夏草堂幽
老愛從君十日留
醉語支離歡不記

歸來爛漫憶相求
風迴柳葉搖歌扇
月出荷花映綵舟
可念江湖搔白首
還將衰朽問湯休

賦少尹迺元臣為東平郡王之諸孫求詩

聖歷開文運
王章定武功
大人推部落
開府冠山東
日月旂常異
河山帶礪同
諸孫傳赤舄
小雅播彤弓
一命起居注
載趨長樂宮
掖庭官濟濟
淮浙賦中中
竊忌徵求急
方來福祿崇
翔鸞鳳日
逆順馬牛風
帝力生成大人
心灌溉公共
圖歌政理多
稼答年豐

欽定四庫全書

元詩選三集
卷十一

三五

送張中丞之官翰林

中丞獻納道如何
內相絲綸寵莫過
槐閣地聯文石陛
杏園春滿曲江波
陰陰雨露深青瑣
箇箇星辰溼絳河
花蘂隔簫宮
漏近柳條當戶曉
鶯多中官送酒青絲絡
上苑乘驄白玉珂
豈獨寸心圖補報
要須元首及賡歌
太常禮樂還相問
閣老才名迺不磨
通國此時同悵望
憶公何處最委蛇
鼇峰巨石森蓬島
香殿微風拂御羅
延祐得賢俱第一
野人白首關林阿

橫塘曲

妾家住橫塘
綠水映垂楊
五月南風起
荷花似藕香

唐宮詠

闔草賭珠襦
穿花提玉壺
東頭老供奉
好似執金吾

蜨

失意穿羅袖
綠情戀繡牀
妒遺衣上粉
狂覓酒邊香

蓮葉何田田

蓮葉何田田
田田生綠波
明朝大如蓋
風吹將奈何

欽定四庫全書

元詩選三集
卷十一

三五

草生磐石上二首

草生磐石上
根深石不露
水流磐石間
風吹下山去
草生磐石上
似許行人坐
水流磐石間
不許行人過

春日

暎日含風白苧衣
香飄晴雪弄春暉
故人騎馬不相識
蛺蝶自來衣上飛

偶成

船落黃泥與白沙
春光都在棠梨花
蜜蜂相喧作何語

日晚松陰報午衙

陶巨川歸養

雁過秋霜落滿衣
數聲相近白雲飛
寄書莫送潯陽鮓

采石江頭魚最肥

寄石民瞻

礪泉堂上白鬚翁
苦憶雲山杖屨同
秋到黃花無幾日

人生只合酒杯中

題元暉山水

江上江雲漠漠寒
有時帶雨過層巒
只愁海岳蒼前路

水沒黃沙鴨嘴灘

欽定四庫全書

元詩選三集
卷十一

五

陳方孤蓬倦客橐

方字子貞自號孤蓬倦客京口人赴省試來吳元

帥王某招致賓席因寓吳馬龔提舉璠以女妻之

鄭提學元祐輩皆樂與游晚主無錫華氏家塾其

詩如門前灌木春啼鳥屋畔長松夜宿雲天寒客

裏輕相別花落孤邨喜獨來隨事感發鍛鍊最工

嘗手鈔杜詩朱書小字夾注其說如對起對結散

起散結或某句應某字或某意發某語脈絡枝葉

一一究心吳人為刻方詩行世後不知所終

題割股老女卷

蜂蠆螫我手阿譽須動色如何割股女引刀不愛惜見

父不見肉視股如視石眼前秦越人區區較肥瘠

天平山

東吳水為州西山茲獨秀上有百歲松下有千尺溜况

當泉石間野花亂如繡頓足忘僕勞長歌發余陋沈沈

范公祠肅肅香火舊碑猶鞏洛時寺當風雨後烏乎一

欽定四庫全書

元詩選三集
卷十一

五

代尊廟食今誰守寂寞壯士懷松風動清晝

靈巖山

客吳十五載始上靈巖山入門地如削憑軒絕躋攀孰
云念鄉國不復憂險艱回首楚與越茫茫一氣間向來
朝會時自謂吞百蠻焉知王氣衰空忝禪棲閒山川自
瀟灑木石饒爛斑俛仰萬里外浩歌風雨還

羊腸嶺

迢迢羊腸北山深日當午道傍多奇石百態不受侮高
或如飛龍低或如踞虎皮葉積鐵間參差意無迂僕夫
如怪我疾行齊過弩息息莫辭勞悄悄愧不羽野果綴微
殷春泉流亂乳焉知下山時淒迷更何許

涵虛閣

高標何崔嵬結構蒼崖上羣山如兒孫羅列皆北向勢
入五湖小氣敵萬夫壯想當全勝時自足恃保障登之
尚心懷却倚獨惆悵遠近互出沒風雷相摩盪草木亂
如雲乾坤悄孤望矯手不成翔無從挽塵鞅

欽定四庫全書

元詩選三集

卷十一

題宣和所製赤駒圖

房星委地生神闕衆馬不得相倚匹千里風輕白玉蹄
平淵春浴丹砂質自從長養入天閑振鬣常陪乘輿出
未知赴敵見戈矛所慣承恩聞警蹕嘶當落日近尊嚴
氣抹長林動蕭瑟不慚芻豆飽微軀尚覲朝家三品秩
宣和殿裏圖書闕親見園人事爬櫛當時青海九萬餘
未有一匹當宸筆臨軒睥睨迴出羣落紙須臾歛奔逸
內侍傳宣賜近臣再拜奎光欲騰室秋深沙苑多蒺藜
夜半河南吹感粟已詔民間置牧地如此龍媒敢輕失
青城道上塵眯人六宮粉黛無精神此時此馬闕
不能追隨天子向南去哀哉委骨俱蒙塵

題龔翠巖中山出游圖

楚龔臂中墨如水零落江南髮垂耳文章汗馬兩無功
痛哭乾坤遽如此恨翁不到天子傍陰風颯颯無輝光
翁也有筆同干將貌取羣怪驅不祥是心頗與趙相似
故遣麾斥如翁意不然異狀吾將憎區區白日胡為至

欽定四庫全書

元詩選三集

卷十一

嗟哉咸淳人不識夜夜宮中吹玉笛

雲林生惠山圖次元韻

佳樹陰森欲礙空畫成夜落燈花紅絕憐帶經自鋤者
未忍竟別天垂翁汾河春雲散高柳湘水微茫綠於酒
翁歸天末見青山臨風莫負揮絃手

至正五年三月八日玄素先生來林下瓚乃賦詩曰
吳淞江水春映空浪波泛泛霞映紅耕田鑿井居其
左令我長懷甫里翁夢見維舟江畔柳利啄敲門散
杯酒整冠起接平生歡石運蘭芳重攜手兩後共行
林下正見惠山先生命贊寫之畫誌因書此詩
於上張外史陳先生見之必大笑也倪瓚記

欽定四庫全書

元詩選三集

甲

洞虛宮

真館時時到仙花樹樹幽西風寒入竹北斗夜當樓頗
覺乾坤異寧為歲月幽乞分筇竹好相伴赤松遊

寄王仲升一作叔

陌上誰家子行春竝騎來揮鞭不相問回顧復疑猜二
月初消雪東風尚落梅更尋禪寂地石上翫蒼苔

清閨閣

湘簾半捲雲當戶野鶴一聲風滿林繞立簾紋波細細

又疑牆影雪陰陰竹搖棊几常開帙花落藜牀獨抱琴
不謂世間仍得此恍然飛屣駐仙岑

新正獨坐

柳葉參差蘭葉長西鄰春酒鬱金香吾生不飲唯搔首
此物多情故惱腸髮已鏡添新歲白書仍筆點舊時黃
向人節序年年異來往猶煩禮數忙

送蔡霞外

不見道人今四載疎狂猶似舊時多自言曾到神仙宅

欽定四庫全書

元詩選三集

甲

公亦須吟離別歌澗草陰陰披紫藟山花細細落青蘿
只愁骨相無清氣赤水玄珠奈爾何

寄開元和尚

娑羅室內早春初經卷香花禮佛餘終日更談言外法
十年不寄蜀中書夜深雪殿當空白月落風樓近竹虛
若得為吾留一榻韋郎詩句豈容疎

元宵留無錫有感

曾聞故老說前朝今在殊方度此宵月殿不催春賜酒

風檐空憶夜吹簫已無花影如雲起那有香塵作霧飄
滿眼疎狂何所去青松接屋自蕭條

就王季賢省父簡孫子翼處士

吾廬歷歷楚江邊子渡江時暫泊船須問垣牆仍好在
莫教風雨轉淒然夢成蝴蝶隨春去愁斷麒麟竝冢眠
若見孫登還一笑餘聲散入薜蘿煙

送覺上人謁龍翔錄寄子異

偶逢吳下鄭居士手把新詩就我吟紙上姓名無俗氣

欽定四庫全書

元詩選三集
卷十一

四三

篇中律呂有遺音鮫人淚落金盤冷木客歌傳石磴陰
謄寫已堪驚老眼龍翔一宿會知心

王季野由鎮江過揚州省親父尚書以送

楚楚斑衣照暮春蒲帆帶雨出西津樹迷瓜步青如薺
江漾蕪城白似銀久謂尚書安寢少不勝天子寵榮新
暫時定省加懽懽枉使吹簫送客頻

早冬過笠澤漁隱

方塘如鑑石如峰落葉平蕪覆一重雲作晚陰低薜荔

水涵秋色亂芙蓉黃冠道士松間過白雪漁翁月下逢
尚想天隨無俗伴應攜茶竈與從容

遊慧山

僧居高處接雲霞邨市周遭石逕斜細細山泉爭入澗
雙雙谿鳥淨眠沙佛前風動杪樺樹溪上春留躑躅花
十五年來頭漸白倚欄仍舊一烏紗

題迂翁安處齋圖

睡起山齋渴思長呼童煎茗滌枯腸軟塵落碾龍團綠
活水翻鑪蟹眼黃耳底雷鳴輕著韻鼻邊風過細聞香
一甌洗得雙瞳豁飽玩茗谿雲水鄉

欽定四庫全書

元詩選三集
卷十一

四三

華彥清登常州玄妙閣有詩因同韻

地接三吳口人操衆楚音樹迷晴漠漠花亂夕森森碧
是當時血春非往日心醜思當矢石猶暇惜冠簪丞相
戈如雪將軍志比金倉皇驚破竹踴躍念披襟壞堞仍
存舊高標獨峙今星河垂綺戶雲霧出琪林鳥去蒼茫
闊帆歸迤邐深諸天欣共賞勝地肅同臨突兀連雄棟

依微隔遠岑紫霄停廣樂白日闕層陰倒影何多美空
歌試一吟悠悠江海興冉冉市塵侵

呈王本齋尚書

聖主光先業王春再至元贊襄符妙算擇選副深論衆
悉推耆德三曾鎮大藩虎珠秋月避鳥幟海雲翻籍籍
番禹頌明明造化思清標非柏府高秩是薇垣煮海民
為食經營古所敦於淮邦足賦浩汗利之源弊政思張
弛長材畀輕軒光芒分八座精采送孤鶩鼎重千鈞小

欽定四庫全書

元詩選三集
卷十一

四十五

膠清萬丈渾龍文須御服馬潼錫壺尊香散知心醉春
回到骨温冰霜愁左關風雨命前奔竈竈連雲起船船
附蟻屯絕知忘夙夜何暇覓饕殮昔也東西浙歡然遠
近言市無憂折閱人不困牢盆公日唯局戶方時亦在
門從容嘗接語歎息每銷魂禔禍關如鬼傳餐首欲髡
潮乾晴沫白日淡莫煙昏卒戍春鳴柝人家月照樊鹵
成俱井井地限各邨邨碧海浮天際黃芽暗竹根緬思
多彷彿已閱十寒暄識量今逾老聲華晚更尊謬知慚

骖馭甚欲寫璣璠形弔徒蕭瑟心馳正鬱煩仙花團雪淨
江草亂雲繁早晚招漁艇丘墟問故園振衣瞻管仲掃
榻寄陳蕃袍笏仍圖畫山林數記存此時鷗與鷺隨意
樂乾坤

送蕭天祥為蕭山縣學官

儒官已在羣僚底南士尤嗟一介微目送青冥何漠漠
手循華髮尚依依匡衡未老頤堪解阮籍多窮淚可揮
雁塔近從秋草沒鷄林遠傍暮桑飛人皆雞口喧爭利

欽定四庫全書

元詩選三集
卷十一

四十五

子獨鼇頭坐失機寂寞官牆悲傳舍荒蕪禮樂見深衣
諸生載酒同題句賢宰鳴琴共按徽綠樹雲回神禹下
白蘋風起孝娥歸門當越嶺春橫關地接江潮夜撼扉
定與王郎招爽氣復陪賀監倚斜暉登臨關轉息息過
勝絕寧教草草違端欲早收槩與楠祇愁空老故山薇
琴臺

蘇暈陂陀碧沙痕突兀孤無僧依石坐有鬼隔雲呼
硯池

湛湛冷山骨幽幽抱日光曉吟看雨氣春供汲花香

白雲泉

泉在白雲裏雲深泉更深豈無千尺綆空立萬松陰

題趙子固蘭蕙圖

光風汎汎透晴沙見此萎蕤一寸花可是湘濱高數尺
不將墨汁代春芽

再題趙子固蘭蕙卷二首

雪消雲淨墨池方愛殺窓前葉葉長祇為朝東春得早

欽定四庫全書

元詩選三集

卷十一

風吹一夜紫苞香

右蘭

無數花開一兩枝更栽百畝亦相宜江南三月春如酒

惱亂蜂兒總不知

右蕙

題本齋王公孝感白華圖卷

蓼莪霜氣入袈裟銘筆當歸學士家更為白華添後傳

東風誰忍看山茶

卧雲書院

春盡范公祠下路山雲漠漠水泠泠不知無數長松樹

若箇根邊有茯苓

和曹克明都事靈巖二絕

金屋妝成貯禍基君王猶自苦沈迷百花洲上西風急
唯有寒蕪一尺齊

門外長松可十圍松根下有茯苓肥一雙啼鳥忽飛去
却是老僧來挂衣

宿金井塢內

馬家巷裏水西頭樹樹垂楊可繫舟却趁楊花飛過嶺

欽定四庫全書

元詩選三集

卷十一

向人行處不能休

留福壽菴小飲

主人能歌客能飲飲罷清泉清渴吻醉起不知風力高

夜半松花落香粉

潘純子素集

純字子素廬州合肥人風度高遠壯游京師名公
卿爭延致之每宴集談笑傾座輒云潘君不在令
人無歡嘗著輓卦以諷切當世其初六辭曰出門
便輓又何咎也其上六曰以輓受爵亦不足敬也
或以達於文宗目為滑稽士欲繫治之因亡走江
湖間晚居淮淝後為行臺御史大夫納琳子安安
所殺子素喜為令樂府與冷齋疎齋相為左右歌

欽定四庫全書

元詩選三集
卷十一

吳

詩秀麗清郁後生輩竊詠之以謂義山飛卿殆不
能過也其弔岳武穆一篇尤為一時傳誦

題伯修春風亭

青陽動微和條條原上來綠池解輕冰芳庭散香埃
粲粲桃李花照耀初日開永懷亭中人春服宜新裁

秋日陪杜徵君李先生游金華山

輕雲澹秋色涼日靜琳宮水落白石上人行深樹中悠
悠坐長嘯肅肅來清風仙人不可見芳草碧叢叢

題巾子山房僧舍

清江抱禪栖山頂在屋下朝霞生庭戶老樹立石罅日
出漁舟集日入市賈罷僧子獨何為長年一作道暹事閒暇
送杭州經歷李全初代歸

東家老人語且悲衰年却憶垂髫時王師百萬若過客
青蓋夜出民不知巷南巷北癡兒女把臂牽衣學番語
高樓急管酒旗風小院新聲杏花雨比來官長能相憐
民間蚩蜩飛青錢黃金白壁一作馱西一作馬明珠紫

欽定四庫全書

元詩選三集
卷十一

吳

貝翰南一作船繁華消歇如翻掌宮中賦斂年年長里

巷蕭條去一作不歸華屋一作重門結蛛網語中一作

嗚咽不欲一作聞道傍狼一作虎方紛紜麒麟鳳皇那

復得使我益重髯叅軍在官近一作一考素髮蕭蕭坐

成老上官掣肘下吏罵賴有閭閻獨稱好杭州公事天

下繁大才處一作決無留難叅軍累官日益貴何術可

使斯民安

桐華煙為吳國良賦

嘗聞吳剛上天去手斫嫦娥宮裏樹調向人間作散仙
陽羨州中水邊住曾見玉兔杵玄霜三生悟得燒墨方
墨成得錢即酤酒那知世有白玉堂百年生計萬慮息
身不求知名四集卧吹長笛看青天歲掃桐煙三百石
周郎昔斲長橋蛟腹中有白凝為膏石林煥傾玉髓滑
竹屋夜擣山月高江南李墨人共惜安得令人不如昔
君看鬱鬱歙州山山上青松盡千尺

復龍洲先生墓

夷門王氣橫江來秋風落盡梁宮槐鳳凰山頭駐青蓋
海門樓閣空中開五國城荒雪如席寒擁旃裘兩宮泣
帛書不繫鴈南飛衰草黃雲澹無色君臣自謂虞重華
不識何如司馬家鳳笙龍管將進酒玉闌羯鼓方催花
白頭遺老空惆悵鐵鎖長江幸無恙獄中誰抹岳將軍
人間知有秦丞相措紳之士皆汗顏山林氣壓居庸關
那知義膽忠肝者弗在貂蟬玉佩間何人好事高千古
愛此淳風似鄒魯咸陽寂寞漢諸陵慚愧劉郎一杯土

欽定四庫全書

元詩選三集
卷十一

辛

山行即事

石子路三义居人八九家綠分鄰寺竹紅出矮牆一作短籬
花野老能娛客山泉自煮茶茜裘誰氏子一作女赤脚髻
雙丫

題蘇伯修滋溪書堂

華屋書充棟清溪樹拂檐波光浮藻井雲影亂牙籤四
世風流在諸生禮數嚴歸來謝賓客長日下疎簾

送杜元父赴南臺掾

故國江山在行臺地望優顧瞻烏亦好却憶鳳曾游寺
影清溪一作河曉蟬聲玉樹秋郎官多古意莫上最高樓

題豫章楊季子水北山房

舊聞楊季子水北有山房竹色長年綠松陰五一作月
涼雨絲深釣渚風帙散一作亂書牀亦欲相從去江波不
可航

送路吏張蒼麓又別號養晦徇國忠烈

寂寞麒麟閣浮沈鴈鴛行已聞書上考猶一作應不負前

欽定四庫全書

元詩選三集
卷十一

至

王古井宮槐冷空山海檜長歸心似潮水日日向一作問

錢塘

題劉高州國初運糧文卷後

帝室經營始高州饋餉一作運多猶存數紙在已是百年

過勳業麒麟閣英雄勅勒歌漢廷功第一只合數蕭何

題張先生良常草堂五言一首

每愛草堂幽來為竟日留獨當山一面更近水西頭繞

舍栽青竹開窗看白鷗拾遺茅屋好不得近鄜州

欽定四庫全書

元詩選三集

卷十一

題周公瑾墓

伯符早世將軍死鄴下羣臣賀魏公石馬荒涼眠道左

紫髯倉卒帝江東二喬信是傾城色甲第空規建業宮

百尺孤墳蓋春草遠林寒食紙錢風

題岳武穆王墳二首

海門寒日澹無暉偃月堂深畫一作玉漏稀萬竈貌貅江

上老兩宮環珮夢中歸內園羯鼓催花發小殿珠簾看

雪飛不道帳前胡旋舞有人行酒著青衣此首光岳共華作蕭守

湖水春來一作年年自綠波空林人迹少經過夜寒石馬嘶

風雨日落山精泣薜蘿江左長城真自壞鄴中明月竟

誰歌惟一作空餘滿地萋弘血草色年深碧更多此首文翰類選

大成作張淮庸

送顧仲父赴廣東市舶提舉

合浦明珠久不還使君風采動羣蠻鮫人把臂來城裏

荔子堆紅出坐間江映蕉花鸚鵡綠雨昏榕樹鷓鴣斑

昔年駿馬經行處父老那知得重攀

欽定四庫全書

元詩選三集

卷十一

送海東之西省出戍

窮猿憑險弄干戈五月樓船奏凱歌自古蠻夸多反側

只今州縣重差科漢家循吏文翁少亮府謀臣馬謖多

莫道鮫人居水底海中曾見不揚波

送張仲舉赴金陵郡學博

攻苦食貧三十年才名不讓古人先一經遠赴招賢幣

千里寒移坐客氈書擔曉爭京口渡布帆春上石頭船

秣陵秋色秦淮月夜夜吳山几案前

秋日與仲遠昆季

涵暉軒下重經過愛客情懷久更多晴日上簾分竹色
晚風移席近鷗波相看把酒賢兄弟却憶題詩老季和
頭白校書天祿閣無由共飲恨如何

題顧周道畫濯足圖

脫屣白石上濯足清泉中悠然天際想木末生微風

題仲穆看雲圖

行憩蒼石上坐愛青松陰白雲在天際相對總無心

欽定四庫全書

元詩選三集

卷十一

送金溪道士南歸

南州高士芰荷衣賣藥都門盡不知手種谿頭千樹杏
花開正是到家時

送諸葛子熙關中打碑

漢苑秦宮生綠蕪斷碑殘刻墨模糊應從三峽浮船下
欲問君家八陣圖

題宋高宗二劉妃圖

秋風落盡故宮槐江上芙蓉並蒂開留得君王不歸去

鳳皇山下起樓臺

題趙子固蕙花蛺蝶圖

江上青山日欲晡幽花小紙墨模糊華清宮殿生秋草
零落滕王蛺蝶圖

題王若水幽禽圖

花間幽鳥愛幽棲揀得春風最好枝只有江南王若水
白頭描寫似徐熙

贈歌者杜氏入道三首

夜涼瑤珮玉丁東月下焚香禮碧空願逐吹笙王子晉
竝騎丹鳳彩雲中

簾壓濃寒晝掩門沈香火煨澹氤氳舊時衫子渾無用
剪作仙家百衲裈

雲髻高梳鬢不分掃除虛室事元君新糊白紙屏風上

盡畫蓬萊五色雲

此首見楊維禎西湖竹枝集

曹知白吳淞山色圖

一片吳淞江上秋澹雲涼葉思悠悠何時蓴菜鱸魚膾

却向先生畫裏游

欽定四庫全書

元詩選三集
卷十一

五六

鄭東聯壁集

東字季明號杲齋溫之平陽人幼酷嗜書明春秋
再踐場屋不合主司程度遂棄去游澗河之左右
大肆其力於古文辭日試萬言衮衮不休歐陽文
公立奇其材欲剡薦之會疾作而卒弟采文名相
埒元季兵亂遺文零落采子思先合寫成書釐為
一十四卷題曰鄭氏聯壁集宋濂序之曰杲齋之
文氣質沈雄如老將帥師旌旗金鼓繽紛交錯咸

欽定四庫全書

元詩選三集
卷十一

五七

歸節度曲全之文規製峻整如齊魯大儒衣冠偉
然出言不煩曲盡情意然皆有臺閣弘麗之觀而
無山林枯槁之氣文憲斯言深得二鄭之旨趣矣
題朱澤民秋江獨釣圖

山川無微雲萬物榮可數長江秋氣至美人在中渚涼
風吹蘭舟木葉下如雨魴鯉豈必多書卷良可咀初非
與世殊聊以樂空屢

贈筆生陳仲實

吳興老馮善擇毫擇毫入筆銛於刀近年楊陸亦有法
聲價直與馮齊高陳生後出奄三子射利肯作傭工餐
欣然為我開一束詎數豕鬣并狸毛纔濡入手即圓熟
揮洒不覺運腕勞野人得此殊快意翰墨雖拙尤便操
既不能寫蟲魚疏又不喜書龍虎韜暮年但欲給生筆
收拾遺史明誅褒顧無好句相報答且復浮以尊中醪
氣酣耳熱秋風起江山如助詩人豪

送駙馬西山公詩

欽定四庫全書

元詩選三集
卷十一

五

明侯德美世莫儔麒麟之趾丹鳳味黃流芬芳在尊旨
縑藉光彩收琳球王姬下嫁禮服優鑿金為車白玉輶
閨中通籍孰與侔貴宜列爵同徹侯大布遂易狐白裘
事業直擬追前修賦詩援筆思不留天機豈用加雕鏤
衆觀后羿親射侯束手欲立江輒流法書一字千金酬
玉釵之股珊瑚鈎大儒老師日與遊論道極口稱伊周
二年市官留小州政寬坐致東南首三韓毛人及流求
行滕在股實絡頭長風萬里驅大艘犀象珠貝充海陬

貢之府庫常汗牛歸視其室唯削緹聖主在位將爾求
出納王命為舌喉

題畫山水歌

君不見謝康樂短面長髯瘦如鶴作郡安能棄丘壑又
不見鷓夷子屬鏤蜚霜赤心死一棹三江入煙雨我生
千載下酷愛古人心本野老仙縮地誰得傳顛墨淋漓
醉中酒幽幽樹意暝含雨朵朵山頭青欲雲橫杠依約
度深谷三里五里東西鄰采芝定有商顏叟鹿皮之裘
榭葉裙神仙有無不可即杳杳路斷桃花津何人相期
過西麓牲肥酒熟秋樂神祇知畊鋤及婚嫁廟堂黜陟
那得聞扁舟從何來盈盈載秋碧嵐光忽已陰日暮問
家室熒熒林隙燈火青雞黍家人具今夕終南相繼售
卑價才薄官微遭筆罵久知富貴成茹荼吾獨愛山如
食蔗家貧恰有買屐錢白髮漁郎許船借箕山頽曲命
吾駕百歲胡為墮機獲

題畫松壁

欽定四庫全書

元詩選三集
卷十一

五

八月江頭茅屋破日日盲風雨交和眼前安得大厦成
拾遺歸來淚空墮紛紛萬木爭出山瑣碎椽桷非為難
萬牛莫挽梗與楠往往棄置丘壑間獨立風霜二千尺
未識何時逢匠石白頭老樵空歎息

老牧圖

彼軒彼裳我笠我蓑彼馳且驅我行且歌嗚呼世間榮
辱如吾何夕陽牛背青山多

送江陰郡博周元浩歸平陽

君不見蘇秦昔上秦王書嫂不下機妻不炊青燈長夜
股流血黃金六印何累累又不見陶淵明富貴視之鴻
毛輕腰寧不折五斗米歸來籬菊秋盈盈周君妙年江
海客幾度吳花醉中摘蒲帆半幅風颼颼長嘯一聲江
月白我家亦在蒲海頭此時春酒濃如油堪憐千里尚
飄泊恨不共買東歸舟

今日行

昨日去今日來明日忽忽復相催百川赴海何時迴思

之竟不令人哀傳聞三神山海水青如苔五雲零亂開
樓臺中有長生不死藥仙人青髮紅玉腮此事不許人
間有錢鏗古人骨亦朽骨亦朽勸君酒長使金杯在君
手

昆城吳歌

昆城吳水三萬頃吳兒招我入溟津舉頭看月月在頂
手弄荷花落天影酒酣起就船底眠青天作衾毛骨冷
龍女欲出聽我歌扇以涼颼吹夢醒初歌音簇含清勻

忽然疾走銜枚軍百怪髮立皆驚奔龍女舞翻巫峽雲
再歌壯以悲鳳皇背泣麟洲啼六月雪壓崑崙低我歌
三發滄海裂綠水欲變黃塵熱龍女聞之悲哽咽旌旗
忽動龍女歸金烏飛上若木枝暑炎如火炙我肌嗟我
老病力莫支千金莫致南海犀沉書問龍女遺我蒼水
壁與君乞取半湖白歸向高堂挂空壁

仲雍墓

野鼠穿黃穴遺封百草深死無歸國夢人識逸民心戀

樹冬逾碧江猿夜亦吟海虞山上月梅里共沈沈

齊女墓

突死孤墳在千年恨尚新荆蠻非偶國盤瓠媿吾人
躡春啼血狐狸夜得鄰營丘無霸業吳沼更傷神

寄郭義仲

憶君持酒別初月出東城溪艇幾時到春潮日夜生
白沙眠翡翠青竹下鴉鵲遙想汪徵士題詩慰逸情

題余生山居

野水流花澗春雲拂草亭地連桐柏觀人識少微星
養鶴還知相煎茶亦著經卜隣應未晚休勒北山銘

贈呂一相者

男子始墮地百年那可量買臣歸作郡顏駟老為郎
得路青雲表垂綸野水傍持杯勸君飲吾意正茫茫

和郭義仲

每愛揚雄能作賦不憂賈誼易遭讒蒼鷹拂拭黃金鉞
駿馬光明白玉銜太乙頻來觀象帙麻姑相許寄銀槎

獨媿名才難並立見稱龍尾也非凡

寄呈梁承旨

太平天子重詞臣色爛官袍寵澤新應對金鑾明日月
步趨玉署上星辰夜分執笏傳宣急晝永揮毫草誥頻
自媿不才頭已白秋風垂釣大江濱

九龍山懷友

風雨兩鄉難縮地小窓時讀去年詩九龍何處雲深淺
一鴈不來人別離老樹引藤秋結子黃猿窺果晝呼兒

遙知句就無人解月落山靈墮淚時

送郭彥昭歸吳中

外沙沙頭潮沒渚海壇廟前唱蠻歌政喜南風吹五兩
不愁落日轉檣烏鱖魚一尺恰上釣吳姬二十獨當壚
醉歌白雪誰能和擊碎筵中玉唾壺

送日本僧之京

萬里乘濤來絕海中朝冠蓋盡相知丹丘博士與飲酒
青城先生邀賦詩傳鉢底須歸故國把文遂欲動京師

絕憐船上看春色二月官河水發時

越溪

三月雨晴天氣新老夫起整紫綸巾岸花紅白遠迎棹
江燕去來低傍人冷面誰能憎俗子好山吾得作比隣
明時獨媿才卑拙老大猶為江海臣

松下釣魚圖

皎皎月在樹泠泠風滿衣欲問三江口長歌遂不歸

題宋高宗畫扇頭自題云萬木雲深隱連山雨

未開

多時海上日光催猶道千山雨未開總被浮雲能障斷
龍沙不見翠華回

題江貫道平遠圖

飛鳥欲沒暮煙稠落落人家竹樹秋絕似南徐城上望
蒼茫野色入揚州

題士宣杏花雙喜

移時山鳥鬪芳叢深院佳人晝睡濃起立階頭驚碧草

不緣風雨落春紅

懷舊

滄江樓上酒初醒起視林花落曉星三月到京春雪霽
太行山色馬前青

送郭彥昭北遊

莫聽謳歌倚柁樓令人愁怨憶南州一片姑蘇城上月
送郎直過界河頭

題徽廟馬麟梅

龍樓鳳閣美人歌賞盡瓊花碧玉柯驛使去時渾浪折
江南春色已無多

題范寬小雪山圖

雪壓寒林萬木垂經旬不與野人期蹇驢借得如黃犢
猶怕山橋不敢騎

題趙翰林畫馬

大宛前日進龍媒屹立天墀駭骨開黃帕寶鞍纔卸却
鑾輿八月上都迴

題李唐秋山圖

萬壑霜飛木葉丹石橋流水暮生寒却疑二月天台裏
一路桃花照馬鞍

題五君瑞海棠

白日城南煥氣微春紅渾欲著春衣東風吹醒深宮睡
頭白君王萬里歸

西湖圖

二月西湖春似海南風北風天出雲美人如花坐船上

欽定四庫全書

元詩選三集

卷十一

學唱竹枝人不聞

寄友

愛爾湖邊草堂靜青青竹色照人衣閉門無事開春酒
不管風高柳絮飛

題衛明鉉山水小景為管伯銘賦

故人招我雁山傍更入秋雲結草堂至今未滿李徵士
白首猶貪著作郎

鄭采聯璧集附

采字季亮號曲全幼喪二親而賦性狷介州里不

能容兄東時客遊崑山乃走就之求四庫書疾讀

雖暑鏤金寒折膠不越戶限未幾下筆為文皆循

矩度而不輕於毀譽然剛毅忤物晚寓蘇之海虞

竟以坎壈終身焉

出門膏吾車

出門膏吾車欲登崑崙丘崑崙在西極我家東海
頭十步若九輟隣巷亦阻修况茲幾萬里而乃復悠

欽定四庫全書

元詩選三集

卷十一

悠但當努其力歲晏非所憂聞道夕可死聖謨實吾

舟

去婦詞

敝衣尚可澣古鏡尚可磨郎心一昏蔽反覆將奈何緬
懷初嫁時同心指江河江河固上流郎恩中道休娟娟
芙蓉花托根在芳洲驅妾出門去妾身將焉求安得明
月珠置之郎心頭

送姚子章之浙東帥掾

南紀四明雄浙左孤城百雉接風濤越裳客去得犀角
日本船來看寶刀元帥旌旗開外閩掾郎才畧服諸曹
帳中羽檄何須草政愛夔州詩法高

送果上人遊鴈山

雪消山色漲東州最好天台鴈蕩遊背負青天緣鳥道
面承碧雨看龍湫深春林麓多金剎落日江湖白石頭
石上玉芝應拾得念吾無物可消愁

李元珪廷璧集

元珪字廷璧河東人端厚沈毅重然諾酷志讀書
非其人不苟與交作詩若不經思往往超詣穎脫
字法追蹤鮮于伯機曲盡其妙晚年無子留滯吳
中多歎老悲窮之作時往來玉山與諸君唱和楊
鐵崖稱為中州之善學者

感懷

異方久漂泊晚歲羈吳門慷慨俯流水悠悠度朝昏荆
璞獻所知懷寶非有思達人一傾顧至道千古存富貴
易追逐馬能效奔塵世態日已薄憂心向誰論

春日訪雲林隱君倪元鎮

往歲慕幽隱茲晨適雲林倒屣荷主意下榻情何深取
琴為君彈唐虞有遺音感子曠達志滌我塵煩襟雨過
池草生窗虛松竹陰倚檻俯流水開軒聽鳴琴芳春集
嘉燕酒至還自斟愛客畏言別維舟睇遙岑

南昌諸郎立春次日邀飲江閣

置酒宴江閣濟濟皆郎官素心偶相愜氣味如芝蘭東
風奏微和晴雲靄林端美人歌白雪玉筋行春盤馬知
千里容共此一日歡夕陽下西麓徘徊更凭闌

一日復一日

一日一日復一日百歲能消幾雙履玉龍嘶斷東溟波
春風吹老南山石柳華著水流青萍琅玕弄影生秋聲
霓裳短衣尚堪舞鬪醜眼不再明竹馬兒童誇疾走
檀板梨園歌白首桑根陵谷號飢狐一夜黃河向西吼

欽定四庫全書

元詩選三集
卷十一

七

芒碭山下赤龍子千古英雄魂不死崆峒重揖廣成公
笑我攜來亂紅紫義和盡意驅長雲有酒誰酌田文君
燕雀紛紛戲鴻鵠古人道義今無聞東家嬌娥怯春老
曉鏡畫眉鬪新巧開屏自語芙蓉秋妾顏不似當年好
一朝一朝又一朝黃塵車馬長安橋麤衣藿食養心骨
會看鵬背摩青霄

玉山草堂

婁江東流五十里一溪青界婁江水溪中有水山為輝

結廬人住桃源裏虎頭幾葉之雲孫彩袖斑斑奉甘旨
弟兄連壁趨庭隅鸞鳳將一作雛下階址琪樹香生翠
靄間萱草花明紫芝底龜甲珠簾白玉鈎遠隔鞞紅映
羅綺石田移得少陵居教子經鉏足歡喜張騫泛槎天
上求相見出門驚倒屐有酒在樽琴在几把酒奏琴忘
爾汝珠玉揮毫喧坐起笑我分題續貂尾酒酣休誦德
璋文冰雪相看我老矣

秋莫

欽定四庫全書

元詩選三集
卷十一

七

秋色已云莫天寒未授衣異鄉三載過倦客幾時歸交
漆惟君久論心見面稀題詩寄清隱江國鴈初飛

梁溪春莫寄范德原

三月梁溪上徘徊憶故人容留山館雨花落野橋春愧
我無兒子憐君有老親何時相對榻重與話酸辛

梁溪留別虞彥高

野人情曠達志不在輕肥夜雨三更夢春江一棹歸神
駒難並駕鷺鳥不羣飛老去纔聞道吾生漸覺非

客海陵光孝寺秋深感懷二首簡盛克明

海陵蕭寺裏獨客感秋深只有君知己更無人聽琴鶴
鷓鴣天共影促織夜偏吟回首南塘路凋殘楓樹林
孤燈照無寐飄泊寄僧房蕙草零秋露莎雞啼夜牆愁
來嗟伯道老去憶馮唐曉把青銅鏡生憎鬢底霜

次韻遊虎丘

寶刹近城郭峰從海湧來千人盤石側絕壁劍池開
聞道吳王塚今為釋氏臺古碑題木客陳迹幾風埃

欽定四庫全書

元詩選三集

卷十一

冬至日試筆奉寄玉山主人

馳逐為家貧陽生歲又新鬚眉半將白天地一間人
梅萼香東閣桐陰靜北隣玉山有佳士念我走風塵

冬日平江寄倪元鎮

此首見玉山錢別寄贈詩題作代簡玉山

玄文館裏逢君日

玉山錢別寄贈詩作芝雲堂上西窓夜

剪燭傳杯夜一作

共話時寒月半窻親下榻幽人滿坐共一作吟詩無兒

守舍馮唐老有容分金鮑叔知咫尺維舟一作空悵望

封題聊為寄相思

雨中夜宿瓜洲江浦

春陰江浦易黃昏雨裏人家早閉門歸鴈雲間知塞路
過帆沙嘴帶潮痕遙瞻北固青山郭只隔南淮綠水邨
野寺疎鐘到孤枕閒愁清夜與誰論

秋莫夜宿望亭

茅屋沿隄密掩扉官橋昏黑泊船稀守關戍火明邨隲
隔岸漁燈照石磯寒木盡隨谿雨落斷鴻猶趁野雲飛
蓬窓歌枕渾無寐倦聽人家夜擣衣

欽定四庫全書

元詩選三集

卷十一

浣花館

浣花溪上界溪頭愛汝新成小隱幽日日花間頻洗觥
時時柳外更維舟春風繡幕圍歌扇夜月珠簾控玉鈎
倚杖看雲雙眼豁功名富貴等浮漚

題梅花士女

夢裏尋香出曉城一聲殘角暗魂驚美人不作羅浮夢
獨倚梅花看月明

題文湖州湘中推篷圖

岳王樓前湖水邊
離歌驚覺鷓鴣眠
生綃一幅秋雲亂
又上江南客子船

江行春莫

江岸薔薇也自紅
可憐夜雨落花叢
不如燕子知人意
箇箇飛來近短篷

白鷗

幾箇白鷗真可愛
碧波蕩漾即為家
春江正喜中流急
又闕潮頭過淺沙

欽定四庫全書

元詩選三集
卷十一

七五

和西湖竹枝詞二首

郎去遠過江上山
望郎江上幾時還
只怕郎歸不相識
湖邊日照容顏

三月湖邊花正開
江邊望船郎未回
燕子來時春又去
心酸不待喫青梅

題葢山題扇圖

筆花閒落素紈雲
闕映芳衢老眼昏
明月曉烟生曙色
應憐不識右軍門

欽定四庫全書

元詩選三集
卷十一

七五

元詩選三集卷十一

謹案第九頁前六行裕勒雅克明舊作月彥明今
改後倣此

欽定四庫全書



總校官候補中書臣吳紹潔
校對官庶吉士臣曹錫齡
謄錄監生臣楊愈柳

欽定四庫全書薈要

集部

元詩選三集卷十二

詳校官編修臣王天祿



欽定四庫全書薈要卷二萬四百六十六集部

元詩選三集卷十二 長洲 顧嗣立 編

張渥貞期生稿

渥字叔厚淮南人博學明經累舉不得志於有司
遂放意為文章自號貞期生又能用李龍眠法為
白描前無古人雖時貴亦罕能得之與玉山主人
友善即一時景繪為玉山雅集圖會稽楊庶夫為
之序傳者無不歎美云

欽定四庫全書

元詩選三集
卷十二

題所翁畫龍

我聞真龍神變化呼吸風雲齊上下胡為却向九淵潛
領下驪珠光不夜一朝帝勅鞭雷霆秘怪恍惚無逃形
蜿蜒千丈露頭角顛倒山嶽翻滄溟乾坤頽洞日為黑
元氣淋漓收不得願將點滴試天瓢草木晴光甦下國
龍兮龍兮汝為龍攀之不見追無蹤何當飛空附其尾
手接鴻蒙究元始

題昭君出塞圖

黃沙漫海燕雲高燕山雪凍春不毛紫塞生長獐如梟
筋強骨健膽氣豪角弓羽箭花紋刀踴躍快馬騰飛猱
玄旗樹日驚霜颺云是使者來漢朝漢宮佳人顏色嬌
蛾眉顛頰髮無膏手揮琵琶響檀槽聲鳴咽寫鬱陶
穹廬不暝鄉夢勞邊月長照非良宵天寒夜永朔風饕
雙壺灑灑傾蒲桃金門玉殿心旌搖長安煙水空迢遙
頽頽蹋歌喉犬豕自憐耳絕聞簫韶畫工受賄死莫逃
筆底妍醜移分毫振廷舊好恩不交此心無恨寵可要

欽定四庫全書

元詩選三集
卷十二

二

天荒地老朱顏凋干戈萬里兵氣銷廟堂老將蜀錦袍
玉帳坐爵摩赤旄兜離騁逐滿近郊鳳皇之穴蟠蛇蛟
北風動地吹黃茅獨留青冢狐狸號流魂千載誰能招
嗚呼流魂千載誰能招

題了堂上人鍊雪軒

雪消成水固非異煮水作雪真為奇吾師悟此煎茶法
掬泉敲火須臨時手搏清風弄明月幻作一同滋味別
試看椀面乳浮花熱惱消除置冰鐵君不見達摩面壁

雪山中至今直指傳宗風又不見玉川先生洛城裏軍
將扣門日高起何似松風堂上人不譚九轉丹有神漱
瓊嚙玉詩清新鹽我肥水華津津

絳雪亭

谿上花無數春風別有天樓臺仙子宅書畫米家船絳
雪迴歌扇紅霞落舞筵羽觴飛醉月應是酒如泉

題金碧仙山圖

丹崖翠壁五雲間此是蓬萊第一山笑指碧桃花發處

欽定四庫全書

元詩選三集
卷十二

三

玉鸞曾載月中還

題明雪窗蘭

援琴誰歎生空谷結佩應憐感逐臣九畹斷魂招不得
墨花夜泣楚江春

題畫扇便面

一作題
山題扇圖

一自蘭亭飛筆後昭陵風雨夜如何當年老媪能知此
扇出人間百一作
侍價過

題王元章梅

照水疎花冰有暈橫窗瘦影玉無痕孤山月冷黃昏後
拄杖曾敲處士門

題趙翰林畫蘭

白鷗波點研池清楚晚香風筆底生記得弁峰春雨後
撥雲移種向南榮

和西湖竹枝詞

長簪高髻畫雙鴉多在湖船少在家黃衣少年不相識
白日敲門來索茶

欽定四庫全書

元詩選三集
卷十二

西湖口占次玉山韻四首

清曉移舟及鬢晴水花明媚照娉婷銀箏玉柱纖纖手
翻得新聲醉裏聽

水光承雨亂銀花柳外雙峰出碧丫我便欲尋蓑笠去
斷橋灣裏是漁家

淺絳籠紗白玉膚鬢雲雙暉映犀梳尊前自有丹青手
描取崔徽入畫圖

舞衫歌袖奏紅紗一朵春雲帶晚霞盡日無人見纖手

小屏斜倚笑簪花

欽定四庫全書

元詩選三集
卷十二

五

李瓚弋陽山樵稿

瓚字子粲一字子鬯姑蘇人幼從余元明遊多才
能文自號弋陽山樵旁通浮屠并漆園氏學至正
十一年冬嘗過玉山作分題序有云人生百年憂
患之秋多燕樂之日少而况友朋南北東西迄無
定居則今日之簪蓋夫豈偶然哉讀此亦足見其
曾襟之曠達矣

因顏陋隱寄上清外史薛玄卿

仙人薛外史高隱在幽閒碧雲上清鏡皓月瓊林壇博
雅坐虛室飛神修大丹彈琴松樹裏吹簫清夜間幾時
訪仙館相與遊三山

春夜懷豫章倪中豈并太原王本中二子皆客

京師故詩及之

耿耿春夜永迢迢更漏殘美人隔千里清月在江關舉
杯不能樂援琴孰為歡悵望五雲外目送雙飛翰王子
經緯學紬繹茫無端倪生富文史落筆回狂瀾古劍沒

豐城大璞昧荆山奇才每不識萬古一長歎而我困賦
畝漂流吳楚間釜魚獨恒飢衣鶉每懷單慷慨念二子
頻年事征鞍庶幾抱琴志不愧齊門彈

江浦送別

協風吹冰津水色茫微綠沙融文禽集波暎白鷗浴之
子逝將別分手愁局促離觴一何頻征舸嗟去速今日
江浦東明朝關山北棹歌不堪聞悽然淚盈掬

種葵

種葵南軒下葵長不盈尺芄芄初葉茂挺挺交柯直匪
以花為美有取心向日孤忠類臣子恒性若有德只恐
秋風至蘭蕙同蕭瑟雖然遇彫落凡草孰可匹

袁南宮江西歸吳門隱居短句奉寄

江國徂春暮蘭苔生蕙風佳人天之末高隱林泉中有
懷不能伸愁思渺無窮朱弦發清響大呂振黃鐘依依
閭門柳去去塞北鴻永言寄歌詩用以慰幽悵

玉山佳處以夜闌秉燭相對如夢寐分韻得

對字

日夕南窗雲水生東北
滙開筵草堂接拄笏
玉山對洞酌興未央
清吟心每醉酒香
鸚鵡滿琴韻鳳凰
碎在蔡有雄才鄒
枚富佳製笑談可
冥身出處當拔萃
慨慷寧廢歌棲遲
何足累天高星漢
移夜久鴻雁逝投
筆慚鬢絲長嘯風
塵際

柳枝詞

吳江綠水生春明
江上柳枝今漸青
棲鳥啞啞中夜鳴

欽定四庫全書

元詩選三集
卷十二

八

愁絕東風長短亭
柳枝當戶森成束
思婦正倚闌干曲
別情有恨不可解
萬里相思淚盈掬
愁多不織流黃機
織得回文更惜悽
功名誤人不足恃
橐砧橐砧何日歸

春草曲

春風百草生何許
伊洛之洲澧之浦
荃蘅蘭蕙與芳杜
馨香采色紛無數
鷓鴣先鳴衆芳舉
萬綠如煙花欲語
王孫遊子去湘楚
蘼蕪闢謝山之阻
春草無情情獨苦
別離恨深迥終古
春草生淚如雨

歸鴻曲

高秋鴻雁來仲春
鴻雁歸關河道路
遠沙場聲韻悲去
年曾寄帛書去回
文織就相思句
橐砧遠在邊城戍
高樓不見絕心緒
愁多別久淚闌干
何日歸來再合歡
一聽歸鴻一生怨
揚子江南春雨寒

閩河柳

閩河春初官柳青
上有棲鳥啞啞鳴
千樹萬樹恨如織
水遠山長無限情
柳絲忽換黃金色
當時憶送遊俠客

欽定四庫全書

元詩選三集
卷十二

九

去年驚心揚子南
今年又恨沙場北
閩河柳管別離離
人一去何時歸
折枝千里寄相思

滄浪亭

蘓公昔在宋盛時
文采才名動天地
暮年築居向滄浪
草聖相傳世尤貴
積書為林墨為池
長歌散髮鬢如絲
風流百歲不泯滅
及此士論無磷淄
憶昔嘗為吳下客
刺船携酒訪陳迹
却思重游不可得
臨風悽然念疇昔

擊楫行

日華悠悠江色清碧波萬里生春明商婦琵琶別怨生
擊楫渡江舟正行美人美人既無情漣蘭沉芷揚芳馨
欲見不見心忡忡輕風吹羅裳擊楫且勿忙恐驚菰蒲
中文頸雙鴛鴦莫學桃根與桃葉渡江一去音信絕江
上春來復春去對此流光淚盈睫

再題漁莊

五湖之東煙水長高人於此構漁莊開軒垂釣吟麗藻
泛舸吹笛窺扶桑金尊滿注蒲萄酒醉看吳姬小垂手

欽定四庫全書

元詩選三集
卷十二

十

榮名耳熱何足誇幾見秋風落楊柳

春原

林樾風初協却原泥正融香蕪連野碧冶杏過墻紅塞
雁歸天末巴鶯出谷中春光濃若酒歡賞興何窮

春初奉寄海虞山北聲九皋上人

杖錫虞山北春風憶舊遊翠崖雲每集丹壑水爭流染
翰超懷素哦詩繼惠休何當上潮夜相與汎扁舟

遣興

遲遲當麗日冉冉及陽春草色連煙翠柳條垂麴塵哦
詩紅杏館漉酒白綸巾欲寫江淹賦悽然寄遠人

春半

水國春將半叢篁暎白沙簷楹昏燕雀徑銜接桑麻吟
嘯分江色登臨愛日華何當學鄭子谷口問山家

遣興

客舍沙南蒲子凋流光愁思共微荒落林翠竹含溪影
小樹紅梅播野芳解樂師襄方入海乘舟張翰謾歸鄉

欽定四庫全書

元詩選三集
卷十二

十一

不如却學南山牧叩角浩歌清夜長

柳花

澤國春餘江樹盡柳花無數沒見翁每當白日飛晴雪
似與游絲逐惠風灞上啼鶯孤驛外隋堤歸馬夕陽中
離人欲折還驚歎空對柔條恨不窮

懷玉山西墅

西墅幽期每自知晚來無物不宜詩白蘋點綴秋波遠
紅樹留連落照遲親老正當貧賤日身輕唯荷聖明時

可能便把投竿手來問漁莊覓釣絲

牡丹一章奉寄玉山公子

卷南亭館春風樹魏紫姚黃取次開翠羽當窗林影麗
紅雲繞坐國香來凝酥煖汎金壺釀羣玉晴籠錦帳埃
浦外何能夸芍藥番禺自足媿玫瑰竟須高宴煩燕女
左手持花右酒杯

玉山草堂

羨君家住玉山傍地勢江流接草堂書卷已傳秦伏勝

欽定四庫全書

元詩選三集
卷十二

十三

釣竿還學漢嚴光溪毛秋冷珊瑚小野竹寒深翡翠長
酌酒幾思援北斗濯纓還擬汎滄浪聖明此日興賢急
才子那能滯遠方

玉山佳處

玉山亭子仙人築小似桃源隱者家天近方壺知劍氣
水從清漢接星槎參差鳳吹空歌迴爛漫龍香醉墨斜
金盃細傾新竹葉銀瓶還出小瓊華榮名何事頭如雪
亦欲羊裘釣白沙

莫春二絕句

水生澤國徂春莫倚杖汀洲立惠風千樹梅花紅雨落
滿林竹筍綠陰濃

牡丹滿檻紅於錦柳絮隨風白勝絲何日扁舟釣湖上
滄波深處一絲煙

漁莊欵歌二首

芙蓉開偏錦雲低夜飲漁莊月滿池按得新詞倚紅袖
桃花便面寫烏絲

欽定四庫全書

元詩選三集
卷十二

十三

纖纖新月上簾鉤楓葉蘆花隔水秋一曲清歌來送酒
雙鬟小妓木蘭舟

陸友杞菊軒稿

友字友仁平江人父業賈友攻苦於學為鄰里所
竊笑及長為詩有法度尤長於五言律嘗至上都
奎章閣博士柯九思侍書學士虞集交薦於朝未
及用而二公皆去職乃偕九思歸吳闢斗室扁曰
志雅齋自號硯北生著硯史墨史印史所為詩文
有杞菊軒稿吳中雜志卒年四十八友仁博鑑古
兼工隸楷凡三代而下鐘鼎銘刻法書名畫一入

欽定四庫全書

元詩選三集
卷十二

十四

其目真贋立辨經其品題價增數倍云

石民瞻作縣彭澤集賢趙子昂畫馬贈別後為
他人持去二十年後復得之題詩以識之

朝踏長安塵暮傾渭城酒風流趙集賢畫馬當折柳晚
涼池上洗馬歸園人控鞍不受羈此馬自是玉龍種想
見明牕貌得時題詩人物不可作北雁南雲總離索舊
遊回首二十年今日重看宛如昨春盡江頭生綠波青
山滿眼故人多惟有當時陶令在奈此蕭蕭白髮何

題宋江三十六人畫贊

惜昔熙寧全盛日百年曾未識干戈江南丞相變法度
不恤人言新進多蔡家京下出門下首亂中原傾大厦
睦州盜起關連北誰挽長江洗兵馬京東宋江三十六
白日橫行大河北官軍追捕不敢前懸賞招之使擒賊
後來報國收戰功捷書夜奏甘泉宮楚龔如古在畫贊
不敢區區逢聖公我嘗舟過梁山灤春水方生何渺漠
或云此是碣石邨至今聞之猶褫魄

欽定四庫全書

元詩選三集
卷十二

十五

桂之樹

桂之樹寒我衣秋風昨夜起遊子送將歸明年春水盛
鼓楫下江磯

送趙季文之湖州知事

共說佳公子翩翩清且賢傳家存舊笏載世有遺編漚
鳥衝波去苔花帶雨牽糾曹官事少揮塵看山川

吳桓王墓

見一作說桓王墓名因父老傳如何漢社稷竟分一作作

魏山川壤隧秋風入荒丘暮雨懸唯餘碑上一作銘石字隱

隱赤鳥年

送趙子期使交趾

萬里交州道還聞虎節馳天王頌正朔使者護蠻夷瘴
雨侵榕葉腥風度竹枝奉辭存大體定服遠人思

見說

幽并豪俠士新拜羽林郎夕按秦城曲朝薰荀令香折
花當閣道射柳傍宮牆見說紅城下今年春草長

欽定四庫全書

元詩選三集
卷十二

十六

送國王多爾濟就國

奕世名王策駿功遠分茅土鎮遼東玉符金印傳孫子
鐵券丹書誓始終滄海斷霞通虎帳黑河飛雪暗琯弓

莫忘聖武艱難日四傑從容陟降同

次張貞居所賦雲林

松花新釀碧琳腴洗杓何妨起病夫茵閣下簾修隱訣
雲林埽榻挂仙圖旋移竹近文書案自汲泉添刻漏壺
聞說華陽多玉食洞中燕肉膩如酥

泊虎丘

晚泊虎丘山下邨小舟搖蕩一溪渾遊人車馬各已散
宿鳥池臺故不喧初月出林光照地亂雲入寺影當門

關

題米元暉畫山水

翳翳雲中樹亭亭江上山秋風生柁尾蕩漾碧波間

題倪幻霞良常草堂圖

家住華陽洞長松映草堂平生有高致不似賀公狂

欽定四庫全書

元詩選三集
卷十二

十七

贈諸葛子熙三首

聞道長安異昔時秋風落日草離離九成宮闕無尋處
空有人來拂斷碑

百二山河路欲迷荒林敗冢轉悽悽夜深曾過昭陵下

風雨猶疑石馬嘶

北堂萱草綠朶朶白髮慈顏不解憂盡賣刻辭供菽水

誰憐跡足徧長洲

顧盟仲贊集

盟字仲贊甬東人高才好學嘗館于杞菊軒詩見玉山雅集玉山主人編仲贊在張仲簡之後今坊刊選本有張簡而無顧盟想亦據玉山雅集錄入而抄本多脫簡遂將仲贊詩俱誤入仲簡集中流傳舛謬已久不得不急為改正之

閱真誥

長史昔好道鍊真三秀峰夜感紫微仙降集華房中鸞

欽定四庫全書

元詩選三集 卷十二

十六

鳥鳴素月翠旒颺琅風擣辭託諷寓讚揚皆真宗中有餐霞法可以回嬰童刻之白玉檢藏之華陽宮真人有仙氣乃得探其蹤我生慕玄素無由啓愚蒙嘯詠金玉童靈音朗九空懷仙起冥想颯然精靈通焉能出囂滓歛忽驂雲龍

送王子充歸金華

春入長洲苑東風已及時苑中垂楊柳吹作黃金絲送君出春城艤舟折柔枝以此聊贈遠相別仍相期君歸

金華山當逢牧羊兒母因入山去遂爾來遲遲楊柳飛花日待君同賦詩

次韻答強仲端

花落紅雲島風生白玉堤真人不出戶芳樹自成蹊掃地雨初歇卷簾鶯正啼此時不一見春思轉淒迷

賦翠微

倚山為宅似城閭耕鑿縣知可療貧政想綠陰當甕牖但愁翠雨濕綸巾投林鼠雀終無角出谷峰巒半似人

欽定四庫全書

元詩選三集 卷十二

十九

濁世無憂惟隱者願分藜藿老天民

送樊仲宜

樊郎昔補太常掾郊祀通天致敬時先過罌罍張鼓樂復從鹵簿建旌旗頌宣即用金書刻讀祝還令玉版持今日江南見樵者命渠歌作贈行詩

送謝子方歸臨川

連雨淋浪不耐秋江行已試木棉裘侍中無夢思通籍肘後有書能校讐身坐米船歌灌口眼明瀑布是江州

到家先謁虞夫子定作芝亭一月留

次韻慶雲衲二首

數竿脩竹便為鄰有力任春未是貧世事空隨流水駛
閒心自與白鷗馴更招遼海傳書鶴為問玄洲種玉人
還有佳期同晚歲白雲相對豈無因

東來孤鶴下林梢破屋蕭條不翦茅洗玉池頭雲氣合
繡經臺上樹陰交閒心詎遣神為馬避世方慙祝代庖
忽寄新詩到玄圃清歌須藉玉壺敲

欽定四庫全書

元詩選三集

卷十二

次韻范德原與倪元鎮城南倡酬之作

高士叩門方倚馬先生與客正爭棋也知溪上多佳集
亦到山中傳好詩滿地綠陰敷坐處隔林黃鳥把杯時
城南我欲相尋去買下扁舟恐後期

次韻范景逸立春日病中之作

歲暮西岑雪未晴范公祠下少人行探梅踏凍煩丹使
扶病迎春問麴生石竈茯苓和雪煮雲根流水似冰清
瓜田數畝春泥煖好課巖中子弟耕

八月十三日自鴻山歸吳舟中賦

扁舟風輕穩如馬容我領覽秋氣清橫塘水深白鳥下
欹樹雨濕青苔生東曹掾吏有高興太乙真人無俗情
去關吹簫喚孤鶴明夜月滿姑蘇城

送呂惟清歸耕蕪湖

蕪湖郭裏野田花曾見南朝舊將家九月荒茨飛社燕
千年喬木噪寒鴉江山風雨殊今昔文武衣冠起歎嗟
扶冊一作策歸舟一作耕有孫子寧辭辛苦答春華

欽定四庫全書

元詩選三集

卷十二

次韻張田秀才見寄

樹杪青蟲晴蠶絲春城風物似年時貧餘許邁餐金法
樂一作閒止一作有陶潛飲酒詩芳草青青連野闊征鴻歷
歷渡江遲長洲故苑烟花外千里懷人入夢思

紅梅

九疑山中得道女春寒石上飲流霞不知遺却玉條脫
獨倚春風暮竹斜

寄學可二首

九龍之山第幾峰曾看飛雪下長松小樓日夜聽春雨
忘却溪頭尋暮鐘

石上一杯清冷水傳是若冰小洞天借渠茗器登山去
春雪正與梅爭妍

寄阿山

最憶鳳雛年十四臨池愛學漢中郎西齋舊種櫻桃樹
今歲還應共汝長

次韻楊廉夫治春口號八首

欽定四庫全書

元詩選三集
卷十二

三

姑蘇城北桃花塢日日敲門去問春自是狂夫被花惱

求之不得亦愁人

醉舞花前倒接羅雙雙燕子共差池留連只恐春光暮

芳露濕衣人不知

石湖春水如酒濃玻璃萬頃開龍宮我時泛舟過湖曲

無數桃花發舊叢

近得玄洲餐玉法不用采石登昆侖景純解道游仙句

海上鶴來傳到門

江城雪夜深一尺欲問梅花馬不前袁生此時正高卧
不知春江有釣船

玉壺春酒碧于海客至縱飲寧傷廉已無俗事惱真趣
只有清香散寶奩

綠暈雙蛾新畫眉風流堪賦比紅兒繡窓無人解春意
行傍辛夷折柳枝

吳姬殷勤折簡呼青錦坐褥花中敷聽唱梨園供奉曲
新聲一串驪龍珠

欽定四庫全書

元詩選三集
卷十二

三

游石湖治平寺用唐人許渾所題詩韻

湖上春雲挾雨來楞伽山木盡低摧吳王廢塚花如雪
獨自吹香上舞臺

題雲林生遠山湧翠圖

偶因滌硯寫從容點染那能似畫工千載風流誰可擬

令人猛憶米南宮

元鎮所居地名蠅
牛廬俗呼黃犢廬

衛仁近敬聚齋臺

仁近字叔剛一字子剛華亭人好學績文書法學黃庭經自有一種風流醞藉俠才子氣至正間嘗游吳興守將候見之送餼米百斛既舉幕官並辭張太尉闢延賓館幣使聘焉亦謝免養高授書里中年四十七卒有敬聚齋詩橐子剛從楊鐵厓遊鐵厓謂其詩音節興象可追盛唐常以才子目之其秋夜曲白苧詞九山讌集等篇極為一時所稱

道

題陳履元畫玉山草堂圖

萬木陰陰覆草堂湘簾低下淨琴張遙遙萬里橋南路彷彿百花潭上莊白鳥向人飛箇箇好山當戶立蒼蒼披圖想見人清絕為寫新詩並晚涼

承玉山主人遺竹枝輒賦近體以寄

草堂只在玉山西未識風流顧愷之鴛冷繡衾春病酒蠟銷銀燭夜敲棋每懷鳳鳥棲梧樹輒倚烏几唱竹枝

昨夜闌干明月上惱人簫管不勝吹

擬唐宮詞

九重春色繞金鑾龍渴宮壺午漏殘犀押簾垂紅霧暝獸爐香盡碧雲寒隔樓度曲多西子別院吹笙是內官見說羊車明日過旋栽楊柳護雕闌

奉寄楊鐵厓

白髮揚雄三泖上樓船日日載青娥驪珠泣月夜光冷象管叫雲秋思多問字諸生頻載酒購書道士為籠鷲玄霜臺上涼如水好著吾儂拍手歌

送劉主事北上

曉漏沈沈禁籥清內班初進珮環鳴九重日月明金殿四海車書會玉京天子龍飛乾道正宰臣鵠立泰階平幾時我亦觀光去醉插宮花出鳳城

秋夜曲二首

誰家女兒青結螺花前雙歌舞婆娑湘簾在鈎明月多奈此迢迢涼夜何

銀河流光夜初靜
姮娥娟娟度鸞影
綺疏美人醉方醒
倚闌吹簫更漏永

彭宗仲愈集

宗一作宗宗仲愈廣陵人無書不讀學通五經性行

純謹言笑侃侃陳敬初深敬事之來吳中授舉子

業戶外之屢常滿江左碩儒也詩見玉山雅集

送粹上人還天台養母讀書

逝川無停波浮雲時獨飛十年出家去早著遊子衣朝
帆南海航暮采北山薇孰云方外樂倚門有遐思九九
赤城山中有烏烏慈娛嬉在昕昔况適靜者期朔風吹

大江越樹淡寒暉
顧瞻東歸屐夢繞玉溪湄

送丁好義

晨登吳王臺蒼然望八荒
大江東南去浮雲西北翔
中有鷓鴣飛前隨雙鳳凰
梧桐正蒼翠亦待鳴朝陽
白露湛清秋山花已黃黃
折之欲相贈歲晏同幽芳

寄沈鼎臣二首

中庭好花樹欲發
遲良時春風一嚙拂
粲粲已盈枝青實未堪摘
苦心良自知朝榮暮憔悴
物理固其宜願將

合歡草持以遺所思

宛陵大江左我家更在東憶子到縣時目寄孤飛鴻滄浪無釣艇海洋多颶風遊鱗向何處遠將消息通嚶嚶雙黃鸝躑躅芳樹中聽之有深意白日已匆匆

金粟影

開窓見明月團團弄清輝湛露下樹柯幽香發華滋手舉青玉案嘉與仙人期遨遊青雲中遺我最高枝茹芳燕瓊液插花醉瑤池中有羣鳳鳴景星亦相隨高軒夜深坐秋影正歲疑勿持廣寒斧為賦小山辭

欽定四庫全書

元詩選三集

卷十二

深坐秋影正歲疑勿持廣寒斧為賦小山辭

芝山吟并序

徐君勉之番陽人芝山在番郡之陰世傳山常產芝郡人往往以科第顯勉之兩舉鄉進士得山長慈湖人謂勉之若有不釋然者予故為道其所樂作芝山吟餞之

西山有靈芝我采茹其芳吐氣為卿雲絢爛紛天章紫微上卿不敢惜手扶氛埃看五色虎豹衛關深九重

爍電光迷白黑歸來不是故山遙天風卷幔正飄飄化作慈溪津林雨坐令嘉植長春苗碧澗泠泠煮芹藻恰似山中采芝好咀華滋味與人同梁肉朱門祇素飽闔閭城頭秋日涼停雲只隔錢塘江西山日夜生輝光山中紫芝燃燃長更結飛霞高頡頏

巴陵女子行

一作韓節婦

巴陵郡西江水渾赤沙黃壤東南奔邇來湜湜已百載中有婉孌之忠魂當時郡有賈氏婦志節凜凜摩乾坤

欽定四庫全書

元詩選三集

卷十二

家亡國破身執紼一作紼義不辱乃是韓魏國忠獻五世之

曾孫臨平湖開石封發五陵氣盡天房昏甲一作鐵馬三

百萬北來正噶噶一作噶連城破竹勢迎刃牽羊係頸投

冠解綬乞伏竄匿俱紛紛不意弱草一作流中見此松柏

根讀書不學一作如曹大家事夫却是一作似桓少君君臣

大義本與夫婦一慷慨萬古保貞操視生死一作死生朝夕

不啻富貴如浮雲恨不生為男橫戈赴三軍栖栖臨絕

音耿耿昭人文練裳縱橫四百字上陳祖宗創業有至

道下斥姦邪誤國偷生存吾詞既畢分已盡精衛何苦

猶銜冤想當捐佩入不測幽光上浮白日銜一作陰魄

直一作塞珠宮門湘靈罷一作瑟虛妃泣馮夷長嘯羣

龍翻至今合頌一作其詩感其事令人浩氣填膺一作

那可捫或者疑之不能成人善謂其見夢於人不若効

靈史氏為可敦烏乎時一作嗚呼世無歐陽公斷臂之婦終

無聞何以愧賣降表貞節薄俗那能譏免園我願然犀

取靈骨封以夏一作屋旌以石表雙高躡奏之大廷布

天下激厲臣子皆忠淳可以扶一作植三綱正人倫謂予

有不信請視賈娥墳

怡雲軒歌為茂上人賦

怡雲軒前古松樹日日雲來滿幽戶怡雲野老對松眠

看雲自來還自去非煙非霧流光晶白衣蒼狗條多形

有時驟雨動靈怪恐是老龍來聽經飢食坐單行復息

心與浮雲兩無迹鉢中水是天上泉窓隙罅非山下石

青天漫漫積空寥磅礴雲間無遠遙乘之瞬息千萬里

靈鷲峰頭雪未消我樂在雲雲我悅相從不似長相別

雲歸巖洞我還山碧潭夜夜看孤月

張遜溪雲集

遜字仲敏號溪雲其先南陽人寓居吳博學善屬
文精書畫初從黃冠與息齋李衍同畫墨竹一旦
自以為不及即棄墨竹而用勾勒法妙絕當世郭
義仲贈詩云好竹每懷張仲敏冷冷風骨水為神
或云吳郡又有一張遜字以行非也按邑志盛或
傳云日與楊維禎鄭東張遜秦約陸仁張恕仲天
爵諸名士倡和而坊本或誤作張恕仲割裂可笑
張恕字以行洪武初以才德徵入見試春山新水
詩稱旨除北平盧龍知縣其挽盛或詩序云盛公
子與余世姻而契義最相得洪武甲寅遷家婁東
而余亦宦游燕冀遂成契闊則知其為張恕之誤
無疑也彼時安得有两張遜耶姑辨出之以俟知
者

題桃花溪

一作浣
花館

種桃如種柳容易得成花千樹恐無地平原堪子家晚

風迎窈窕春水繞汙邪久不通人問循溪步曲斜

無題四首

銀屏曲曲掩秋塵何處車聲五色麟飛燕曾為掌上舞
崔徽不及卷中真蕙花清露初成佩菱帶文波繡作茵
獨倚疎桐無限思盡憑雞卜問江神
一夜冷風入翠幃夢魂長是遶湘江香螺脫鬢烟生幄
豆蔻含胎蝶滿窓碧岫臺空雲雨斷絳河星動女牛雙
牢愁得似秦城遠幾日重圍未肯降

欽定四庫全書

元詩選三集
卷十二

三

只思涼月午陰移漠漠重簾怨阿螭竹泣啼紅猶染淚
藕分纖碧尚牽絲題封欲寄金條脫收子休彈玉局棋
惆悵章臺南畔柳何人折盡最長枝
新水流雲滿綠皋畫橋微步聽黃袍空傳解佩酬交甫
只惜能詩似菖桃柳色障塵侵小扇荷筒含雨沁香醪
蛾眉老去都陳迹懷古懷春謾自勞

留別李五峰

秋風曾過青蓮館南蕩誰傳白雁書只擬馬遷為太史

也知杖乘有安車客星當戶江清夜華月浮空雪霽初
如此好懷舟莫發憑高醜酒鱸雙魚

懷貞居張先生

不見貞居張外史故園牢落已經年山中絕境如三島
河上遺書著幾篇竹榻何曾延俗客瓊樓只合貯神仙
扁舟有待秋風後重約湖陰日扣船

題林屋佳城圖

黃家老子婁東客望望青山隔太湖獨鶴不歸林屋洞

欽定四庫全書

元詩選三集
卷十二

三四

佳城渾似輞川圖秋高月白啼山鬼樹老霜寒長木奴
他日結廬當墓下好歸耕隱學潛夫

聽雪齋分韻得花字

夜宴玉山家春風舞雪斜佳人歌白苧零亂落梅花

題挾彈圖

綠樹陰陰水滿堤春風立馬看黃鸝憑郎金彈莫輕發
恐有慈烏來上栖

文質學古集

質字學古一作甬東人隱居吳之婁江學行卓然

詞章奇放好為長吉體酒酣長歌聲若金石嘗與
楊鐵崖夜行有挑梅花燈者鐵崖命賦一詩立就
為鐵崖所稱年九十六卒崑山志載學古與邑中
者儒盧觀趙天祐衛館盛德瑞范天與共六人有
司月給廩以贍之元時待士之厚如此

月澆澆送瞿慧夫之棟川

欽定四庫全書

元詩選三集
卷十二

三五

月澆澆在婁水老蟾千年浸不死容花已萎春蕙芳殘
望茫茫運天髓月澆澆在棟水桂影無煙玉如洗一天
清吹涼參差琉璃碧破飛魚起我家月明滄海曲漁歌
不驚鷗夢熟脫巾醉卧竹葉舟白頭浪起高於屋送君
行月澆澆

公無渡河

公無渡河河水瀾瀾腥風怪雨捲空來濁浪掀舟雪山
起妾力挽公不我止公既渡之竟如是淚可竭情可滅

河水東流何日歇

行路難

行路難歷九土猛虎當途狼在隄滿目莽蒼荆管深獵者誰為施琮弩行路難渡江河其中豈無蛟與鼉行舟往往看風色如山大浪揚驚波水陸之險尚可平人心對面干戈橫浮雲變態在倏忽陰矢設毒無猜驚君不見史伯魚處世以直誠非愚西邊鵲噪東啼烏行路難堪嗟吁

欽定四庫全書

元詩選三集

卷十二

折楊柳

折楊柳煩纖手金黃細縷牽春愁送客年年汴河口汴水明楊柳青此時傷心無限情同心結就孤舟行折楊柳君知否有書莫寄雙鯉魚一度春風一回首

烏夜啼

烏夜啼江月皎皎流寒輝去年養子叢木底今年九子俱不歸夜夜啼聲慘悽網羅天地難高飛反哺之恩竟寂寞風巢冷落秋煙稀烏夜啼啼相思

城上烏

城上烏啼攫攫朝啼城南頭暮啼城北角昨日妻別夫今日母憶兒烏啼烏啼心愈悲征人去兮歸不歸烏啼烏啼知為誰

送李公質之揚州

海風吹秋秋無痕秋風灑落秋無魂樓船萬斛夏明月怒濤駕空相吐吞隴西才人天上客古劍飛花溜新白腰纏十萬何足云載詩未許揚州鶴揚州瓊花天下無為我貫酒提胡盧醉來莫問江南侶豪氣逼人真丈夫

欽定四庫全書

元詩選三集

卷十二

澹香亭

澹香亭前春可招雪花千樹開瑤瑤溶溶夜色照寒影二月東風吹不消崑山一作丘仙人天上客爛醉花陰坐瑤席仙姝采香雲滿衣酒醒但覺春無迹人生歡樂苦一作不無多百歲流光若一作如擲梭古來榮達已塵土對此不飲將如何

白雲海歌

白雲深白雲深白雲深處元無心眼空瑤海一萬里山
光不動秋陰陰虛白英英一作五五落肩慵袖拂天開落星
斗盡隨玉氣化為龍不逐西風變蒼狗道人高居白雲
裏九重丹書徵不起三生石上話因緣春夢梨花隔秋
水風塵眯一作目橫干戈龍吞虎噬奈爾何斷蛇神器
未出匣海宇無復春光和世事紛紛為一作如落絮百歲
流光水東注白雲與我有深期我亦相依白雲住

虎丘燕集送

之秣陵分賦吳王城

欽定四庫全書

元詩選三集

卷十二

吳王城據東南雄夫椒一戰成厥功鑄鑊夜泣伍員死
黃池之會城池空城池空越師襲宮前草露沾衣濕烟
花遺蝶黯離愁三江潮來若山立君不見城上蒿碧如
染兔穴狐蹤徧荒甸漁歌落日破湖烟鷗夷蕩舟迷激
灑前年送客閨門西楊柳青青官馬嘶今年送子出城
去接天芳樹春迷迷霜臺故人俱豸首尺簡誰能問山
藪簿書叢裏看崢嶸歸來共醉吳中酒

春草池綠波亭

池上新亭好憑闌引興長朝暉生草色天影落波光雨
過鳧鷖亂春明杜若香為懷江謝趣清夢遶西堂

和九成韻寄玉山主人二首

我愛虎頭公子賢高懷歷歷瀉長川酒樽花底分秋露
茶竈竹間生白烟日落漁莊聽雨坐風微草閣看雲眠
西涼進士曾留別應說相逢十日前

玉山之堂風日好高居共喜值清時紫簫度曲頗行酒

彩扇分題那賦詩溪樹積陰疑雨過水花流影若雲移

欽定四庫全書

元詩選三集

卷十二

白頭有約漁莊上我亦歸休理釣絲

題林屋佳城圖

太湖湖上黃公墓畫得圖成慰所思林屋天寒龍起夜
水晶宮白月來時山山暑雨黃梅熟樹樹風霜橘子垂
遺訓不忘鄉井念望雲應廢蓼莪詩

題芙蓉畫屏二首

太液池頭月色涼夜深天上按霓裳西風吹醒游仙夢
尚帶清秋玉露香

沈水煙消啓綠窓涼秋又見木葉雙日斜睡起銀屏裏
應是相思到曲江

題秋林才子圖次玉山韻

石嶺西來竹屋幽寒驢歸去晚山稠溪頭霜葉似花落
天外白雲如水流

題風雨歸舟圖

西風木落九江秋黃鶴磯頭是舊游憶得向年風雨裏
青山無數逐歸舟

欽定四庫全書

元詩選三集


四十一

梅花燈

五出玲瓏四面分一枝挑月照黃昏歸來踏遍橫斜影
吹落東風不見痕



元詩選三集卷十二



總校官候補中書臣吳紹濬
校對官庶吉士臣曹錫齡
謄錄監生臣楊愈柳

欽定四庫全書薈要

集部
元詩選三集卷十三

欽定四庫全書薈要卷二萬四百六十七

集部

元詩選三集卷十三

長洲 顧嗣立 編

周砥履道荆南倡和集

砥字履道號菊溜生又號東臯生吳人幼家徙無錫居市上未嘗與羣兒戲自知弄筆硯稍十四五

擇從文學高等遊俄而才思大進舉州皆驚遊吳

門士大夫名能文章者莫不希得砥一先詣為已

增價至弱冠尤盛於詩每東西浙燕享四方餞集

欽定四庫全書

元詩選三集
卷十三

作者動三數十篇砥常卷中迴出其詩幽麗豪浪

無所不有為小楷行草略備諸家體溢而為畫寓

篆籀法人罕得之至正間與馬治孝常俱主義興

周氏家周氏好學有賢行為屋澗東西以館之置

茶具酒杯屬其子弟從之遊窮陽羨溪山之勝因

合前後所作為荆南倡和詩義興多富人與治厚

善者咸治酒為具名砥砥心惡之一日貽書別治

夜半遁去歸吳復與高啟季迪徐賁幼文結社已

詳校官編修臣王天祿

而張氏據吳從軍會稽歿於兵幼文題荆南倡和
集云此帙乃履道親筆季迪所藏者季迪序而屬
其鄉人呂志學收之洪武丁巳余在河南孝常持
此帙來見蓋呂所歸也李應楨題集後云無錫別
有一周砥官廣西桂林靈川縣典史非此所謂字
履道者因讀是詩漫書之俾有攷焉

過任彥升釣臺

雪樹參差短寒山迢遞明春流釣臺沒殘照夕嵐輕萬
化同漸盡孤名似水清誰悲范僕射千載見交情

出西澗過龍巖途中瞻眺

適意窮山水覽物眷時候蘭薄迷煙孕桐林仰雲逗却
立駐幽躅前臨縱遐觀谷鳴始嚶嚶川響復瀏瀏衝
激高竹晴曦艷寒溜崖複翠羽戢石觸金鱗皴妙合理
無遺心怡興難究逼仄緣石磴峩堦陟雲構豈唯廬霍
期攬此崑崙秀素履非行險逸想仍冒詬遙遙此中情
庶以謝紛揉

賦得晚晴送禪師

浮雲暮初霽空宇湛然清復念還山客遲遲南澗行新
禽響叢木殘照入孤城即此閒來往方紆塵外情

對新柳

纔弄新春色已有紫愁意欲倚不成眠待扶還似醉疎
雨飄枝溼暮雀銜花墜脈脈獨含情故園那得至

送梁生

荷衣不掩體客路暗傷春誰是憐貧者金陵有主人

遊龍巖三洞之間酬馬孝常

商巖紫芝久不采淮南丹書竟安在仙人勸我三洞遊
身如騎龍倒東海海氣茫茫雲霧迴白波捲雪連山來
雙童手弄海底日紅光一道金蓮開瑤草綠可折瓊樹
花冥冥昔人煉丹丹竈在錦苔繡石光青瑩雷行半空
中逢逢擊天鼓玉女鸞笙時下來前頭四足神魚舞醉
拂珊瑚鞭玉虎我欲因之窮洞府問訪八公五雲裏為
說蒼生受辛苦不然飛出西華顛太極總仙之洞天安

得周迴更二千直與龍巖之洞相鈎連蓮花峯上重攜
手笑攬霞觴窺八埏

春寒慰瓶中杏花

銀瓶春靜竹風來愁向花前把一杯不得幽人相伴住
西園雨裏亦須開

聞笛聲送任掾

春水綠波生柳塘橫吹掩抑復悠揚今朝送別已惆悵
前時渡江猶斷腸

欽定四庫全書

元詩選三集
卷十三

四

經杜樊川水榭故基

落花風裏酒旗搖水榭無人春寂寥何許長亭七十五
野鶯煙樹綠迢迢

贈昶公

我本匡廬種蓮者奄忽飄零塵網中衣食坐為妻子累
文章翻笑古人同酒醒瀑布千巖雨恨滿江波一笛風
閒共山僧語終日揮絃送目歎飛鴻

懷玉山子

伊昔延清賞玉山仙子家風吟蘿磴月雲卧雪巖花海
鶴西飛遠吳門東望賒相思似春草煙雨滿天涯

戲和呈孝常

澗房松竹靜煙霏徑裏蒼苔行迹稀相與尋君遂初賦
江花欲落換春衣

登西岡望龍池諸峯贈馬二山人

登臨不涉險緩步情始暢振衣西岡頭矯首一長望朝
陽匿光彩宿霧猶隱嶂山靈忽不靳連峯洶波浪何許

欽定四庫全書

元詩選三集
卷十三

五

芙蓉青龍池半天上銅官從中起磅礴氣逾壯迴風過
林莽草木皆振蕩青綿十萬縉鈿車五千兩山人地志
熟指顧名所向窮厯吾豈能高情倚疎放平生煙霞志
配此丘壑尚思欲逃喧卑結茅計非曠緣知兵革後已
恐溥朴喪蕭條采芝意臨流重惆悵

晏起一首

晏起望南郭依微見遠岑疏花消夜雨唳鶯罷秋林偶
有適道意本無遺世心不能勤四體聊用寫瑤琴

夜坐懷孝常

待月下石壁罷琴竹間亭坐絕百蟲響旅懷纒夜寧天
高玉露瀉草木流晶熒四山湛秋色萬物無隱形風蟬
抱葉落雪鶴迎雲停此時西澗人柴門久已扃誰同展
清會念此風泠泠世難避空谷憂思同醉醒偶適不為
貴人生易漂零茫茫河漢流熒惑光衆星干戈未衰息
前途杳冥冥歲晏有結託東去浮滄溟

寶粹二上人值雨留宿西澗草堂明日賦此以

欽定四庫全書

元詩選三集
卷十三

六

贈

蕭條黃葉山中寺回首松蘿滿夕曛丈錫遽行三十里
一風相送兩孤雲竹堂聽雨驚秋晚木榻留燈語夜分
在昔山林憂患等應修白業益精勤

過西澗

放鶴白石上曳履青林間近竹門自掩采樵人未還草
生西澗雨雲斂南湖山遊咏以終日相依道者間

雨中一首

淒涼懷故舊寂寞臥丘園溪冷風蒲折林高雨竹喧漁
人留野渡田犬吠衡門無限清秋意何從製一言

西池夜坐聽風竹

泠泠不能休瑟瑟還復輟宮商發金奏波濤滿林樾聞
性無合離聲塵自生滅適觀喧中靜坐對牕間月

秋思次韻孝常七首 錄四

白下門西江水濱寒煙衰草臥麒麟當時談笑塵沙靜
誰是東山折屐人

欽定四庫全書

元詩選三集
卷十三

七

金鼓連山震不休旌旗獵獵楚江秋猶喜雲屯三十萬

賢王自古填揚州

雙者一夜颯秋霜望斷南天北鴈翔何許高樓吹玉笛
傷心不忍獨銜觴

何日春還槁朽蘇與君長嘯出長途鑑湖三月花如錦
越絕名山天下無

桃溪泛舟尋方厓士玄

放舟千山裏嵐氣滿晴川歌辭理白雪水禽栖綠煙蒼

蒼野陰變蕭蕭風景妍尋僧轉回塘望雲極遙天萬事
寧有素一行忻偶然

不遇

君去亦何速我來自空還白雲悠悠者不染去來間惆
悵西飛日茫然唯四山

讀書

讀書易為感時節已徂秋行遊固可適歲月懼不留高
齋曠而寂人務罕相酬千載事了了寧不慕前修道在

欽定四庫全書

元詩選三集

卷十三

無今古天運每周流萬理由我具消搖極冥搜為樂不
在茲况復儲怨尤予本楚狂士意氣邁九州偶然似有
契持身寓林丘萬鍾非所辭一毫非所求

陪方厓士玄自桃溪看山至西岡

冉冉歲云暮淒淒霜露繁良遊豈易得賤子亦攀援流
飈吹我衣植杖登高原平郊羅遠岫鶯斯鳴荒園路迴
蒼檜立巖高白雲屯寒日無留光落葉辭本根萬化條
榮悴一息異朝昏逝者已如斯人生豈恒存人生會有

盡親友義在敦營營諒何為撥棄不復言

孝常西齋守歲讀王臨川除夜寄舍弟詩愛其

詞致清遠因用其韻各賦一首

殘雪半牕春意動餘香一榻夜忘眠燈前對酒須今夕
客裏題詩尚舊年風竹蕭蕭還自語寒梅的的竟誰憐
知君賸有滄浪趣待得秋風上釣船

元日試墨二首

金鴨香猶吐風簾影自飄輕冰生硯沼餘雪綴寒條茅

欽定四庫全書

元詩選三集

卷十三

屋行堪賦山雲坐可招且無軒冕意隨分樂漁樵

萼綠花開未春醪已滿缸不須嗟往事且復醉幽窓采
筆雲千朵青霄鶴一雙平生江海興漸覺片心降

竹筍

竹筍拾朝筍中林露灑灑宛轉童豎歌頃刻易滿筐漿
然丹砂質攜下白雲鄉眇眇意忻喜執爨屬初嘗溉鷲
沃靈液登俎達馨香腊毒懼厚味餐霞秘仙方得此與
蔬筍蕭然侑一觴合和適勝韻如美貴清涼孰謂可樂

飢庶亦潔中腸非但紫芝曲願繼採薇章

芍藥寄周山人酬孝常

雨牕寥落誦君詩芍藥西園寄一枝那復舊遊春未晚
長洲苑裏欲開時

遇鄉人

東望吳門愁路溢暮帆春雨欲歸遲朝來為說煙塵靜
不遇鄉人那得知

對雨懷竹素園

幾迴竹素園中醉那復題詩共統閑花落碧梧金井冷
去年風雨別尤難

西澗讌集得體字

永日池館悶翳然此林水夏綠繞澗榮夕嵐當戶起飛
鳥翔深竹游魚在清沚覽物契真賞開筵進芳醴賓朋
咏大雅絲竹含流徵意適神自曠交親情益喜凱風垂
南沐頽景汎西委嘉會恒難得世紛方未已凡此賢達
人希當慎玉體

欽定四庫全書

元詩選三集
卷十三

十

五月廿日雨中飲南樓

何許開樽散旅愁疏簾冰簟水南樓天邊遠岫一黃鵠
雨裏垂楊雙白鷗閒對故人思故國不堪歸夢阻歸舟
東行未見煙塵靜腸斷高堂鶴髮秋

雨後

竹堂東偏之草亭澗水繞榻風泠泠碧梧鶯語嬌似醉
玉瓶荷花愁欲醒可憐光景易流轉無奈蹤跡尚飄零
瑤琴一彈為君掩日暮高山雲杳冥

欽定四庫全書

元詩選三集
卷十三

十一

張公洞

儵忽鑿混沌茲事豈其餘不知幾何年云古仙人居嗟
我至此為之躊躇洞天諸宮宵分黑試命烈火燭空虛
森森怪石相對立如口欲語手欲拈前有紫翠房白雲
閱丹書鷹揚燕舞化為石芝田久矣不復鉏可憐仙人
常恍惚雖欲相從已超越昆侖閭風吁太高時亦幽潛
到巖窟青泥爛爛浮土潤綠髓涓涓映山骨吾聞仙人
不食而長生何得有此鹽米之空名豈伊往來直戲耳

簸弄物化令人驚頗疑壺公壺樓閣中崢嶸摩尼珠光
帶青色千奇百怪誰所營須臾眼暗燭欲盡惟以拄杖
相敲鏗松風濛濛呼我出耳中微吟白玉笙竦身欲上
不可登縵引魚貫相支撐歸來此境若夢寐俛仰宇宙
惟清明

望頤山

曾著頤山屐穿雲古洞歸松浮仙嶠日花落女蘿衣翠
壑晴蛻飲丹房玉燕飛煙塵此時路長望一歔歎

欽定四庫全書

元詩選三集
卷十三

十三

至銅官最高處

丹崖翠壁半空浮秋盡銅官思一遊何限吳天白雲裏
心隨飛鴈到長洲

絕句五首

朝朝感霜露昔昔夢鄉關何以慰親念空悲行路難
東城三百里南鴈一封書整待今晨發秋風吹弊廬
失身紅塵裡世路轉愁深不汲寒泉井何由清我心
朝露塗草顏顏色暫輝光不知秋節去朝露變為霜

操弧力不任彈琴知者稀白駒空谷裏吾道此焉依

周將軍祠

誰勸臨行以母辭當年苦戰後人悲祇應陽羨溪頭月
曾見將軍射虎時

孝常移居南樓

高樓俯石瀨野亭連竹園中有林栖子逍遙味道言因
山以崇德觀水欲知源非但相從屢願一寫喧煩

因昶公歸簡王二秀才次韻孝常

千巖春靜一僧歸相送空林夕景微茶具等閒拋石閣
釣竿行已臥苔磯草生南浦牽詩夢漚下輕波識道機
若見王喬因借問雙鳧何日向南飛

官軍後還西澗草堂

丈夫志四海立身自有餘安能事一室遂欲遊空虛嘉
遜益貞吉聖人不予愚況當艱難際行止豈敢迂若為
動干戈爰及此林閭風氣混六合理難靜一偶奔走固
不恤鄰里誰安居所恤罔悔吝類為時所驅出門已憂

欽定四庫全書

元詩選三集
卷十三

十三

勞入門復歡娛一欣朋徒合再喜景物殊綠竹灑秋色
疏花耀前除開軒坐林杪更取琴與書西山澹相對落
日號鷲鳥忍聞濮陽血草木清糝糊殺戮本羣盜哀矜
為無辜三歎觀化初人生亦須臾

雨後偶題

詩酒尚堪忘世慮陶然且復咏閒居園林幾日清秋好
風雨一番黃落初翳翳荒邛煙景寂迢迢虛閣暮鐘疎
經時不得故鄉信誰道鴈來能寄書

欽定四庫全書

元詩選三集

十四

食茯苓粥

荷鑿穿雲得茯苓作糜從此謝膾腥齋厨自啟添松火
香韻初浮滿竹庭時憶紫芝歌舊曲尚尋黃獨制顏齡
今晨暫輟青精飯與潔方壇咏玉經

縱筆一首

數卷楞伽一縷香門前塵土浩茫茫何人尚覓安心法
此處真堪選佛場寒月流為千嶂雪晚風驚散一林黃
可憐結習消除盡筆舌紛紛故未忘

與孝常登善權以下見荆南集附錄

馬公才力世希有金石千章喧衆口登高覽古心不極
嗟我何人敢為偶龍巖蒼蒼逼星斗擘華親逢巨靈手
坐看中斷兩崖立百折飛湍怒蛟吼石房空中多怪竒
意象物神龍守虹光忽墜金畢逋把光照遍青珊瑚
海濤驚翻屹不動仙樂嘈嘈聽有無憶昔回舟洞庭野
七十二峯奔萬馬躡雲丹梯不可望俯仰爲魚相上下
請君歌詩歌大雅絕壁寒蘿與君寫

欽定四庫全書

元詩選三集

十五

遊張公洞

放船偶入清溪來千峯擁翠花亂開春風吹散碧雲影
洞門正對燒香臺神仙之府此第一何必採藥登天台
虛靈外發草木秀富貴內積金銀堆鬱然亦自有龍虎
欲入但恐生風雷山頭無人賣松火持燭下照何疑猜
步穿玲瓏驚幻化錦屏丹竈封青苔滴衣石髓寒透骨
使人不覺忘塵埃張公萬古渺何許隔凡流水空縈迴
公能再騎黃鶴出與吾同去遊蓬萊

留別孝常

楓林寂寂水邊邨
鴈子嗁時歸故園
舟楫暫移秋色裏
郡城遙望夕嵐昏
情知遠道難離別
心喜高堂得清溫
草閣無為掩扉臥
新詩還待故人言

憶孝常

山館荆南共苦吟
每於何處更關心
樽移曲澗花千樹
門掩疎燈雪一林
誰與情親踰骨肉
自憐年邁惜光陰
孤城目盡雲千里
惟有淒涼易滿襟

欽定四庫全書

元詩選三集

卷十三

聞馬孝常在靈巖欲與周士行徒步往候信恐

未真

馬卿一別四經春
袿褐蕭蕭入夢頻
聞道東來猶未見
每因西望轉傷神
鬢絲禪榻風流在
竹色茶煙夏景新
何惜靈巖與徒步
尚疑消息未應真

晚經青祁渰懷馬孝常

青祁適舉棹綠芷滿芳洲
亂山昏漸匿平湖晴不流
故人久去國此處曾同舟
煙塵西北路望斷意難休

懷荆南山中

幽意不自愜懷山耿予曾
荆南美春物雲錦千萬重
綠縵錯衆卉青峭羅羣峯
雷鳴兩崖擘日出萬象供
靈響落空谷凝陰秘幽蹤
石泄寒瀨碧花炫晨露濃
窺蘿駭猿鳥涉澗趨虯龍
真境窈難狀高情夙所鍾
時邁迹逾爽神馳體焉從
喧呶非予樂索寞適子逢
空室暫淹泊諷詠聊從容

庚寅歲秋九月余邀張習之呂志學枉過雲丘

欽定四庫全書

元詩選三集

卷十三

志學過期不至獨與習之觴於紫霞丹房醉後

因紀其事

以下俱從玉山雅集名勝集諸選本錄入

玄宮雲氣暖玉瓶春酒香
亂山碧霞裏錦幃相低昂
青童奏仙歌半空鸞鶴翔
飄飄興方逸奕奕思何長
便呼張仲蔚爾來共銜觴
呂生褒衣人置之亦何妨
謔浪古松下歌傾琪樹傍
惟茲遂真性誰復笑楚狂
嵩高兩道士亦來與徜徉
勸我餐金波遺以辟穀方
於時政酣暢仰觀天茫茫
不暇譚玄理邀之入醉鄉

寫懷寄吳下一二知己

朔風吹庭樹寒雨集楊園此時懷故舊悽愴不可言憶
向吳門道挾書訪遺老兩公即相知把袂日傾倒別來
今幾齡白日不留停五見枇杷樹開花拂草亭相思亂
心緒搖搖無定處飄若天上雲隨風忽東去知君臥紫
煙清真如晉賢手持玉麈尾相對談重玄我若不得志
巖居非本意寶匣劍空鳴金尊日長醉吐氣如長虹古
人敢追蹤子雲天祿閣宋玉蘭臺宮奈何出門去荆棘

欽定四庫全書

元詩選三集

卷十三

滿中路當伺天關

騎龍躍雲霧君非知我深何能說

曾襟聊茲寫情素非為莊舄吟

擬古十首

迢迢遠別離相去幾萬里月照魯陽關風吹漢江水宵
夢不可託路迷復中止登山還有屐涉水亦有舟我心
如懸旌搖搖獨亡休常恐瑤華落春風不能留豈君弗
識察故此長悠悠安得白鸚鵡銜書東海頭
翠管鳴春暉瑤箏弄秋月孤鸞忽驚飛哀吟中夜發鄭

衛久足貴正始誰後陳若無琴與瑟寧知古風淳

南國有佳人蛾眉豔清秋夫容含玉露不足比嬌羞明
月照裳衣清霜肅余裊因此貞潔性宜為君子述置之
昭陽殿飛燕焉足侔

別君能幾時秋葉忽辭柯蠨蛸已在戶流螢亦渡河感
物抱悵結容華恐蹉跎黃鵠飛青雲游魚潛綠波豈不
懷契闊慰此離恨多明月照機杼不織鴛鴦羅

風吹原上樹綠葉如春煙枝條既繁茂根底亦以堅如
何兄及弟骨肉自相懸漢誥一尺布民歌上留田遐心

欽定四庫全書

元詩選三集

卷十三

賦眷令我心已悽然緬彼夷與齊千古稱聖賢

穀黽無虎迹潁川有鳳音竭來千載後此風遂冥沉騶
虞固仁獸虺蜴亦何心不念君子懷暴物良以深浮雲
西北來望之如作霖隨風忽飄散汗漫不可尋嗟哉古
人遠寂寞甘棠陰

峨峨崑崙山秀色翠如埽白鶴銜瓊花飛入紅雲島仙
人駕采鳳手弄金夫容青童玉節舞鸞笙半空中遺予

紫金丹服之壽無窮相攜凌倒景去入蕊珠宮

翡翠栖蘭苔鴛鴦上錦機物固各有類寸心獨何依春色來幾日海燕忽雙飛迎春不須入塵滿青樓扉

漢宮起秋風美人感團扇寒帷坐遙夜含愁獨長歎桃李笑白日垂楊拂青絲既受春風榮芳非同一時苟欲令偏瘁造化庸可欺願君心如日照物無恩私

大運有興廢日月不停留君看姑蘇臺至今麋鹿遊漢家五侯宅富貴誰等儔白玉刻牕戶黃金飾驂騑一朝

欽定四庫全書

元詩選三集

卷十三

天氣肅霜落五花寒風華不待晚露葉已驚秋所以賢達士志不忘林丘功成身自退嘯歌常悠悠

春草池綠波亭

風漪結蘭泥澱綠汎汎云似將楊柳絲織成縠紗紋浮影動疎箔新晴靄微雲春草夜來長萋萋綿夕曛謝公久不作寄懷良以勤孰知後來者亦足與斯文

讀書舍賦君子之所樂

君子之所樂其樂且何如結廬在丘壑委懷在詩書肅

肅整冠帶雍雍對唐虞披閱抱中默諷咏博怡愉聖賢

千萬言要之歸一途渙焉心解悟充然道敷腴孰云足自守覺可覺其餘舍前有脩竹舍後有芙蓉掇蓮置俎豆清風當座偶倦來聊掩卷步出臨前除形氣既和順支體亦安舒不知老將至但爾惜居諸君子之所樂君子不我愚我歌適有會願言毋淪胥

可詩齋分韻得瑟字

大雅何寥寥千載幾絕筆後來作者聖間代亦輩出小技何足言紛紛比如擲逮我治世音昭然爛星日我登君子堂主人盛文物中筵列彝鼎四壁羅書帙置酒高宴會衆賓時促膝高談三百篇下筆無壅室陶寫性情餘深入義理窟空山風雨鳴落葉秋瑟瑟主醉客亦醉臥予芝蘭室明日拂衣去長歌返蓬華

吳越兩山亭

兩山夾江水孤亭橫翠微吳雲與越鳥千古不停飛風厓灑松瀑月壑舞羅衣王氣未消歇霸圖今是非長歌

欽定四庫全書

元詩選三集

卷十三

一杯酒埽席延清暉

題徐良夫耕漁軒

夙存邁往志結茅依山澤不辭沮溺勞更慕濠梁逸既
耕亦以釣四體欣暫息新稼登場丘嘉魚薦晨夕蒸嘗
無足患喜復留我客野田荒煙翳平湖微景寂開檐睇
孤雲窅然無遺迹緬惟高世士何嘗異今昔識達理自
周情恬慮非易念子屬紛糾抗俗願有適束帶趨城府
愧余尚促戚百年誠草草會當謝茲役

欽定四庫全書

元詩選三集
卷十三

三三

對春雪

瓊葉綴玄圃玉羽翔伊川翻雲九霄下呈芳二月前低
徊隔簾翠玲瓏入綺錢欲消不自駐已斷復成連珠幃
凝華潔花池舞影妍相思梁園暮曾賞洛城年

尚朴齋

言甘知有吝味旨閑其多居恒屬念慮抱朴心靡他溥
風返元化至體適平和意勝惟自然道存諒不磨營營
彼澆俗機巧滋煩苛身偕百憂長奄忽其奈何

風雨一首用高季迪韻

貧富不相值衰榮固有時行哉徒自速止尼未為遲崎
嶇千萬塗辛苦豈要辭風雨羣雞鳴壞屋起晨炊一日
不解醉千古有遺悲如何屠釣人敢為帝者師

題吾子行遺墨後

立世守茲道毅然生死間奄去同其盡榮辱豈相關若
人固可悲弔溺吾所艱蕭瑟見遺墨風雨慘容顏秦唐
去我遠二李無時還世傳斯有在邈哉不可攀

欽定四庫全書

元詩選三集
卷十三

三三

芸閣讌集得壑字

休沐出自旦騰步非所樂偶茲芸閣賞遂得中林約朱
輪交廣衢綺麗涉紛錯寧復知間燕飛蘿散雲壑池魚
可以觀幽蘭可以握金題耀緗帙粉墨間揮霍覽物千
古上興謠契冥漠縱縱不復云悠悠付觴酌朋簪既已
盡善戲不為虐志適孤興遠物遣萬慮薄於世本何資
逍遙每恒若行矣空谷深撫心慙場藿

贈葉秀才

日暮登高臺浮雲結遠陰樹木何蒙籠野雀噪繁林驅
車涉闕塞歧路鬱且深借問子何之故鄉阻崎嶇曷不
暫栖息蓬蒿非所任隱憫闕不發倭遲既前臨脆管促
飛觴鷗絃奮逸音仗劍從此別秋風滿懷襟寡立步非
窘薄遊志不沉策馬欲俱去我無當世心

送張吳縣之官嘉定分題賦得洞庭山

山擁洞庭翠雄蟠天下誇雲峯七十二面面是蓮華風
吹我眉月影落湖上沙洞天閔五室陽林耀丹葩粲粲

欽定四庫全書 元詩選三集 卷十三 五

黃金橘天寒霜已華採摘奉君別明發到天涯

寄張習之四首

數日陰雨復寒凝沙邊草閣非倦登梅花蕭條竹枝瘦
大似不禁風雪凌

枇杷花開繞舍香竹枝披拂映滄浪舊雨故人不相遇
亦可寄書來草堂

空山寥寥獨抱琴時過谷口之雲林自從幽人采芝去
不見鹿鳴雙磻陰

夕陽在山雲在松松間石上憶相逢西林問訊屢有約
且可會面得從容

鳳笙篇贈紫霞道人

鳳笙十三簧音響應天時自從軒轅調律後誰將弦管
置之虞舜祠神人以和鳳凰來儀後來作者不復知頗
聞仙人王子晉好作鳳鳴花下吹鳳鳴幾千載仙人吹
笙至今在昆侖池頭看碧桃玉振金聲過東海過東海
遊蓬瀛金霄冥冥鬱紫清空中嘹唳迴天聲三十六帝

欽定四庫全書 元詩選三集 卷十三 五

下雲軒中有綵女數百輩玉顏如花珠珮明手弄雲璈
鼓瑤瑟來相迎相迎向何許鳳笙鳴朝玉京

送李生北上

李生東吳人住在東吳市手持賈誼書去謁漢天子天
子白玉闕帟豹守九闕黃金爛初日照耀蓬萊山願為
丹穴鳳飛入五雲間莫學襄陽孟夫子誦詩玉堂空放
還勸爾一杯酒與爾作離別西風吹折楊柳枝八月燕
山夜飛雪君當挂席大河去我還拂袖東山岑閉門自

埽石上月綠蘿樹底彈鳴琴

寄倪雲林

魯連有志節蹈海不復還嚴陵不肯仕歸耕富春山兩
公出處雖異代千古同高天地間我識雲林子亦是隱
者流一生傲岸輕王侯視彼富貴如雲浮鯨魚未化北
溟水鳳鳥獨宿昆侖丘含光韜耀人所慕才華自可稱
獨步手弄雲霞五色筆寫出相如大人賦雖無天子詔
書徵不失前賢高蹈名且須快意飲美酒醉拂石壇秋

欽定四庫全書

元詩選三集
卷十三

五

月明昨者相逢碧桃裏衣上春雲照溪水別君已是幾
月來夫容忽然江上開知君此時臥煙島而我相思滿
懷抱何當借騎茅君鶴共入玄都拾翠草胡獨商巖紫
芝老

題滄洲詩卷後

騎鯨東海上豁然形神清仰看中天月逍遙吹玉笙凌
晨歸返三山住銀闕珠宮渺煙霧東風吹亂碧桃花化
作紅雲渡波去

新郭

汎舟越來溪水旁溪邊暮色何蒼蒼主人張筵揮羽觴
吳姬唱歌聲抑揚船尾挑燈大魚出船頭洗觥秋波涼
夜如何其夜未央萬壑不起星煌煌酒闌客過別船去
木葉蕭蕭下如雨船中醉臥忘西東睡覺猶聞夢中語
此時月落天將曙隔屋雞啼欲起舞西風滿天鴻雁聲
瑟瑟菰蒲響秋渚

長句一篇留別草堂主人并柬匡廬外史

欽定四庫全書

元詩選三集
卷十三

五

玉山草堂絕清妍畫圖書卷置兩邊長松落子當牕前
鶴踏芝雲舞翩翩碧梧翠竹搖秋煙鳳凰一鳴三千年
松谿石磴相周旋綠蘿飛花百尺懸草堂主人真晉賢
手持麈尾談重玄傲睨萬象心炯然示我新詩三百篇
瀑流倒瀉挂青天匡廬先生乃謫仙謔浪高談驚四筵
樂府不寫金花牋日日江頭浮酒船愛我草聖如張顛
酣歌草堂屋西偏醉來狂歌舞躑躅共入芙蓉花底眠
至正壬辰九月十二日過玉山草堂留別山中

諸公

五陵豪英不足畏丹徒布衣那可輕萬事豈皆合天道
偶然遇之亦成名我今困乏窮谷底青雲之志何由平
愁來飲酒一百杯拔劍高歌淚如傾歌聲悲壯君試聞
江漢茫茫氣欲吞附鳳騎龍豈難事屠狗膾牛何足論
諸君故鄉舊知己會面那得無歡言平生心事難盡道
且復痛飲花下樽明當大醉樓船上橫吹玉笛過吳門

送淮南蘇同僉赴鎮

大江洪流若奔馬橫截中天向東寫吳楚風煙浩蕩中
海門赤日光相射上將氣吞雲夢澤猛士聲振長平瓦
靈旗遙指濠泗間神戈暫駐狼山下萬民不擾農業興
白叟黃童在田野文武之道惟張弛固識賢才天所授
去年開閩今復來歡呼動地聲如雷願翻長江作霖雨
沛澤何止沾枯荻我欽當時羊叔子岷山之碑傳未已
清德九世其在君緩帶輕裘自茲始

放歌行贈宋君

仲温
辛丑

今日非昨日今年非去年天地不同老日月豈停旋寸

心搖搖一作顏色改只似秋蓬與夏蓮柏梁賦詩不早

上長楸走馬未得前閩闔九重虎豹守我欲上訴無因

緣荆山泣玉徒自苦夷門抱關誰復賢寶劍芙蓉拂秋

月高歌對酒聲哽咽當時輕意千古事幽憤於今向誰

雪蘭臺公子天下奇心膽豈是一作他人知荆卿不答

魯句踐項羽肯一作顧齊安期東吳市上花漠漠相逢

意氣傾山嶽笑說秦關百二重卷舒風雲不盈握一生

不識平陽奴況是霍家馮子都明珠白壁等糞壤玉環

翠袖皆蟲蛆甘心廓落事屠釣矯如游龍不可拘宋公

子爾彈琴我放歌白晝苦短夜何多黃金臺幾千尺醫

日浮雲奈爾一作何

題宮人行樂圖

金宮游素女玉笛弄清暉月殿龍香度風簾翠影飛雲
開移綵仗花落春衣莫買相如賦長門事已非

漁莊

楊柳拂柴局芙蓉落晚汀鷗眠沙背白山近屋頭青樽
酒何勞勸漁歌豈厭聽王維愛裴迪聯句不曾停

送鄭同夫歸豫章分題百花洲

洲上百花明春流日夜生祇看維客棹無復度霓旌落
日山如舊東風鳥自鳴蕭條千古意離別暗傷情

枇杷樹下懷葛石泉道士

曬藥枇杷林秋陽滿山澤不知林間風吹花墜巾幘道
心政散浪野性非頗僻不有孤桐琴何以寄遠客

題倪雲林畫

雲木蔽清野峨眉橫素秋一雨過大壑百川會新流未
能聞至道寧即歌遠遊歲晏且歸去采芝南山幽

夏日同強二秀才過鑑公山房因游仁壽精舍

尋僧直到梵王家便汲山泉為煮茶阮籍從來無禮法
湯休何用著袈裟醉眠石閣聽風樹步入松雲掃磻花
與子歸時仍並轡蕭條墓道夕陽斜

寄楊文可

屋廬星散當山郭門前小溪相與通橘子壓樹千頭綠
鯉魚跳波雙尾紅空梁寒月拱夜鼠傍壁燈火鳴秋蟲
故人亦在他鄉住此時作客情思同

寄周子羽

乃翁天性唯真率縱酒狂歌老未休不是生前渾欲醉
却緣客裏易為愁百年心緒留黃卷幾樹梅花共白頭
昨過比鄰司馬氏阿戎譚論更風流

春日

空山寂寂行人稀岡頭落花如雨飛罷琴惆悵不能已
故鄉寥落何當歸南去百粵羽書急北來三吳戎馬肥
安得龍驤擁戰艦掃除倖寇揚國威

送福上人遊江西

西江江水漾明霞買得吳船泊晚沙春鳥銜花落經卷
涼風吹月上袈裟廬山屹立千峯秀瀑布流傳一道斜
愛爾心源絕清淨東林寺裏白蓮華

題可意樓

吳興山水稱奇絕愛汝樓居事事清
花片拂雲飄几席湖光浮日動檐楹
主人好學三冬足對客高談一座傾
樂事本來皆可意為君拈筆賦閒情

玉山草堂

憶汝草堂何許在辟疆園裏玉山陞
方牀石鼎高情遠細雨茶煙清晝遲
鴻鴈來時曾會面枇杷開後更題詩
山中容易年華暮書史娛人總不知

芝雲堂

芝雲主人絕蕭散燕坐草堂門不扃
古鼎隔簾香裊裊新篁拂几玉亭亭
十年苦思耽詩卷三日清齋寫道經
邀我醉眠書畫舫月明吹笛看雲汀

次玉山遊寒泉登南峯有懷龍門雲臺

秋波漠漠靜朝暉畫舫開筵興不違
濁酒清歌香縹緲青山黃葉路依稀
夜涼金鴈箏聲細雪滑銀盤鱸膾肥
顧我慙為塵俗累不能同載月中歸

虎丘有作

著屐登山寧憚勞樓臺重翫一周遭
劒池下見蛟涎碧寶塔平臨鶴背高
官渺吳封難極目淒涼霸業謾揮毫
把杯別有踟躕意不為西風歎二毛

送趙一陽真士歸雪上

渺渺晴湖白鷺飛青山迢遞夕嵐微
閒操桂楫雲生腋欲采芙蓉露滿衣
紫翠房深丹竈暖松杉秋靜鶴巢稀
明年去覓封君達應駕青牛說息機

次韻介之夢山中

松花金粉落春晴白鶴看棋如客行
疎雨竹牕綠是夢隔林茶臼只聞聲
繁華久困心何得澹泊相遭思亦清
不有鹿門高世志山中幾日道能成

送李用和之常熟知州

至正二十年

落日孤城近海邊川流九道直如絃
朱幡到邑歌來暮玉帳論兵思去年
楚水南迴多賈舶虞山西望少人煙
從來惠化同甘雨還使殘民得灑然

和遂昌鄭先生題大尹所藏唐人書經

雪鬢龐眉咏玉經宛然南極老人星石壇帚拂青鸞尾
煙閣衣飄白鶴翎寶氣虹光輝日角錦囊瑤軸閱雲局
道成騎鹿三山去瀛海茫茫萬仞青

絕句四首奉荅惟寅高士見贈 錄二

誰識元方趣高居湖上山詩成不求賞獨詠兩松間
列岫供秋色遙風散水文明當思舊隱歸棹一川雲

漁莊敘歌二首

傍水芙蓉未著霜看花酌酒坐漁莊花邊折得芭蕉葉

欽定四庫全書

元詩選三集
卷十三

三四

醉寫新詞一兩行

秋月團團照藥欄水邊簾幙晚多寒素娥不上青鸞去
借得銀箏花裏彈

發齋門次玉山韻

西風洲上荻花明秋水船頭落鴈鳴誰把琵琶涼月裏
為君彈作斷腸聲

觀音巖

白鷓鴣小穿雲幕碧海澄浸石扉一片巖前秋月影

涼風吹上藕絲衣

石湖

煙中白鶴獨飛還相伴孤雲盡日間落日放船湖水上
一簾秋色看青山

寫畫寄良夫

山館風清白日涼硯池水滴墨花香青藤三尺清如玉
閒寫喬松近石塘

題雜畫二首

欽定四庫全書

元詩選三集
卷十三

三五

離離江樹暗芳洲江上西風幾度秋別鵠未歸天又晚
不勝清怨憶丹丘

水閣天低欲盡頭柳花如雪暗歸舟平生解識滄洲趣
何處飛來雙白鷗

八月廿一日惟寅徵君踏雨過林館為留終日

因誦近賦絕句三首愛其詞致清婉輒走筆次
韻如左古道寥寞人以角逐聲利為務惟寅獨
逍遙恬淡之鄉時來闕之篇章翰墨之事豈易

得也哉

野花疎竹媚幽姿翡翠簾前雨散絲最愛陳琳詩句好
玉盤春露捧金芝

秋來長掩竹間扉過客誰能識道機慙愧廬山陳處士
時來共葺薜蘿衣

晚風吹雨過林廬柿葉楓紅手自書無限蕭條江海意
一尊相對憶鱸魚

王鑑明卿集

鑑字明卿真定安平人父瑁為吳縣尹鑑少侍父
官居吳中介然自處長受學於虞文靖公集喜唐
人近體詩時有賦咏皆平實沈毅遊燕都朝貴交
章以茂才舉試侍儀司舍人鑑斂裳宵遁隨父寓
盤門隱居杜門二十餘年家貧無甌石儲應門獨
一老婢客過輒叩鄰家問酒酒至對客劇飲談論
不輟晚節益高張士誠據吳獨造廬訪之嘗語人

曰明卿高世士也吾之益友至正丙午卒年七十

三士誠令有司送葬恤其家為買地橫山葬焉

喬宜中邀看杏花并再和宜中劉禹疇韻

朱闌曲徑春光好一樹杏花開獨早枝頭無處著風流
時有幽香暗相惱畫堂簾影畫婆娑佇看嬌姿紅映縞
芳心欲吐半含羞脈脈春愁倩誰掃飛來翠鳥更多情
斜立花枝如畫彙主人留客客盡歡暢飲高歌各傾倒
明朝回首綠陰濃惆悵殘紅藉芳草

江南二月風光好為惜花枝春起早窗前曉露濕胭脂
無限嬌羞使人惱欲開未開開更妍半醉佳人衣輕縞
年年消息雨聲中數點落紅和眼掃客來終日隔簾看
棋罷酒闌詩上豪情懷不似少年時白髮對花嗟潦倒
明朝相約抱琴來重嗅餘香步庭草

當時共說梁園好過眼繁華消歇早青城有恨不可雪
酒酣按劍生煩惱東風回首花滿城桃李紛紛紅間縞
一枝嬌小獨堪憐翠葉纖纖眉半掃徐熙巧思妙絕倫
畫出生紅留舊橐相期看花花已飄為惜春光拚醉倒
酒醒不忍蹋殘紅坐看佳人間蘭草

送趙季文之湖州

東風官柳綠生煙江上飛花送客船人醉離亭金鑿落
馬嘶芳草錦鞍聽清溪繞屋渾如畫白酒盈尊不論錢
遙想政成多暇日好詩隨意入新編

曲江春望

檐牙隱隱出層霄飛閣連楹涌翠濤花夾御城紅霧重

欽定四庫全書

元詩選三集
卷十三

三

春移仙仗綵雲高天家日月無私照聖世山河不動搖
正是太平文物盛玉笙金管進蒲萄

發東倉呈伯京

空江五月湖水生搖搖一舸隨潮行蘆花旋風作雪舞
水氣上天侵月明白髮不禁遊子興青山忽連異鄉情
天涯淪落何多幸賴有故人如弟兄

呈張貞居

句曲山人毛髮古蒼龍為劍羽衣輕道高不入方士格
海內惟聞外史名石菌依稀丹氣動玉壺歛澹紫文生
孤山祠與樓居近應傍梅花領鶴行

春日草堂奎章照磨林彥廣惠酒二首

江南三月春始足桃花杏花參差開溪雲入屋夜生雨
山瀑近床晴殷雷讀書弔古有何益行道濟時無此才
多謝奎章老文伯時時攜酒草堂來

柴門不起整十日溪上春風來更遲庭松自覺相忘我
野花不知開向誰會須醅酒致元亮祇用抱琴懷子期

欽定四庫全書

元詩選三集
卷十三

三

所喜樊山古心在相逢時許草堂資

寫懷一章示良夫

靜坐沈吟亦可憐棲遲不出動經年持杯每憶陶元亮
覓句深慚孟浩然落日墻陰捐腐鼠秋風木末下飢鳶
何時結屋晴湖上綠樹柴門繫釣船

題梅二首

玉妃步步影氤氳燕罷瑤池酒正酣夜半不知風露冷

夢隨春雨過江南 右紅梅

欽定四庫全書

元詩選三集

甲

湖上無書問老逋冰霜巖壑耐清孤入更月上天全白

轉首春風是畫圖 右白描梅

何景福鐵牛翁遺藁

景福字介夫睦之淳安人宋大理寺大卿夢桂族
孫常以任重致遠自期故自號曰鐵牛子以所遇
非其時累辟不赴晚年避地武林兵定後始歸鄉
里詩酒自娛以終其身有鐵牛翁詩一卷多所散
失卒後十餘年從孫如晦為集其遺藁傳于家嘗
因此仙降筆自作序有死猶不死千載猶一日幽
冥中不勝欣喜之語介夫詩甚奇偉其詠柳絮云
繡牀漸覺香毬滿魚艇初疑雪片多極體物之妙
他如龍吟五夜霜飛瓦鼉吼三更月滿城青山自
此詩名重采石如今酒價低荒祠畫掩無人到苦
木叢中春鳥啼風景不殊豪傑盡新亭誰復淚沾
衣亦錚錚皎皎者睦州詩派論之如此

山水閣為黃子久題

石齒粼粼水雲衣鬱鬱山天風吹客夢何日抹魚頰

水石為陳太初賦

欽定四庫全書

元詩選三集

甲

石潤非經雨林空豈借秋詩成清不禁髣髴到滄州

惜花

黃金可惜作闌干
偎倚相看盡日歡
秉燭歸來猶未足
夢隨蝴蝶遶枝看

傷田家二首

春祈秋報一年期
土穀神靈知未知
昨日街頭買米價
三錢一斗定何時

縑車未歇取絲分
私債官逋夜打門
里正不慈胥吏酷

欽定四庫全書

元詩選三集
卷十三

四

窮民空感半租恩

暮春王茂叔相過

春事遽如許相過忽偶同
四簷留客雨一徑落花風
病骨緣詩瘦愁顏借酒紅
擣沙寧久聚明日又西東

六月十七日夜坐李寧之忽得風急落流螢之

句遂命足成一律

坦率坐中庭高門夜不扃
露垂聞警鶴風急落流螢
對語頭俱黑相看眼更青
客星在何處指點認天經

江天雪意

雲壓天邊樹瑤英欲下時
風威寒更急潮信凍來遲
酒市增高價漁舟誤晚炊
灞橋詩思好先借蹇驢騎

偶成寄王伯玉

清和風日美策策快幽尋
白水青秧短綠陰黃鳥深吳
蠶眠未足蜀鳥怨難禁
流水音誰賞令人欲破琴

次陳湖韻

險扼三吳地深涵一片天
龍歸珠寶露鼉躍浪花圓
誰擊中流楫思乘下瀨船
東風鼓鼙急四顧意茫然

欽定四庫全書

元詩選三集
卷十三

四

柳絮

風攪晴空日色和柳花故故惱
詩魔繡牀漸覺香毬滿
漁艇初疑雪片多隨意飛來無定著
捲春歸去欲如何
顛狂到底風流在又化浮萍漾綠波

鼓角樓

警昏戒曉復司更
矢棘翬飛結構成
角韻喚醒晨過客
鼓聲催動夜巡兵
龍吟一奏霜飛瓦
鼉吼三通月滿城

自是太平無暴客金壺漏箭要分明

太白墓

姑孰村南日正西豐碑八尺大書題青山自此詩名重
采石如今酒價低捧硯太真猶入夢脫靴力士竟何擠
荒祠畫掩無人到苦竹叢深春鳥啼

禽名

水紅裙淡画眉濃婆餅焦香喚郭公姑惡久嗔烏面妾
姊歸深恨白頭翁上村百箔蠶登簇半節千錢葉價穹

欽定四庫全書

元詩選三集
卷十三

十四

快活有聲麩麥熟豈辭脫袴過溪東

梅魂

開落分明夢覺闌玉妃厭世謝塵寰英精已出冰霜外
標格猶存水石間淡月寫真招不返香風入骨引初還
數聲羌笛知何處迷却羅浮一片山

秋江旅懷

天低江闊鴈行微獨倚危闌送落暉絢日金丸橙橘熟
飛霜銀縷鱸肥蓴香自可呼村酒楓落誰能問客衣

何日東裝同買權片帆東過子陵磯

感興

世途無處不間關老我星星兩鬢斑江水送潮歸綠渚
谷風吹雨過黃山千金弊袴誰能買百石強弓每自彎
何事無心雲一片等閒飛去又飛還

東安即事

春來日日醉瓊螺嗟歎流光去擲梭過雨落花三月暮
東風啼鳥五更多文章官樣千機錦落魄仙人一足靴

欽定四庫全書

元詩選三集
卷十三

十五

世態昇平應有象小兒爭戲午橋坡

武林偶成

獨宿江樓夢一回滯人官庫酒多灰滿城鐘動漏初歇
近岸舟喧潮欲來富貴在天三尺命姓名震地一聲雷
海門千里波光赤火齊還升玉鏡臺

桐江懷古

合江亭下買舟行擊楫中流萬古情嚴子臺高烟樹暗
桐君塢映浪花明英雄不並青山在時事還隨紅日生

我欲遠尋方外訣白雲深處石橋橫

武林春望

武林春望不堪吟獨倚闌千萬古心錢氏池臺荒草滿
蘇卿門巷落花深人歌人哭幾生死潮去潮來無古今
風景不殊豪傑盡新亭誰復淚沾襟

春日閨思

笑倚香雲懶画眉海棠庭院步遲遲鶯聲芳樹歌闌處
花影重門睡起時蝶舞正高停扇待絮飛欲下就簾吹

欽定四庫全書

元詩選三集
卷十三

四六

鴛鴦繡罷無人問背立東風聽子規

上家君

阿翁弄孫心可樂癡兒觀光志愈堅燈燼懸花形顧影
雨聲刮夢夜如年攀龍期對三千字跨鶴須纏十萬錢
為報還家定何日一陽春信到梅邊

望江亭

曲水亭空卧石龍入門鼉鼓震逢逢六朝冠冕埋孤塢
七寶璫彊占故宮借劍生前誰斬倭震堂死後尚旌忠

暮潮西上東風急滿目山河落照紅

寄題李寧之朱銅巖坟亭

桐山蚶螺摩空青桐仙長眠呼不醒龍歸洞口雲漠漠
鶴飛華表秋冥冥玉乳流膏落輕滴蝸涎凝石留餘腥
同遊選勝一樂事凌虛飛屐凭高亭

寄東安劉鵬舉

客牕呼酒濯離愁別後駸駸歲若流困學久磨維翰鐵
懷人空倚仲宣樓芝川風月添新夢葛水溪山憶舊遊

欽定四庫全書

元詩選三集
卷十三

四七

後會相期在何日浙江亭上看潮頭

題朱德甫店壁

日出孤城萬竈烟綠蘆青柳暗晴川舉杯誰共論文酒
塞港惟多運米船為客未歸春又夏憶家無夢夜如年
浪遊莫待貂裘敝及此歸耕負郭田

書廟山驛

一街人家白板扉數間驛舍粉牆圍舟師聚泊魚為市
使客稀來馬脫鞵江轉潮衝漁浦震天低雲壓燕山微

太平有象邊無警打鼓郵亭送落暉

已卯冬書江頭段家樓

問酒江頭解黑貂朔風吹面冷蕭蕭雲黏海樹天浮雨
土屑鹽花水不潮錢氏箭埋金簇壯張侯祠鎮石塘遙
吟邊多少興亡事猛拍闌干恨未消

寒食和友人韻

春事三分已二過客牕牢落怨嗟跼江湖青眼如公少
道路黃塵奈我何百五芳辰驚暗度二三益友願同哦

欽定四庫全書

元詩選三集

卷十三

明朝行樂猶非晚莫遣吟髭雪樣皤

次王千戶韻

亂山鑿鑿水粼粼倚仗旌川試問津數點落花春事老
一聲啼鳩客愁新腰纏用盡難騎鶴意釣投深未獲鱗
獨有柳營貔虎將却舒青眼盼詩人

寓太平州和壁間舊題

鴉投烟樹日將昏撩客詩愁欲斷魂郭外青山招太白
城中老樹識桓温火餘窮巷皆煨燼潮落浮梁覺漲痕

父子明朝遊采石傾囊準擬一開尊

重到比原與茂卿同宿偶成

二紀重來訪葛洪舊知大半白頭翁留連光景銜山日
排辨霜威隔夜風雷火燒鱗悲躍鯉雪泥印迹歎飛鴻
黃鷄白酒陶然醉休話頭巾黑與紅

童堯夫招飲回途偶成

東君容我出郊行過却清明日日晴怕損落花移屐緩
恐妨啼鳥策筇輕春風入髓紅顏暈世事縈心白髮生

欽定四庫全書

元詩選三集

卷十三

花下小車如共載綠陰深處聽啼鶯

和希堯姪秋夜長韻

千林深夜響宮商聽徹幽齋夜更長露下鶴軒螢火濕
天低牛渚鴈聲涼搗衣月暗更三鼓挑錦燈明字幾行
夢覺鄰機猶曉織淒其絺綌歎無裳

和克旻孫秋日感興

先生時主
陽堂書塾

祇稠紅葉綴殘秋相對黃花思繆悠天地猶憐衰朽質
江山不替古今愁耳聞彭蠡魚龍舞眼見姑蘇麋鹿遊

珍重吾宗老孫子竹林酣飲可同不

游白龍寺

步入龍宮路更幽陰崖虛籟雨颼颼松根石磴留猿迹
竹外茶烟眩鶴眸防客未先藏斗酒愛山更欲上層樓
一龕已足平生料多景何須二百州

和洪伯英感懷三首

年年客裏度春晴行役勞勞二百程白髮未酬平日志
青山似有故人情老成已覺晨星少人事還隨曉日生

欽定四庫全書

元詩選三集
卷十三

五

莫怪春山風雨惡烟蓑曾有子陵耕

元龍湖海半生豪斗大黃金未着腰不學單衣歌白日

擬將一劍倚青霄賈生痛哭心猶在季子從盟舌太饒

得失鷄蟲何足較為君呼酒酌柳瓢

家住梅花水月村長裾偶共曳王門齊紈肯試千鈞弩

魯酒須浮五石罇蜃架海樓虛作市蟻知天潦豫移屯

鏤卸定價無人識只作鉛刀一樣論

詠李鵬飛庭下瑞香

香瑞春繁久耐看移根猶喜近雕闌感成百結流蘇帳
擷碎千金瑪瑙盤處女暖薰沉水腦侏儒新頂紫霞冠
東君有意宣和氣底事班班雨釀寒

游銅山示規孺姪

踏遍春風桃李場凭高一覽總羣芳亭前紋甃銅花碧
洞口甘流石髓香對白抽黃呼小阮染紅濡綠笑中郎
紫陽孫子欣留客一醉從人卧竹牀

簞簟軒為張克旻作

三墩人

欽定四庫全書

元詩選三集
卷十三

五

玉堂公子銀鈎字花縣郎官水墨圖老幹吟秋聲迭和

寒梢寫月影相扶律筩待剪簫韶管使節容分英蕩符

為問子猷吟嘯處種梅肯著水曹無

和薩里平章游東安汪伯諒半山亭詩韻

丹溪青山冠閩浙勝游忽聚金臺客朱闌碧檻倚雲隈
滿地松花踏香雪玉京北望蒼烟重山光水色開天容
咳唾隨風落珠玉葡萄酒豔玻璃鍾逍遙聊作無事飲
倒着接羅從酩酊潮生眼纈春風和月上松羅酒初醒

金閨公子玉堂仙長歌擊節音琅然君不聞香山老子
長短三千篇一金一首鷄林傳

画魚

粉垣皎皎雪不如道人為我開天竒長杠運入霹靂手
墨池飛出龍門姿雲烟鬱律出半堵下有洶湧波濤隨
錦鱗隊隊晃光彩揚鱗掉尾唵喞吹相忘似識湖海闊
肯與蝦蟇相娛嬉由來至理與神會潑刺健鬣直欲飛
嗟予久縮釣鰲手卒見欲理長竿絲僧鍾繇任公子不
須點龍睛不須投犒餌禹門春浪拍天流只要雷公助
燒尾

花時苦雨

東君費盡春功績萬紫千紅競容色豈知晴光變雷雨
故為芳程入街勒柳腰孱顏珠翠重棠腮淚落臙脂濕
紛紛桃李委泥滓翳翳雲霾裏山脊屋茅蒸菌竈產蛙
濤聲入戶風掀席繁花九十暗中老園林陡覺秋蕭瑟
鞦韆高閣粉牆西門鎖深宮土花碧穿錢甃徑世無有

欽定四庫全書

元詩選三集
卷十三

三

輾地香輪已何適雲間跋烏如可贖一擲千金詎容嗇
長鬚沾酒出門去陌上泥深幾沒屐倚闌對花重太息
花為春開春不惜應知造物等兒戲天怒花妖喪民德
薄命佳人亦如此傷春肯立闌干泣君不見玉環花妖
禍唐室西施花妖治吳國江湖關困只憂民不憂花死
憂無麥

和李鵬飛紫童歌韻

李氏有紫竹杖因曰紫童且刻歌于節間云

紫童勁直過眉長飽諳風雪含蒼涼老眼乳節似有奪
朱色響落爪甲四座聞鏗鏘余將南遊蒼梧叫虞舜又
欲西謁王母求玄霜扶顛持危用舍在我爾詎知窮途
阮子空猖狂童子童乎母乃梓潼遣汝來吾傍未易役
汝去荷奚奴囊

五月五日對雨有作

雷聲填填雲幕幕雨打梅頭麥穗黑老農倚耒向天泣
汗邪水深耕不得余生孰知稼穡艱倚闌對雨興長歎
垢衣未澣生敗點礎甃流潤無時乾客中况值天中節

欽定四庫全書

元詩選三集
卷十三

三

一舉蒲觴仰天說民是天民天合怜天不怜民何降割
少年飽暖居無何龍舟槌鼓飛洪波錦標奪得竟歸去
江干悵立空漁蓑

九日同李仲達游湘潭

去年九日留丹溪款段踏遍雲山西歸來醉卧扶不起
吻燥亟索水壺齏今年南岡逢九日謫仙兩孫奇俊逸
湘潭潭水水如螺一葉金蕉吸秋色黃花不惜插滿頭
但惜歲月如川流人生富貴行樂耳龍山戲馬俱荒丘

欽定四庫全書

元詩選三集
卷十三

五

君家先塋氣蔥鬱龍驤鳳翥通心出大江衣帶環其前
對面一峰卓文筆我時已入無何鄉醉眼豈復論曾揚
籃輿徑挾玉山去夢魂猶怪茱萸香

君文兄作書來問九日插萸香會詩如何賦此
以寄

看山初不登高丘登高却上看山樓凝光滴翠杳無際
一覽便可窮清幽樓中歌鼓出霄漢小紅行酒太白浮
西風飄然似有意吹我遠出湘潭遊錦袍仙人鑿山骨

著亭松底羅珍羞金蕉一葉注瓊液我亦到口如吞舟
回鞭踏碎花月影耳熱但覺風颼颼歸來却憶水曹子
市聲聒聒同嘔嘔豈無陳雷舊膠漆但恐詩律煩賡酬
故鄉萸熟不歸去致身獨善非良謀插萸簪菊強從俗
拔劍起舞霜橫秋儻來富貴亦偶爾草澤往往生公侯
書囊當復我家物未審天意從人不詩成寄來定捧腹
一裁狂簡祛閒愁

買犢歌

三家聚錢買一犢晴雨無分輪次牧跳梁穿鼻不牽犁
意欲養渠筋力足今春教熟初下田剝鞅在頭軛在肩
叱之則行呵則止終朝一畝寧煩鞭西來忽來達爾罕
却恨牽逃逃不遠左驅右逐拽下山縛向旗干得銀椀
三家聚哭無奈何一人扶耒兩人拖新秧節出田草多
犢乎犢乎還遇時苗麼

書藥舟

沈玉泉以之寓興係
湖州花城名家也

木蘭為楫沙棠舟翩然蕩漾從夷猶其中家具載何物

縹帙萬卷金丹百斛裝兩頭東林舊有回公約散金收
書仍畜藥樂期濟世書名家葫蘆不掛袖裏無青蛇有
時鷓鴣浪花裏黃梁一枕邯鄲市忘機狎鷗鷺不猜長
鳴飛鶴橫江來吾伊有聲出金石抽添有誤傳金臺君
不見白玉堂黃金屋身後空名真一粟又不見赤松子
丹丘生眼底直視無三彭舟中書樂無盡藏明月行天
風破浪何當更著水曹郎風流來往苕溪上

題分陽麻姑仙祠壁

欽定四庫全書

元詩選三集
卷十三

五

玉華秀色青摩空天目注綠彎如弓龍騫虎攫老蛟
舞鸞翔鳳翥飛南東麻姑覺道兩仙去真人飛影留
遺蹤湘潭蒲牢就湮沒白鶴一去勞山空牧亭侯封有
茅土流分派別於英公琅玕楮樹率苗裔石稜埋草存
雙峰我今掃松考宗譜髮颯霜鬢飄秋蓬堦庭雲仍侍
秀彥往往待問如撞鐘閭閻更草兵燹後畎畝桑梓無
前功從容綿匝猶近古但視志氣如長虹梅邊歲寒得
三友詩人援筆黿鴉宮他年有問鐵牛子赤松黃石相

追從

欽定四庫全書

元詩選三集
卷十三

五


元詩選三集卷十三



欽定四庫全書

謹案第五十一頁後四行薩里舊作散里今改

五十五頁後三行達爾罕舊作荅刺罕今改



總校官候補中書臣吳紹潔

校對官庶吉士臣曹錫齡

謄錄監生臣楊愈柳

欽定四庫全書薈要

集部
元詩選三集卷十四

欽定四庫全書薈要卷二萬四百六十八集部

元詩選三集卷十四 長洲 顧嗣立 編

陸居仁雲松野褐集

居仁字宅之華亭人以詩經中泰定三年丙寅鄉

試第七名隱居教授自號巢松翁又號雲松野褐

瑁湖居士與楊廉夫錢思復遊沒同葬于山東麓

號三高士墓梧溪王逢挽宅之詩云遊戲清真帖

優長雅頌文世方趨趙孟天竟滯劉蕡蓋狀其實

欽定四庫全書

元詩選三集
卷十四

也

古意二首

采蓮多芳草種豆稊艾蒿馬齒似蕙根魚腸溷鉛刀舉

世方好竿錦瑟將誰操已矣屠龍技終身徒自勞

王孫玉抵鶴公子金抵蛙夜光投暗室騷耳困鹽車燕

石錦十襲楚璞刑再加哲哉待賈翁懷寶無歎嗟

楚人弓

楚人弓懸兩石五十萬矢陷強敵絳人弓箭三一作隻

詳校官編修臣王天祿

長歌入關成偉績多箭不如少箭力制敵若在子矢間

鳴條牧馬高於一作山鐵崖評曰史斷入詩歲暮多矣

國馬足

國馬足吉行五十轡如沃天馬足一日千里更神速國

馬天閑飽芻粟太行鹽車天馬哭鐵崖評曰自托可悲句短而意無窮

玉山草堂

同宗入洛稱三僑累世留吳尚幾家谷水千秋書有種

崑山一片玉無瑕內臺一笑金釵筍羽窳當攜石鼎茶

欽定四庫全書

元詩選三集

二

見說草堂開綠野何人分我白鷗沙

題王叔明破牕風雨圖

環堵篝燈夜闌寥欺人風雨更瀟瀟詩成驚落雞牕筆

夢破須來馬鬣瓢萬里浪開看異日連林屋漏耿今宵

丈夫莫袖為霖手欲沃人間九土焦

次韻贈鐵崖二首

校書星動天祿閣作賦神遇楚陽臺波濤入筆滄海關

霹靂嘯火昆侖開求文巨室持金獻問字諸生載酒來

矍鑠是翁誰畫得心如鐵石貌如孩

禽虎將軍勞築室焚魚學士嬾登臺盡道蓬萊謫仙出

爛將桃李向人開高歌夜半鬼神泣長嘯一天風雨來

雄文任索千金價高馬還輸十歲孩

自述疊前韻二首

年少洋洋過閭里諸生袞袞登省臺雕蟲末技筆徒禿

射虎良弓石為開道在未應隨世變身強不得眩時來

君看塞上翁家馬造物戲人如小孩

欽定四庫全書

元詩選三集

三

能賦子虛有司馬不見邑宰無澹臺綠嗔草力隨風偃

丹愛葵心向日開稻過間田鴻盡去芹香舊壘燕還來

丈夫能受孤遺託唯有公孫活趙孩

曹知白吳淞山色圖

終南求捷徑少室索高價唯有嬾雲西山深無俗駕

題曹省元藏温日觀葡萄後用温師韻

黃金臺壯帝王州我亦曾為汗漫遊不入鳳池鷓鴣序

依然天地一沙漚

羅蒙正希呂集

蒙正字希呂其先廬陵人父稽叔遊學新會因家
焉蒙正生有異質博學強記弱冠從肇慶羅斗明
學詩盡得其法有名於時縣尹沈壽創古岡書院
禮之從遊者甚衆尋省檄為高州學正秩滿歸至
正丁亥赴省試過開武銓或勸其借註巡檢不屑
就以詩答之云儒冠不是將軍具只作當年措大
看後遭亂避地郡城館憲吏趙式家式薦於行省
授南恩州教授州判吳元良陰謀割據欲倚其籌
畫用為幕官蒙正悟其意力辭不就後因病以詩
謝之云願賜一厘閒養病簡編燈火伴青衿未幾
卒元良禮葬之希呂詩格調頗高五言律句音響
尤工有集五卷

春日聞鶯

旭日明臺榭微風散綺羅樹陰涼翠合鶯囀落紅多
閑寂懷人處間關奈爾何嶺南天氣好二月已清和

寄謝何東道

故人違我久千里慰相思樽酒成山甕籠鵝到墨池青
山荒草徑暮雨落花時賴有春洲鴈南來可寄詩

登圭峯懷蘇長公

久向風塵厭薄遊到來象外且淹留溪邊石枕和雲卧
巖畔山茶帶雨收古寺老僧非舊主疎林晴色又新秋
坡仙題詠今殘剝詞客登臨誦未休

次韻余太常觀國招撫江南航海至新會八首

日月行天豁翳昏茫茫元氣載重坤三山在望端倪闊
萬水朝宗海獨尊飛馭羲和凌若木窮河漢使到崑崙
功成得似班司馬絕域生還度玉門

鳳掖珊瑚響珮珂龍池風暖綠生波節辭仙仗排闥去
帆趁春潮帶雨過北極神君尊帝座南箕星象逼天河
騷人舊是瀟湘客幾濯滄浪發浩歌

鴻濛氣接沆瀣天獐獠爭迎漢使船駭浪千重行處雪
齊州九點望中烟神遊太乙仙藜外身在靈生海市邊

玉署詞華君獨步，聲名知不愧盧前。

三殿傳宣勅使來，皇華後彩煥中台。方蓬瑞氣翔雙鳳，渤海濤聲殷萬雷。雲夢心曾吞芥蒂，丘山名節冠崔巍。秋期歸對金蓮直，人在中天白玉臺。

繡斧承恩霄漢間，節旌南去幾時還。蒼茫析木津頭路，縹緲雲鼇海上山。禁苑花濃今正發，扶桑子健舊曾彎。並遊羣俊長相憶，逸駕重來許共攀。

世教湮微竟孰扶，空嗟禹貢舊輿圖。北庭淑氣仍燕趙，南國遺風尚越吳。拜節曉雲三島近，濯纓秋水一塵無。九重前席長沙傳，莫憚嚴程聽鷓鴣。

欽定四庫全書

元詩選三集
卷十四

六

天開閭闔百官朝，賢俊寧煩束帛招。丹鳳九重傳鳳詔，蒼龍萬里過龍標。飄飄高步瀛州客，嫋嫋餘音赤壁簫。歸路湘南芳草遍，清風離思轉迢迢。

舳舻千里快乘風，百粵三韓去路通。島樹隱霞春綽約，梅花吹雨曉空濛。水環鼇極坤維碧，雲捧蓬萊日色紅。馳志伊吾鳴劍夜，中興今待漢臧宮。

獨秀峰即事呈都閫諸公

獨秀峰前鬼燐青，戰塵未洗血痕腥。城扉高掩平川日，烽火明連遠戍星。汀鴈失羣秋漠漠，樹烏無夢夜冥冥。蓮花柏樹多材俊，早晚山林見太平。

寄黃尚書

尚書昔日絃歌地，芳草萋萋滿訟庭。上界仙題丹桂籍，南州人誦瑞蘭銘。黃雲覆壠秋嘗稻，鐵鍵長歌夜不扃。離亂如今那可說，荒郊過雨觸髀脛。

欽定四庫全書

元詩選三集
卷十四

七

甲子年九月二十五日西寇犯高涼戰於坡山原頭鐵騎氣如雲，妖祲西來白晝昏。千里西風吹戰血，半營殘月照城軍。竈寒尚認飛仙跡，骨冷難招猛士魂。盛代懷柔資輔治，兩階干羽已敷文。

高州寄友人

梅花又發去年枝，遊子天涯未授衣。舊友別來書滿篋，新居兵後草生扉。青雲有路凌風到，紫水無槎沂月歸。歲晚望鄉心最切，太行東北白雲飛。

初秋

落日關河笛一聲感時懷抱若為平燕臺已朽千金骨
秦塞虛防萬里城大火西流金有令長江東去水無情
故園回首干戈滿空負滄浪白鳥盟

寄恩平吳秦記

聞說恩平吳秦記三年戎馬只儒衣魂逃槃瓠營宵拔
血迸鼉鼉劒夜飛富貴總輸屠狗得行藏未卜卧龍非
路人盡識將軍意笑待青袍破賊歸

欽定四庫全書

元詩選三集
卷十四

和白石馬教授二首

蕭蕭白髮映童顏塵世千年邂逅間三十六陂明月夜

許騎仙鶴過緱山

穠綠溪橋烟樹樹殘紅池沼雨家家遊蜂不悟青韶去

猶抱虛庭薺菜花

懷馬教授二首

陳編落落韋三絕浮世茫茫海九環經濟功成疎傅老

漢庭前日得身還

水生白石渡頭灣念子攜書共往還今日相思不相見
越南殘照海門山

欽定四庫全書

元詩選三集
卷十四

九

周棐山長集

棐字致堯四明人嘗為宣公書院山長曹石倉採
周致堯詩入明詩初集題曰山長集余初閱至正
庚辛唱和詩錄周棐龍淵景德禪院一詩不知其
即為致堯也後考郡志見高契志士敏東塢分韻詩
序內有周棐致堯云云因合為一人而集名則仍
從石倉之舊但致堯送張志學詩云珥筆每同花
下散玉珂時聽月中還寄龍子高詩云御水滿溝

欽定四庫全書

元詩選三集

十一

香洗馬宮牆隔樹聽流鶯似乎官不止山長者無
可援據姑闕疑以俟更考

古詩五首

應龍果何物變化在斯須噓氣雲霧蒸下雨澤九區差
差喉下鱗嬰之能殺軀那因情欲牽豢畜同淵魚
邯鄲有猛虎曾參能殺人斯固不足憑浮言亂其真儉
人舌下刀數加君子身何如冥冥羽不為矰繳親
團團青銅鏡昔從軒轅鑄面涵孤月光背隱雙龍跗美

貌欣自修醜容羞見妒人心自親疎鏡明只如故
猗蘭生中谷不采恒自香園丁亦何知掇置近中堂朝
培根愈萎暮沃葉已黃將養雖以時物性終見傷
蕭蕭水中蒲瑣瑣蒲上禽託身自得所不忘曾冒侵天
風斷枯條卵破巢亦沈茲焉復何尤慎之在初心

懷古

我愛陶淵明所居惟種柳與世實寡諧委懷在杯酒不
有千古心誰識千載後意欲從之遊斯人復何有

欽定四庫全書

元詩選三集

十二

述懷

平生遠塵事畏觸憂患端矧茲值多故而敢懷自安寄
身塗旅中戚戚苦飢寒為生恥無庸緝遺守微官雖云
匪多秩所職期可觀顧非周員器執事誠獨難蹇予亦
何為俯仰徒長歎

至正辛丑秋七月十有三日懇龍淵景德禪院

分韻得間字

終歲踟城府長有戚戚顏晨登郭西寺逍遙任疎頑林

堂舍餘清爽豈非人間况茲羣彥集秩秩文翰班善詠
登高詠嘉言振幽屏豈無觴酌歡茗煎亦未慳喧卑受
物曠志適忘世患耽留陽景馳飛羽當樹還賞心頗遂
巡紛慮仍粗闕諧此塵外蹤再期永日閒

至正甲辰九日同牛諒伊甫陳世昌彥博徐一

夔大章高異志士敏釋良琦元璞守良

登東塢以杜少陵玉山高竝兩峰寒之句分韻

賦詩得並字

欽定四庫全書

元詩選三集
卷十四

十三

東住有高塢名與福城竝九日陪諸賢登臨期絕頂秋
深木葉落不覺天地迴涼颼灑林霏咫尺衣裳冷玉田
好開懷何止供香茗幽軒賞佳菊竟夕忘醅酌昔人畫
遊此衣飾率尚裝寥寥千載間視若空華等清境素情
愜塵心未全屏感彼興我懷鈎詩記深省

修禊日偕曹廣文七人遊南湖賦得裴休舊業

裴休字公美捨宅為寺今真如寺是也

幽賞殊未窮揚舲濟南湖載瞻裴公宇蕭條乃禪居緬

思太和年秩班百寮初晚懷超俗緣悉心究空虛歲月
既云邁世事亦已徂峩峩清輝堂遺構委榛蕪斯人不
可為慨傷獨在余

三月望日偕曹廣文遊南園得多字

暮春適休暇步遊散煩疴復茲名園賞為樂詎云多依
叢爰繁綠綠冶弄輕波景幽興彌臻慮澹神始和誰思
遽旋歸夕曛在城阿永諧塵外蹤明晨復來過

夏夜宿流虹寺有感

欽定四庫全書

元詩選三集
卷十四

十三

馳騫竟朝暮似緣飢凍迫如何百年間區區為形役世
途寡相知覩顏徒自飾所獲既非寶所喪良可惜生理
固草草進退量我力豈乏希世榮前車已當阮流光急
奔馬素業紛斷織聖道卒未聞怛馬增內惕

感興

蕭蕭五花馬矯矯七尺身飲馬恒以時剪刷謂有神輕
沉障文錦新鞍鞞雕銀所期越千里不辭廝養勤過都
未及試一蹶不再伸吁嗟世之人求名不求真

雨夜感懷

卧聞窓間雨蕭颯夜將深轉望壁上鐙依微照孤衾撫
茲淒絕候感此遲暮心平明視青鏡白髮滿華簪

秋夜不寐三首

高館夜無寐孤衾轉蕭爽驚風振庭柯落葉走階響沉
憂靜中起離懷益難廣寂寞誰晤言殘鐙耿虛幌
渡落頗已久衰遲亦何甚因念平生懷悲悽不能寢薄
帷照明月中宵益淒涼展轉殊未休疎鐘度高枕

欽定四庫全書

元詩選三集

十四

昨日又今日今朝又明朝蹉跎竟何為坐令顏鬢凋代
耕既非望閒居亦無聊孤懷共誰寫仰屋奏七謠

題俞仲剛山水

我昔四明尋隱者著屐遠過玉几山巖扉苔徑轉森邃
結窠乃在雲松間松間迴風蕩空影水流花開春日永
亭服涼深團扇開好鳥飛來意俱靜為覓漁梁白沙步
因識樵人奕碁處扁舟闕泊碧谿陰沿月長歌下山去
束帶十年事朝謁鶴怨猿驚總淒切草堂晴晝翫新圖

三歎令人欲愁絕

訪鮑仲宇先生隱居

谿上齋居好幽偏事不侵桑麻存晚計圖史樂初心岸
噴幽窻曉移牀綠樹陰卜隣何代老從此數相尋

次石監征韻

憶子臨東海征帆幾日回鼙鳴津鼓合唇起石樓開官
酒應深的春衣或未裁題詩紀遊歷時寄到蓬萊

次陳彥博編修雨中見懷

澤國仍多雨溪流沒兩涯墟煙迷小市泥草亂空塔蘊
藉詩中意蒼茫病裏懷明朝晴色好對話兩情諧

送崇德州夏同知

慷慨持征節雄談息戰塵有生皆帝力無地不王臣為
國丹心在論功白髮新他年忠義傳端合繼前人

送人歸楚

楚甸荒涼舊鎮微春來漸覺思依依故鄉兵後今誰在
遊子江南恨獨歸長路關心聞過鴈孤城回首見斜暉

欽定四庫全書

元詩選三集

十四

家人十載傷離別芳草閒堂靜掩扉

寄沂陽劉廷鎮員外

故人相與最從容尚憶論詩向夜中
白首無家十年別青山何處一樽同
夢回孤館燈前雨目斷西風塞外鴻
誰識離懷愁絕處野庭依舊穆陵東

吳中

兩岸春雲暗柳條滿篷風雨過楓橋
空憐越絕谿山好且聽吳趨巷陌遙
官舍晚涼飛燕子水鄉人靜賣魚苗
誰家白晳佳公子賸把黃金買阿嬌

欽定四庫全書

元詩選三集
卷十四

十六

寄子高都事

昔年相與最多情尚憶懸鐘度錦城
御水滿溝看洗馬官牆隔樹聽流鶯
別來故舊今誰在老去艱虞只自驚
山色湖光總無賴不堪幽獨轉愁生

登崇德城有感

溪上孤城百雉餘城門猶自護儲胥
霸陵空宿將軍騎范叔應隨使者車
雞犬蕭條兵過後漁樵散漫市休初

老年觸事多成感閒向芭蕉葉上書

寄舍弟鼎

生計依人轉寂寥別來心事向誰消
鏡中華髮隨年改溪上青山入夢遙
對酒便思歸白社將書不敢寄洪喬
越情吳思深無賴獨倚江樓送暮潮

臨平道中寄京師諸友

雲外羣山館翠螺馬蹄長是客中過
關河樹色秋光近驛路蟬聲晚更多
千古心期空皓首百年人事等滄波
自慚薄劣頻趨走幾度因風想玉珂

欽定四庫全書

元詩選三集
卷十四

十七

春日雨中漫成次顧玉山韻兼簡石監征

十日春泥嬾入城滿湖風雨未開晴
草堂欲補寧忘破沙鳥頻來莫漫驚
橋外柳條隨意綠坐間苔色傍人生
緣知花事渾能幾好買芳樽對客傾

寄劉孝章經歷

意氣傾人記昔年東風飛蓋日翩翩
花明古戍春停騎月上清江夜放船
老去交游誰更健亂來蹤跡總堪憐

山光水色渾無賴却數冥鴻野外天

次韻送陳壽夫之湖州

識君雖早送君遲却媿相看在亂離十口一家無別業
此身何日是閒時青山滿路春船酒白月空江容枕詩
我有好懷誰得共鷗波千頃雨絲絲

寄吳興張別駕

駕鴛飛去潦波平曾聽驪歌憶送行南浦移舟官樹綠
西亭酌酒晚風晴異鄉春近多新夢遠使書回足舊情

欽定四庫全書

元詩選三集
卷十四

十六

欲識懷君無限意滿城芳樹亂啼鶯

送曹廣文賦得富覽亭

危亭突兀斗成陰風物蒼茫入望沉萬古東南多壯觀
百年豪傑幾登臨夜中日出扶桑近天外江流灩澦深
好趁歸帆拂天姥共憑寥廓寄微吟

次韻顧玉山見寄

白水青山杳渺邊每懷高節自茫然不從猿鳥疏名姓
虛託鱗鴻問歲年燈外簷花清夜雨江頭雲樹暮春天

須知無限滄洲意渺渺東風一旆懸

渡錢塘江

日出長江煙霧開越山吳樹抱江迴霸圖蹤跡空今古
天塹東南有劫灰山郭雨昏雲似墨海門潮急浪如雷
舟師省祀須看客不數瞿塘灩澦堆

西津夜泊

孤帆夜落石橋西橋外青山入會稽卧聽海潮吹地轉
起看江月向人低一春哀謝憐皮骨萬國艱虞厭鼓鼙

欽定四庫全書

元詩選三集
卷十四

十九

何處客船歌水調令人歸思益淒迷

送南臺察掾張志學赴都

蓬萊宮闕五雲間天上羣仙集珮環珥筆每同花下散
玉珂時聽月中還清秋幕府芙蓉靜白日門屏獬豸閒
浩蕩天風吹鶴馭春朝入覲紫宸班

次韻顧玉山寄張子淵

險宦何殊闕九淵且將蕭散事餘年風前白苧裁春服
花外青藜挂酒錢聖世敢云輕紱冕野人端合老林泉

養生况有封囊藥坐聽流鶯手自圓

春日偕顧玉山汎舟平家湖訪石仲德次韻

湖上春光生綠波湖頭柳色似新鶯已知出郭塵諠少
更喜臨流樂事多穩坐蘭舟勝上馬新裁苧服不須羅
茅堂只隔東西瀼隨意相從載酒過

琦元璞所藏趙子昂馬圖

進馭歸來日未西落花芳草滿春泥也知樞上無凡馬
牽過天閑不肯嘶

欽定四庫全書

元詩選三集

卷十四

雙松圖

鑿鑿岷峨挿彼蒼海波不動海天涼雙蛟化作神仙去
明月中宵劔影長

苧邨煙雨

鳧雁人家秋水多澹煙疎雨暗漁蓑分明記得南塘路
何處行舟白苧歌

許恕北郭集

恕字如心江陰人性沈靜博學能文至正中部使
者薦授澄江書院山長不樂即棄去會天下多故
因之海上慕韓伯休之為人旁通其術善自匿與
山僧野子相往還人莫識也洪武甲寅卒年五十
二家北郭故號北郭生所著有北郭集十卷詩得
古體思深旨遠論事多激昂篇中每多感時傷亂
之作亦王原吉之流亞也

欽定四庫全書

元詩選三集

卷十四

天門山龍門

兩崖儼相對一石向中分誰將龍泉劔闢此天地門過
客毛髮凜風雲相吐吞

青田鶴

青田有白鶴羽翼何踰躐謬承衛公寵志豈在乘軒一
鳴能驚人一飛亦翀天獨立傍秋水顧影私自憐

題李子成石琴

誰將一片石斲此無絃琴石以礪高操琴以閒素心中

庭蘿月夜擊之響球琳李君有真樂在趣不在音

小石灣

晴沙展芳席春山歇遊騎飛雲度鳥背驚濤觸搥鼻遠
觀山水佳近愛花木麗風塵一失所行樂猶夢寐

偶成

一雨豆苗綠獨行溪水西繁露墜叢竹新流漲芳堤偶
與樵者語忽聞幽鳥啼內機久已息處處武陵溪

禮敬寺

攀崖度峭壁緣澗入幽徑山堂絕弘敞金碧相輝映石
泉釀香雪松風翳清磬煩慮庶可祛聊復此游泳

老馬

老馬不量力意氣橫九州奈何阜櫪中籠絡如羈囚豈
無勇與技悲鳴不自由願凌騏驎群振迅當清秋朝馳
崑崙山夕飲玄圃流伯樂不一顧終死誰怨尤

已亥南樓九日懷乙未九日將家過前陳北莊

倏忽四載有感而賦

憶昔軍始興將家出南郭茲辰正重九炊烟靜墟落奔

竄憂甲兵漂零任溝壑偷生竟何幸一貧宛如昨念離

傷獨遊對酒忍不樂君山渺何許籬菊亦落莫愁多客

髮稀世亂生事薄坐久一長歎飛雲度高閣

戲馬臺懷古

崇臺何巍巍直上望四海項王戲馬日意氣今何在緬
懷彭城公倚劍一慷慨登高眷佳節所歡不我待遺跡
隱荒榛青山澹浮靄日夕衆鳥下風秋羣物改豈無盈

觴酒幽花復采采悵望一洒淚悲風振千載

俞瀛山留仙茅塢作詩寄之

歌罷停雲詩復作苦雨歎烟霾生晝暝星月入夜燦出
門嗟復入所畏泥潦爛漸老潘岳悲長貧阮籍慣跌宕
瀛山翁高世性疎誕看雲憶南谷煑石汲西澗我生本
濩落世故復羈絆相望渺江湖野航或可泛

宗大席上以鳥啼山客猶眠分韻得鳥字

步出城東門一徑入深窈坐愛茅堂靜遠望衆山小昔

日繁華地爛漫烟花繞兵餘成焦土荆棘映碧篠幸有
賢子孫復業似君少雅集文翰友觴詠樂未了醉來忘
爾汝一笑送歸鳥且復永今日餘暉在林杪

次揚鐵崖題朱氏玉井香亭韻有和章者張宗
魯張應辰周盧二公

玉井湛秋月光影清肺腑羣姝擁飛蓋列坐水仙府晚
色淡蒼烟遠香度風渚水木更清華疎桐連弱櫂濟濟
集羣彥良會喜今雨鐵崖文章伯筆陣誰敢拒天生高

欽定四庫全書

元詩選三集
卷十四

五

世姿不作庸人語兩張多藻思珠玉映月露醉吟采蓮
詞似對若耶女瀟溪愛蓮說絕勝著花譜盧敖有仙氣
欲向風中舉嗟予復效顰笑倒詩中虎

吳宮怨

碧雲樓高秋月低夜夜栖烏夜半啼吳王宮裏無西子
江清露白芙蓉死

精衛詞

西山石東海波海波浩渺山巍峩銜石填海奈苦何羽

毛摧折口流血心不轉海可竭

望夫石

夫君遠行役一去不回頭山頭望夫處日日大江流望
夫不來化為石山鳥山花伴孤寂

染絲上寒機

染絲上寒機麗色奪春輝含啼污素質擬織雲錦衣一
梭一梭腕欲折繭絲何日徵輸絕西鄰自紡木棉花製
得冬裘白於雪

欽定四庫全書

元詩選三集
卷十四

五

澱山湖阻風

湖之水不可渡短棹夷猶日已暮滄浪浩渺阻脩路雪
雲滿天風滿湖湖邊買酒祭龍姑美人可望不可即誰
寫山陰興盡圖

題花下美人圖

促促復促促春紅已成綠彩雲飛傍玉闌干天僊來下
瑤臺曲花枝易衰人易老妾顏如花為誰好閒來花下
漫躊躇何意傷春被春惱

告天子

告天子爾何微麥秀風暄高下飛餘音嫋嫋入雲飛向
天閣如有訴天閣蕩蕩虛且高言之諄諄徒爾勞多少
功臣如柱石緘口全身保衣食一作良可惜

雙磚行

吳門盤盤高數仞關防須得關吏印朝來千人萬人出
有印無磚不得進丈夫堂堂廊廟才入關須帶雙磚來
吁嗟時事乃如此何人為築黃金臺

欽定四庫全書

元詩選三集
卷十四

三六

長亭柳

長亭柳長亭春色濃如酒柔條細葉亂風烟年年盡屬
離人手汴水河堤空復春朝元宮闕已成塵何似長亭
管離別常送東西南北人我家揚子江頭住憶捲疎簾
看飛絮幾時折贈北郭生歸臥君山最佳處

邊塘樹

邊塘樹從來生在邊塘一作塘邊路千船萬船百尺一作牽
潮去潮來幾朝暮樹身截如刀鋸痕半身刻鏤半身存

生成亦蒙雨露澤枝葉叢茂煩深一作凋瘁空餘根可憐托身
不得地銷盡凌雲浩然氣深林自有棟梁材廢質宜為
人所棄

茅簷燕

茅簷燕過海辭山心戀戀田家破屋百年餘年年無事
長相見近城亦有小紅樓朱簾翠箔鎖春愁銜泥恐把
琴書污結巢那復主人留五月蒿萊翳環堵引雛翻飛
近窗戶不似百禽畏網羅艾而高張將柰何

欽定四庫全書

元詩選三集
卷十四

三七

采蓮曲

彩雲滿湖蓮葉多佳人蕩舟湖上歌盈盈玉腕卷香羅
清聲入雲揚翠蛾隔花雙槳出復入風露滿身香氣濕
手中摘得青藕子肯把芳心向人擲妾家住在一作南
湖西南風送船北風歸日莫風高浪不息鴛鴦在梁戢
左翼

病索駝行

西域紫駝高碑兀不見肉峯惟見骨左顧右盼如乞憐

欲行不行還勃率向來負重曾千斤識風知水靈於人
長鳴蹴踏塞北雪矯首振迅江南春只今多病兼衰老
瘡皮剥落毛色槁秋沙首宿三尺長空向墻頭斲枯草

擣衣篇

妾本良家女嫁為蕩子妻蕩子遠從軍戍北又征西井
梧葉黃秋露白絡繹悲啼玉階側家家刀尺動寒衣妾
守空房間不得自開故篋為檢尋含情和淚擣秋砧願
將有限平生力碎爾天涯鐵石心涼風淒淒月皎皎千
聲萬聲天未曉作勞無意數更深獨有殘燈照人老

競渡曲

小船鳧鴈翔大船火龍驤船頭翠旂舞船尾綵旗張水
師跳浪健如虎彷彿馮夷來擊鼓奔走先後出復沒銀
濤蹴山洒飛雨棹歌滿江聲入雲醉狂不畏河伯嗔撇
波急掣電光掣奪得錦標如有神靈均孤忠照今古土
俗猶能繼端午湘魂不來心獨苦歸咏離騷酌蒲醑

斬白蛇劍

君不見天人手中三尺水乃翁授之赤帝精白蛇斫斷
天始驚川原流血野草腥天荒地老泣素靈炎劉帝業
一掃成歸來歌風八極清吳鉤巨闕皆虛名流傳典午
氣未平精光徹天奮如霆鬱攸扇妖武庫傾化為霹靂
凌紫冥壯士感時涕淚零劍兮劍兮何由得汝跨海斬
長鯨

銅駝歎

銅駝銅駝何壯哉是誰鑄爾負重致遠之奇才三十六
宮五雲裏金光射日天門開千官出入多如雨榮顧紛
紛何足數老夫無眼識英雄聖主明王一今古索靖真
天人洞見皆天真海波尚變桑田土武陵獨駐桃花春
昔人避世向金馬至今大笑千載下達士何須歎銅駝
柏梁廢址今巍峩

蕭寺早行

張家宅前蕭寺橋侵晨發船江霧消村雞三唱屋角樹
柔櫓數聲沙際潮此時飛上海底日錦雲滿江光蕩搖

水聲瀟瀟遶灘轉霜氣烈烈隨風飄人生各各有所役
豈水有漁山有樵干戈正集沙塞戰環珮已退天門朝
嗟予久作江海客往來自歎鄉關遙石田茅屋儻可遂
白日醉眠吹短簫

題朱九齡翠筠軒

有脚不踏東華塵有眼不看長安春倏然天地至清氣
多在叢篁流水濱軒名翠筠俯空谷箇箇梢長如立玉
一秋明月照瀟湘六月涼風灑淇澳軒中之人清且閒
心不在乎山水間左圖右史移白日四簷環珮聲珊珊
不可一日無君子澹然風致頗相似翠實常分丹鳳雛
箨冠曾奉青霞士北郭道人靜者徒愛看黃巖烟雨圖
擬約嵩溪聽蕭瑟醉來題遍青珊瑚

錦樹行

憶昔家住蓉城東周遭烏臼雜青楓一春門巷綠陰雨
六月林塘清晝風時當收藏未黃落景因壯觀一作還
青紅織成誰似天孫巧染出豈非青女工十年無家寄

吳市一日艤棹來穹窿人家隱見流水遠樹林絢爛孤
邨通赤城丹霞映絕巘西山落日迴蒼穹雜花秋明步
障外歸雅莫落天機中高情作傳一作傳憶郭樓一作
浮華戲人悲石崇一作入寺學題詩曾流御溝水剪綵
何煩西苑宮人生漸老歸未得秋色雖好將成空何當
喚起趙松雪寫我秋林倚瘦筇

題趙松雪桑落洲望廬山圖

放曠北郭生好作雲水游憶昔渡彭蠡一掉夷猶桑落
洲桑落之洲清且泚水光搖搖山靡靡漚前直與銀河
通日出風生見金鯉東南五老之高峰坐臥常對乎舟
中屏風九疊爛雲錦金闕照耀青芙蓉懸崖瀑布瀉寒
碧玉龍倒挂三千尺羣仙鵠立紫霞裏思欲從之漱瓊
液是時卸帆野陰暮水氣空濛雜烟霧乾坤多事逾十
年今之畫圖猶故步此圖作者房山公後來繼之松雪
翁經營慘淡千萬狀點綴毫末無遺踪房山松雪總蕭
瑟遠客無家空歎息拔劍高歌行路難落日寒雲慘無

色

求菊

平生愛花惟愛菊幽栖曾傍滄浪曲春苗騰分三百本
 參差稍映江籬綠小徑還將蔓草除一春最畏風雨觸
 常時灌溉汲清流幾度扶持斬叢竹秋花不愁不爛漫
 粲粲金錢照茅屋只今避地東海頭飛夢夜度君山麓
 朝來下馬過名園穠花嫩蕊紛如簇或染猩紅疑剪綵
 或綴鵝翎同刻玉或似芙蓉映秋水或如牡丹眩晴旭

欽定四庫全書

元詩選三集
卷十四

三

衆中一種出宮黃疊疊香羅淡妝束嗟予託君同隱逸
 步繞夕陽看不足漫將鄉淚落西風自對孤芳傷局促
 客邊有軒名太古先生有唐琴刻名太古
古匾其處為太古軒頗似陶潛能避
 俗醉拈秃筆寫雲箋秋色能分慰幽獨

三月三日自吳回姚舍別業

入夜難分港歸舟不問程漁燈勞遠照野老笑相迎近
 市仍擊鼓連邨尚甲兵羈人頭欲白遺恨幾時平

野老

水郭軍麾滿偷生齒髮全秋成思樂歲世亂感衰年倚
 杖秋林外扶犁夕照邊餘生沾聖澤何以荅皇天

亂後省祖塋見梅花

慰眼非無主相看欲損神一枝初帶雪半樹已為薪慘
 澹黃昏月荒涼古墓春含情不忍折老淚一沾巾

過鶴坡丁酉臘月望日

黃浦烏溪外遲遲去路遙風烟何慘澹門巷亦蕭條白
 鶴三家墅清霜獨木橋兵戈苦未息奔走愧漁樵

欽定四庫全書

元詩選三集
卷十四

三

夜泊朱砂港

舟泊朱砂港縈迴路欲迷人家暗楊柳春渚亂鳧鷖兵
 甲移河內耕漁憶灤西地幽堪避世何似武陵溪

崑山道中

頻年多戰鬪漸老更流離江雨春帆重城雲暮鼓低邊
 烽光慘淡客枕意淒迷此夜還鄉夢春風楚水西

田舍寫懷

開荒臨水驛草蔓一何深細雨滋牛力新晴慰客心稍

看田野闢不畏虎狼侵麥飯香連屋歸耕傍綠陰

作客

作客何時了愁深只酒盃鬢毛隨日短膽氣逐年衰兵革江邊阻鄉關夢裏回可憐今夜月還照北山梅

辛丑中秋

一輪滄海月依舊去年明異縣孤邨夜中原萬里情聲飄蘆笛遠光湛鐵衣清願照逃亡屋乾坤一治平

次張元章見寄韻

欽定四庫全書

元詩選三集
卷十四

三五

未遂飛騰志風塵戰伐餘漫藏三尺劍且著十年書江漢還多事乾坤未定居晚成終大器留眼看蟾蜍

丁未四月十一夜避地船居沈華甫家下

今夜雲間月溪橋照野航因風微有暈映水慘無光恨滿逃亡屋愁連戰伐場思親不得見空望白雲鄉

仁壽南樓午日

日照孤城雨涼生五月風葵榴故園隔兄弟此杯同住節三懸艾浮生一轉蓬何時茅屋底高詠大江東

過泖湖

三泖浪冥冥幽人渡晚晴水天孤塔小風渚片帆輕嘗稻思農力飄蓬見客情十年柔櫓外轉覺壯心驚

次朱九齡韻

白髮新梳見青雲往事嗟西風驚落木寒雨淡幽花魚稻邨邨酒漚波處處家素懷何必問一笑數昏雅

九月一日過東舜夏氏山莊

九月秋氣清輕舟移晚汀金風翦亂葉銀漢淡疎星鬼

欽定四庫全書

元詩選三集
卷十四

三五

燐依微見漁歌遠近聽正思江館夜一犬吠林垌

故國

水郭春雷後能無故國思河鮑羹玉乳江鱗鱠銀絲鬧市燒燈夜晴郊立馬時歸心懸旦暮已辨草堂資

憶太古琴寄蔣士用

兵後三年憶素琴珍藏多藉故人心靜中還識無絃趣夢裏猶聞太古音野鶴影寒山月曉水沈香細草堂深何由為致南塘曲澗水松風伴獨吟

丁酉午日前陳北莊

愁來心事與誰論
盡室偷生寄此邗
海燕雛成飛野屋
石榴花發照清樽
幾時鷗社滄江畔
何日龍舟白下門
高詠楚辭茅屋底
汨羅誰弔獨醒魂

巳亥吳門午日

夢入滄江把釣竿
醒來身世正漫漫
榴花雨濕孤城曉
梓樹風生五月寒
坐久絕憐池閣迴
愁深轉覺芡袍寬
賞心亭下龍舟日
何得於今載酒看

欽定四庫全書

元詩選三集
卷十四

三六

送陳子高兵後馬沙復業

十年多難苦流離
喬木園林處處非
關塞只今孤月在
江湖能得幾人歸
鷗邊卜築茅茨小
雨後開荒苜蓿肥
送爾題詩空悵望
小樓鄉思亂斜暉

新秋客懷

百年身世一浮漚
又見新涼入郡樓
何處砧聲連野哭
舊時月色照邊愁
吳姬悵望芙蓉浦
宛馬驍騰苜蓿秋
壯志不隨天地老
幾回風雨夢神州

六月

南塘之水水西頭
最愛田廬野意幽
浮世百年如昨夢
殊方六月似深秋
酒醒林下聞啼鳥
老去山中學飯牛
踈懶已無軒冕想
故園歸去復何求

寄沈仲參架閣

秋帆衝暑過荆扉
喜得山人采藥歸
青蔓引瓜茅屋小
白花吹稻海田肥
蕭條烟火三家墅
浩蕩風塵一布衣
我亦與君同避世
暮年踪跡莫相違

欽定四庫全書

元詩選三集
卷十四

三五

漫興

東吳戰鬪幾時休
老我飄蓬十二秋
剝水殘山餘野意
落花飛絮亂春愁
歸田空羨張平子
下澤長懷馬少游
倦鳥孤雲還自在
幾家春雨送歸舟

丁未九日

笑折茱萸宴友朋
艱虞歷盡總難勝
酒從此日殊方醉
山向明年故國登
白露黃花秋冉冉
碧雲紅樹晚層層
仲宣回首思鄉切
更覺清霜兩鬢增

次張大年韻

喜無車馬過柴門
絃誦琅琅竹樹邨
魚躍亂流時倚杖
鴛啼新綠晝移尊
長才自有高人識
清事還同野老論
回首故鄉春色外
風烟寥落幾家存

次朱九齡感懷韻

懶性長違雨露邊
此生何意歎流連
石田茅屋我所適
錦樹夕陽秋可憐
幾處邨春來別墅
數聲漁唱落晴川
鄰家有酒清如玉
不負黃花滿意妍

欽定四庫全書

元詩選三集
卷十四

三

次承文煥黃山醉歸詩韻

黃山之南江水西
麥秋天氣野陰低
隔溪雨過催花落
繞屋雲歸伴鶴栖
滌蕩新愁須濁酒
扶持殘醉有枯藜
寄來妙句能相憶
那得樽前手共攜

次張士衡員外韻為越上道士賦

珠樹亭亭絕垢氛
憶君幾度立斜曛
坐餐紫府丹霞氣
行傍青田白鶴群
道館石枰敲落月
仙壇寶劍決浮雲
幾時一泛稽山棹
寫遍黃庭內景文

次呂宗望韻

男兒躍馬錦為衣
顧我生還豈見幾
鏡裏光陰毛髮古
樽前朋舊簡書稀
千邨積雪和天老
幾片閒雲與鴈飛
上水河鮑長一尺
故園何事不思歸

癸丑九日次江城南見寄韻

去年今日雨絲絲
猶記登高步履遲
老境又逢重九節
深情還枉故人詩
重巖細菊筋骸倦
落木西風鬢髮知
賴有好懷相慰藉
主人況是鄭當時

欽定四庫全書

元詩選三集
卷十四

三

次朱賞靜遊上方韻

穠花纖柳石湖春
春色晴光欲醉人
野鳥不知今古恨
山僧堪證去來因
鷗前遠水疑無地
馬首微風不動塵
許結茅堂看青碧
烟霞從此是閒身

為友人求稻種

百年多難寄殊方
江草江花滿意芳
避地不知茅屋小
到家應念石田荒
東吳秋夜思尊切
南國春來浸種忙
野老倘分紅稻粒
黃雲應遶杜陵莊

題綠陰清畫

青葱榆樹蔭庭除白日遲遲晝景舒
滿地落花涼雨後數聲幽鳥黑甜餘
越羅剪水新成服海燕銜泥偶汚書
座上賡吟無俗客時時燒笋薦江魚

寄俞瀛山

日日懷人坐草堂婁江一別已三霜
花明古寺春聯轡雨滴空塔夜對牀
感舊未將心事白憂時同惜鬢毛蒼
東吳蠶老櫻桃熟作伴還鄉共野航

欽定四庫全書

元詩選三集
卷十四

四

題潘氏畫壁

浮空積雪擁千鬟山崦人家俯碧灣
飛閣捲簾高鳥外夕陽流水古松間
豈無隱者攜家入亦有仙翁采藥還
借我高眠蘿屋裏月明風靜聽潺湲

次王仲禮都事登姑蘓臺韻

吳王臺殿聳高寒壞址遺垣落照間
香徑花殘春漠漠長洲雪盡水潺潺
祗餘麋鹿相鄰近亦有漁樵自往還
一代繁華猶昨夢不堪登眺損愁顏

題徐子舟聽松樓

長松落落擁旌幢怒奮龍髯氣莫降
萬壑雲濤翻石枕半空風雨度山窗
高居只許仙人獨清夢還同野鶴雙
旋煮春茶燃栢子不須絲竹酒盈缸

寄黃叔彞

冉冉光陰赴壑蛇別來相憶漫咨嗟
風吹落花野陰暮燕語空城春日斜
北郭詩成時自改西鄰酒熟夜能賒
丈夫出處會有日不負平生書五車

欽定四庫全書

元詩選三集
卷十四

四

題耕樂子卷

牛背斜陽遠邨漚邊獨樹間門有莘野中耒耜浣花溪
上盤飧

題徐士民壁

臥聽今雨舊雨坐看前山後山不許時來俗駕柴門雖
設常關

寄江濟川煉師

松下柴扉近水開雨餘秋徑滿青苔
月明吹徹參差玉

定有仙人騎鶴來

柏本道墨禾

雲林近說倪東海竹石不數柯丹丘道人高臥江南雨
只寫西風一穗秋

次惠子及寄梅花韻

天平山下一枝梅珍重山人遠寄來還憶故園春爛漫
幾株臨水背城開

乙巳元日折梅

欽定四庫全書

元詩選三集
卷十四

四三

徐孺宅前梅亂開紅紅白白映蒼苔江南倦客初相見
分得春光一半來

黃葵

淺白深紅映草堂秋來一種似鵝黃野人心跡從來素
最愛風流學道妝

送陳思道還鄉戊申春二月十六日


海邨春日慘無輝一舸凌風浦上飛我亦歸來釣烟雨
煩君先占白鷗磯

欽定四庫全書

元詩選三集
卷十四

四三

元詩選三集卷十四



總校官候補中書臣吳紹濬
校對官庶吉士臣曹錫齡
謄錄監生臣楊愈柳

欽定四庫全書會要

集部

元詩選三集卷十五

欽定四庫全書會要卷二萬四百六十九集部

元詩選三集卷十五 長洲 顧嗣立 編

張簡雲丘道人集

簡字仲簡吳人初師張伯雨為黃冠自稱雲丘道人隱居鴻山元季兵亂以母老歸養遂返巾服又

號白羊山樵洪武二年召修元史玉山主人謂仲

簡作詩淡雅有陶韋風楊鐵厓謂仲簡詩工韋柳

翰墨無俗氣而暗合書法自詩名益著而字畫因

欽定四庫全書

元詩選三集卷十五

之而並行王子充序仲簡詩亦曰溫麗清深有類

韋柳蓋元末詩人之傑出者也

春日齋居書事

垂簾覺春靜水檻幽情多蘭香舞雙蝶一作浮羣綠水一作漲

鵝微微一作激晴雲度輝輝野氣和新柳帶長坂飛花汎

輕波閒居違佳景芳事俱凋訛忽忽已初夏綠暗青山

阿

初夏偶成

詳校官編修臣王天祿

清風度虛閣飛花集羅幃方欣晝晷永不覺春光歸鳴
琴發逸響嘉樹含清輝幽情多默悟澹景寧相違覽書

感虛一作澄寂獨閉南齋扉

次韻落日墟上晚眺

荒墟屬晚眺日暮烟華消落花散芳渚孤雲度晴霄感
物微情切懷人幽思遙辛夷花未發難寄最長條

題趙彥徵苔溪山水圖

吳興佳山水遠近蓄清光岩堯金蓋峰秀色獨蒼蒼煙

欽定四庫全書

元詩選三集
卷十五

二

雲互出沒草木生風香長橋接迴溪積石倚崇岡樵漁
識徑幽於以樂深藏擊鮮列魴鯉啟翳理松篁晨雨況
可鋤春泉亦堪湘既以長孫子所願安是鄉嗟哉風塵
中何由得尚羊趙君鍾神秀揮洒發奇章卷圖思舊遊
掩抑不能忘

鸞石篇

山中學仙人斷穀自有方沁水生石精鸞之以為糧候
火中夜起松材襲馨香切以昆吾刀間以瓊莖漿長年

尚服食玉體生光芒一朝凡骨換白日凌一作玉清風翔楊

厓云仲簡鸞石篇飄飄然有凌雲之氣者也

送鄭同夫歸豫章分題姑蘇臺

崇臺去千載風日麗飛甍漠漠春洲草寧知歌舞輕香
泥汙康跡嬋娟若為情登覽猶悒悒快況乃送君行

幽蘭題姚節婦金氏傳後

幽蘭生深谷靡靡多容光衆草雖共長安得比其芳修
叢泛光風紫蕤明朝陽豈徒媚春色特以持貞良幽閒

欽定四庫全書

元詩選三集
卷十五

三

意自得婉淑情不傷忽然高飈發肅肅飛嚴霜卉木競
凋謝山林亦荒涼惟茲一寸芳枯槁猶馨香豈同桃李
花零落隨風揚小草有堅操雖死而不亡佳人在空谷
遭時不平康能以禮自持與世扶綱常我歌幽蘭詩楚
調悲中腸掩抑發鳴琴聲盡餘慨慷

玉笙引一作周郎玉笙謠

我嘗躡輕鴻浮空度瑤闕醉看碧桃花吹笙弄明月仙
人玉喬董雙成為作春水流花聲崑崙十三鳳飛舞相

和鳴曲終飄然上鶴去逸韻散落天風清自從失脚墮
塵世飛夢尚繚芙蓉城浮丘公今不見白玉龜臺走雷
電雲和妙曲杳無聞萬壑松風洗清怨

醉樵歌

東吳市中逢醉樵鐵冠敝側髮飄蕭兩肩矻矻何所負
青松一枝懸酒瓢自言華蓋峰頭住足跡踏遍人間路
學書學劍總不成惟有飲酒得真趣管樂本是王霸才
喬松自有烟霞具手持崑崗白玉斧曾向月裏斫桂樹

欽定四庫全書

元詩選三集
卷十五

四

月裏仙人不我嗔特令下飲洞庭春興來一吸海水盡
却把珊瑚樵作薪醒時邂逅逢王質石上看棋黃鵠立
斧柯爛盡不成仙不如一醉三千日于今老去名空在
處處題詩償酒債淋漓醉墨落人間夜夜風雷起光怪
按張羽靜居集云元季淮南行省參知政事臨川饒介
之分守吳中自號醉樵求諸作已設宴酬款以詩工拙
是坐仲簡之歌最協意居首席酬黃金十兩次高青
丘白金三斤次來儀止一鑑蓋詩有韻畧不滿快也

送徐教授曉山歸武林

三年言子邑寂寞鼓鳴琴官舍冷如水杏花春滿林化

風敦薄俗清氣集虛襟歸去吳山下青青草正深

次韻寄鐵崖

鐵笛先生老更迂摩空有賦擬相如竒文一變中吳學
大筆猶編後世書絳帳風搖珠絡索水窻雲沁玉蟾蜍
小娃唱得新番曲多是芳亭春雨餘

次韻寄雲林

栖神之山雲雨齊雪消春水漲橫溪長松正與層樓對
高士還同獨鶴栖每見迂名啞薄俗絕無塵事惱清閨

欽定四庫全書

元詩選三集
卷十五

五

燕游一月不歸去應愛竹林鶯亂啼

破山澗上聽水

破山龍去雨初歇坐聽飛泉濺石崗萬壑風雷喧地軸
九秋雲露瀉天潢好從細草陳瑤席更趁飛花送羽觴
飲犢上流奔軼者何年來此結茆堂

寄靈石張尊師

楊許遺經久不聞能書只說華陽君清修每自披靈笈
高卧因誰寫練裙春晝雨晴山擁坐秋空月皎鶴成羣

瞿智睿夫集

智一名榮智字睿夫一字惠夫其先嘉定州人父
晟遷崑山兄信字實夫時齊名稱二瞿先生智嗜
學明易至正間憲司試辟後青龍鎮學教諭攝紹
興府錄判尋棄官去睿夫博雅能詩以書法鈎勒
蘭花筆致妙絕時寓華亭所居有通波閣與黃晉
卿段吉甫李季和成原常張伯雨諸君友善季和
嘗曰予客游婁縣與瞿郭盧呂諸君日相從為嬉

欽定四庫全書

元詩選三集
卷十五

八

遊登山臨水飲酒賦詩五六人者無不與馬伯雨
贈詩云青龍江上古儒宮子去橫經作士風當戶
九峯春樹隔去家百里海潮通原常贈詩云老夫
亦有鶯溪絹也欲相從看畫蘭亦極一時之盛也

白雲海歌次文學古韻

白雲深白雲深白雲深護山之心有時隨龍去滄海倏
焉天宇圍秋陰英英不來入我牖直上璇霄掩箕斗或
貫日色流玉虹或漏雷聲墮天狗山人學禪草菴裏靜

看白雲朝暮起此心欲與雲俱閒又逐溪風過溪水紛
紛武士尚揮一作戈格關東南未決何安得此雲化霖
雨洗兵甲散為玉燭四海皆陽和雲兮雲兮如擘絮奈
此東流復如注山人祇在玉山中長繞山人草菴住

虎丘燕集送闕

之秣陵分賦姑蘇臺

高臺崔巍插天起勢壓雄城三百里雲牕霧閣迷烽煙
日日吳王醉西子桂膏蘭燼燒春雲錦絲瑤管空中聞
甲兵重來破歌舞梁齒修眉散如雨雙鈎帶血不敢飛

欽定四庫全書

元詩選三集
卷十五

九

城荒草碧春風吹祇今惟有臺前月曾照吳宮花發時
慷慨悲歌歎陳迹霜烏怨啼楓葉赤明朝送客過鍾陵
西望茫茫五湖白

從軍行二首

年少去從軍妻兒生死分弓開孤月影劔動七星文解
識風雲氣能穿虎豹羣不將身許國何以樹功勳
破敵三營外城頭日欲低舉烽連磧遠戰氣接雲齊旌
幟驚鳥起鏡簫雜馬嘶祇愁千里月少婦正悲啼

送于彥成歸越次郊九成韻

匡山于外史上越有歸舟久負江湖約一作寧知為一作

歲月流瓊書天上鶴淥水鏡中鷗一曲真幽絕當追賀

監一作遊

和義仲韻東玉山

莫怪清狂似謫仙乘涼遠過玉山前紫一作簫夜動黃

姑渚翠被風生越鄂船雲樹亭臺全却暑芙蓉一作簾

幙半浮煙賦詩刻燭良宵飲知是衣冠不乏賢

欽定四庫全書

元詩選三集 卷十五

十一

廉夫自滄江過顧仲瑛桃源作詩以寄并東玉

山

老鐵仙人海上來海雲長日護樓臺玉簫彩鳳時時下

黃鶴珠簾面面開不逐蟾娥歸月府却馮華一作使過

蓬萊見說武陵重有約一作晚棹不一溪流水似

一作天台

次韻呂養浩

客子頻煩尺素修江雲變態故生愁山迴絕磴參差樹

花隱重城縹緲樓雨裏未須秦望屐雪餘擬汎越溪舟

蒙郎古道多歸思桃葉春情隔渡頭

十一月廿四日紹興作

秦望山頭雲氣生越王城下湖水平梅花欲放不盡放

雨色待晴還未晴銅駝金谷非故里青衫白髮徒虛名

可憐百年已過半空嗟萬古難為情

盧彥志自台州候官至維揚

台州候吏揚州去驛馬回途一月期官寺偶分銀燭坐

欽定四庫全書

元詩選三集 卷十五

十一

客樓每怪玉杯遲山中桃樹仙人洞天下瓊花后土祠

盧彥此遊元不浪錦囊收得數篇詩

次韻監郡魯公二首

鏡裏湖光煖欲波客情惆悵不能過蓉花簇簇開岩岫

雲片飛飛起鶴鵝載酒小船輕若葦穿城夾膝小如梭

每因公事歸來晚無奈重樓月色何

祇合明時早挂弓謾勞車馬駐江東烟開溟海清蠻蠻

水滿平湖沒鴈鴻鐵騎夜馳蓬閣下雲旗晴捲石城中

萬方應喜平羣寇當與汾陽並大功

次張句曲題楊鐵崖新屋詩韻

亭子高臨洗馬河亭前夜月動微波倚闌天上簫聲發
卷幔岩前樹色多未許韓家修五鳳欲從房相賦羣鵝
連城芳草遙相憶誰解玲瓏醉後歌

寄莊蒙泉

樓殿高低瞰海邊潮生靜看月流川祕函夜誦天仙下
香積晨齋繡佛前碧蓋團雲陰寂寂珠旒分雪溜涓涓

欽定四庫全書

元詩選三集
卷十五

支郎絕愛山中景吟得篇詩與世傳

簡熊松雲

西岡無奈景純何陶寫新詩日漸多宜似蘭苔飛翡翠
每嗟荆棘長銅駝日曛山崦收黃霧秋入江風動白波
復憶松雲老文學醉乘簫鳳肯相過

寄張伯雨

服食年深玉雪臞半簪華髮不成梳入山早棄人間事
閉屋獨修河上書丹火夜明雞犬宅劔光寒辟斗牛墟

擬將一匹鶴溪絹寫作玄洲舊隱居

碧梧翠竹堂

高堂背郭對青山盡日褰帷境界寬碧樹欲隨鸞影瘦
綠筠長伴鶴翎寒水晶簾動雲成片環珮聲閒雪作團
久負故人詩酒約不嫌逕去倚闌干

次韻元章先生簡奉訥齋判府相公一笑

倅車新赴雲間幙文采風流有譽髦未許萑蘭紉客佩
又承雨露染恩袍濃薰酒漬紅螺甲清夢華生玉兔毫

欽定四庫全書

元詩選三集
卷十五

退食郡齋無一事詩成渾似柳儀曹

小言問疾兼懷匡山人

東江漾漾春流濁西郭深深轍迹疎放浪久無狂賀老
風流獨有病相如門前看竹不題鳳溪上賞花多釣魚

陸仁乾乾居士集

仁字良貴河南人寓居崑山為人沈靜簡默明經
好古文詩不苟作自號樵雪生所居曰乾乾之齋
因自號乾乾居士與郭翼義仲呂誠敬夫相唱和
其翰墨法歐楷章草皆灑然可觀館閣諸公推重
之稱為陸河南楊鐵厓謂良貴詩學有祖法清俊
奇偉如佛郎國進天馬頌水仙廟迎送神辭渡黃
河望神京諸篇尤極稱之

欽定四庫全書

元詩選三集
卷十五

十四

春還軒

陰陽無停運太極體自常始復造化樞日月天地房凝
寒一已消煦煦春載陽曲塘魚上水曾漢鴈北翔潛心
驗物候齋居情味長容色當少壯豈不惜流光流光不
待人撫時且徜徉

送客一首贈凌元之別

送客復送客跋馬河之津河津雪始霽細柳媚將春畫
船平如屋中有白髮親歲晏歸鄉井母子意欣欣持觴

壽阿母祝母年如椿司征祿堪養馳驅亦良勤雙谿見
明月定當懷故人

矯矯一良士

矯矯一良士志行與世殊三年斲一輪十年成一車度
才擇堅貞髹畫飾丹朱斲輪無不方制車復有輓識者
以為巧不識以為迂一朝祀先行出門登廣途鳴鑿和
相應執御轡如濡邈矣天路遐懷哉若人且

賦得青天月團團盛孟章古香亭

青天月團團大於黃金井中有桂樹枝上疑山河影微
步下亭皋夜色天與永露葉團夕陰幽芬襲巾領把華
翫明月迥然發深醒

婁東園分韻得人字

步遊婁東園清暑水西濱水色連庭戶坐深涼蕩人葵
花露泥泥桐葉雨蓊蓊觴酌麻姑酒歡泳習池賓晤言
式相好諒知心所親留滯豈恒久揚鑣清路塵

送彥彥采之京都

欽定四庫全書

元詩選三集
卷十五

十五

春水滿南國悠然生遠愁
褰裳采芳蕙薄莫送行舟
神都麗燕服景氣若瀛洲
星連絳闕動雲承翠葉浮
駕鵝飛海子楊柳陰宮溝
寄言幕府掾覽賞日夷猶

玉山佳處賦得山中好長日

山中好長日流景麗蓬瀛
池臺帶蘭薄水色上簾旌
興言春再交嘉鳥相和鳴
木桃源上芳洵美粲條英
延念顧長康散息志慮清
豈不懷爵服馳逐正營營
馳逐非所慕高情諒難并

欽定四庫全書

元詩選三集
卷十五

玉山佳處以夜闌更秉燭相對如夢寐分韻得

夜字

朝發吳王城輕艦從東下
落日蕩柔艣暮抵玉山舍
張燈共清燕寂寂西園夜
珠斗當層樓銀月照芳榭
坐客盛文彥逸氣凌曹謝
鳴琴聆妙音使我憂心寫
率意阮生狂明晨還獨駕

春草池綠波亭

迴塘帶蘭薄曲檻映朱甍
春雨夜初至綠波池上生
遊

魚蕩清連細藻承落英
浩浩謝池思悠悠南浦情
日夕澹無語燕坐望寰瀛

碧梧翠竹堂以碧梧棲老鳳凰枝分韻得鳳字

張宴池館夕酥凝酒微凍
明月流綺疏華燈照陰洞
翠瑄裊遺音未絃細成弄
徒倚桐花原相期聽鳴鳳

九月八日以滿城風雨近重陽分韻得雨字

華屋帶修沱梧竹夾兩廡
流雲蕩微陰冉冉菊花雨
張筵廣樂作彼美瑤之圃
仙人紫雲裘渥頰孔膺消搖

欽定四庫全書

元詩選三集
卷十五

愜中賞且以樂嘉聚翩然跨黃鶴
渺渺渡煙渚

柳塘春小集分韻得水字 并序

丁酉歲二月廿有二日龍門琦開士自吳江泛舟
訪金粟道人顧君仲瑛於界溪之上龍門復貽書
石川招余過此適葛君天民亦自茗雪來各以道
路蕪梗睽離間歲慰藉問勞握手敘契闊語刺刺
不能休其於故人之情為何如哉留數日日以詩
酒相娛樂繼而龍門復欲還吳江之無礙寺道人

止其行且張席柳塘春之小軒時春雨初霽春水
初生綠波澹蕩柳色如濡舉酒相屬談笑甚歡酒
既半道人作而言曰適斯時也當戎馬交馳之際
凡我友朋一別如雨若匡山于君番陽蕭君皆余
之至厚者也今日之在會稽猶風馬牛之不相及
也余之思之未嘗一日忘之今日得與諸君合并
不知良晤又幾何時因思古人折柳贈別之意不
能不戚然於懷也諸君得無言乎袁君子英遂舉

柳塘春水漫之句分為韻各賦詩以寫其情云

修塘帶長堤柳色參雲起疎雨落高林淺渚生春水文
軒敞櫺檻宛在水中止流波蕩輕華細藻跳游鯉故人
式相見離別何所似相對澹忘言坐聽流鶯語

陳母節義詞

迢迢南海水波浪無晨暮一葦萬里杭逢彼蛟鱷怒良
人竟漂溺浩蕩隨煙霧海水無時枯妾恨何由訴擔將
沃焦石去築良人墓之死弗二天秉節金石固瓠瓠鄰

下維愛惜如寶璐塵凝玉鏡臺肯怨芳年度床前明月
光照妾見情愫兒大羽翼成豈不懷乳哺春暉照高堂
叢萱湛晨露母兮喜及養母也增哀慕金堅金可鎔松
堅松可蠹貞哉陳母節永言垂竹素

友竹軒詩

友道久已喪澆風何由淳對面論氣誼轉足生棘榛斷
金臭如蘭所貴同心人取友古所難此君誠可親霜風
凜高節歲寒相與鄰於焉念同志碌碌奚足論

買妾言

遺妾明月珠結為雙珮璫妾身幸分明暮夜亦有光

春波曲

青青太湖波小小芙蓉檝舟輕弗解操水深那敢涉

柳枝曲

朝垂金門雨暮拂玉闌風飛絮高高去枝葉在深宮

野田雀

野雀飛在田化為田中鼠黍稌連連雲鼠食那知止

缺月詞

月體無虧缺日照乃自偏安得長合壁與天相周旋

續弦曲

磨角煮為膠續弦弦在弓擔持弦上箭不射孤飛鴻

精衛辭

精衛兩翼大飛向海波去口銜石子不知數山高海深
深深山高海深石自沈

招鵠辭

黃鵠兮黃鵠奮翮兮扶搖一飛兮絕泰華再飛兮冲層
霄鵠兮無弟與兄若將求其曹於乎鵠兮心悵勞燕爵
在樊兮食且飽樂且不憂中林有木兮木有巢鵠乎歸
乎無遠遊

石婦辭

鳥鳴孤竹岡春花復班班江水日東落行人殊未還妾
孤處妾之心白於水水白泥可渾妾心潔且明望夫不
歸那忍生精神忽通化為石千秋萬年岡上立

欽定四庫全書

元詩選三集
卷十五

十一

題文海屋洛神圖

神之媛兮霓裳凌長波兮迴翔龍輶兮孔蓋秋之水分
如霜浦有蘭兮蘭有莢折芳馨兮遺所思揚舲兮遠遠
目眇眇兮愁余

思公子寄馬希遠

蟋蟀兮在戶菊始花兮婀娜擘芳兮延佇思公子兮江
之左荃橈兮桂旂江流兮泌清絙朱絃兮橫琴茶甘如
薺兮楚酒馨宛逸兮婁水靡蕪黃兮夕雨婁之上兮有

園與廬思公子兮歸乎樂只

夫子去魯圖

遲遲兮去魯居是邦兮爰念父與母臨沂泗兮未濟望
龜山兮有滄其雨津則有舟兮車則在道先王軌轍兮
孰履其武道之不行兮命矣夫周旋天下

潁之水賦題劉西邨卷上

潁之水兮其流湯湯西匯於湖兮灌溉我稻梁我所居
潁之旁郊原孔膺兮有棗與桑朝耕於潁兮夕誦於堂

欽定四庫全書

元詩選三集
卷十五

十一

於赫在上兮如軒黃我出而仕兮遭世孔明我思頴兮
靡忘頴水決兮頴善忘頴之人兮毋褻兮飲彼牛羊

乾明寺鐘詩與玉山同賦

猗嗟鳧氏久不作乾明寺鐘奚制度冶金為池祭於鑠
圓範胚暉圓宵貌雷文庠庠外周郭蒲牢上呀捷兩角
扣之響答佛鬼愕曰聰曰聵伴有覺登之崇虞度之閣
千年懸象兔蝕剝昭茲銘言著金錯至正庚寅四月朔

城上烏者取晉叔向城上有烏齊師其道之謂

欽定四庫全書

元詩選三集
卷十五

三十一

而作也漢桓帝時則有其謠迨梁劉孝威吳均

輩比有作焉然各有託而不及此意余方感悼

其事因補其義而賦云

城上烏羣相呼羣相呼護其雛公侯干城民父母官軍
見賊莫遁逃叶城中之民勢亦孤安得千金覓壯夫城
上烏烏有翮東西引雛飛格格胡為羣來盡紅帕驅民
登城要相殺烏啼城頭頭亦白

題水仙

嫩嬋媛兮清揚明月為佩兮綠雲為裳褰芳萼兮遺誰
幽懷悵兮如結嫋嫋秋風之深兮可涉

天馬歌

於穆世祖肇王蹟受天之慶大命集神寓鴻圖大無及
功烈皇皇共開闢四方下上沛流澤列聖相承繼丕績
哲王嗣位建皇極大臣弼輔尚禹稷禮樂制度靡有隙
六府孔修萬姓懌天子聖德於昭共念承皇祖心弗宅
日月同明天地廓絕域窮陲歸版籍萬國貢獻歲靡息

欽定四庫全書

元詩選三集
卷十五

三十一

琛瑤瑰異陋金錫宣須征討費兵革文懷遠人盡臣服
至正壬午秋之日天馬西來佛郎國佛郎之國邈西域
流沙瀾漫七海隔浪波橫天馬橫涉馬其猶龍弗顛踣
東逾月窟過回紇陸地不毛千里赤太行雪積滑如石
電激雷奔走颺歛四年去國抵京邑俯首闕廷拜匍匐
帝見遠臣重怵惕慰勞以酒賜以帛遠臣牽馬赤墀立
金羈絡頭朱汗滴房星下垂光五色肉駿巍巍橫虎脊
宗尺者六修丈一墨色如雲蹠兩白天閑騏驎俱駿骨

天馬來時皆辟易
驕駢屈辱未足惜
大宛渥洼斯與敵
穆王八駿思游歷
漢武窮兵不多得
天馬自來徵有德
史臣圖頌永無斃
再拜歌詩思彷彿
願帝愛賢如愛物
更詔山林訪遺逸
光天治化齊堯日
帝業永固保貞吉
天子萬壽天降福

白紵曲送朱元長之膠州同知

白紵皎皎淨凝華
皎如明河流素霞
想當浣濯蹋江沙
江水青青蘭紫芽
金窗無人思綽約
裁作春衣使君著
使君有行隔千里
流飈莫遣車塵起
車塵起浣白紵願
君服之保明潔
載歌白紵與君別

思崑崙歌

昔我侍紫皇從游
崑崙頂手持九龍節
前驅陟盤嶺翠鳳
低回玉麟騁羣御
霞衣日星炳靈飈
冉冉動卿雲月
出瓊林散金影
瑤草神芝光萬頃
羽葆霓旌立真境
吁嗟真境密且周
黃金作屋玉作樓
紫皇宴坐鏘琅璆
九色錦綵綠華表
仙嬪左右如雲稠
鳳笙龍筦音婉柔
帝

呼九霞酒遍賜星冠
侍令我歌洞章鵠
立金鰲頭天河
如練東南流
孰曰弱水弗可舟
上清真人起勸酬
丹書玉冊夜不收
帝謂大道邈以幽
元氣運行天地浮
俯視昏濁穢九州
鴻濛希夷誰克求
嗟爾小子宜飭修
還丹之壽齊山丘
積功成練龍無由
我今總爾洞府遊
洞府遊悞落人世
三千秋三千秋
碧海頭黃塵眯目
令人愁日月飛行不可留
微生幸結香火緣
使我再遇玉都仙
握手大笑談重玄
太山萬丈下瀑泉
金莖秋露滴銀盤
半夜白海開青蓮
仙人大藥非凡鉛
豈曰變化直萬錢
一粒入口能長年
仙人仙人願乞與
使我復到崑崙顛
拜手稽首紫皇前

芝雲堂嘉宴 并序

句吳著姓比古為多
然好尚不同不失之侈則失
之儉不失之鄙則失之迂
出乎此未若有玉山顧
君仲瑛者好文而尚禮
好賢而尚義不侈不儉不
鄙不迂承具慶之樂子孫
彬彬如日之方升如蘭

之方出雍容閒雅消搖丘園誦詩讀書沖然而有
德居乎界溪之上祖宗世澤亦既三百餘年矣不
其甚乎然至玉山而益昌紆朱曳紫代不乏人至
正辛卯秋九月廿二日宗族從子翼之氏仲淵氏
適拜官歸玉山遂會親戚故舊於芝雲之堂行酒
獻酢動有禮容言相勸勉不吳不敖深有古人行
葦伐木之情酒既半玉山賦詩四韻出以言事君
必盡其忠入以言事親必盡其孝藹然忠厚之氣

形諸詠歌益以見醴陵世澤之弗艾且將大有用
於時也坐客咸賦詩而淮海秦君文仲為之序余
遂述其事賦長句以答以紀勝集云

有吳醴陵之故家迺在東崑之西界水涯平原漫衍土
壤沃洲迴渚曲龍盤孳我我第宅切雲起植以榆柳交
相遮駢枝接葉蔽戶牖大者合抱如星槎連林鬱蒼帶
煙霧鵲巢鳩乳飛慈鷄中有園池廣十井架巖鑿谷開
谷研春風著花爛濯錦秋風落葉紅於霞雞鳴犬吠自

旦暮桃源未須覓胡麻生祥下瑞天所念石上瑤芝秀
金葩有魴可羹鯉可膾有雁可弋兔可置上堂愉愉奉
甘旨下堂雍雍手拱叉阿翁素期鹿門隱阿母笑坐纒
仙車諸郎翩翩立庭下麀角定峙蘭茁芽家童聚食一
萬指食時鐘鼓聞考樞荷鉏載耜集隴畝是穫是刈歌
嘔啞秋登告成築塲圃黍稷梁稻同河沙東南大姓
誰比數玉山之人美匪誇六瑚八簋宗廟器五色繅藉
璧不瑕威儀雅同江左謝況復好禮弗侈奢征求屢多

郡府役蠶絲牛毛事紛譁日猶庖丁得肯綮迎刃節解
孰敢訶誦書讀詩足暇逸黃簾白日籤懸牙長時哦吟
弄觚翰宣城水曹與之差時秋九月霜未降紫萸斑斕
菊始華張筵華堂冠蓋集親朋洽燕情孔嘉阿咸官歸
映聯壁並騎蹀躞黃毛騮愛之猶子重誠飭謂勤王事
祿則加虎符金章赤絲組挾以搗切木器貝紫玉珂聖
朝恩渥豈易致大夫有才為國華稱觴獻酢衆樂作笙
笛瑟筑間箏瑟熊蹯豹唇味畢具籩豆修脯羅麇麇坐

中上客傲毛遂亦有辯士如田巴吳姝起作七槃舞鸞
停鵠翔整復斜主人投轄客暢飲既醉吸以龍團茶珠
斗闌干夜將曙樺蠟金蓮籠絳紗古云人生行樂耳白
髮母令垂髮髮風埃南國星紀暮百年歡會能幾何我
歌行葦為君壽感君氣誼增猗嗟謂子不信如此酒願
君壽考子孫多神之聽之降福遐神之聽之降福遐

白雲海歌和文學古韻

白雲深白雲深白雲解結山人心朝飛玉山陽暮宿玉

欽定四庫全書

元詩選三集
卷十五

三八

山陰白雲來時入牕牖或化長虹干北斗方今海內正
風塵蕭條千里無雞狗却怪山人玉山裏掉頭不為蒼
生起自緣金粟悟前身要接曹溪一綫水英雄空指魯
陽戈奈此西飛白日何連城之珍豈易識有刀莫別楚
卞和白雲之白白於絮太行望絕心如注樓前梧竹已
成陰定儼雲深鳳來住

花游曲和鐵厓先生

金烏流春春氣濛花雲蒸紅爛承風星船蕩向銀河裏

手浣銀波天在水水光花色照湖門美人鬪倩芙蓉裊
松陰冶遊馳小步蹋遍湖頭青草墓泉臺蒿目那起來
長生且進麝蒲杯仰天笑擊玉唾梳美人按度拍胡板
鷓黃東來燕子西南喃交語如雕題不是神仙西母使
漢殿雙迴青翼四仙人手把五雲箋美人奪得瓊花篇
抱遺老人書巫峽雲濤石屏志

巫山十二多雲雨暮暮朝朝怨神女江流峽東捲奔濤

幾點芙蓉隔洲渚白雲自飛明月高黃牛灘瀨爭雄豪

欽定四庫全書

元詩選三集
卷十五

三九

峽口猶思弭征權霜寒夜聽驚猿號君家石屏何處得
冥冥造化春無迹却憐宋玉老多才望斷陽臺楚天碧
江雨謠題偶武孟江雨軒

白龍祠前江水綠江上何人吹紫竹江妃清怨不能降
散作浮雲滿江曲浮雲忽變江雨來亂撒驪珠三萬斛
天昏地黑若混沌鐵馬交馳龍戰陸初疑巴陵走急湍
復訝匡廬瀉飛瀑鮫人停機那敢織馮夷揚波自起伏
須臾靜聽寂無聲嫋嫋如絲成霰霰長虹直截東海邊

夕陽照向江頭屋滿邨父老起歌謠襤褸今年秋雨足
幽人開軒舉醕醑正愛晚來涼氣肅我今下榻軒中宿
幾時更剪西窗燭

憶別曲

一作襟言一章道
中奉懷玉山主人

來時靡蕪青歸時靡蕪黃楊柳蕭瑟鳴蛩螿帖帖高翻

一作

鴈南翔鴈南翔懷故鄉夫君遠在婁之陽玉壺青

絲唱窈窕荷花落日棹相將

金石交為孫陳二義士賦

欽定四庫全書

元詩選三集
卷十五

三

金石交金不可折石不可磨泉南二子重義如山河金

石雖堅無以過泉南之山若礪而嗟峨泉南之水若帶

而委蛇念昔髫髻約為兄弟信誓旦旦生死靡有他義

士各有母二母相好母視其子子視其母恩義弗少差

歲時具酒食更相為壽樂且和一出一或處或同凌風

之舸萬里行鯉波南賈真蠟與閻婆東極三韓及暹羅

歸來分金弗私有況彼義讓情尤多嗚呼一斗粟一尺布

淮南至今民尚哦嗚呼時之人兄弟相虐朋友為讐奈

爾何金石之交古來有二子之義義甚都可以敦薄俗

激貪夫鵠鵠為爾咏伐木為爾歌泉南移家來此婁之

阿比鄰相接輔車相依二母髮已皤石可泐金可磨人

心天理無時無倚嗟二子之義可以為世模豈無好事

繪縑素寫作孫陳交際圖

送于彥成歸越次郊九成韻

正月山陰道夫君剡上舟好峰開雪霽春水市城流拭

目瞻雲鵠忘機惜海鷗多情今夜月何處照清遊

欽定四庫全書

元詩選三集
卷十五

三

寄五峰李著作一首

小車上直過宮溝城闕沈沈十二樓大乙靈光金匱夕

少微星采玉垣秋齋房度曲歌朱鷺海子鷺弦起白鷗

想得賜金歸里第鴈山依舊足清游

題謝伯誠青梧軒錄上玉山徵君求教

青梧軒前梧十尋水屋雪洞相蕭森高枝樓樓不受暑

葉大拳拳故多陰丹丘鳴鳳幾時至金井啼鳥秋思深

謝家園池信清絕擬來與子一橫琴

送友人之京兼懷陳庶子二首

五兩搖搖孔翠翎
舵樓醜酒候潮生
為言北海三千里
只作南風十日行
檣頂隕星神或降
浪深陰火夜還明
到京煩告陳徵士
兩得緘書慰遠情

十月江南草樹空
五雲天近立鼇峰
龍沙飛雪似掌大
馬潼醉人如酒濃
曾佐元戎書露布
還陪天子頌東封
宛駒自此行千里
消息無忘輒報儂

題金陵

麗正門當天闕高
景陽臺下草蕭蕭
江圍大地蟠三楚
石偃孤城見六朝
落日不將遺恨去
秋風能使旅魂消
忘情只有龍河柳
煙雨年年換舊條

送趙季文之湖州知事

能詩自愛水曹掾
又泛樓船向雪清
方伯正思賢從事
邑人還識舊參軍
青山對幕高於弁
春水連城蕩若雲
或過王孫池沼上
莫驚亭下白鷗羣

桓王墓

城東一作南盜發桓王墓
遺物書年見赤烏
羣醜一作醜揚

兵俱叛漢弟兄汗
馬慙一作慙開吳早思密
隧藏弓劍寧謂陰
房出兔狐英氣如
生風滿樹煮蒿悽
愴不能無

寄倪雲林

花明快雪鈎簾坐
謾把閒情寫竹枝
誰謂丐生仍在魯
亞知三謝最能詩
碓頭姑惡當人語
露下戎葵向日垂
艇子不來婁水暮
百回延望念深期

絳雪亭

七月海棠花滿枝
却思三月見花時
誰燒銀燭相為樂
正是烽煙苦亂離
絳雪飄搖從自落
涼風愛護莫教吹
人生若此秋如許
不惜沈酣倒玉卮

奉懷玉山主人兼簡郊九成于匡山

馬鞍山色兩峰尖
時送飛雲落畫檐
金鵲焚蘭煙嫋嫋
銀鵝舞隊月纖纖
語調鸚鵡花連屋
影拂鷓鴣水動簾
緣想清遊共于鵠
定多賦詠照牙籤

九月七日復遊寒泉登南峰有懷龍門雲臺次

玉山韻二首

支硎山中濯寒泉洗馬池頭草若煙石拔兩關開乍峯
雲迷萬竹秀聯娟下方鐘鼓長時發絕頂藤蘿且自緣
東去三江流不盡浮生如此也須憐

飛龍開口日暉暉放鶴亭前路不迷謾說支郎林下少
未緣神駿眼中稀繁霜著樹榴房拆危石懸藤瓠子肥
看遍吳中好山色太湖明月權船歸

玉山草堂

小築西郊僻渾如杜草堂不煩嚴武駕特過碧雞坊

釣月軒

積雨水平磯釣簾月上衣照見珊瑚影蘭若翡翠飛

金粟影

池鳥夜喧寂水屋月流明坐深清景邁不知蓮露盈

種玉亭

彼美不自獻置之玉子岡珍重保靈璞春雨欲流肪

碧梧翠竹堂

嘉垣遠林色高標相與清陰涼流漫入靈籟答空鳴

湖光山色樓

朝拂昆城漲暮矚海虞孤日照簾旌裏蕭條粉墨圖

柳塘春

晴雪散河隄春雲晚復迷鯉魚跳藻葉燕子拂蘭蕖

漁莊

春船搖一葦寒留帶三星美人煙水暮相思蘭芷青

漁莊欸歌二首

灣灣流水曲闌干鷓鴣芙蓉不耐寒玉手為開銀屈膝
舉頭却見月團團

日暮休憑鬪鴨闌落霞飛去水漫漫秋光都在重屏裏

東面青山是馬鞍

題倪元鎮畫雲林圖

窈窕平林岸岸流兩柯涼葉樹樓樓秋風个裏梁谿思

南市津頭欲問舟

和西湖竹枝詞二首

山下有湖湖有灣山上有山郎未還記得解儂金絡索
繫郎腰下玉連環

郎別心緒亂如麻孤山山角有梅花折得梅花贈郎別
梅子熟時郎到家

題陶淵明圖惠良夫

五柳莊前霜葉枯歸來三徑已荒蕪自書甲子紀正朔
世上那知劉寄奴

春草堂詩集詩句

欽定四庫全書

元詩選三集
卷十五

三六二

春日遲遲昭明有融菲厥豐草零露濃濃春日載陽休
有烈光萃萃萋萋零露濃濃父兮母兮懷允不忘念昔
先人經營四方死生契闊我心憂傷

春日遲遲燕燕于飛野有蔓草維葉萋萋母也天只息
斯勤斯長我育我鷺子之閔斯欲報之德如之何弗思
庶幾夙夜我心不違

春日遲遲葛生蒙楚母曰嗟予季行役適彼樂土誰其
知之爰得我所有紀有堂築室百堵自堂徂基于河之

許相其流泉泉源在左於我居處西南其戶

春日遲遲乃寢乃興馬得諼草殖殖其庭子兮子兮靡
依匪母子有酒食嘗其旨否左右秩秩其俎孔碩南有
嘉魚或燔或炙令妻壽母陳饋八簋洽比其鄰式燕且
喜豈弟君子有孝有德敬慎威儀其儀不忒天錫純嘏
如岡如阜如松柏之茂俾爾熾而昌保艾爾後俾爾耆
而艾以介眉壽

春日四章二章章十四句一章十二句一章

欽定四庫全書

元詩選三集
卷十五

三七

廿八句

馬廖公振集

廖字公振一字國瑞崑山之東滄人幼酷志讀書
好文尚雅以華其家聲元季避兵松江之南鍾巷
里築室鑿池有田園花木之趣日誦經史遇佳客
往來則觴咏不輟與世泊如也楊鐵厓深器重之
稱為忘年友有醉漁草堂二集

婁東園雅集分韻得兩字

步出東郭門曦車箭雲上園容媚嬋娟海色射決莽老
仙瀛洲來鐵笛舊逸響好鳥啼木末驚起飛兩兩珍圖
雜緜帙於馬得真賞清驪信泱泱間情足蕭爽歸歎掩
闕坐俗駕毋勞枉

虎丘燕集送

之秣陵分賦涵空閣

步游靈巖山陟彼涵空閣層巒鬱深迴結構俯寥廓梯
石擁闌干飛軒並崖壑湖光日滉漾雲氣紛栖薄矯首
縱遐觀湛宇翔羣鶴秦淮渺何許引領心有托飲餞相
晤言朋知足娛樂殷勤送子行清風振臺柏

欽定四庫全書

元詩選三集

卷十五

春夜樂

越羅複幔茱萸紅威金繡帶蟠雙龍銅盤膩燭傳香蠟
簾箔星光釘文甲金刀割紅漑釜烹豆蔻壓春頰玉罌
神仙舞盤踏月行鴈沙印雪留雲纓朱絲泠泠金粟柱
風流上客瓊林主碧海煙中采香婦溼花仙骨沾春雨

獨酌謠

獨酌謠獨酌當中宵中宵萬籟寂獨酌興歌謠玉露下
金井銀河流素濤一酌再酌神思超安得十洲仙人共
傾倒駕風鞭霆歷覽八極同遊遨魯戈莫麾斥義車莫
招搖便當甕頭醉笑解黃金貂君不見車輪馬足長安
道鷄鳴五更天未曉又不見北邙風雨跡如埽石駝斷
碣眠秋草天飈泠泠吹我襟獨酌獨酌慰我心流光去
人那復得洗盞自歌還自吟

花游曲和鐵厓先生

綺樓十二浮空濛寶衣翠絡熏麝風宮裝窈窕銀屏裏
鸚鵡呼名隔江水荔枝木瓜花覆門珠佩丁東搖曲裾

欽定四庫全書

元詩選三集

卷十五

館娃宮裏潘妃步贏得一丘紅粉墓探花仙子何處來
乳酒百罰行深杯夜闌酒倒揮玉枕遮莫城頭催漏板
人生一身東復西花遊日日須留題尚記題詩運宮使
字落驪珠三十四金花重賜五雲箋製作清平樂府篇

和楊廉夫新居韻

楊子樓居飲馬河書舟日日艤晴波未論粟里功名薄
總為夔州詩句多遠樹入簾秋若畫亂雲渡水白於鷺
何當共把凌風袂醉和仙人鐵笛歌

欽定四庫全書

元詩選三集
卷十五

早

題趙承旨竹居圖

魏國圖書天下無當時聲價滿皇都萬篇文繡垂金薤
一段冰清置玉壺碧海春深龍出蟄丹山月白鳳生雛
看雲忽起苔溪夢便欲乘舟訪五湖

婁江餽餉

海波不動絕奔鯨萬斛龍驤一葉輕三月開洋春正好
南風十日到神京

吳浦歸帆

一帆風便出吳城只怕沙湖風浪生野鴨斷邊初繫纜
西山月出正潮平

半涇

魚船商船喜通津槳鼓椎牛祀海神風色趁潮波浪急
扁舟愁殺渡頭人

古塘秋月

錢塘東去海潮生吳浦東來舟自橫十里無波秋浩蕩
流光直到闔閭城

欽定四庫全書

元詩選三集
卷十五

早

武陵市舍

溪頭不種桃花樹商賈年年橋上多昨日扁舟風雨過
無人肯著釣魚蓑

呂誠來鶴草堂橐既白軒橐竹洲歸田橐敬夫橐
誠字敬夫後名肅崑山之東滄人今隸太倉東滄
之俗尚靡獨能去豪習事文雅名士咸與之交家
有園林嘗蓄一鶴復有鶴自來為伍因築來鶴亭
復有梅雪齋日與郭羲仲陸良貴唱和其間邑令
屢聘為訓導不起卒老於鄉所著有來鶴亭既白
軒番馬竹洲歸田諸橐敬夫少力學師昆陽鄭東
李明既長益氣夷色莊學端識敏且工為詩季明
謂其詞多奇麗清婉出己意見不屑剽取古今人
言其聲一出於和且美玉山主人稱其詩意清新
不為腐語如木花遍地牽雲白竹色當簾落酒青
靈浪潤咽消宿酒飛花如粟點秋衣皆佳句也又
善作黃庭小楷繕寫其詩成集輒邀楊鐵崖評之
鐵崖題其詩曰蘇支邑凡六獨崑山多才子魁出
者往往稱呂表表曰子英呂曰敬夫也

池亭雅集得回字

以下來鶴草堂橐

池閣清冷曉四開風泉滿院殷輕雷謝家草色侵衣上
司馬琴聲到幕迴瓊樹亞枝飛鶴子紅梁雕甲膩蠹杯
諸郎醉墨淋漓甚未絕風流宋玉才

暮春鶴亭設興

綠樹軒牕鷺子過清陰密覆小坡陀笙調鳳味新簧澀
礎潤龜趺宿雨多落絮遊絲空散漫野情幽思欲如何
日長倦倚烏皮几閒染霜毫試衍波

登蘇臺懷古

三月長洲花亂開酒酣移客一登臺繞城山色臨吳會
滿地溪聲走越來北闕天高星使下西陵日落釣船迴
獨憐泰伯荒祠在烟雨金鋪長綠苔

吳有越
朱溪

賦帶露櫻桃

萬綠叢中綴木難折來靈液尚溥溥玉纖香剝雞頭軟
仙掌寒分鶴頂丹天酒淋漓子醉月盤瓊瑤漢臣看
不妨更清菡薇水潤我談玄舌本乾

秋曉

雞號天未明
柝靜四鄰寂
疎星如聯珠
殘月懸毀壁
風清鶴在林
露重水成滴
危坐絕百非
嗒然喪形質
大明啟東方
雲霞半空赤

大庾嶺留題二首

晨興散策雲封寺
巖岫天開紫翠圖
一水南來分百粵

大江東下入三吳

霜旭開晴曉
出關衝寒驢
子蝟攢攢西風
百里南雄道

綠樹丹楓滿意看

欽定四庫全書

元詩選三集
卷十五

南行舟中三首

春開冬開巖下花
朝虛暮虛溪裏家
白帽漁郎衫色瘦
青屨樵女髻鬟丫

荔枝花發暗鑿村
孔雀驚寒減翠紋
也有北人開眼處
碧山無數插紅雲

小舫行無車馬喧
短橈輕漿破江烟
無由遠逐軒皇駕
素瑟重聽五十弦

涓陽峽山飛來寺

峽山山上飛來寺
紺閣層層樹裏開
僧壁不隨猿女化
梵鐘曾逐蜃樓迴
萬松夾道時聞雨
衆壑奔流夜殷雷
猶有昔賢珠玉在
斷碑剝落委莓苔

去

猿女乃孫恪妻後至寺還壁化猿而去

番禺設興

炎方甲古易興衰
知是昆明幾劫灰
黃木灣圍南海廟
白雲山擁粵王臺
百年此地衣冠盡
五月南風舶牖來
遊覽尚餘高興在
恩恩莫遣二毛催

欽定四庫全書

元詩選三集
卷十五

莫言南海是天涯
遠客何妨歲月賒
豈謂居夸忘故土

直須浮海上靈槎
藥洲日卧仙羊去
蕃塔風高鐵鳳斜
白首飄零誰慰藉
幾迴松菊夢還家

南海口號六首

象郡大藩當百粵
羊城方面鎮南州
環山雉堞雲霞曉
落日旌旗海嶠秋

荒服未嘗霑政化
烏衣今始識衣冠
船來爭市龍魚鮓
客至先需荔子盤

誰家女兒高髻妝行春踏花屐齒香留客不將茶當酒
銅盤萋葉進檳榔

看春客裏逢元夕大市小市燒燈紅女郎手鼓如杯大

半夜答歌明月中

炎方物色異東吳桂蠹柳漿代酪奴十月煖寒開小閣

張燈圍坐打邊爐

儋萬夸人不著衣緜花藜布滿身圍輕舟似葉爭飄海

載得檳榔換米歸

欽定四庫全書

元詩選三集
卷十五

四六

越樓觀燈

午夜冰輪爛不收又看春色滿南州沈香火底鼇山柱
翠幙星前羯鼓樓小隊天魔花作陣初筵雲醴玉為舟
要知此景非人世何必羅公作幻遊

粵王臺懷古

神劍當時斷白蛇華夸悉入卯金家徒憐南海居蛙坎
未識中原制犬牙獻璧稱藩真得計橐金滿載已堪嗟
荆榛滿目荒臺下獨倚東風聽暮笳

遊白雲諸山三首

半空蒼翠薄層崖萬木森森礙日車八十老禪延客坐
九龍井上試新茶

後巖巖上看飛泉蒲澗曾聞降五仙黃竹斷碑前代燼
禹糧堯韭昔人傳

瑤草春深白鹿眠丹霞樓閣翠生烟偶來石上尋棋局
猶恐歸時不記年

訶林光孝寺方丈

欽定四庫全書

元詩選三集
卷十五

四七

斜日荒涼噪乳鴉菩提新葉小於茶石廊久雨無人到
落盡閒庭訶子華

小孤山夜泊

彭浪磯頭江水深小孤祠前風滿林秋山青青秋月白
霜裏吹簫龍夜吟

洪武辛亥南歸重度梅關二首

去年竄逐下南溟萬里歸來鬢已星望入西州天一
髮香爐長繞九江青

歸路籃輿鶴背輕
保昌東下過長亭
今朝又向梅關度
此是江南第一程

舟中望廬山

廬山昔在圖中見
落星渚前今始逢
雲嶺半藏紅葉寺
霜風遙遞翠微鐘
龍君或居彭蠡澤
仙人愛住香爐峰
雙鳧之鳥儻可借
飛入前頭聽玉淙

太湖晚泊

震澤三萬六千頃
日月出沒波濤中
冰壺寒浸林屋洞
青壁下嵌馮夷宮
霜林人家橘子熟
晚飯柁樓菰米紅
羽仙黃鶴時相過
知是銀河一竅通

月下獨酌聞桂香

今宵風月儘清酣
碧海寒光萬丈涵
天上散花香第一
尊前舞袖影成三
方諸玉露清於醪
崖蜜金橙小勝柑
老興此時原不淺
高歌猶憶望江南

送人之潮兼簡鄉友

瘴雨蠻風晚更寒
揭揚山色滿征鞍
臨行謾寫相思句

好與東吳故舊看

七月十五夜對月分得樓字

東池月滿重開席
不減當年庾亮樓
每謂人生須縱飲
固知物色總難留
螢光過幔還星散
雲氣行天似水流
高興無窮一作最憶故人秋滿眼
山陰何處有行舟

詠菩提葉燈

寶林萎葉墮天風
一落人間便不同
雲鏡熒煌開月匣
并刀裁剪費春工
星攢蜩翼冰綃薄
華擁蝦鬚玉柵紅
從此可傳無盡燄
五湖今有水晶宮

題墨梅圖

凌霄峯頂雪初乾
煖逼繁枝玉作團
三尺溪藤散香影
絳紗籠燭夜深看

秋江晚霽圖

長天斂盡落霞紅
草屋炊烟野渡東
一帶寒沙秋水白
荻花吹老鯉魚風

南歸遣懷

海南每憶越王樓可奈鄉關萬里愁對客花前椰子酒
看山馬上木綿裘羈縻此日生還喜準擬歸耕老去休
愧我無家憐晚歲卜鄰終在瀼西頭

安慶

市樓突兀凌波起樓上女兒未梳洗短篷初泊酒家門
新釀玉壺香十里買魚沽酒挂蒲帆九月淮村風日美
回頭遙望大龍山翠屏滅沒寒烟紫

歸來

欽定四庫全書
元詩選三集
卷十五
辛
徒步歸來海上城荆榛滿路不堪行問人倏忽更貧富
訪友淒涼半死生烏寶無神悲積帑青松有淚對空塋
逆流一片門前水猶對青山落日明

南歸海上訪友

北風吹鴈渡江烟訪舊東吳晚泊船野水似龍爭入海
大星如月獨當天羌村夢寐青燈下蜀道間關白髮年
兵革漂流無倚著沙余何處賦歸田

暮春感懷

以下既白軒索

春雨屋上鳴流泉竹間瀉清晨望原隰新綠或可藉維
時春夏交節序驚代謝悠悠念陳跡默默觀靈化人生
夫如可胡不稅塵駕

露坐

虛庭坐涼夕宵永覺衣薄犬吠古塔鈴烏啼野城柝感
舊心孔哀懷人興殊惡仰視斗杓傾西林月初落

送錢道士遊武當

武當諸峯何壯哉大朶小朶青蓮開玄聖高居天地戶
赤日下照金銀臺神龜六眼電光走山鬼一足雲頭來道
人再拜望北極應帶滿身星斗迴

寄廉夫

楊子十年官不調如此永州文力何洞庭鐵筵龍吹得
天上瓊書鶴寄多車子看花將一兩雪兒行酒豔雙歌
時時對客教絃索繡領單衫月色羅

祀崑山東齊龍洲劉先生墓

黃鶴磯頭風雨秋中原一望使人愁羣臣誰決和戎議

九廟猶銜誤國羞
慷慨魯連寧蹈一作海淒涼
王粲重登樓
荒岡四尺先生墓
再拜酌之雙玉舟

和顧玉山詩韻

春來世事益艱危
怪底閒情強賦詩
楊柳愁空陶令宅
荷花吟遍白家池
眼前陵谷驚遷變
客裏江山喜護持
兩度寄書煩慰藉
相從深愧負幽期

題美人圖

繡林風煖鬱金裳
曉起蛾眉八字分
翠管成龍吹怨曲

欽定四庫全書

元詩選三集
卷十五

五

雲梭銜鳳織回紋
荼蘼酒熟春江雪
豆蔻花開曉樹雲
照檻扶桑紅日透
自援綵筆賦東君

題極目亭

海虞亭子層闌上
高與清秋爽氣俱
歷歷吳山明落照
茫茫淮甸入平蕪
興亡千古看棋局
晴雨四時開畫圖
日日憑闌瞻北固
仙人借得一雙鳧

既白水軒

水軒如笠大聊作
一枝棲晚飯長腰米
朝盤短股蘆江

湖雙短鬢日月雨
醯雞徒倚郊原望
王孫草又迷

首夏田家雨中

細雨朝來濕白沙
風前整整復斜斜
林蕉間展琉璃葉
野蔓競發金銀花
田父扶犁驅一犢
稚女踏車垂兩丫
年年梅熟愁蒸暑
却愛小池鳴亂蛙

洪武庚申夏四月登玉山頂時雅上人適遷華

藏於塔院歷覽終日而返是夕宿友人家燈前

聞雨援筆有賦

曉出城西門蕩漾
官河艇朝光散晴
旭露氣擁高迴潮
上洲渚沒棹發六
飛騁前岑獻奇狀
心目快引領青山
如故人登陟在俄
頃嗟哉二三子憐
我足力逞捨舟入

蒼翠一逕林木靜
陰蘚護危棧古藤
落簪井映帶列檜
杉青黃熟梅杏古
師安禪處神物伏
精猛山靈詭異工
幻蹟一埽屏孤塔
灰劫餘傲兀立峯
頂後巖古華藏稍
復毘盧境泛觀盛
衰際何物得脩永
道人出迎客一笑
具羞茗清談竟終
日毛骨灑然冷羣
鳥亦知還微陽下

欽定四庫全書

元詩選三集
卷十五

五

西嶺迢歸弗成寐張燈酌楠一作瘦急雨何方來清聲
雜蛙龜鄙言詎成章聊假管城穎

田居書懷

僻居婁西村歲月嗟屢過桑麻八口家僅示免饑餓公
田倩牛耕癡兒固慵惰雖乏甘脆供所賴出春磨前榮
蔭高榆後坡竹千箇薰風颯然來自足償高卧念無謝
傅才甘受婁公唾

觀刈晚歸

欽定四庫全書
元詩選三集
卷十五
香
堪笑南塘野老家客來無酒只烹茶池荒蓮蛹青房子
霜老雞人絳幘花海氣東連瑤浦暗江流西繞玉山斜
扶藜緩步歸來晚間看汙邪載滿車

月下懷友

秋庭夜沈寥雲影絕纖毫月轉青霄迴星臨紫極高蟻
醅金錯落鳳吹鬱輪袍不舉山陰棹空孤一世豪

寒食郊行

草軟沙平步履輕百錢日日繫烏藤市橋風旆梨花酒

遊女春衫柿蒂綾烏帽飄蕭明素髮石磨敲側卧荒陵
百年俯仰須臾事遊覽息息愧未能

三江祠戲贈二首

三江口頭日欲晡三江女兒自當壚今朝南浦送郎去
望斷東風檣上烏
檣頭五兩逐風輕聽得吳歌慘別情一片劉家河上月
照郎直到定遠城

漫興三首

欽定四庫全書
元詩選三集
卷十五
香
寂寂高門大道邊東風愁鎖綠楊烟大兒已入滇池戍
婆婦空耕隴上田
赭服從戎萬里行風餐水宿事宵征金沙江繞烏蠻岩
越雋山連孟獲城

雨餘江色碧浮空一髮青山落照中去棹休歌桃葉渡
行人愁殺柳花風

十六夜對月

月夕浮雲變蒼狗無術因之徹其郭海風今夜東南來

盡捲飛埃絕纖垢碧天萬里開冰壺清光落我持杯手
宿羽睽翩翻露巢寒兔迷離擣霜白嘉賓况爾平生懼
如此良宵寧可負鄰家麴生好風味三百青錢呼一斗
桂香正熟菊未蒔萸羹爛煮橙可剖清樽倒射白獸光
綠波蕩搖金虬走老儂斷葷不止酒喜客和月吞入口
興酣且致豐豐談歌成自答嗚嗚缶百年此樂能幾何
瓢空更起謀諸婦身閒無事古所貴有客無酒時則不
但願月光長入杯歲歲年年為君壽明朝更上文筆峯

欽定四庫全書

元詩選三集
卷十五

五六

探支西風作重九

雙清詩二首 并序

梅花水仙一草木也其生恒在水涯幽谷之間發
於萬木搖落之後不以榮悴生死異其芳不以春
秋寒暑易其操雖窮冬盛雪猶介然與松竹爭奇
並茂有類乎高人逸士懷抱道德避世絕俗而高
風雅志自有不可及者余雖不敏心甚慕惜之故
賦此以識云

怪得荒寒野水濱疎花冷蕊看橫陳歌翻玉樹多嫌俗
夢喚梨雲却久真半點不煩春刻畫一分猶仗雪精神
臘團新萼雖同土未免韓公議小醇
湘魂懶上木蘭舟淪落江南草莽丘澹色幽香羞自獻
江空歲晚若為倚素羅微步盈盈月翠袖寒分寸寸秋
隔竹似聞靈瑟語吳雲楚雨不勝愁

覓菊花二絕句

已過秋風九日秋簷簷池上若為遊似聞嘉菊黃於鵠

欽定四庫全書

元詩選三集
卷十五

五七

乞我雙栽照白頭

洲上黃花滿意開倩人更為覓奇栽小桃源裏秋如水
分取清香一半來

竹枝歌六首寄胡安定

上思下思十萬山左海右江如月彎江邊神女長留佩
天上仙人早賜環
銅柱山前銅鼓聲野花蠻果不知名却喜土人能愛客
萋蒂檳榔相送行

雲開沙淨水滌洄越鳥啼邊朱槿開峒裏蠻丁不畏瘴
朝朝衝霧趁虛來

客權愁行湘水波憑郎莫唱竹枝歌好山好水春更好
不見間人載酒過

春雲好墨瘴烟中鸚鵡羣飛荔子紅男兒守家婦當戍
粵俗古來成土風

春草湖頭春日暉苧蘿山上白雲飛行人莫聽鷓鴣怨
陌上花開緩緩歸

欽定四庫全書

元詩選三集

卷十五

採蓮曲

采蓮落日下雙舟白縠風輕易覺秋淺淺溪流齊鶴膝
青青荷葉過人頭

題翠濤軒為則銘作

七尺烏藤手自操鯉魚風起月輪高帶將一箇城南樹
五賈岡頭看翠濤

謝惠菜

江鄉正月尾菜莖味勝肉莖同牛乳腴葉映翠釵綠

每辱鄰家贈頗慰老夫腹囊中留百錢一日買一束

過麋洲書舍寄葛青城

以下竹洲歸田稟

重來問訊東橋竹竹裏鉏雲結草堂隔草淮山當鴈汜
半陂春水護麋場交遊契濶頻搔首今古興亡一斷腸
田野不妨聊卒歲宦途何處是康莊

三月廿日過桐巷陸氏故居感而有賦

昔年曾醉陸家池白首重來有所思野哭鄰雞如昨日
陸遷谷變異當時喧林衆鳥偷櫻子卧石羣羊沒兔葵

欽定四庫全書

元詩選三集

卷十五

莫說華亭千古事故宮禾黍正離離

題吹笙仙女二圖

森森羽節導雲輶背微聞縹緲笙小隊霓裳多似雨
衆中誰是董雙成

鰲背三峯水殿虛天香吹滿六銖衣青禽忽報麻姑信
獨是吹笙月下歸

五月廿日雨懷有寄

竹洲草樹暗漁莊五月雨多沙水黃簷蔔林深書屋小

芭蕉葉大酒樽涼乍瞻霽色收屏翳猶訝車聲走阿香
冉冉途征塵沒馬懷人幽興詎能忘

寓言二首

苦瓠若懸瘦宜瓢亦宜筌筌將用合雅瓢以供酌烹吾
為苦瓢謀任力不任聲薦勞鋤鼎間自足資養生物賤
終反貴吹萬豈其情

少學老無成所守但糟粕譬如福與市涉海求靈藥豈
不望三山風至輒引却歲闌坐窮陋青燈映疎箔雖微

欽定四庫全書

元詩選三集
卷十五

字

白足禪自置丹霞縛賤貧吾所安飲水差足樂鄰家日
椎牛不似西鄰禴

秋日雨後二首

浦口寒潮頻有信空中鳥跡了無痕野航落日東西渡
黃葉秋風遠近村

曲碕茅屋兩三家返照垂虹隔斷霞風外葉聲來似雨
莫嗔楊柳不藏鴉

秋夜

砌草蟲吟四壁靜簷竹搖燈動秋影老來無夢到陽臺
開門月在青松頂

題杜少陵行春圖

牢落出同谷淒涼賦七歌日斜驢背上白髮似詩多

寄江南紹隆伯瑩

一冬風雪出村稀忽見梅花映酒旗行過江橋屢回首
無人寄與紹隆師

正月廿三日借竹洲訪顧藏六於司馬廟

欽定四庫全書

元詩選三集
卷十五

字

一番行春始出村韶華無賴已平分野鳥亂啼司馬廟
石麟猶卧汲家墳燒痕新綠渾禁雨柳色半黃都染雲
蕩涇橋頭有酒賣醉把梨花日又曛

客至

幽牕談笑話平生舊硯磨穿筆代耕白髮滿頭難諱老
青山排闥故多情桃花灼灼渾無語春雨瀟瀟尚未晴
明日蘭舟休便發南鄰筍蕨已堪烹

九日前雨中

已知無地可登臨
況是孤村風雨深
酒為解憂惟有醉
菊憐短髮不勝簪
白魚出網一雙玉
黃橙擣齏三寸金
南北睽離佳節過
壯遊空感昔年心

題秋浦歸舟圖二首

碕岸楓林隔野橋
梵王宮殿在山腰
扁舟好趁樵風去
莫待寒江落晚潮

秋浦行舟日欲晡
秋來到處有尊鱸
酒家鱸具如堪借
暫卸西風十幅蒲

欽定四庫全書

元詩選三集
卷十五

三

寄懷鄉友浩然成橫州

分袂每憐秋未半
開帆猶記月初圓
客程千里又千里
老鬢一年哀一年
令弟喜霽新雨露
故鄉不改舊山川
懸知獻捷歸來日
重理琵琶第四弦

寄鄉友福州別駕二首

烏石山前聽訟時
石榴洞口看雲飛
馬蹄好踏官街月
人在青榕影裏歸

釀來南酒甜於蜜
愛浴山泉熱勝湯
退食自公微醉後

小姬和葉進檳榔

和烹箠龍詩韻

雷公傳令風火急
鞭起雨工頭戢戢
泥蟠骨蛻未能飛
野人爭奮長剗入
獍須逆鱗不復畏
斯須唯聞釜中泣
金杯苦酒五色光
玉版雲腴乳花濕
長房見之發長歎
麴生一笑恣鯨吸
靈物變化不可常
駢玉森森作人立

四月廿四日雨中寄仲莊

四月江鄉暑尚微
林寒老客未更衣
復愁刈麥雨不止

欽定四庫全書

元詩選三集
卷十五

三

況是索租人正饑
穀秧出水青青短
筍登盤箇箇肥
門外泥深無轍迹
相從莫怪出村稀

次韻答偶武孟

猶憶當年應鵠頭
詩名從此達南洲
狂歌賴有千鍾酒
豪士今無百尺樓
紫螭白魚江市晚
綠蕪紅樹海門秋
西風開到籬根菊
擬向桃源一繫舟

白紙扇歌

間次安惠紙笈
因賦此以贈之

我昔舟泊江西湄
推冰看持萬楮皮
江神相過色慘愴

波工自詫手不龜懷金問價雲滿篋霜紈失素無晶輝
廿年歸來存百一製成團扇真絕奇紅爐百煉太古雪
紫篔三尺盤屈鐵銀簧影射秋鑑光玉虹冷貫青天月
昏目摩挲驚老醜動搖清風生腋肘高堂晝把蠅蚋空
魑魅潛藏飛電走豈不聞哉姥不識王右軍茂弘曾障
元規塵謝公高風固足尚班女篋筭空悲呻烏飛兔擲
急於箭商飈奄忽號枯林嗚呼盛衰天地無古今炎涼
不易君子心

欽定四庫全書

元詩選三集
卷十五

空高

讀宋太史詩文集謾書

金華山下古潛溪秀發英靈間世奇歲久不聞清廟瑟
眼明今見玉堂詩百年人物推此老一代風流當繼誰
頗恨淹留忘陸景遺編徒使後來悲

菊田 并序

余客竹洲三年頗有彭澤東籬之好古人亦謂菊
獨以秋花傲兀於搖落之後非霜下之傑乎昔年
曾賦對菊之歌老興未已復作菊田一首以紀歲

月耳

搖落西風已愴然金莖月朶為誰妍人間無地安花宅
洲上於今有菊田晚歲擬尋甘谷老顏齡幸值博延年
落英殄盡秋香骨許我飛行作地仙

訪成真觀有感 并序

四十年前余訪秋雲楊外史於成真維時殿樓竹
樹森竦邃密其琳宮桂館不是過也後十年外史
化去世道變遷天運纔一周鞠為茂草荒墟然盛

欽定四庫全書

元詩選三集
卷十五

空五

衰之變有不可得而語者如此今年春因訪舊復

遊於此感而有賦是歲庚午正月十八日也

暮年重訪成真觀不見秋雲竹外樓枸杞經春昏化犬
朱藤歷歲總如虬種桃道士馮虛去採若騷人汗漫遊
見說蓬萊又清淺擬將黃鵠問丹丘

題子昂畫馬圖卷

靈物降精生倨奇貢來自是千里駒天閑瀟瀟風滿旗
立仗不受黃金羈吳興寫生世所稀春雷挾之上天飛

訪偶武孟蒼筤軒時武孟制滿求仕地有桃源徑

舊草溪東十里餘小桃源上見郊居落紅石一作徑和

雲埽新綠瓜畦趁雨鋤池上此君宜對酒門前長者屢

迴車此中未讓商山老見說王褒有薦書

仲春雨後生寒有懷蒼筤室

東岡二月草芊綿淅淅寒雲雨後天楊柳三眠風作惡

櫻桃半開春可憐詩域日荒拋硯石醉鄉時與打航船

清遊每憶蒼筤室何日重來看碧鮮

欽定四庫全書

元詩選三集

卷十五

巨浸詩 并序

洪武庚午秋七月初吉海風自東北來拔木揚沙

倒海排山堆阜高陵皆為漂沒猶記戊午秋七月

四日亦嘗罹此蓋大魚入城之兆也今茲震蕩勢

復過之側聞三州一千七百家皆葬魚腹嗚呼上

天號令豈有常乎可不慎歟可不畏歟

庚午七月初吉斷虹挾雨蔽西日石尤聲撼天為昏

颶母驅車走沙石鯨跳鯢擲地軸翻陽燄陰凝鬼神泣

銀濤駕空山嶽推轉眼奔流浸扉壁三江瀾漫滅無口

孤城泮泮天一碧哀年疲荼連兢畏變貌齋心戒夕惕

憶昔前年大魚入三洲漂蕩海水立近者側聞復罹此

海灣流屍頭濺濺岸塌沙沈絕往來膝斷壤深苗不實

嗚呼上天震怒豈無由誰其尸之復誰詰

覓菊 并序

余向寓竹洲洲上種菊百餘栽繞屋盈圃過者因

為菊田今年歸草堂似聞秋風駕潮掃蕩無遺儼

欽定四庫全書

元詩選三集

卷十五

與吾友求數株聊應重陽故事如何

秋潮橫挾風雨顛洲上空聞有菊田香色於人既無有

物情在我敢求全頗憐塵世光陰迅似覺人間雨露偏

白髮滿頭難諱老蒼顏對客強為妍豈惟酒向鄰家得

自是杯從舊日傳陶宰不妨多種秫杜陵且莫歎無錢

青天鴈影西風外紅樹秋聲落照邊見說南莊饒物色

少分清豔到樽前

訪友 并序

洪武庚午九月廿七日訪鈕聲遠於太倉城之正陽門造其室曰洞雲四簷竹樹盆山清氣可掬因賦此詩并求其畫山圖云

先生家住正陽門繞屋松聲日夜聞大藥總消頭上雪
小山長帶洞中雲已知濟物宜終慶況是清時屬右文
却歎一作笑吾詩與君畫海門風月擬平分

東溟生詩為顧某賦

東溟之生何所聞抱藝學古以事親翛然一室東海村

欽定四庫全書

元詩選三集
卷十五

六

市塵不到絕垢氛坐見三洲渺無垠一碧萬里玻璃盆
雪濤銀屋相吐吞爛霞浴出扶桑暎是時幽人侍晏溫
菽水之樂樂天真興來揮掃水墨渾下筆慘淡愁鬼神
居然耕鑿生意存經營態度迴陽春百年練素琴斷紋
擗標裝潢稱絕倫由其天機出清新能事逸發皆可人
素昧平生笑語親一日索書來叩門嗟余耳聵目力昏
那能復作寒螿呻霜風披林葉繽紛寒菊豔豔東籬根
姑置是事且勿論與子倒盡花前樽

荆溪棹歌四首

荆溪溪上晚山稠沙棠港口木蘭舟裹頭女子唱歌去
水色山光總是愁

大男鑿山衣盡紅中男操舟慣張篷獨山門外北風惡
白浪如天怖殺儂

溪上雪消春水高鶯黃新柳暗長橋橋頭人家好春酒
無情長與駐蘭橈

雙舟來往奈愁何日日溪中聽櫂歌溪水西流流不斷

欽定四庫全書

元詩選三集
卷十五

六

海門東去作風波

竹枝詞三首

千夫萬夫暄作堆什什五五魚貫腮長興步頭候糧去
紅闌街裏買薪來

臘支山頭雨雪飛臘支山前人苦饑山下斧斤夜達旦
山上閒雲長自歸

十八里岡雲有無炎風埽地雪模糊山川通塞奚能問
閒看清波入太湖

寄懷茜川基古石二首北山翁也

身閒無事且婆娑轉眼流年一擲梭
牢落詩懷三月過顛狂風信五更多
潮來海市魚論斗柳暗江林鳥弄歌
頗訝寥寥無信使題詩為問近如何

寄謝諶西堂惠紙二首

雲繭羅紋幸見投烏皮几上雪凝眸
懷人端為雙魚信作賦空慚五鳳樓

翠峯山下連吳會雪浪東來入海門
胸次不留元字脚

欽定四庫全書

元詩選三集

卷十五

七十一

金香爐下鐵昆崙

感興二首

靜室無塵少客過新篁陰曳小坡陀
朝來始悟春歸盡風裏楊花似雨多

落花寂寂掩柴扉滿地綠陰新
筍生自是老來遊興減江山何處不堪行

題水墨龍圖

畫史憑陵造化機研池傾倒墨龍飛
生綃半幅春雲濕

疑是前山作雨歸

五月廿八日重過翠濤軒清坐終日薄暮而歸
賦此蓋書所見也翠濤為竹而得名余不能無
辭矣

幽人愛竹不喫筍養得修篁箇箇長
五月六月雨不落千枝萬枝風自涼
蒼雪逼人時展簟翠濤驚夢午移牀
涓涓清潤烏皮几楚楚高攬薜荔牆
密影掃階敷瑣碎餘音拂水度笙簧
孫枝迸地渾疑占老節凌雲色更蒼

欽定四庫全書

元詩選三集

卷十五

七十二

三徑旋開真得計七賢避世故佯狂
因懷梅友稱三絕却笑荷花似六郎
白鶴歸時雲動蕩青鸞嘯處夜微茫
對之可使食無肉哀矣空慚鬢有霜
隱几無心開卷帙捲簾隨意炷爐香
日中見斗瞻霄漢月下吹簫引鳳凰
物外襟懷差可共閒中滋味淡相忘
不尋酒伴雞豚社誤落詩名錦繡坊
時復開樽排匝每憐學子走趨踰
興來坐久無聊賴老去頻過也不妨
他日成材惟汗簡於今觸目盡琳琅
振衣散策歸來後江路迢迢又夕陽

則明遊餘杭三橋步回過余草堂賦此謝之

秋日三橋步行舟野色新亂山圍草市荒墟接江津杉
竹通靈獠麋廩販獵人欲將金粟酒為子拂征塵

題枯樹圖

鐵幹槎牙翠葉殘雲根剝落古苔斑大材寧盡天年老
不遇工師不出山

九月晦訪聲遠留題

海門潮上水如烟賀老重維載酒船喜見雲山開雪壁

欽定四庫全書

元詩選三集
卷十五

七十三

幸因郎因鼓冰弦應門童子清於鶴搗藥靈禽半是仙

歲晚卜鄰應有約幾時行李到梅邊

寄則明二首

時容於
竹洲作

首蒼花開徧地秋秋聲渾在樹梢頭西風昨夜吹歸夢
喚起客懷無限愁

幾樹芙蓉近水低碧沙涼露泣莎雞月邊已有南來鴈
飛過荻江官渡西

晚歸書事六言二首

訪舊五溪薄暮沙長歸路迢遙虛市人家燒燭流水孤

村斷橋一箇殘僧待渡數聲短笛歸樵閃閃昏鴉啼後
江風又落寒潮

渙榜溪翁罷釣郵鈴稚子傳書暝烟寒雪欲落臘柳半
黃未舒雲葉落隨去鴈浪花潑刺跳魚一段詩情畫意
瀟然風景愁余

醉歸

醉歸不覺已斜曛稚子驩迎先候門露林睡覺涼如水

欽定四庫全書

元詩選三集
卷十五

七十三

樹影滿牕疑是雲

題黃鶴山樵畫匡山讀書圖

黃鶴山人美如玉長年愛山看不足醉拈秃筆掃秋光
割截匡山雲一幅詩豪每憶青蓮仙結巢讀書長醉眠
我欲因之攬秀色雙鳧飛墮香爐前

寒食謾興書所見二首

楊柳東風日夜顛杏桃無語不成妍水流竟沒鷗邊石
雨重渾迷卵色天節序怱怱無可那物情洶洶最堪憐

荒村闕寂無雞犬何處人來掃墓田

三月三日雨初晴清旦梳頭坐草亭一陂草色為誰綠
千樹柳條無賴青憂患未平心耿耿哀遲那遣鬢星星
林鳩底事頻呼婦強聒春愁苦厭聽

九日雨中雜興

霜降海門天氣肅無邊落木總繽紛鷗眠夜渡芙蓉雨
鴈落秋田穉稔雲未有詩篇酬令節祇將茗盃對爐薰
月中桂子飄人世時有天香隔幔聞

欽定四庫全書

元詩選三集
卷十五

七十四

聽雨

傾倒天瓢走雨工海門龍過起腥風瀟瀟午夜鳴山竹
如在春江聽打篷

期友不至

長日間吟步紫苔流光轉眼熟黃梅雄風豪雨將春去
濁垢深泥少客來老柘葉稀愁繭瘦草田水漫厭鷓催
題詩問評王文學懷抱何時一笑開

風雨連日閉戶默坐懷思可知忽翠濤軒以筍

蔬之惠走筆答之

春事都隨逝水東不堪日夜雨兼風龍歸海浦沈雲墨
鳥啄櫻桃落子紅老境詎言詩有債醉鄉誰謂酒無功
鮭蔬向賴西鄰筍甕缶時將五尺僮

集句題水仙圖

秋水為神玉為骨山礬是弟梅是兄恍然坐我水仙府
吾與汝曹俱眼明

雜詩五首

以下見玉山雜集

欽定四庫全書

元詩選三集
卷十五

七十五

三月江南渡行春屬晚晴留連花下榻醜酒待潮生
開船收雨色新水達春江鷓鷯元無侶睢鳩自一雙
青天歸鴈喜密樹坐鶯深落日春愁裏懷人浩蕩心
城門踏青草城下楊花度荒壠無耕人三月輸官賦
近江喬木裏疆半棗華栽葉覆青青蔓相沿別樹開

做李商隱一首

華落銅盤蠟炬融逶迤春色照夫容當筵行酒金釵側
隔座吹笙繡幕重已有鸞刀飛鱸縷未須翠釜出駝峯

夜深環佩雲中過宛在瑤臺月下逢

登澱山寺

一上湖南澱山寺寺門高開秋樹顛下界雲煙惟一氣
八方樓閣駐諸天無風靈籟時生壑深夜神龍或起淵
我獨題詩此臨眺寥寥宇宙幾千年

懷友

長夏夜景靜齋閣臨前池當檐素月流舉扇涼颼吹參
差丹棘花婀娜紅蓮枝玉人美無度耿耿勞我思

欽定四庫全書

元詩選三集

卷十五

江水辭送友人之龍江二首

江水一百里南風一日程飛華多意緒相逐柁樓行
江水五百里上有蘭與芷采之遺所思含情似江水

采蓮曲和鐵厓先生二首

刺船水中央攏船乘晚涼近番灘上過葉裏好鴛鴦
盈盈藕上花采采墮清淚願將心中絲繫君雙玉佩

蹋鞠篇和鐵厓先生二首

江南稚女顏色新百花樓前蹋繡輪紅蕖小襪不動塵

不動塵放嬌態微風來舞裙帶

芙蓉小踟躕曉風金壁步搖聲丁冬繡衫窄窄交斜紅
交斜紅露玉腕揮紫綿浥香汗

草堂紀事二首

六月四日登草閣雲薄林深暑氣消無賴野鶯飛箇箇
不知風雨一朝朝

池上戎葵高一丈白白朱朱復可憐近報彩舟來浦口
頻開金艫向花開

欽定四庫全書

元詩選三集

卷十五

過沙湖賦竹枝詩

白沙湖頭月色新白沙湖裏水如銀可是吳宮雙玉管
聽得一聲愁殺人

題萱蝶圖

堂前萱草散滿地朵朵幽華也可憐絕愛簪簪相映帶
生憎蛺蝶舞留連

和靖看梅圖

西泠橋下林家墓猶有舊時無數花孤雲何處雙飛鶴

落日鷓鴣滿白沙

舟中三首

潮發江門百餘里
曉過夫容湖上頭
嫋嫋秋風吹檉柳
層層雲氣蓋船樓

無聲星光駕秋色
即看露氣薄人衣
逶迤流吹天頭落
潑刺驚鳥樹裏飛

天河垂地月光白
荻岸秋連野水青
浪靜楚漚來片片
櫓搖楓葉下冥冥

欽定四庫全書

元詩選三集
卷十五

七

渡吳淞江

九月渡江江水落
荻花岸岸與秋連
沙橋欹側平當樹

江鶴翻迴巧觸船

送姚子華浙東帥府掾

掾郎辟舉南州掾
炳炳才名蚤歲收
幕府簡書閒白晝

戟門旌旆卷高秋
花開擬上瀛洲看
酒熟頻為鑑曲遊
北來或有雙魚使
煩寄新詩寫我憂

和鐵厓西湖竹枝詞
以下補遺

江頭竹枝青復黃
纖纖作養蠶筐
乍可採桑南陌上
不願黃金逢貴郎

送瞿惠夫青龍鎮學官二首

山雨蕭蕭夜轉多
思君別後定如何
惟屏怪底時時動
池上東風生綠波

雲影垂江護晏陰
題詩東閣曉寒侵
便須騎馬迎君去
街上青泥三尺深

題宋楊補之墨梅

欽定四庫全書

元詩選三集
卷十五

七

繁華漸覺枝頭少
冷蝶寒蜂盡不來
寄語春風莫相妬
明年還我最先開

俞遠豆亭集

遠字之近江陰鳳歌鄉人隱居教授自號空谷因稱空谷先生身癯神骨秀竦目光熒熒好著小冠戴方山椹笠衣白綺表儼然神仙中人行出一市盡驚至正壬辰鄉寇竊發所過殘毀乃築土為室嘯歌其中長吟短詠語必驚人如龍門桐歌小石灣行澄江八景等篇傳誦人口所著豆亭集學詩

管見嘗自序其詩曰蟲之嘯嘯鳥之嚶嚶機動籟

欽定四庫全書

元詩選三集

卷十五

鳴豈得已不已乎不得已乎耳卒年七十二同里

王逢挽詩云襄陽一耆舊東魯古先生蓋重之也

挽王萊亭庫使

王逢之父

客行天下半波流日滔滔卓然王幙長獨詣見所操西風吹黃鵠瞥眼雲中翔無彼升天翼欲飛詎能高讀律三十年弗離州縣勞歸休青山郭綠溪置屋牢種瓜以為業不復求其曹饌甘盤有魚飲旨尊有醪兒賢曲奉養未慕樂陶陶奈何百年期懽忻變號咷望見雙梧樹

我每涕沾袍梧樹奚足悲迴躅於馬韜

遊小石灣

前年遊小石小石之下江悠悠今年遊小石江水只似前年流江流日夜流不息石根水齧成沙礫主家銀瓶三尺高長向江邊宴賓客江邊雲木藏華構主人不歸春鎖畫開門掃地借一作借鋪筵舞影出闌鶯雉雖一春天氣今日佳城中千人萬人來步陣飄紅香散霧撲面不去飛塵埃移樽更就江流飲酒光五色沙如錦懸崖

欽定四庫全書

元詩選三集

卷十五

欲落未落處挽客更坐毛髮凜青天龍挂東海門颶風忽來天晝昏白波如山潑山鼻坐恐此地為江吞金支翠旗光閃灑冉冉靈胥騎白馬我欲招之招不來大鯨噓紅射蓋竿此景向來良不侔丈夫跌絕婦女愁手中橫竹孤鳳叫日脚迸落靡蕪洲眼空高興不可遏割肉大啖湯沃雪風休月出浪復止小娃強歌聲不悅我言小石天下無衆客相顧皆胡盧說東洛談西湖我請謝客客莫誣西湖白鶴去不返東洛看花生已晚

澄江八景

蓉城曉煙

落月昏昏城樹白山煙一帶接閭居天高樓鼓晴先覺
江近篝香潤不除刁斗營前看洗馬輓轡井上聚穿魚
蓬萊有約蒲帆重欲問麻姑借羽車

巫門夜雨

巫子門前沙擁波泊舟黑夜雨滂沱龍呼匣劍辭人去
鳥作飛車送鬼過剪燭頻昏抄細字看天未旦起狂歌

玉關何處頭如雪明月長竿還挂蓑

海門賓日

天在海門東復東星移河落日曛曛三聲雞唱齊州白
五色鸞翔弱水紅舟楫盡登揚子岸衣冠應滿太空宮
寸心老我傾葵藿扣缶狂歌兩鬢蓬

孤山釣月

大江春石是孤山山下漁人戴鶻冠花發廣陵忘挾控
水吞雲夢好持竿珠光電轉龍堂晝玉屑空飛兔白寒

欽定四庫全書

元詩選三集
卷十五

全三

一曲菱歌歌遽止馮夷按節鼓狂瀾

石灣春霽

春月少晴晴即風石灣今日好春融已憐野水添杯綠
更有雜花開樹紅錦帳移厨人簇簇銀鞍並妓馬瓏瓏
擊壺錯按伊州弄句落鷗波浩蕩中

揚子秋濤

大江日日潮流地八月飛濤天半來高蹠一門危立海
散馳千道殷崩雷鳥驚斷磧都相失鯨挂橫山不及回

寄語北來能賦客江南奇觀遲登臺

沙嶼晚渡

吳山望斷楚山蒼江北江南一葦航野屋半開人慘澹
征車相次馬玄黃羽竿風急回鳴鷓魚笳燈微隔樹桑
指顧揚州莫惆悵燕姬樓上勸飛觴

淮甸晴眺

廣陵南盡是長川山隅川流不隔煙一騎看花來闕下
千帆轉粟上天邊漚波鴈磧芻蕘合豚穿雞埭井絡懸

欽定四庫全書

元詩選三集
卷十五

全三

我住孤城愁偏仄定來釣弋過殘年

清隱軒

讀罷黃庭內景篇道人風度亦翩翩山中呼酒喚明月
天上賜衣生紫煙啼過宮闈春幾度飛歸遼鶴世千年
向來書榜詞林客可怪逢仙不學仙

欽定四庫全書

元詩選三集
卷十五

金



元詩選三集卷十五



總校官候補中書臣吳紹濬

校對官編修臣曹 城

膳錄舉人臣王嵩齡

欽定四庫全書薈要

集部
元詩選三集卷十六

詳校官編修臣王天祿



欽定四庫全書薈要卷二萬四百七十集部

元詩選三集卷十六 長洲 顧嗣立 編

于立會稽外史集

立字彥成號虛白子南康之廬山人故宋名將家

幼明敏博學通古今善談笑學道會稽山中得石

室藏書遂以詩酒放浪江湖間長吟短咏有二李

風近體五言如水迴嵐氣合風度竹聲遲香挹花

間露涼生葉上風七言如荷露襲衣涼冉冉桐陰

欽定四庫全書

元詩選三集
卷十六

轉戶月疎疎近人月色如相識照水花枝若自憐

皆天然佳句愛吳中山水清曠因寓居之以玉山

草堂為行窩馬鐵厓謂其人如行雲流水無所凝

滯游方之外者也

桐軒曉坐

東軒樹微颺散清影涼生關 移露滴秋陰冷寥

寥鳴鳳來歷歷啼鳥靜徘徊未成關 月明下金井

題趙仲穆畫馬一作臨李伯時鳳頭驄圖

房星夜入水龍馬出渥洼西來幾萬里進入天王家公
子重毫素慘淡生風沙明時不用一作好武終然駕鼓車

次韻鑑中八詠

種山

青山削芙蓉上有浮雲生窈窕俯長流逶迤帶重城朝
光散霞彩暮色涵空青鵝去不回遺爾千古名

三山

蓬萊失左股負以垂天翼中有仙人居珠宮燦瑤席凝

欽定四庫全書

元詩選三集
卷十六

雲不飛去化作輪囷石彈琴坐石上長憶三山客

崇山

會稽山水國崇山幽事多當時觴詠處春淨花顏醜磊
落黃金罍玲瓏白玉珂行樂須及時美人在丘阿

梅山

梅山如積翠的礫手堪捧遙遙仙人尉盤盤故時隴丹
泉清可鑑石乳甘於澗行將解塵纓於馬踏高踵

鑑湖

我愛鑑湖水明如照膽銅澄清若有待渾濁那能蒙當
時賀知章富貴如苓通豈無一畝地來築仙人宮

古城

驅車曉行邁行行出郊郭斷岡屹崇墉虛籟殷靈壑雨
深瑤草長風定松花落西山有爽氣逍遙倚晴閣

縹碧樓

樓居本高明況在松竹間溪流深幾尺新雨過前山浮
雲多變態好鳥亦間關偃蹇樓中人對酒還開顏

欽定四庫全書

元詩選三集
卷十六

芬陀室

視心如蓮花淨明涵十虛出泥本無垢露體皆真如大
千入一息晏坐忘百須陶公雖飲酒時能到林廬

釣月軒

夕息西軒陰頗愜濠上景持此明月鈎投竿釣清影流
螢飛暗度幽鳥棲還警遊鱗亦復來露下芙蓉冷

芝雲堂以古樂府分題賦得短歌行

白日苦易短百歲良非長今日花間露明朝草上霜黃

河無停波浩浩東入海弱水隔神山靈藥何由採羲和
總六轡蒼龍挾其軻迴車謁王母蛾眉生素秋虞淵沉
暮景忽在扶桑顛孰知青天上年年葬神仙尊中有美
酒激灑浮春香調笑青霞侶嬋娟紫雲娘今日不飲酒
奈此白日何來者日益少去者日已多太極那能窮渾
沌不可補不如醉鄉人一息同千古誰云刀圭藥可以
養神骨天運未可期且盡杯中物

梧竹謠 并序

欽定四庫全書

元詩選三集
卷十六

四

雲臺外史題梧竹堂樂府多道梧而略於竹豈愛
惡有不同邪用續其語以補其闕云

鳳來住高梧枝高梧葉老秋風吹月明夜夜栖啼鳥不
如池邊竹千尺露葉霜筠照寒碧今年結實苦未多明
年實多鳳來食

碧梧翠竹堂以碧梧棲老鳳凰枝分韻得枝字
新陽散微雪薄靄凝春姿逍遙桐軒下命侶酬芳時輕
風蕩微和酒面浮晴漪娟娟明月鈎挂在珊瑚枝

湖光山色樓以凍合玉樓寒起粟分韻得樓字
凝雲變晴景積雪滿山丘公子延綺席美人迴綵舟
迺度飛閣窈窕接層樓微颺散輕靄寒光抱空浮勿云
歌鍾樂適為窶者憂願言均此施榮名及千秋

題天台採藥圖

天台之山千崖萬壑下歷玄陰之九壘上通青天於一
握長松古檜陰森蔽白日飛湍懸瀑瀕洞振巖壑窮搜
遠討不可極中有仙人在寥廓褰衣澗曲者誰子似欲

欽定四庫全書

元詩選三集
卷十六

五

長往窮冥漠石橋流水定何處鳥啼春暮桃花落但見
霓旌飄飄集仙侶丹光翠色映樓閣授子素書仙可學
況有瓊漿與靈藥雲霓衣裳霄霧樂瑤牀玉枕真珠箔此
中居處良不惡胡乃區區念城郭世道日偷民德薄變
轉更遷如六博人間不似山間樂嗚呼人間不似山間樂
胡為丁令歸來化為鶴

至元戊寅四月十九日風雷大作邠民以為龍
王嫁女子作詩以紀之

西一作東方龍君一作王嫁龍女雷車彭彭載風雨神奸夜

邀曷髀語碧草無光愁露渚鮫人獻綃珠淚泣一作幽宮沈沉

精爽入驚裾行煙翠痕溼阿鬟嬌小不成妝帝與桑田湯

沐一作湯邑膳脂紫玉一作土吹海腥陽侯擊浪玻璃聲湖

邊地皮薄如紙長堤捲作長河水

夜夢家兄又夢陳敬初

我來與君同作客前年共住江邊宅君騎快馬事遠遊

我亦流離去鄉國君家慈親猶未老眼前骨月仍相保

欽定四庫全書

元詩選三集

六

三人兄弟何人強之子文章最稱好我家老兄浙水濱

老兄比弟家尤貧五年零落不可見迢迢歸夢還相親

人聞夢中相爾汝傍人不知夢中語起來明月滿虛庭

丹楓墮影天霜雨秋風江上生白波秋江蕭蕭鴻鴈多

遲君不來知奈何聊復慷慨成悲歌聊復慷慨成悲歌

題顧仲淵煙樓一作雲軒與玉山同賦

玉峯連天向天起秀色盤迴一作桓三十里寒翠淋漓溼

牕几影落明湖一泓水明湖之水清無底幽人結屋湖

光裏溪南溪北花陣迷舍東舍西山鳥啼夜來東風雨

一犁滿川煙霧春雲低春雲無心無定據長在幽人讀

書處未肯從龍行雨去牕前且伴幽人住

題虞瑞巖白描水仙

流洲之君號中黃瑀冠翠帔懸明璫通明宮中拜帝觴

帝遣換骨生天香醉後橫斜踏明月明月零亂如冰雪

為傳清影落人間化作幽芳更愁絕官車曉過西陵渡

貝闕珠宮鎖煙霧君王十二玉闌干玉盤倒瀉金莖露

欽定四庫全書

元詩選三集

七

江風吹斷舊繁華年年十月自春花寫成幽思無人省

持獻瑤池阿母家

題從子倫畫山水

我本山中人頗有愛山癖何人寫秋山秀色如可食天

河露下秋漢白挹露磨空洗秋色炯如洞庭水浸青芙

蓉倒影天光湛空碧又如飛龍天外來鱗鬣森森插霜

戟遠嶼瀾茫隔煙浦冷雲溼翠愁痕古便從海上訪三

山又恐征帆迷處所若耶溪在何處歸去來山中住道

逢仙人紫綺冠指點丹崖是征路寄書松竹問平安莫
嫌老子來遲莫

玉笙謠玉山席上贈周生時鐵厓同賦

十三學神仙十五能吹笙仙人王子晉同上鳳凰翎丹
山鳳凰十七聲鈞天按節皆和鳴西遊瑤池謁熊闕董
家雙成最娉婷桂殿初涼溼秋露鶯管吹煙隔輕素縹
紗新聲汎紫霞闕曲每得周郎顧鐵厓仙人橫鐵笛幾
度周郎蒙賞識同向緱山弄月明九點齊州暮煙碧

欽定四庫全書

元詩選三集

卷十六

題朱元暉墨山

生來墮塵網苦為塵網縛暇日起我早騎驢出東郭城
門老人髮半垂問我騎驢何所之為言欲向山中去茅
屋正在清溪湄山中之人面如玉手把素書跨黃犢石
泉夜煮茯苓香滿屋秋雲邀共宿綠蘿曉月懸松風縹
緲惟聞煙外鐘十年往事一回首已隔雲山千萬重潦
倒狂吟頭半白把卷令人念疇昔石田瑤草近如何題
詩好寄山中客

題錢舜舉畫青山白雲

吳興山水天下無吳興畫手天為徒天河染露洗空碧
輕煙薄素開新圖白雲欲散松風起迴如丹丘隔海雪
後寒模糊溪光倒影丹翠溼又如洞庭水浸青珊瑚綠
蘿吹香挂秋月小橋野逕相縈紆行人遙遙向何處丹
崖石檢或有仙人居溪山如此無不好築屋臨流可投
老春雲秋露石田腴我欲耕煙種瑤草

題熊自得畫丹巖圖

混沌夜死元氣裂煉石穿絲補天缺誰將餘鞴鼓八風
一點元精鑄明月顧兔飛上天清光缺復圓嫦娥抱影
空嬋娟一朝影落松風顛古佛龐眉兩癯肩築室勘道
來何年摩尼寶光照濁水天花散落香爐煙溪上青山
不知數日日春風長蘭杜褰衣便欲問真源斷猿疎雨
青林暮松雲仙人披錦袍爽致寫入猩猩毛一川晴靄動
空碧萬壑翠氣翻雲濤手攜綠綺琴為子彈鳴皋金樽
瀉酒對山月仙之人予如可招仙之人予如可招汗漫

欽定四庫全書

元詩選三集

卷十六

與子同遊遨

擁翠堂詩卷

幽人結屋江邊住俗聲不到題詩處門前惟有樹扶疎
 簷間只許雲來去落花如雨東風狂綠陰滿地春茫茫
 一聲啼鳥驚夢破翠屏淺印煙峯長海綃輕薄煙霏暝
 空碧無痕湛清影天風吹落箏籟寒嵐光溼透衣裳冷
 我生已有遺世心便欲長往窮幽尋微茫樓觀不可到
 雲林冥冥苔碧深

欽定四庫全書

元詩選三集

十一

贈松崖隱者

滄江之水清如空長林杳嶂高籠從何人於此憩幽寂
 白雲滿地迷行踪層崖蒼蒼如積雪巨靈手擘芙蓉裂
 蒼官鬚鬣老歲寒地位清高兩孤絕根蟠重陰神鬼會
 節抱太始冰霜結上有六月天風聲下有百尺之玄冰
 門前夜半山月落子規叫絕煙霏冥隱君此意人莫識
 高比青松堅比石石上薜蘿聊可衣松根茯苓誰與食
 隱君隱君百不憂子之於世知何求棟梁砥柱或見用

萬牛回首如山丘

范寬小雪山

山人昔日住山中山中酒熟蒲萄紅山人醉臥呼不醒
 浩蕩十日吹天風夢駕天風度寥泬貝闕珠宮互明滅
 玉龍千尺擁冰髯手挹銀河弄明月仙人勸我金屈卮
 更吹白玉雙參差東風琪樹花如雪千片萬片凌空飛
 怳怳魂神逐煙霧起來却蹋孤山路瑤華滿地不堪拾
 騎驢直上梅花墓范寬善畫老有神恍然見我夢中身

欽定四庫全書

元詩選三集

十一

煩君更向溪橋畔為寫當時踏雪人

題張戡獵兔圖

八月九月天雨霜北風吹沙邊草黃驂弓白羽黃金鎗
 虎皮蒙鞍懸兩狼雙鏃老軍頭半禿生來漣飲常食肉
 彎弓射獵不遺鏃阿魏但遺韓盧逐解鞍野食仍割鮮
 止息還依沙草邊共坐冰天相語語醉來耆騰枕石眠
 嗟哉爾貌良獨苦致身三月如何補縱然用作管城君
 秦人少恩棄如土

分得烏夜啼送朱長元赴膠州同知

城頭烏夜啼還過上林栖上林高樹多好枝歸飛啞啞
東復西起看江月沉江底使君遠遊中夜起軟紅陌上
踏青陽快馬猶龍車似水烏夜啼啼送君驅車出門風
欲薰東方日出如車輪

題花蕊夫人像

玉屑丹砂和獺髓一點殷紅養花蕊冰肌玉骨自生涼
不信流年去如火旗曉壓降王道貝闕珠宮長秋草

欽定四庫全書

元詩選三集

卷十六

摩訶池上又西風流紅不向人間老

題蘇小小像

花宮玉燕啼酣春春風勞勞驅夢雲夢嗔夢喜春不聞
紅萱露滴真珠裙夜燕玲玎隔牕語碧紗凝煙咽金縷
行雲妬殺巫山女芭蕉葉葉黃梅雨

題桂花仙人

紫虛真人離紫宮流光夜下如長虹明珠結佩冠芙蓉
鈞天廣樂來相從居然太虛幻為月中有瓊臺白銀闕

羽衣霓裳歌合節玉杵搗碎黃金屑金屑霏霏滿下方

倒吹露脚秋風香齊州一髮煙微茫但見萬國涵清光

胡琴謠贈張猩猩

時西夏高起文同賦

絳綃幕帳春雲熱銀蠟搖光眼生纈猩猩對客軋胡琴
紫龍銜絲度幽咽新鶯出谷調高聲間闕瀉出春風情
珊瑚擊碎琅玕折鳳凰夜叫離鷺驚舞停回雪歌停扇
一曲梁州猶未徧細數驪珠下玉盤百尺冰絲貫成串
錦瑟無聲帝子愁湘波搖江江倒流西風忽起茯苓浦
吹下滿天鴻鴈秋張猩猩更坐調一曲玉軸銀絃再三
促為君寫作胡琴謠西夏郎官面如玉

玉山佳處

春風昨夜起吹蕩滄江水幽人渺何許一作處乃在玉山
裏玉山秀色何崔嵬滄江之水長縈迴縈迴不盡遶山
去但見滿谷桃花開草肥清野鹿呦呦花下殘棋暮不
收鄰家野老長攜酒溪上漁郎或艤舟幽人讀書忘世
慮結屋山中最佳處世上紅塵空白頭束書我欲一作亦

欽定四庫全書

元詩選三集

卷十六

山中去

釣月軒以舊雨不來今雨來分韻得雨字

七月涼颼初破暑秋聲蕭蕭在庭戶清新故人忽見過
契闊有懷何足數西夏郎官好詞翰中州美人妙歌舞
懸知野衲解談天況有仙人能喚雨金刀削翠藕絲長
綠房破蠶蓮心苦詩成脫穎或有神酒令分曹聊可賭
殷勤素手累行觴瀟灑清談藉揮塵紛紛市上聚蚊兒
昌黎先生唾如土

欽定四庫全書

元詩選三集

十四

碧梧翠竹堂以暗水流花徑春星帶草堂分韻

得徑字

玉山之堂俯吳甸音盛對酒憑高發清興碧梧翠竹畫生
陰金盃蔗漿寒欲凝亭亭雙鳳躡長筵寂寂孤鶯度深
徑請君更盡雙玉壺絳蠟銀屏破昏暝

以滿城風雨近重陽分韻得近字

梧竹幽深霜未隕置酒高堂洗鬢盆菊英已泛紫霞觴
桂子尚飄金屑粉春潮暈臉笑顏醜遠山入眼脩眉近

顛風折岳江倒流人間何事糟丘飲

漁莊

二月春水生三月春波闊東風楊柳花江上魚吹沫放
船直入雲水鄉蘆荻努芽如指長船頭濯足歌滄浪蘭
杜吹作春風香得魚歸來三尺強有酒在壺琴在牀長
安市上人如蟻十丈紅塵埋馬耳漁莊之人百不理醉
歌長在漁莊底

花游曲和鐵厓先生

欽定四庫全書

元詩選三集

十五

煖雲著柳春濛濛綿航兩旗楊柳風美人娟娟錦船裏
灼爍瞳人剪秋水阿鬢養花花滿門洗花染作真朱裙
窈窕行煙躡煙步野棠亂落麒麟墓東風撲天驅馬來
露香翠泣鴛鴦杯玉箸丁東鳴碧椀鸞簫二尺猩紅板
瓊花起舞歌竹西鐵崖酣春寫春題幽緒不憑蜂蝶使
怨絕冰絲絃第四便裁雌霓霓作雲箋寫入花遊第幾篇
送姚子章赴浙省計事玉山同賦
之子東遊去神駒背若鴻天樞黃道外星使紫微中北

岫雲雙屐西湖雪一蓬重來舊遊地談笑莫息

送趙克讓歸洛陽赴舉

聖化開元極文星入上台梁王尤好賦賈誼獨多才江
草迎人遠宮花近馬開君門多雨露得意早歸來

平遠樓

對酒川光涇鉤簷爽氣浮地從天際沒水近日邊流樹
密煙藏寺蘋生綠滿洲幽人有佳興於此一登樓

題仲穆畫唐馬

欽定四庫全書

元詩選三集
卷十六

十六

大宛千里馬朱汗翠連錢夜秣玉闕下曉呈金殿前橫
門花似雨韋曲柳如煙虢國爭馳道將軍避繡鞭

題趙覽樓

闌干超覽樓高倚越王臺水接三韓外山從百粵來御
風涼滿袖問月酒停杯少待談空罷登臨亦快哉

聽雪齋以夜色飛花合春聲度水深分韻得飛

字

暮雪密成圍寒侵酒力微度牕聞暗響啓戶見斜飛漸

覺明書幌時來近舞衣酣歌過午夜香霽正霏霏

歸越次郊九成韻

雪消汀草碧行子理歸舟落日千山暮清江萬里流蕭
蕭鳴去馬渺渺沒輕鷗自笑清狂者真成汗漫遊

近詩數首簡玉山

一作白鶴觀題
寄玉山主人

我離一作城中五十日念子終日不相忘驛回隴首梅
未發鴈過沙頭書幾行田間雞黍酒正熟霜後園林橘

半黃亦欲歸栖

一作後
日東歸

一笑

一作
醉

酣歌不減少年狂

欽定四庫全書

元詩選三集
卷十六

十七

寄盧孟修

山中舊屋近如何想見涼雲長薜蘿剡水舟迴應載雪
山陰帖在可籠鷺相思坐使歲華晚顧影空憐月色多
惆悵何人賦招隱淮南桂樹不勝歌

題水竹居

隱君溪上茅齋好遠屋竹林秋更清放艇莫驚鷗鷺宿
吹簫還倚鳳凰鳴一川夜月芙蓉淨數畝涼雲薜荔生
俗客不來清晝寂小牕瑤瑟間書聲

暮春偶書

沉沉柳巷無行跡，惟見簾前落絮頻。
小雨欲晴先釀暖，輕陰拂地不驚塵。
已知春事無多日，解醉花前有幾人。
深院時時剪刀響，倩誰裁製小烏巾。

用陳敬初雨中見寄有過湖別墅意

似聞茅屋傍清溪，楊柳青青水拍堤。
醉裏不知家遠近，望中惟見樹高低。
溪雲出洞欲行雨，江石穿波不染泥。
何日扁舟過湖去，竹間取次著新題。

欽定四庫全書

元詩選三集

卷十六

送柏子度歸四明

東風夜起江花落，盪槳過江江水香。
並人晴樹日杲杲，隔岸煙草春茫茫。
題詩自有湯休句，載酒寧無賀監狂。
菖蒲花發蒲萄熟，思爾令人意不忘。

題顧處士竹逸亭

徵君結屋玉山裏，箇箇修篁一尺圍。
秋聲六月起蕭瑟，翠雨盡日生霏微。
仙人或送青精飯，道士時來白羽衣。
清觴雅瑟在盤石，坐看白雲天際飛。

玉山席上次曹新民韻

綠樹當門過屋高，滿溪新水繫雙舫。
千林夜色懸青雨，萬頃晴雲捲素濤。
鸚鵡傾杯傳翠袖，琵琶度曲響金槽。
揚雄賦就風流甚，製得輕紅小袞袍。

玉山草堂以冰衡玉壺懸清秋分韻得懸字

芝草琅玕徧石田，採英擷秀入芳筵。
白魚一作鱸於雪，綠蟻傾樽吸似川。
潭底行雲秋共迴，簷間高樹月初懸。
山僧醉說無生法，金粟天花落滿前。

欽定四庫全書

元詩選三集

卷十六

春輝樓以攀桂仰天高分韻得天字

飛樓高倚玉繩邊，兩雨青娥舞繡筵。
北斗倒懸江動石，清秋不盡水如天。
故人相見風塵際，此夜同看海月圓。
明夕光華應更好，買花重上泛湖船。

漁莊以解釣鱸魚有幾人平聲字分韻得鱸字

波光月色淨涵虛，炯若清冰在玉壺。
水檻夜涼棲翡翠，釣竿秋靜拂珊瑚。
杯行玉手瓊英酒，鱸斫金盤雪色鱸。
書卷詩篇不知數，為君題作輞川圖。

舟中作次玉山韻

落日清江好放船西風滿棹未須牽鯨鯢已靜波澄海
鴻鴈初來水接天過眼風光如隔夢近人風月也堪憐
歸來尚有黃花在暫醉佳人錦瑟前

寓月溪寄玉山兼懷德輔

玉山中春又回看春還又幾人來堂前梧竹性所愛
溪上桃花眼見裁顧況題詩皆好句王褒作賦最多才
何時艤棹婁江曲共聽彈琴坐石苔

欽定四庫全書

元詩選三集

卷十六

三十一

姚子章人回知騎從在杭即欲渡江一見遞中
得書聞已歸玉山中遂成悵然因寄

聞住西湖十日還冷泉亭下水潺湲錢塘東去直到海
於越南來總是山情逐斷猿明月夜興隨孤鳥白雲間
玉山池館花無數應待幽人一破顏

漫興一首呈玉山主人

五月田家未足秧壩邊水鶴近人長溪流到海無百里
潮汛乘風失萬航春樹暮雲迷遠近南山北斗自低昂

相思相見真如夢莫惜題詩臥草堂

送戶部員外郎張君師允銓選

聖主當陽宇文星冠甲科經綸彌宇宙帶礪誓山河荆
楚藩屏大番禺職貢多銓衡須遴選郎署得逶迤夙拜
天書寵俄聞使節過後塵雲擁騎前隊鼓鳴鼉五嶺初
消瘴三江漸息波柴桑訪遺逸廬阜入吟哦地遠雲雙
翼天空海一蠡庭闈情最切鼎鼐味應和還直青綾被
重鳴白玉珂歸來宣室夜前席問如何

欽定四庫全書

元詩選三集

卷十六

三十一

秋華亭以天上秋期近分韻得期字并序

至正十年七月六日玉山主人置酒小東山秋華
亭上歌舞少間羣姬狎坐庭中時夜將半秋聲露
氣在竹樹間曲水縈帶山石下與銀漢同流脩然
若非人間世因分題賦韻如左

溪上新亭絕蕭爽四簷高樹碧參差香浮金粟秋盈把
涼沁瓊花月滿枝路近東山深窈窕水通遙漢共逶迤
銀瓶細瀉深杯酒羅扇新題小字詩曲倚瑤箏聲累咽

歌停翠瑄舞頻歇露零菡萏枝枝謝風入梧桐葉葉吹
每憶天孫候河鼓更煩星使問秋期道林明日難為別
更約山公醉習池

題東山圖玉山同賦

不起謝安石其如天下何向來遊賞地芳草落花多

響屨廊

山中老禪寂同坐說吳王時有風前葉錚然下屨廊

題敬仲竹木

洞庭秋盡水層波光動珊瑚碧樹柯夜半仙人騎紫鳳

滿天清影月明多

題墨鴈

黃沙衰草雪毵毵八月天山冷不堪昨夜朔風吹過影

盡將秋色到江南

題山居圖

千澗淙淙一逕通長松盡入白雲中微君更在山深處

滿谷桃花爛漫紅

題高宗詩意便面

當朝山色尚煙嵐近侍承恩罷早參邊奏不來春殿寂
自將情思寫江南

題趙子昂桃花馬

學士當年侍武皇詔騎天馬入明光上林三月花如雨
吹落金鞍片片香

題松石

匡廬道士山陰住遠屋青松箇箇長溪上一番春雨過

白雲滿地茯苓香

題胡環瘦馬圖

堅昆此去幾萬里荒草黃雲連白沙到得單于臺下日

暖風開遍地椒花

題陳闕畫唐人呈馬圖

大宛直在玉關西萬里風沙入駿蹄一自殿前隨仗立
垂頭不肯向人嘶

題趙松雪楚江清曉

曾從江上繫孤舟
渺渺清江萬里流
兩岸青山春正曉
一聲鳴櫓下揚州

題趙千里臨李思訓煎茶圖

山風吹斷煮茶煙
竹外誰驚白鶴眠
寫就淮南招隱曲
松花飄落石牀前

題李遵道古木新篁

山中昔日藏書處
無數珊瑚並石根
海上樵夫都不識
斷雲蒼蘚長秋痕

欽定四庫全書

元詩選三集
卷十六

二十四

題陶穀郵亭夜宿圖

行春使者惜春華
處處春風楊柳花
不向江南望江北
却將恩怨屬琵琶

題王元章梅

老鶴歸來不受呼
野橋江樹雪模糊
西湖處處皆桃李
省識春風到畫圖

題墨竹

先生舊隱鑑湖曲
無數琅玕遶屋生
蕭蕭六月動秋思

不是風聲即雨聲

題柯石

十巖夜半風雨裂
古劍斫石生銅折
寒潭影動月崢嶸
碧蘚淋漓老蛟血

題邊伯京畫萱竹雞鷄

雲根翠竹依蒼石
溪上戎葵映碧流
自是鴛鴦元有侶
不因芳草解忘憂

題錢舜舉畫雞冠花

玄霜冷漬丹砂汁
翠羽離披紫霞溼
金烏海底浴神光
絳幘雞人露中立

觀牡丹有感

搖搖紅影一作露一枝斜
看舞東風兩髻娃
堪笑年年未歸
客借人池館賞春花

寄陳敬德

郭外何曾有杜鵑
客中情緒自堪憐
清明過了梨花謝
風景依然似去年

欽定四庫全書

元詩選三集
卷十六

二十五

水殿圖

羊車欲過玉闌東
雉扇微開水殿風
白鳳徘徊金井月
涼陰半在碧梧桐

和西湖竹枝詞二首

儂家住在湧金門
青見高峯白見雲
嶺上已無丞相宅
湖邊猶有岳王墳

楊柳樹頭雙鶉鴝
雨來逐婦晴來呼
鴛鴦到死不相背
雙飛日日在西湖

欽定四庫全書

元詩選三集

卷十六

湖光山色樓口占四首

長煙落日孤鳥沒
野岸平疇新水多
有客倚欄成獨嘯
白蘋洲上起漁歌

團團綠樹野人家
一道官河紫棟花
柳外時時啼布穀
林間軋軋響縑車

秧地已足三時雨
草閣風生五月涼
蒼筍開花渾似雪
枇杷著子已全黃

晚煙晴樹遶樓臺
別浦荷花遠近開
芳草茫茫隨地遠

野帆片片向人來

柳塘春口占四首

江浦雪消楊柳春
檻下新水碧粼粼
嫁得東風最輕薄
吹蕩柔條拂著人

正月已盡寒未收
柳塘曲曲帶平流
青絲銀瓶送美酒
赤欄畫橋橫釣舟

日落大堤楊柳明
棲鳥也復可憐生
若待清明花似雪
風光多屬上林鶯

欽定四庫全書

元詩選三集

卷十六

嫩綠新生楊柳枝
輕風故故向人吹
春波不盡東流意
折得柔條欲遺誰

漁莊欵歌二首

芙蓉千樹齊臨水
橘柚滿林都是霜
飲罷玉人歸別院
只留明月照漁莊

對酒清歌窈窕娘
持杯勸客手生香
袖中藏得雙頭橘
一半青青一半黃

泊閭門次玉山韻

淶水秋風蕩漿船白蘋洲上月初弦清光半入紅牕裏
照見羈人夜不眠

玉山佳處聯句 并序

十九日玉山主人與客吳水西卧酒不能起余與
元璞坐東廡池上清風交至竹聲荷氣清思翛然
殆非人間世因與聯句若干韻不知二公在華胥
夢中亦有此樂否書之卷中以索二公一笑

玉山中清畫長偶來池上據胡床 立 桐陰竹色不見

欽定四庫全書

元詩選三集
卷十六

二十八

日水氣荷風多是涼 琦 魚度波心行箇箇鶴來林下舞

踏踏 立 嫩篁承宇清搖幘文藻縈波綠映裳 琦 每愛湯

休詩句好獨憐賀監醉時狂 立 飯輸香積真成愧酒送

金莖或可嘗 琦 水盃泠泠寒欲凍萼絲細細滑仍香 立

濯纓聊復料清溜結佩還須擷野芳 琦 世上黃塵方沒

馬山中白石忽為羊 立 詩成醉卧不知處翠雨霏霏滿

竹房 琦

鄭仁蒙泉集

守仁號蒙泉天台黃巖人幼著道士服長遊京師
寓蓬萊坊之崇真宮不事干謁齋居萬松間一夕
大雪填門蒙泉讀書僵臥自若京師號為獨冷先
生至正間出主白鶴觀詩多失傳僅見玉山雅集

登桑乾嶺迎達禮部

曉發桑乾嶺行行路入雲衆山皆在下惟我獨起羣驛
騎天邊出楊花樹杪分老僧邀茗供坐石共論文

欽定四庫全書

元詩選三集
卷十六

二十九

和句曲張外史韻寄上清薛外史

明月照寒水清霜積厚冰知君多念我為客獨依僧湖
海十年夢詩書半夜燈忽聞江國鴈寫寄剡溪藤

危太樸應奉壽

華蓋山前爽氣浮瑞鍾人品最清修汗青筆力齊班馬
太白神光煥斗牛絳闕早朝香滿袖玉堂夜直月如鈎
春風道上看紅藥政是斯文獨步秋

和劉遵道僉憲韻題開玄道院呈王真人

龜溪溪上開玄館玉靈仙人別洞天金碧樓臺深翠裏
畫圖城郭淡煙邊桃花春晝霞千樹暖日東風錦一川
人在歸根亭上燕香飄外國暮林泉

鳳凰臺和李御史韻

夜深烽火東城鼓步絕金蓮春筍泥千載王風天轉北
六朝文物日沈西江浮漢地淮山小鳥沒吳雲宮樹低
獨足不回鴉鵲去雲臺今此讓烏棲

和吳大宗師九日迎駕龍虎臺韻

深秋黃道翠華開輦路清光被草萊一地行宮成玉陛
九天明月照金臺班趨文武紅雲合樂奏簫韶彩鳳來
至正明仁希歷代詞臣樂頌太平回

送任生之松江從學

爾翁與我同兄弟迺父論交亦友生愧我江湖空老大
喜君頭角又崢嶸蚤看器識如劉晏還擬文章似禰衡
春雪一蓬波萬頃柳條青眼總離情

上京懷張外史

兩冬為客住龍沙長憶西湖處士家昨夜不知身萬里
短牕明月夢梅花

和沈自誠孤鴈韻

海國風高失薊雲聲聲哀怨不堪聞自憐片影荒城月
肯為飢寒向別羣

和貢泰父待制上京即事二首

野韭青青黃鼠肥地椒細細白翎飛郎君怯薛今朝出
請得官錢買酒歸

金鞍寶馬女郎騎笑擁香車出內時齊到五雲新月下
舉鞭相向始分離

雨中海棠分韻得肉字

花神泣向胭脂國淚浥紫綿紅沁肉沉香亭北錦屏寒
太真政在華清浴

僧祖柏不繫舟集

祖柏號子庭四明人寓居嘉定宋史魏王之後幼
從禪學嘗住慧聚寺以畫蘭與普明齊名所居曰
不繫舟子庭能口辨有詩名浪迹雲遊乞食邨落
對人不作長語間雜諧調其嘲遊虎丘云家家怨
齋字户户雪窗蘭春來行樂處只說虎丘山蓋謂
吳下游賞動輒必登千人石一時爭尚班怨齋所
作字及僧雪窗所寫蘭故也一日偶觸某官騶從
縛至知其為子庭也命賦所張蓋應聲曰百骨攢
來一線收葫蘆金頂蓋諸侯一朝撐出馬前去真
箇有天無日頭因笑而釋之後至元丙子松江亢
旱府官遣吏齋香帛迎請嘉興方士沈應元雷伯
結壇仙鶴觀行月字法下鐵簡於湖泖潭日取蛇
燕焚之了無應驗蓋報宵遁子庭有詩其一聯云
誰呼蓬島青頭鴨來殺松江赤鯁蛇聞者絕倒丁
丑夏民間訛言朝廷采取童男女一時嫁娶殆盡

子庭作詩云一封丹詔未為真三杯淡酒便成親
夜來明月樓頭望惟有姮娥不嫁人其滑稽類如
此

秋夜長簡玉山

秋夜長秋夜長青燈半炷玉漏未央雲葉颺影露華凝
光為問湖陰柳應有長條刺釣篷

題松溪漁隱圖

老樹驚鵲枯莎怨蟹幽人對景炯不寐西風一疊神淒
涼我欲渡河無梁我欲濟津無航攀鱗附翼愧凡骨化
金點石無仙方腰金秉象兮我貌弗揚剝蛟縛虎兮我
機弗張有弓無由挂扶桑夜光明月孰辨昔那子黃河
太華誰是今歐陽天寬地大若無礙無處可著詩人狂
西風再疊兮形無爾傷黃鵠可跨兮蒼虬可驤南箕可
簸兮北斗可漿所不可以智力而致者惟命之常何聖
賢亦不能免於厄兮或毀於臧或畏於匡然大人虎變
有不可得而測者豈非尋常之中而有築巖之傳釣磻

之呂臥廬之亮納履之良者耶西風三疊兮聲始洋洋
黃金滿地山花香呼童重洗琥珀觴籬菊已露螿已霜
樂天知命兮吾亦從此逝矣相與忘形乎無何有之鄉
也歌欲斷夜將半拔劍起舞無人伴却對嫦娥影凌亂
君不見芙蓉曉夢萬花酣有人却恨春宵短

暮春雍熙寺訪沈自誠不遇

暇日遠相問古寺幽且深青苔餘華落雙樹一鶯吟
爐存散微篆茗熟獨成斟明當持山酒慰子客居心

欽定四庫全書

元詩選三集
卷十六

三五

題趙仲穆看雲圖

舊遊清茗上愛看弁峰雲稍將春雨度始見遠林分
起滅悟真理逍遙遺世紛於焉自怡悅永懷陶隱君

虎溪三笑圖

境緣心妄起心悟境自忘三老同一笑物我兩茫茫
月照清溪水風散白蓮香無端一笑已千古笑何長

題倪雲林為韓復陽寫空山芝秀圖

每憶雲林子隱居清且閑褰裳采芝秀倚杖自秋山微

雪松陰暝青苔石上斑韓康偏有意時復到柴關

誠道原溪山晚霽圖

通原隱於芝阜

微雨過溪上青山草閣前牛羊知返徑童稚喜歸船
煙樹村村鳥春泉處處田披圖憶芝草頭白尚安眠

戲題陰涼室塔前芭蕉

新種芭蕉繞石房清陰早見落書牀根霑零露北山潤
葉帶濕雲南澗涼得地初依蒼石瘦抽心欲並綠筠長
雨聲夜響巖崖瀑晴碧朝浮海日光樗櫟自慚全壽命

欽定四庫全書

元詩選三集
卷十六

三五

梗楠合愧託巖廊觀身正憶維摩語草字寧追懷素狂
白晝棲遲吾計拙青霄偃仰汝身強歲寒要使交期在
莫畏空山有雪霜

題玉山主人壁

杖錫穿雲雨濕衣我來君出兩相違茶邊聽得仙童語
學士朝朝向晚歸

朝命移栽枯子松於內苑

大夫去作棟梁材無復清陰覆綠苔今夜月明風露冷

候他千里鶴飛來

題自寫菖蒲二首

盆泓淺淺映幽叢綠髮脩脩墮鏡中瀟灑憑誰供拂掠
澹煙微雨及清風

雲骨溪毛瘦不禁井花濯濯翠陰陰閒來坐對清詩眼
月落半窗風露深

效劉屏山作十二相屬歌

蹊鼠不發千鈞機囊鐘無罪牛何之大人虎變不可測

欽定四庫全書

元詩選三集
卷十六

三十六

狡兔死窟元來痴龍梭懸壁風雷起常山蛇行首應尾
服車良馬時使歟觸籓羸羊勢然耳楚人冠猴事有無
雞肋取食難為圖纍纍堪笑喪家狗慎勿遠效遼東猪

僧本誠疑始子橐

本誠初名文誠字道元一作原後名道元字覺隱嘉

禾語溪人住興聖禪寺嗣法虛谷陵禪師又主本覺

寺寓吳下佳山水間居無常處以詩自豪與天隱

至公笑隱訢公詩聲相埒呼為詩禪三隱天隱先

化去師與笑隱洪武初尚在有文集行世道元喜

詼諧常與程渠南同食草道元囑賦渠南應聲云

頭子光光脚似丁祇宜豆腐與波稜釋迦見了呵

欽定四庫全書

元詩選三集
卷十六

三十七

呵笑煮然許多行脚僧聞者絕倒又善書山水學

巨然翎毛竹石俱有灑脫之韻自云吾嘗以喜氣

寫蘭以怒氣寫竹每畫畢輒喜題跋其上自稱輔

成山人大同山翁凝始子或詭言蜀時埒公筆云

感興二首

賢士志弘廓不以官拘身達士理明徹不以身拘神百

年在瞬息營營徒苦辛華表鶴歸來城郭非舊人冥心

合元化庶以全吾真

清晨入鄜郭閭巷溢車馬騶哄喧市塵茫洋萬人海父
老里中舊殷勤共迎迓亦有諸弟昆更互陪語坐世故
論萬端喧哇雜碎瑣大要在功利餘一無所解勉強相
酬酢意會無不可但念道不同語久若聾啞不如返吾
盧世有誰知我

貧居

造物非貧我欲我閒且安貧居自有樂此樂非人間蕭
然一茆宇十年卧空山山深無客來獨與雲往還芟荷
製冬衣藜藿供朝餐登山玩崔嵬臨流聽潺湲為無貪
著念隨地可盤桓但得閒中樂豈以貧為艱愈貧愈無
事無事心愈閒雖居人世中恰似出塵寰

余嘗作二詩觀者皆喜文卿見余寫此卷俾余
書之於上

莫造屋莫造屋何用經年興土木造屋人在堂拆屋人
在腹不知造時榮但見拆時辱莫造屋莫造屋世道由
來反覆多興廢但分遲與速

莫買田莫買地買田置地增家計西陌東阡恣蕪并不
知戶役隨田至大男小女日夜忙帶鎖擔枷了官事莫
買田莫買地生前將為子孫謀身後翻為子孫累

吳江長橋

天險不可梯白石不受鞭空疑幻人試幻術神輸鬼運
來塵寰躋濤駕浪逕空濶盤結鈎鎖金聯環又疑東海
躍出萬丈白玉虬挾風噴雨飛上天天高九萬不得上
翻身飛墮長江邊蒼雲半濕瓊瑤冷弱水不隔蓬萊境

山行

水聲瀟瀟山中路林深不知林外雨轉來澗深不可渡
沿流直過前山去前山脚下溪路斜隔江遙見山人家

秋晚溪上作

日暮東溪上秋深景寂寥葉稀林影薄水落岸痕高野
燒明江島漁舟入浦橋故人煙水隔悵望首空搔

書齋即事六言一首大雲特索余書故書之

逕遠松篁蒼鬱日長庭院清虛大貴莫過學道至樂無
如讀書

題畫

花下拋書枕石眠起來聞嗽竹間泉紙窗石鼎灰猶煖
殘燼時飄一縷煙

僧子賢一愚集

子賢字一愚天台人幼聰悟絕人住天台山寺禪
定之外肆志作詩最為楊鐵崖所稱賞詩見玉山
雅集

送葉明齋如京二首

墨突不暇黔孔席不暇暖周流天地間微蹤何蹇蹇
來千百年懿德人所範送爾嘿無言山城春日晚

傷君遠行邁白日何淒其微陽滿林光稍稍照人衣天

高鳥垂翼風緊花落枝荒臺俯流水萬里長相思

與白雲山人夜坐山人將歸天台即席賦此送
之

杪樞樹頭月皎皎共生論詩天欲曉大星飛落滄江前
小蟲啼徧牆根草我愛高人白雲姿對客長賦白雲辭
漫遊羣仙白銀闕拾得碧海珊瑚枝又載雲輶下塵世
涼颼微動青霞袂一聲鐵笛徹長霄鸞鳳和鳴滿雲際
高人讀律仍讀書白頭在堂辭我歸殷勤綵服壽春酒

江城八月秋暉暉

為文中上人題唐子華畫

遠水潮生白煙鐘樹杪撞漁舟浮箇箇沙鳥去雙雙野
曠人來此天青月墮江看圖思長史獨倚暮樓窗

題綠筠樓

綠筠樓外玉參差坐愛稜嶮曉霧霏五色雲開丹鳳下
九天風動翠蛟飛江波渺渺湘妃泣羽旄娟娟帝子歸
我為玉人歌此曲山城秋日淨暉暉

欽定四庫全書

元詩選三集

卷十六

華項雲遊江西

日照香爐縹緲峰半天萬仞金芙蓉上盤劍氣干星極
下有隱士巢雲松澄潭湛湛龍歸鉢細草青青鹿養茸
好去海東詩畫客采蘭江口聽烟鐘

擬鐵笛先生遊虎丘得開字韻

九月九日天無雨攜妓遊山亦快哉鐵笛一聲崖石裂
銀門多為菊花開空池劍氣干丹極古寺芙蓉照紫苔
愛殺月明江路靜畫船簫鼓緩歌回

寄敏仲謙於洞庭翠峰寺

敏公遙住洞庭西咫尺煙波路欲迷落日斷霞山疊疊
揚舫鼓角一作風淒淒魚龍出沒隨潮上橘柚參差壓
樹低東崦人家更清絕也思來此作幽棲

題顧仲瑛玉山佳處

玉峰一作佳地小徘徊霞氣丹光接上台白日山移蓬
島去紫宮花繞蕊珠開雲邊青鳥迎人語溪上黃童採
藥回昭代衣冠非避世憑軒誌一作筆寫仙才

欽定四庫全書

元詩選三集

卷十六

奉上鐵崖先生文署

晏歲曾逢張外史梅邊日日說廉夫文章氣逸江東李
書字工專海上蘇把酒遠山當夕照彈琴脩竹散煩紆
不才駑馬勞青眼便作人間汗血駒

送李提舉歸

白帝城邊落木秋峨眉看山上月如鈎少陵野老曾為客
太白仙人舊所遊玉峽樓船煙雨暝錦官臺殿夕陽收
他年百丈牽江上訪子殷勤到益州

題王元章墨梅

我家繞屋梅花樹
况在清溪白石邊
雲霽月明疎影小
讀書猶記十年前

張玉娘蘭雪集

玉娘字若瓊姓張氏松陽女子也父懋字可翁號
龍巖野父仕宋為提舉官媪劉氏玉娘生有殊色
敏惠絕倫及笄字沈生佺佺為宋宣和對策第一
人晦之後與玉娘為中表未幾張父有違言佺與
玉娘益私相結納不忍背負佺嘗宦遊京師時年
二十有一兩感寒疾不治疾革張折簡于沈以死
矢之沈視之曰若瓊能卒我乎噓唏長潛遂暝以

死張哀惋內重常鬱鬱不樂時值元夕托疾隱几
忽燭影揮霍下見沈郎屬曰若瓊宜自重幸不寒
夙盟固所願也張顧視燭影以手擁髻悽然泣下
曰所不與沈郎者有如此燭語絕覺不見張悲絕
久乃甦曰郎舍我乎遂得陰疾以卒時年二十有
八父媪哀其志請于沈氏得合窆于附郭之楓林
明邑人龍谿王詔為作傳若瓊為文章醞藉詩詞
尤得風人之體時以班大家比之嘗自號一貞居

士侍兒紫娥霜娥皆有才色善筆札所畜鸚鵡亦
辯慧能知人意事因號曰閨房三清卒之日侍兒
皆哭之慟踰月霜娥以憂死紫娥遂自經而殞詰
旦鸚鵡亦悲鳴而降家人皆從殉于墓時或稱張
墓為鸚鵡冢所著詩若干首王龍谿得于道藏之
末謂古人以節而自勵者多托于幽蘭白雪以見
志因名之曰蘭雪集云

川上女

川上女行踽踽翠鬢濕楚雲冰肌清溽暑霞裙瓊珮動
春風蘭操蘋心常似縷卻恨征塗輕薄兒笑隔山花問
妾期妾情清徹川中水朝暮風波無改時

古別離

把酒上河梁送君灞陵道去去不復返古道生秋草迢
遞山河長縹緲音書杳愁結雨冥冥情深天浩浩人云
松菊荒不言桃李好澹泊羅衣裳容顏萎枯槁不見鏡
中人愁向鏡中老

拜新月

拜新月拜月願月圓新月有圓時人別何時見

白雪曲

簾白明牕雪風急寒威冽欲起理冰絃如疑指火折嬾
幃眠不穩愁重腸千結閒看臘梅梢埋沒清塵絕

擣衣秋

入夜砧聲滿四鄰一天霜月楚雲輕自憐歲歲衣裁就
欲寄無因到遠人

明月引

明月度天飛團團散清輝中有后羿妻竊藥化蟾蜍碧
海心如夢澹澹生寒虛闕山一夜愁多少照影令人添
慘悽

雙燕離

白楊花發春正美黃鵠簾垂低燕子雙去復雙來將雛
成舊壘秋風忽夜起相呼度江水風高江浪危折散東
西飛紅徑紫陌芳情斷朱戶瓊牕侶夢違憔悴衛佳人

年年愁獨歸

採蓮曲

女兒採蓮拽畫船
船拽水動波搖天
春風笑隔荷花面
面對荷花更可憐

班婕妤二首

和王摩詰韻

一自憐捐棄香跡
玉階踈聞道西宮路
近亦絕鸞輿
翠箔玉蟾窺天街
仙籟絕抱恨坐夜長
銀缸半明滅

塞下曲

橫吹曲辭

欽定四庫全書

元詩選三集

卷十六

寒入關榆霜滿天
鐵衣馬上枕戈眠
秋生畫角鄉心破

月度深閨舊夢牽
愁絕驚聞邊騎報
匈奴已收隴西還

塞上曲

橫吹曲辭

為國勞戎事迢迢出玉關
虎帳春風遠凱甲清霜寒
落雁行銀箭開月響鏢環
三更豪鼓角頻催鄉夢殘
勒兵嚴鐵騎功紀燕然山
宵傳前路捷遊馬斬樓蘭
歸書語孀婦一宵私昵難

從軍行

三十遶驍勇從軍事
北荒流星飛玉彈
寶劍落秋霜
畫角吹楊柳
金山險馬當
長驅空朔漠
馳捷報君王

幽州胡馬客

幽州胡馬容
連劍寒鋒清
笑看華海靜
怒振河山傾
金鞍試風雪
千里一霄征
鞞底揪羽箭
彎弓新月明
仰天墜鵝鵠
回首貫長鯨
慷慨激忠烈
許國一身輕
願繫匈奴頸
狼煙夜不驚

已上凱歌樂府俱間中效而不成者也丈夫則以忠勇自期婦人則以貞節自許妾深有意焉

欽定四庫全書

元詩選三集

卷十六

山之高三章

山之高月出小月之小
何皎皎我有所思在遠道
一日不見兮我心悄悄

采苦采苦於山之南
忡忡憂心其何以堪

汝心金石堅我操冰雪潔
擬結百歲盟忽成一朝別
朝

雲暮雨心去來千里
相思共明月

王將軍墓

宋王將軍名遠宜松陽人宋亡與元兵戰于望松嶺死之遂葬于此

嶺上松如旗扶疎
鐵石姿下有烈士魂
上有清菟絲烈

士節不改青松色愈資欲試烈士心請看青松枝

鳴雁二章

鳴雁征征白露既零猗嗟清兮懷彼春水

鳴雁嗶嗶涼風飄颻猗嗟變兮懷彼春宵

瑤琴怨

涼蟾吹浪羅衫濕貪看無眠久延立欲將高調寄瑤琴

一聲絃斷霜風急鳳膠難煮令人傷茫然背向西牕泣

寒機欲把相思織織又不成心愈戚掩淚含羞下階看

欽定四庫全書

元詩選三集

卷十六

仰見牛女隔河漢天河雖隔女牛情一年一度能相見

獨此弦斷無續期梧桐葉上不勝悲抱琴曉對菱花鏡

重恨風從手上吹

秋江辭

煙迷浦口人跡稀老松瘦竹橫斜暉舟人鱸切蓴羹美

竹葉香清蟹正肥醉眠篷底呼不醒一任秋風吹鬢影

起來霜月白滿天浙瀝蒹葭涼夜靜

春曉謠

到枕一聲鶯曉牕生虛白煙柳影參差薔薇紅半折乘

風雙蛺蝶欲入珠簾隔獨向花下吟翠篠刺羅襟徘徊

吟不就婢子整瑤琴撫弦不堪彈調別無好音一弦腸

一斷斷盡幾回心

牧童辭

朝驅牛出竹扉平野春深草正肥暮驅牛下短陂谷口

煙斜山雨微飽采黃精歸不飯倒騎黃犢笛橫吹

龍鱗石

在西屏山

欽定四庫全書

元詩選三集

卷十六

古石橫青壁蒼蛟松下蟠日斜山氣濕瘦甲動餘寒

西樓晚眺

向晚登高樓簾間樓上頭白煙凝野水望斷使人愁

哭沈生

中路憐長別無因復見聞願將今日意化作陽臺雲

閒坐口謠

獨坐看花枝無言雙淚垂癡婢不知春問我心恨誰

秋夜長

秋風生夜涼風涼秋夜長貪看山月白清露濕衣裳

華清宮

柳暗春風遠花飛香夢殘夜深明月度寂寞玉雕闌

長信宮

珠箔疎流月螢歸定繡裳宮西燈火合歌吹起昭陽

春殘

簾外落花萬點枝頭啼鳥一聲喚轉枕邊春夢倚闌終

日凝情

欽定四庫全書

元詩選三集

卷十六

春思

玉勒雕鞍燕北春閒愁空自惜芳塵楊花入戶還飛去

應笑虛幃翠被新

龍谿曰怨而不怒

晝寢

南牕無事倦春妍繡罷沈香火底眠清夢卻羞飛絮杳

誤隨雙蝶度秋千

秋思

秋入銀牀老井梧能言鸚鵡日相呼蘭閨半月閒鍼線

學得崔徽一鏡圖

春曉

和徐氏潤然韻

夢回隔竹漏聲殘春起移燈看牡丹無力東風暗吹燭

獨披清露倚雕闌

題畫二首

伯牙

山家茅屋隔寒林獨把枯桐覓舊吟門掩無人飛蛺蝶

白雲垂地結晴陰

欽定四庫全書

元詩選三集

卷十六

海棠宿鳥

幽禽底事倦春芳相與棲遲宿野棠風攬一枝香夢醒

四天煙景夜茫茫

林和靖

飲盡春觴興轉賒竹陰扶日印牕斜騎驢踏遍吳山曲

處處東風出杏花

暮春夜思

夜涼春寂寞淑氣浸虛堂花外鐘初轉江南夢更長野

春鳴澗水山月照羅裳此景誰相問飛螢入繡牀

虞伯生讀

至末句拍案曰此豈婦人所及大為當時所稱

春睡

繡倦南牕下翛然睡思催紅日過牆去清風入幕來幽
夢迷莊蝶荒雲隔楚臺覺來香縷在虛室絕塵埃

新夏納涼

薰風初轉夏綠樹老春鶯暗溜穿花入溪雲隔竹生倚
涼敲畫扇拭淚聽秦箏素襪香塵暗槐陰樹底行

欽定四庫全書

元詩選三集

卷十六

清晝

晝靜春偏遠詩成興轉賒看山憑畫閣問竹過鄰家摘
翠閒驚鳥燒煙曉煮茶無端雙蛺蝶繞袖錯尋花

咏案頭四俊 錄二

錦花牋

薛濤詩思饒春色十樣鸞牋五采誇香染桃英清入觀
影翻藤角眩生花涓涓錦水涵秋葉冉冉剡波漾晚霞
卻笑迴文蘇氏子工夫空自廢韶華

珠麝墨

蘭煤薰透漏星房蒼壁無痕暈漆光萬杵龍領凝海水
十分麝淚泣玄霜松煙入硯還矜色江雨翻雲別有香
風靜月林秋氣逼滿天詩思動清商

晚樓凝思

鴛鴦繡罷閣新愁獨抱雲和散畫樓風竹入弦歸別調
湘簾卷月笑銀鈎行天鴈向寒煙沒倚檻人將清淚流
自是病多鬆寶釧不因宋玉故悲秋

欽定四庫全書

元詩選三集

卷十六

和謫弟三一三峽曉征寄回韻

鳥道縈紆入劔門謫居惟汝獨憐恩鎖天煙黑疑無地
隔樹人言知有村聽雨不生池草夢看雲應斷故鄉魂
平安日問南歸雁三峽清秋依曉猿

春妝凝思

春來常是見花羞終日簾垂懶上鈎淑氣薰人饒舊夢
柳條縈帶綰新愁情歸野草泥寒雨目斷長江送去舟
笑比南金身自許鏡鸞獨抱下妝樓

倦繡

綠窗春睡起常遲繡罷鴛鴦聽子規斜倚睡屏閒悵望
慵臨鸞鏡獨支頤工餘綵線日空永愁伴珊瑚夢已違
細數目前花落盡傷心都付不言時

夢遊龍闕

香魂夜靜趨龍闕天風吹袂波凌鞞鮫人愁織雪綃衣
飛瓊笑問青華髮肌徹冰霜玉樹寒步搖環珮玻璃滑
一聲驚覺曉鶯啼簾篩半枕梨花月

池邊待月

待月月未升看池池水清冰夷吹海浪薄霧約雲英惟
見寒波動嫦娥明鏡行

哭沈生

仙郎久未歸一歸笑春風中途成永絕翠袖染啼紅悵
恨生死異夢魂還再逢寶鏡照秋水明此一寸表素情
無所著怨逐雙飛鴻

欽定四庫全書

元詩選三集

卷十六

黎前靜樂亭

前字景高號東山安南人東晉交州刺史沅敷後
也世居愛州幼與外祖舅諸衛黎瑋為子教習書
九歲試童科陳大王留左右仕至侍郎遷佐淨海
軍節使彰憲侯陳鍵幕至元中元世祖有占城之
役遣使安南令助軍輸世子日烜不聽命鎮南王
托歡右丞索多等先後進兵世子戰敗棄城遁其
弟昭國王益稷率鍵等降附安南兵邀擊鍵戰沒
前抱其屍馳數十里瘞之隨班赴闕封益稷為安
南國王前祇受勅從侍郎遙授紙縣令尹賜錢五
百緡同降者受符有差尋命益稷歸國前隨鎮南
王自鄂移兵送之安南弗納尋以炎瘴班師還居
漢陽益稷念前勞績力薦之祇受勅牒奉事郎遙
授同知安暹州事尋加奉議大夫僉歸化路宣撫
司事東山性冲退薄聲利嗜文章入中國垂五十
年晚自號靜樂間居漢陽采摭歷代國史交趾圖

欽定四庫全書

元詩選三集

卷十七

經雜以見聞作安南志畧二十卷以叙事附於卷末詩多可傳僅存遺彙諸作如朝會云祥開黃道乾坤闊瑞拱紅雲日月光應朝廣省云貪看百二關河闊不顧八千途路賒其惓惓向慕中朝之心亦可槩見於此

圖志歌

安南版圖數千里少是居民多山水東鄰合浦北宜邕南抵占城西大理古來五嶺號蠻夷肇自陶唐有文趾其在成周為越裳重譯曾來供白雉秦名象郡漢交州九真日南接其地漢初趙陀總雄據乃命為王免誅徙繼因高后禁關市陀復怙強隨僭偽即稱帝與中國忤戕害邊民嚴武備漢家自是起兵戈每戰無功罷力士漢文修德不事武釋罪不誅封趙氏陀因感德稱藩臣逆使嬰齊來入侍方物珍奇歲貢輸傳襲子孫給五世呂嘉謀叛暗興兵故殺其王并漢使武皇一怒奮天戈千里精兵掃元穢路侯博德勇有謀破越如同破竹勢

欽定四庫全書

元詩選三集

卷十六

分為九郡置官守南越從茲國乃廢中華聞化遍九州

漸教遠人通禮義光武初除新室難未遑選擢南方使

麓冷二女逞奸雄姝名徵側妹徵貳招呼要黨據南交

威服百蠻無與比侵邊寇滅六十城一立為王一為帥

堂堂漢將馬伏波苦戰三年常切齒分軍驅逐到禁溪

賊酋授首悉平治廣開漢界極天南桐柱高標傳漢史

命官遣將鎮其民德政清新多惠施至於士燮善撫綏

貴重一方人所念國政紛紛吳蜀在爭為辟壘陳交界

境入漢制宋齊梁興誅相承如一軌悠悠閱世迨隋唐

始號安南今乃是張舟始作都護時修築羅城制軍器

高駢威信行在彼此邦人人多慢易咸通末歲中國亂

轉運遐方肆驕恣吳權曲顛矯與楊篡辱相爭民力匱

宋初王氏始封王丁絕轉封黎與李李傳九世一百年

嗣有陳王來襲位泰平日久重儒風禮樂衣冠畧初似

皇元一統自古無德服萬邦恩澤被陳王納款三十年

後嗣不道違上旨甲申假道征占城令助軍器供餉饋

欽定四庫全書

元詩選三集

卷十六

居然逆命相抗衡拒捍王師心懷異陳王子姪二三人
慕義來歸沐恩賜興師伐罪出有名千里鷹揚耀旗幟
進兵數道會於交勢若雷雲馳萬騎其王逃海匿山林
旁及無辜遭罪戾師還伏罪進表章犀象璽珠常踵至
聖心蕩蕩念斯民罷戰休兵合天意南陲從此悉安然
億萬生靈蒙其庇遠人懷德自心歸天下為家當盛際
小臣居汚拜皇恩竊祿素餐心自愧乘間綴緝舊所聞
寫作安南風土志

欽定四庫全書

元詩選三集
卷十六

六

贈尚書薩爾幹使安南還

安穩梅花道尚書向北還人煙兩邊樹客思萬重山陸
賈通南越張騫度玉關皇華君善事誰喜近天顏

送郎中趙子期

下國瞻宸極交州有使星梅花南北景篁竹短長青殊
俗詩難寫荒邨酒易醒翩翩趙公子終不愧朝廷

內附

至元甲申官軍入境世子遣兄子
新慮侯率前等拒之力弱遂降

十丈樓船下粵瀧將軍繫組列城降中朝一統有今日

南國小臣如此江自入羽毛州賦後須忘鱗介土關
當年百歲秦陀老何事詩書滯一邦

喜詔

黃雞催唱曉玲瓏尺五飛來紫禁中遂使堯言布天下
始知漢詔感山東金甌已付經綸手玉燭均調鼎鼎功
人囿太平無事日邗邗杭稻颺香風

侍宴

皇慶
初元

玉階仙仗曉班催日上彤章寶扇開雷動乾坤三祝壽
春生雨露九霞盃元年新記黃龍瑞重譯今傳白雉來
從此南荒深感德不勞銅柱立崔嵬

都城

天象分明散曉霞故令騎馬入京華雲開閭闔三千丈
霧暗樓臺百萬家寒盡宮花初著蕊春深官柳已藏鴉
太平氣象今如此始信皇圖福未涯

重九懷彰憲侯

久廢登臨不賦詩却來重看菊花枝猶思馬上西門哭

欽定四庫全書

元詩選三集
卷十六

六

不記螯邊左手持雙鬢豈堪頻換色一尊當及未良時
紛紛蜂蝶知春事明月秋風好付誰

送侍郎智子元使安南

桂林南去接交州椰葉檳榔暗驛樓使者持書行絕域
侍郎鞭馬照清秋元年詔下黃龍漢九譯人歸白鯉周
便化文身作章甫歸來陸賈說前塗

送廣文傅與礪佐天使安南

尚書文史濟時才匹馬仍隨使客來滄海龍飛天子詔

欽定四庫全書

元詩選三集
卷十六

六十三

青冥鶴下趙王臺諸溪篁竹參差動五嶺梅花准擬開

政使風煙殊百粵未應佳句不能裁

壽安南國王

七月三日

明河秋露照華筵天雨仙花優鉢曇恩重鵬程轉溟北
丹成雞犬在安南長生籍內千秋八善樂堂中七月三
白髮門徒珍重意流霞拍手借春酣

用載道韻晚遊郎中湖

疎葦長堤接短籬日來湖上欠支離鷗邊人立城陰晚

柳外花明水淨時世事紛紛驚倦眼客懷草草說新詩
荒祠為喜文翁笑闕酌乾姜一片碑

贈傅與礪使安南還

竹里鶯啼嶺嘯猿安南使者下龍船詔分鳶趾傾心拜
詩致雞林好事傳絳節司存新雨露青春來往倦風煙
江頭客髮垂垂白猶見南來陸賈年

大別山咏禹柏

今古朝昏意自閒人傳禹柏未曾刊神功四載殷周上

欽定四庫全書

元詩選三集
卷十六

六十三

元氣一枝江漢間骨蛇銅龍天欲海闕沈朱虎雪連山

摩挲擬問胼胝事遺廟朝烏去不還

挽安南國王

當時侍坐談玄客今日到門燈照靈重對畫眉魂或返
每看遺橐淚交零西門舊路花應白南國新阡草易青
無限越吟招不得紙錢風急樹冥冥

元詩選三集卷十六



欽定四庫全書

謹案第五十七頁前七行托歡舊作脫懽索多舊

作唆都今並改 六十頁後一行薩爾幹舊作

撒里瓦今改



總校官候補中書臣吳紹濬

校對官編修臣曹城

騰錄舉人臣王嵩齡